



BIBL. NAZ.
Vitt. Emanuele III

165
L
19
NAPOLI



Inter libros
Josephi Maria Parascandolo
Antecessoris Regii
A. L. N.

~~XIV 12.~~

SX1: C.6.

175

175

HIERONYMI
SPANZOTTI
TAURINENSIS, IN J.U.D.
JURIS
ECCLESIASTICI

LIBRI DUO

*In quibus præcipue, quæ ad optimum
Ecclesiæ Regimen conducunt,
INSTITUTIONES
traduntur.*



VENETIIS,
Typis CAROBOLI, & POMPEATI SOC.
MDCCLXIX.

~~~~~  
SUPERIORUM PERMISSU, AC PRIVILEGIO.



Quanta mandavit Patribus nostris nota facere ~~ea filiis suis~~ ut cognoscat generatio altera; Filii qui nascentur & exurgent & narrabunt filiis suis. *Pf. 77. v. 7.*

# PROLEGOMENA

**V**Etere consuetudine receptum est, ut aut ii, qui disciplinam aliquam publice docendam suscipiunt, aut ii, qui de ea scribere adgrediuntur, eam aliquo exordii genere extollant, & quidquid habent in dicendo, scribendoque virium conferant, ut in ea cum utilitatis, & emolumentum dignitatis, & amplitudinis longe plurimum inesse confirmet; hæc consuetudo etiam minime reprehendenda mihi videtur, illud tamen habet incommodi, quod dum omnes promiscue iisdem afficiuntur laudibus, ejusdem rei gloriam diversarum artium homines ad suam quisque traducere, ac transferre conantur, fit, ut in vulgus eleve-  
tur omnium auctoritas, & ut quoties aliquis de quacumque arte quidpiam honorifice aut dicere, aut scribere adgreditur, aut lectores,

aut circumfusa audientium multitudo ita eum aut scribere, aut loqui opinetur, non quod res ita sit, sed quod eam artem ornandam, celebrandamque susceperit, idem de alia dicturus, si alia sibi extollenda, exaggerandaque foret. Ergo ut qui comœdias, aut tragœdias spectat, cum histrionem aliquem in proscenio auro, aut purpura fulgentem viderit, facile intelligit, illa ornamenta ipsius propria non esse, sed futurum, ut æque illis indueretur quilibet alius e grege, qui ad tempus eam sustineret personam, ita qui ejusmodi orationes audiunt, aut amplitudinis exordium legunt, cum hanc, aut illam artem magnificis, & exquisitis exornatam laudibus vident, aut audiunt, statim judicant, nihilomagiseas huic, quam illi convenire, futurumque, ut eadem de alia qualibet dicerentur, cui Orator, aut Scriptor tamquam Choragus eas quasi partes mandare,

re,

re, atque imponere voluisset. Quæ cum mihi a principio in mentem venirent, propemodum in eam sententiam adduxerunt, ut ab omni laudum genere Juris Pontificii, de quo sum scripturus, desisterem. Sed quando non est a communi consuetudine recedendum, hoc saltem unum adnotasse sufficiat, disciplinam nostram ad optimum Ecclesiæ regimen pertinere; notasse sufficiat, hanc ad virtutem figendam, fugandumque vitium spectare; spectare ad divinam Fidem firmandam, unionemque Ecclesiæ inducendam; spectare ad sanctificationem fidelium, ad pacem Ecclesiæ, ad unionem hominum cum Deo; notasse sufficiat, id sibi habere propositum, ut doctrina, & disciplina Ecclesiastica stabilis, incorrupta, ac intemerata maneat, sufficiat innuere, in determinandis malis moribus, pravisque consuetudinibus versari, traducendisque fidelibus per æter-

næ Beatitudinis viam. Aude enim tollere Jus Ecclesiasticum, dic ubi Christianorum sanctitas, ubi vera eorum societas; ostende Ecclesiæ nostræ faciem, nitorem, elegantiam; demonstra, si tanti es, Christianorum felicitatem, & pacem; monstra, qualis a Christianis justitia servaretur; monstra quomodo & Pontifices, & Episcopi, & Sacerdotes possent sua jura tueri; quomodo pasceretur fidelis Christi grex pabulo vitæ, & disciplinæ, perque justitiæ, & veritatis viam ambularet; ita plane contingeret, uti & eveniret, si jus Civile ab hominibus auferretur. Jus enim hocce tolle, dic ubi libertas inæstimabile illud Naturæ bonum; si potes, ostende rerum dominia; quam petes tuam esse hæreditatem; utut Patris, Matrisque voto delatam? quæ vis obligationis? quæ fides inter homines servaretur? O magnam ergo Ecclesiasticæ prudentiæ gloriam, & dignitatem! quibus eam præ-

prædicem laudibus? quibus verbis?  
per se perorata res est.

Tanta porro hujusce disciplinæ  
amplitudo, ac utilitas ea est, quæ  
me ad hanc excolendam, ac ex-  
ornandam, mutandumque Civilis  
prudentiæ perpoliendæ consilium  
impulit; quamquam & multum in  
hac re quorundam amicorum meo-  
rum consilium potuerit. Utique  
amicis, quam difficile negotium  
esset, opposui, assensumque ab  
initio negavi. Sed quid facerem?  
amici obstiterunt, quibus paren-  
dum fuit, ne, si in negando perti-  
nax essem, superbiæ potius, quam  
modestiæ adscriberetur. Ergo huic  
operi, dico Sacrorum Canonum di-  
sciplinæ describendæ manum mo-  
vebo. Illud autem munus, quod  
perfecti Scriptoris est, diligentis-  
sime exequar; hoc opinor hisce  
duobus comprehendi, a Scriptore  
scilicet videndum esse, quid scri-  
bat, & quomodo; prius illud eam  
vim habet, ut curet primum, ut

vera doceat , deinde ut propria  
ejus artis, in qua versatur, perse-  
quaturque conjuncta , & cohæ-  
rentia cum eo, quod agitur. Mo-  
dus autem docendi is est, ut per-  
spicue scribat, quod duabus rebus  
conficitur, ordine, & genere scri-  
bendi ad res enodandas ; & enu-  
cleandas accommodato. Hæc omnia  
qui præstet, ut in scribendo & ve-  
ra tradat , & pertinentia ad eam  
artem, quam docet, & ea ita di-  
stinguat , ut suo quidque loco di-  
gerat, & collocet, verbisque pro-  
priis, & ab eorum, qui pure, &  
nitide scribunt, consuetudine non  
abhorrentibus, utatur , ei ego ni-  
hil omnino ad summi , perfecti-  
que Scriptoris laudem comparan-  
dam deesse statuo.

In hisce tamen omnibus varie  
peccatum a multis esse video, quo-  
rum nonnulli tanto apud multos in  
pretio sunt, ut quasi Atlantis hu-  
meris cælum, ita eorum auctori-  
tate hujus artis dignitas sustineri  
pute-



putetur. Nam & multa sæpe pro  
 veris falsa tradiderunt, illique li-  
 bros suos referferunt, & quum la-  
 tine scribere nescirent, monstuo-  
 rum quoddam sibi confixerunt scri-  
 bendi genus, ut si veteres S. Ec-  
 clesiæ Patres, S. Patres Concilio-  
 rum, Summi que Pontifices decre-  
 torum, legumque Ecclesiasticarum  
 compositores reviviscerent, multis  
 eis opus interpretibus esset ad eos,  
 qui leges suas, & canones inter-  
 pretati sunt, intelligendos. At cur  
 falsa quidem pro veris tradiderint,  
 non negaverim, multas fuisse cau-  
 sas; hæce tamen præcipuas fuisse  
 arbitror, ignorantiam Historiæ  
 Ecclesiasticæ, seu antiquitatis,  
 temporumque calamitatem; ex-  
 tincto enim latinarum, græcarum-  
 que literarum lumine, quum o-  
 mnia densissimis ignorantiae tene-  
 bris sepulta, & obruta teneren-  
 tur, fieri nullo modo potuit, quin  
 Scriptores tamquam in illuni no-  
 cte

ēte sine lumine errantes sæpe laberentur, sæpe traderent falsa pro veris. Ad hoc incommodum cum aliud accessisset ex prava quadam ambitione, quæ multorum ex illis animos occupavit, ut indecorum putarent cuiquam assentiri, ac tum demum sibi pulchri, beatique viderentur, si aliorum opiniones labefactari, ac subvertere, ipsi autem aliquid, quod ante se nemo dixisset, adferre potuissent, eo tandem rem perduxerunt, ut, quum receptum sit in judicandis rebus, communem Interpretum sententiam sequi, sæpe numero in tanta discrepantia, ac varietate dubitetur.

Nunc quid dicam de ordine, quem semper sapientissimus quisque plurimi fecit, cuique tantum tribuerunt quidam ex veteribus Philosophis, ut summum, ac supremum hujusce Universitatis Parentem, atque Opificem Deum dicere

dicerent in orbe condendo nihil aliud præstitisse, quam confusas, permixtasque inter se rudis materiæ partes discernere, certoque ordine suis quamque sedibus collocare? Impia opinio, fateor; omnia enim non tam digessit, ac disposuit, sed ex nihilo effecit, ac procreavit Deus; sed tamen ex eo intelligi potest, quæ illorum de ordine opinio fuerit, quantamque vim in eo inesse crediderint, quum, a quo nihil amplius quam confusas mundi partes in ordinem adductas esse dicebant, eum tamen ipsi quoque cum cæteris verissimo nomine Parentem, ac conditorem omnium rerum vocarent. Extat pulchra sententia apud Xenophontem in *Oeconomico*, nihil esse aut pulchrius, aut ad usum commodius, quam ordinem; nihil contra aut aspectu foedius, aut deformius, aut quod plura omnibus rebus incommoda adferat, quam

bonp con-

confusionem, ac perturbationem. At illi nostri cum Dialecticen aut non didicissent, aut ita didicissent, ut non didicisse viderentur, quibus quæso modis omnia miscuerunt? qualem hujus generis præceptorum nobis farraginem reliquerunt? Mihi quidem quum in eos suspicio, sæpissime Ovidiana illa de Chao in mentem veniunt:

*Quaque erat & Tellus, illic & Pontus, & Aer.*

Non aliter enim apud hos: ubi, verbi gratia, de auctoritate Episcoporum agitur, dicetur etiam aliquid de Decimis; ubi de Matrimonio differitur, aliquid aut de Beneficiis aut de Conciliis, aut de irregularitate inferitur; ubi de Chorepiscopis dicitur, dicitur quidquam de Ereptione: & Consecratione Ecclesiarum, de criminibus Ecclesiasticis, de Ecclesiastica jurisdictione, de Excommunicationibus, & Interdictis; nihil est denique, quod

quod certam sedem , ac domicilium habeat . Inde illæ crebræ ex uno in alterum locum rejectiones , quæ te , quod hic agendum , ac tractandum erat , id jubent ex alio petere , in quo tale quidpiam agi numquam nisi admonitus divinare potuisses ; prorsus ut si quis Paterfamilias vestem non in vestiario , sed in arca panaria conderet , panem ex puteo hauriret , pisces in nemore , lepores in piscina inclusos haberet .

Ultimus locus erat de genere scribendi , quo dixi eos , qui scribunt , uti debere nitido , perspicuo , usitato , tali denique , ut sine ulla asperitate influat in oculos , animosque legentium , eisque se nec adscita , nec fucis , pigmentisque quæsitæ , sed naturali pulchritudine , ac suavitate commendet , a quo plurimi quam longe abfuerint , quis non videt ? Et sunt tamen , qui eos defendant ,  
di-

dicantque , eloquentiam in eo ,  
 qui Jus doceat , non requiri ; satis  
 esse , si artem suam teneat , quibusque  
 verbis , dum artem tradit ,  
 utatur , ac pronunciet , nil interesse .  
 Citant in hanc rem verba  
 quædam Ciceronis , quibus ait ,  
*se in Philosopho eloquentiam , si ad-*  
*ferat , non aspernari , si careat ,*  
*eum non admonendum , ut illam re-*  
*quirat .* Delicatos autem eos esse  
 dicunt , qui in tanta præclarissi-  
 marum rerum copia etiam verbo-  
 rum concinnitatem requirunt ; &  
 perinde facere , ac si optimos , &  
 saluberrimos cibos fastidirent , nisi  
 in auro , aut gemmis apponeren-  
 tur ; tum præterea facilius intel-  
 ligi , ac percipi , quæ qualibet-  
 cumque verbis sine delectu affe-  
 runtur , quam si quis in iisdem  
 pura , ac latine oratione expri-  
 mendis elaboraret . Postremo usu  
 hoc jam , & experientia comper-  
 tum esse , quibus verborum cura  
 est ,

est, eos exsuccos fere, & aridos,  
 & exangues, & Grammaticos po-  
 tius, aut Ludimagistros, quam  
 veros, solidosque Jurisconsultos fo-  
 re. Quibus ut respondeam, pri-  
 mum dico; me non existimare,  
 eloquentiam aut ad Jus, aut ad  
 ullam omnino artem tractandam  
 necessario, & absolute requiri;  
 imo ne ad illam quidem ipsam,  
 qua fieri eloquentes putantur, ne-  
 cessaria esse puto. Multos enim  
 accepimus, cum ipsi eloquentes  
 non essent, optimos tamen aliis  
 ad Eloquentiam duces, ac magi-  
 stros fuisse, qualem in Græcia  
 Hermogenem, Romæ autem Quin-  
 tilianum fuisse ajunt. Munditiem  
 quidem sermonis non artibus mo-  
 do docendis, sed etiam in con-  
 gressibus, & in familiari sermone  
 ab omnibus ingenuis hominibus  
 requirendam puto; non gemmas,  
 non aurum requiro; fictilibus æ-  
 quo animo cœnare possum, præ-  
 fer-

fertim si epulæ sint exquisitæ, sed  
 illa ipsa fictilia terfa sint, niteant,  
 appetentiam, non vomitum con-  
 citent. An tu convivatorem fe-  
 res, qui quamlibet lautos cibos in  
 vasis luto conspurcatis apponat?  
 Quod autem ajunt, facilius in-  
 telligi, quæ sine verborum dele-  
 ctu dicuntur, credo equidem in-  
 ter ipsos verum esse; Balbi enim  
 Balbos, uti est in proverbio, me-  
 lius intelligunt. At ingenui ado-  
 lescentes in Ciceronis, Cæsaris,  
 Plauti, Terentii, & similium li-  
 bris exercitati & Latinæ Linguæ  
 intelligentes novos sibi de verbo-  
 rum significatione commentarios  
 conquirant oportet, cum accessu-  
 ri sunt ad illas barbaras quorum-  
 dam Interpretum cantiones. Ego  
 quidem certe multos novi opti-  
 mo, & acutissimo ingenio adole-  
 scentes, qui cum ad artem se  
 Juris tum Civilis, tum Pontificii  
 accingerent, talium Interpretum  
 in-



inconditis scriptis perterrefacti re-  
fugerunt, retuleruntque pedem,

*Improvifum afpris veluti qui fen-  
tibus anguem*

*Preffit bumi nitens, trepidusque re-  
pente refugit.*

Quod autem quasi firmamentum  
defenfionis fuæ ponunt, non pos-  
se quempiam magnum Jurifconful-  
tum evadere, cui faciendæ, ac  
perpoliendæ orationis cura fit,  
proh Deum immortalem! etiam-  
ne hoc tam erudito sæculo, in  
hac tanta luce, ac splendore di-  
fciplinæ omnium cuiquam fe  
id perfuafuros putant? Sed hæc  
mittamus; ad id, quod nobis ipfi  
propofuimus, redeamus. Dixi  
quatuor efle, quæ qui de Jure  
fcribunt præftare debeant: ut ve-  
ra doceant, ut ad rem pertinen-  
tia, ut genere fcribendi apto ad  
docendum, ut ordine utantur.

b

Id

Id qui non præstarent culpavi ,  
 Dicet fortasse aliquis , quid tu te  
 igitur præstaturum esse profiteris ?  
 Non ausum tantum de me , aut  
 mihi polliceri . Illud quidem non  
 indubitanter affirmo , me ea , quæ  
 ad id efficiendum necessaria sunt ,  
 & ut aliquid olim præstitisse di-  
 car , summam diligentiam adhibi-  
 turum , habiturumque certum &  
 quasi naturalem ordinem . Quid ?  
 quum Ius Pontificium ad opti-  
 mum Ecclesiæ regimen conducat ,  
 optimum autem regimen in opti-  
 ma doctrina & disciplina confi-  
 stat , rem universam in duos di-  
 vidam libros : primus de Doctri-  
 na Ecclesiæ inscribetur ; alter de  
 Disciplina erit Ecclesiastica ; hunc  
 autem in diversas tribuam disser-  
 tationes , nimirum quum disci-  
 plina Ecclesiastica ad cultum Deo  
 præstandum ob id , quod nos vias  
 veritatis edocuit , tradiditque ea ,  
 quæ muneris nostri sunt , ad Mi-

bl


d

ni-

Ministros, qui hunc divinum cultum promovent, denique ad bona Ministris concedenda; agam in primis de Cultu, deinde de Ministris, denique de bonis Ministris concedendis; & quando Disciplina ut optima sit, certis muniatur legibus oportet; de Legibus Ecclesiasticis dissertatio alia alium locum tenebit. Modi deinde Ecclesiasticam disciplinam; si forte collabatur, restituendi; dissertationem alteram conficient: de Conciliis loquor Nationalibus, Provincialibus & Diocesanis; de Visitatione etiam Ecclesiarum, aliisque. Et quando ut hæc omnia fieri possint; promulgari scilicet leges, firmarive Ecclesiastica disciplina, & convocari Concilia una cum aliis; certam in Ecclesia jurisdictionem agnoscamus necessum est, quæ de hacce dici Jurisdictione possunt, ultimo loco videbimus, ultimamque disserta-



tionem conficient . . Ordo , uti vi-  
des ; naturalis , & simplicissimus  
est , cui nihil addendum , nil de-  
trahendum existimarem .



# I N D E X

Rerum, quæ in hocce Opere  
continentur.

---

*De Doctrina Ecclesia*

## LIBER PRIMUS.

### DISSERTATIO UNICA.

Pag. 1.

*Quid sit Doctrina Ecclesia, seu quid sit Fides, quæque ad hoc ut, quid de Fide dicatur, necessaria sint, quantæque sit hujusce doctrina populo tradenda necessitas.*

CAP. I. 2

*De errorum, qui emergunt contra Ecclesia Doctrinam, condemnatione, qua in Conciliis generalibus fieri potest, dataque occasione de Conciliis generalibus.*

CAP. II. 12

*De punitione illorum, qui Doctrinam Ecclesia impugnant, qua & excommunicationibus, & interdictione exercetur.*

CAP. III. 23

---

*De Disciplina Ecclesiastica*

## LIBER SECUNDUS.

### DISSERTATIO I. De cultu Deo præstando. 40

PARS PRIMA De cultu exteriori, qui in actionibus consistit, quique Divina institutionis est, id est de Sacramentis, quæ ad hunc Divinum cultum referuntur.

44  
Dr

|                      |           |       |
|----------------------|-----------|-------|
| De Baptismo.         | CAP. I.   | ibid. |
| De Chrismate.        | CAP. II.  | 46    |
| De Eucharistia.      | CAP. III. | 48    |
| De Pœnitentia.       | CAP. IV.  | 51    |
| De Extrema Unctione. | CAP. V.   | 53    |
| De Ordine.           | CAP. VI.  | 56    |
| De Matrimonio.       | CAP. VII. | 62    |

**PARS SECUNDA** De cultu exteriori, qui in rebus consistit, tum iis, quas directe Deo offerimus, ut ei maneant consecrata, tum iis, quas hominibus ob Divini Numinis considerationem præstamus, & primo quidem de iis, quas directe Deo offerimus, ut ei maneant consecrata, idest

De Templis eorumque erectione & consecratione. CAP. I. 103

De iis rebus, quas hominibus ob Divini Numinis considerationem præstamus, idest de Decimis, Primitiis, & Oblationibus. CAP. II. 117

**DISSERTATIO SECUNDA** De Personis Ecclesiasticis, qua Divinum cultum promovere tenentur, & quidem in primis 131

De vita & honestate Ecclesiasticorum. CAP. I. 133

De Summo Pontifice. CAP. I. 154

De Episcopis. CAP. II. 168

De Chorepiscopis. CAP. IV. 223

De Vicariis Episcoporum. CAP. V. 334

De Archiepiscopis. CAP. VI. 238

De Patriarchis. CAP. VII. 252

De Primatibus. CAP. VIII. 280

De Presbyteris. CAP. IX. 266

De Diaconis. CAP. X. 270

De iis, qui sunt minoribus Ordinibus insigniti, seu de Ostiariis, Acolythis, Exorcistis & Lectoribus. CAP. UNICUM 273

**DISSERTATIO TERTIA** De bonis Ecclesiasticis concedendis Ministris Dei ob id, quod Divinum promovens cultum, idest de Beneficiis Ecclesiasticis, ac primo quidem



# NOI RIFORMATORI dello Studio di Padova.

**A** Vendo veduto per la Fede di Revisione, ed Approvazione del P. F. *Filippo Lanzi* Inquisitor General del Sant' Ufficio di *Venezia*, nel Libro intitolato *Juris Ecclesiastici libri duo in quibus precipua, quibus Dei Ecclesia regenda est, Institutiones traduntur &c. MS.* non v'esser cosa alcuna contro la Santa Fede Cattolica, e parimente per Attestato del Segretario Nostro, niente contro Principi, e buoni costumi, concediamo Licenza a *Carobolo, e Pompeati*, Stampatori di *Venezia*, che possi essere stampato, osservando gli ordini in materia di Stampe, e presentando le solite Copie alle Pubbliche Librerie di *Venezia*, e di *Padova*.

Dat. li 28. Novembre 1762.

( *Angelo Contarini* Proc. Rif.  
( *Alvise Vallareffo* Rif.  
( *Francesco Morosini* 2. Cav. Proc. Rif.

Registrato in Libro a Carte 305. al Num. 2602.

*Davidde Marchesini* Segr.

DE



( 1. )

D E

# DOCTRINA ECCLESIAE

## LIBER PRIMUS

### DISSERTATIO UNICA.

**H**abet omnis societas suas leges, sua  
habet instituta, quibus qui eam com-  
ponunt pareant necessum est: sed qui  
fieri, ut pareant, potest, si eas ignorent, ne-  
moque fit, qui eas doceat? Societatis ergo in-  
terest optimos habere viros, qui leges doceant,  
earumque sensum populo aperiant. Ecclesia  
porro, quæ ad instar alterius cujuscunque so-  
cietatis est, & suis quoque legibus, institutis-  
que vivit: Christo Domino datis; interest er-  
go, ut ea fidei populo explicentur, interest  
optimos viros, qui eadem sensum aperiant,  
præficere; & quando quocunque alia societas  
jus habet violatores legum coercendi, & illud  
Ecclesiæ Christianæ societas quid ni habebit?  
habet & alia quævis societas jus erosos con-  
tra legem scripta condemnandi; hoc ne Ec-  
clesiæ uni dampnabitur? an ergo hujusce diffen-

A.

tatio-

tationis partitio; dicam in primis quæ sit Doctrina Fidei, quanta sit ejus populo explicandæ necessitas; agam deinde de errorum contra fidem condemnatione, quæ optime fieri in Conciliis generalibus potest; dataque occasione de Conciliis generalibus; denique de punitione transgressorum Doctrinæ Fidei, arreptaquæ occasione de Censuris Ecclesiasticis, quibus unis transgressores puniuntur, dicam.

---

*Quid sit Doctrina Fidei, seu quid sit Fides, quæque ad hoc ut quid de Fide dicatur, necessaria sint, traditur, ac demonstratur hujus populum edocendæ necessitas.*

## CAPUT PRIMUM.

**D**uplici parte hominem constare, corpore scilicet, & anima certissimum est; sed animæ, & corporis non eadem ratio est. Solidum enim, & comprehensibile corpus est, & oculis videtur, & manibus tangitur; anima vero tenuis est, & tactum, visumque fugit; corpus ex terra fixum, & solidatum est; anima vero in se nihil concreti, nihilque terreni ponderis habet; tantam autem solertiam, tantam vim, tantamque celeritatem, nisi a Cœ-

Cælo traheret originem , non haberet . Ex hoc autem fit , ut corpus , quoniam ex ponderoso elemento constat , quoniam & tangibile est , & visibile , corruptioni subiaceat , & pereat ; anima autem quia tenuitate sua omnem visum , tactumque fugit , nullo ista dissolvi quomodo possit . Quamvis igitur inter se corpus scilicet & anima , & sociata nascantur , & alterum , quod de terreno luto efformatum est , alterius , quod a Cœlesti subtilitate manat , quasi vasculum sit , quia tamen utrumque vis certa discernit , quæ discretio mors vocatur , fit , ut utrumque in suam naturam redeat , sic ut , quod ex terra fuit , id in terram resolvatur , quod autem ex cœlesti subtilitate , & spiritu constat , continuo vigeat , sempiternumque sit . Eodem porro modo , quo animus a corpore distat , distant etiam inter se se & animi , & corporis bona , contrariaque sunt , & pugnant vicem , sic ut animi bona sint mala corporis , & corporis bona mala animi sint . Igitur , nemadmodum corpus , quia terrenum est , corruptioni subiacet , ita quia terrena sunt corporis bona corrumpuntur , redigunturque in nihilum , eorumque sectatores bestiiis , brutisque nilis faciunt , animus autem sicut sempiternus est , indefectibilisque vocatur , ita & sempiternus

piterna erunt animi bona, eorumque sectatorem ad immortalitatis vitam traducet. Quum itaque animi, ejusque bonorum qualitas longe excellentior, longe autem vilior & qualitas corporis, & eorum bonorum sit, corporis bona spernenda sunt, plurimique facienda animi bona, quæ ad justitiam, quæ ad pietatem tendunt; qualis autem hæc vera justitia, hæc vera pietas sit, Christus a Patre missus ad homines a potestate, servituteque dæmonis redimendos, demonstravit, ejusque præcipuam partem esse Fidem, de qua nunc sumus disputaturi, decrevit.

Ut a fidei definitione ducam exordium, eam nil aliud esse definio nisi *assensum intellectus, qui rei relata ob referentis auctoritatem præstatur*. Duæ itaque ex hac definitione colliguntur: primum est credentis assensus, qui eum, qui quidpiam narrat, verum narrare arbitratur; alterum est ipsius assensus obscuritas. Fateor, fides quamdam Cognitionem involvit; Cognitione tamen hæc non est cognitio rei ex se ipsa, sed cognitio, quæ in solo quidpiam narrantis Testimonio consistit; quamvis autem qui quidpiam, quod a referente profertur, credit, possit ille invictis, validissimisque rationum momentis referentis auctoritatem certam esse, minime

nimeque fallacem, commonstrare, hoc tamen cognitionis rei ipsius, quam credit, evidentiā nunquam inducit: res enim semper perobscura, ignotaque manet, sed certa est.

Hæcce certitudo quid sit, seu in quo nam consistat hominem esse de re aliqua certum, deliberandum est; Philosophi, Theologique recentiores triplici vocabulo certitudinem denominare solent; eam enim aut Metaphysicam; aut Physicam, aut Moralem dicunt. Sed quando ad horum terminorum significationem explicandam deveniunt; tantum abest, ut rem apertam, clarāque faciant, ut incerta penitus omnia reddant. Missa propterea horum verborum ambiguitate, tunc alicujus rei certitudinem haberi dicam, cum mens, intellectusque noster cuidam rei adeo firmiter, adeoque constanter adhæret, ut nullus dubitandi, ambigendique campus pateat. Hanc autem certitudinem eorum præsertim, quæ ad communem animarum salutem, vitamque nostram tutissime dirigendam tendunt, Divina Sapientia elargitur.

Duobus porro modis ad hanc certitudinem pervenire bellissime possumus. Primo ex immediato ipsiusmet Divinæ Sapientiæ auditu; Secundo, alterius Testimonio, argumentisque,

quibus Divinæ Sapientiæ auctoritas ad nos  
 pervenit, & derivatur. Dignum autem testi-  
 monium an ille reputetur, qui privato ratio-  
 cinio Sapientiæ Divinæ auctoritatem ad se  
 pervenire fatetur, si quærat, illud stocci fa-  
 ciendum esse respondeo. Quum enim tanta sit  
 naturalis ingenii tenuitas, & imbecillitas, ut  
 quandoque non solum veritates abstrusiores,  
 difficilioreſque adinveniat, verum ne eas qui-  
 dem, quæ apertæ sunt, minimique momentè  
 ducuntur, attingat, quid ni id verum esse du-  
 cemur? Idem de ea inepta quæſtione, utrum  
 ſcilicet Fides divina ex S. Spiritus cuilibet ho-  
 mini communicato inſtinctu definienda, reſol-  
 vendaque ſit, exiſtimo. Etenim quomodo non-  
 nulli ſibi poſſint perſuadere, privato Spiritus  
 Sancti inſtinctu ſibi ſingillatim quidquid ad Re-  
 ligionis cultum, ad pietatem, ad animarum  
 ſalutem conſequendam pertinet, revelari, ita  
 ut neque Eccleſiaſtica diſciplinæ norma, ne-  
 que fidei regula, neque alio exteriori egeant  
 auxilio, prorfus ignoro. Iſti nimirum veſani  
 homines S. Spiritus operantis Myſteria, & Ar-  
 cana, multo minus abſtruſiores eorumdem no-  
 dos, & anfractus heſcunt, neſciunt, quid ſit  
 Spiritus Sancti inſtinctus, quæ ſint media,  
 quibus agit, quique ſint operis eius effectus;  
 hinc-

hincque, dum se eodem spiritu imbutos jactant, ac gloriantur, innumeras, quas nesciunt, evomunt blasphemias. Quid quod? Istum divini spiritus instinctum aut Christianis omnibus seorsim nempe sumptis communicari dicendum est, vel paucis tantum, selectisque hominibus; si omnibus, jam privilegium amplius non est, jamque non est specialis, ut hujusce fursuris homines prætendunt; gratia; si secundum, quid erit de iis, qui hocce privilegio non fruuntur? quomodo nosse revelatas poterunt veritates, hæc quomodo intelligent? isti profecto Divinæ Fidei regulam, quum medio careant, quo dignoscant revelata, minime haberent; hujusce autem Divini Spiritus instinctus ad commune Christianorum bonum amplius non consueret. Qualis autem, si privatus iste Divini Spiritus instinctus extaret, divinarum rerum esset confusio, & perturbatio? jam enim quisque huic sectæ addictus id, quod animo sinxerit suo, operatum Spiritus Divini instinctu fuisse affectaret, idque divinam efformare fidem diceret. Sed quid tam solliciti sumus tantam opinionis absurditatem refellere, quum hanc enervet Evangelista 1. Johan. 3. 2. *nolite (inquit) credere omni spiritui;* quum eam enervet Propheta Je-

*temis 23. nolite (sunt ejus verba) quæira verba prophetarum, qui visionem cordis sui loquuntur; va Prophetis (inquit Ezech. 13) insipientibus, qui sequuntur spiritum suum; & nihil vident.*

Hæc quum ita sint, unde dignum revelationis testimonium trahemus? rem paucis quidem, sed dilucide aperiā. Notandum porro est, Christianam, Catholicamque Ecclesiam neminem umquam alium veritatum fidei auctorem nisi ipsum Christum, qui vel ore proprio, vel ore Apostolorum loquutus est, agnovisse. Notandum, in Ecclesia ab ipso Christo ministros, pastoresque fuisse institutos, quo usque ad consummationem sæculi alteris succedentes veritates revelatas, Christianam Fidem, & novæ Legis Evangelium disseminarent. Postquam enim Christus efficacissimis sanctissimisque modis Evangelium panxit, proprioque sanguine suo illum tamquam Testamenti codicem signavit, cœlestes nuncii ad Fidem Catholicam, ad Evangelicam Doctrinam disseminandam, cordibusque inserendam in varias mundi plagas ab invicem longe remotas ab eo missi sunt. Notandum denique est, Ecclesiæ a Christo institutæ unionem quamdam maxime in Doctrina fidei, quo scilicet incolu-

mis,



mis, ac incorrupta perseveraret, insitam fuisse; hujus autem unionis servandæ causâ unicum medium traditionem universalem esse, quâ scilicet quidpiam de fide esse tradatur, quis nesciat? Hæc porro traditio est illud dignum, quod necessarium esse dixi, testimonium: rem explicemus. Ait Apostolus 1. Corinth. 2. *ego enim accepi a Domino, quod & tradidi vobis*, & 2. Thessal. *tenet traditiones, quas didicistis sive per sermonem, sive per Epistolam nostram*; & 2. ad Tim. 1. *formam habet sanctorum verborum, quæ a me audisti*; & ibidem Cap. 2. *quæ audisti a me per multos testes hæc commenda fidelibus*. Quid aliud sibi phrasæ istæ volunt, quam traditionem (scilicet universalem) aptissimum esse ad revelata dignoscenda medium? id autem quovis certè sæculo Ecclesiæ Doctores, & Patres tradiderunt, sufficiatque huc S. Cyrilli verba in Epist. ad Nestorium, quæ in Ephesini Concilii actis habetur, referre: *non autem sufficit tua Religioni tantummodo symbolum consistere, sed consequens est etiam iurejurando fateri, quod anathematizes tua polluta & profana dogmata; sentias, & doceas, quæ nos universi sive per Orientem, sive per Occidentem Episcopi, & Magistri præsulesque populorum credimus, & docemus*; quid clarius? quid apertius?

Hoc

Hoc porro universalis traditionis remedium infallibile in præsens habetur ; habitumque quoque sæculo fuit : & revera qui fieri potest , ut Catholici universim in plurimis nationibus longe distitis dispersi omnes simul decipi in iis potuerint , quæ toties audiverunt , & in quibus nutriti , educatique fuere ? qui fieri potest , ut ex altera parte pastores Catholici universim dispersi potuerint Christianam , divinamque doctrinam Christiano populo tamquam revelatam tradere , & communicare , si ipsi sub eodem titulo non recepissent ? præcipue quum Christus ipse Ecclesiam suam in vera fide numquam defecturam tradiderit 1. Tim. 3. *Columnam* liquidem , & *firmamentum veritatis* ( dicit ) *Ecclesiam* ; & adversus eam Matth. 16. *nec portas inferni prævalituras* ; & Matth. 28. sic promiserit : *Ego vobiscum sum usque ad consummationem sæculi* ; apud Johan. autem 14. ait : *aliud Paraclitum dabo vobis , ut maneat vobiscum , spiritum veritatis , qui apud vos manebit ; Paraclitus Spiritus S. qui vos docebit omnia ; & suggeret vobis omnia quacumque dixerò vobis ; Spiritus veritatis docebit vos omnem veritatem .*

Cæterum , ut hæc universalis traditio infallibilis sit , tria concurrant necessum est : primum antiquitas , nempe ab ipsis Apostolis in  
 varias

arias mundi plagas dispersis eandem omnino doctrinam traditam, suorumque discipulorum ordibus quotidiana exercitatione insculptamuisse, doctrinam, inquam, ad Religionem, vitamque æternam adcommodatam, cujusque continuatio tamquam humano generi connaturalis de parentibus in filios, de progenie in progeniem transeat, & communicetur; alterum est universalitas; tertium denique consensus est; tresque isti characteres adeo necessarii sunt, ut, si alteruter desit, multum ad inducendam traditionis infallibilitatem desideretur. Hæc de Fide, quæ ex revelatione, & universali traditione pendet, dicta sufficiant. Infinita porro adhuc ad hanc fidem quod spectat dicenda occurrerent, sed quum ea potius Theologi sint, quam Pontificii Juris Interpretis, ne in alienam messem falcem immittere videar, omittenda judico. Hæc interim, quæ de fide dixi, ob id unum, ne ordini mihi in scribendo proposito quidpiam deesset, scribenda existimavi. Quid aliud ergo nunc commemorandum restat, quam admonere Episcopos, Pastoresque Christianos, ut Divinam Doctrinam, seu Doctrinam fidei Filiiis suis, populoque Christiano erudiendo sibi commissæ tradant, atque communicent. me-

memores eorum Sacrae Scripturae verborum, attendite vobis, & universo gregi, in quo vos Spiritus Sanctus posuit Episcopos regere Ecclesiam Dei, Matth. 7. Act. 20. quasi rationam pro animabus suis reddituros; quosdam quidem Apostolos, alios Prophetas, Heb. 13. memores verborum: Vos estis sal terra, lux mundi, civitas supra montem posita, lucerna supra candelabrum. Ita enim agentes promissam sibi ob pastorales curas beatæ immortalitatis mercedem poterunt sibi jure optimo expectare.

---

*De errorum, qui emergunt contra Ecclesiae doctrinam, condemnatione, quæ in Conciliis generalibus fieri potest, dataque occasione de Conciliis generalibus,*

## CAPUT SECUNDUM.

**Q**uemadmodum Ecclesiae, ut Ecclesiae ipsius doctrinae praecepta servantur, ac custodiantur interest, ita & interest, ut errores, qui contra eam disseminari, propagarique possunt, tollantur, ac enerventur; non secus

re civilis interest Reipublicæ, ut prævæ consuetudines, ut corruptelæ, ut abusus, qui contra Principum statuta, civilesque leges erumpunt, comprimantur, gravissimisque pœnis earum violatores coerceantur. Quid enim leges, ac instituta prodesse, si nullus patere campus, & abusus, malosque mores tollendi, coercendique legum violatores? quid leges prodesse, si pœnis, quibus terribiti cives a legum violatione se abstineant, non munirentur? Hosce Ecclesiæ errores tollere eorum mehercule est, quorum est Ecclesiæ Dôctrinam edocere, ac propagare; de Ecclesiasticis loquor, qui primam in Ecclesiâ frontem teneant, Episcopos dico a Christo ad Ecclesiâ Dei regendam destinatos; resque erit utilissima eos in unum convenire, sic enim dignosci contra Ecclesiâ error facilius potest. Ecquid enim? Rationum momenta, quæ in universali Congressu proferuntur tam gravia, tam aperta, plausibiliaque sunt, ut illis resistere sit quasi impossibile; si quis ibi quidpiam pronunciat, rationum lumine, quæ ab aliis proferuntur pronunciat; ibi scientia, ibi penetratio, ibi experientia cujusque omnibus sit communis, ibi tantâ cognitionis plenitudo efformatur, ut ad firmanda, ac corroboranda iudicia, fed-

den-

dendaque tuta , aptissima videatur . Oppositiones , difficultatesque , ac dubia , quæ enasci , generarique maxima possunt , quispiam extra Congressum aut non prævideret , aut si prævideret , ea enervare difficillimum esset , at in Congressu occurrit perfectissima difficultatum , oppositionumque cognitio , occurrit quæ ex pluribus Sententiis potior sit , & vincat ; occurrit , cui opinioni standum , adhaerendumque sit . Hoc servarunt primitivi Ecclesiæ pastores , primitivi Episcopi , dederuntque exemplum Apostoli . Jam enim isti ( Apostolos dico ) si qua gravis momenti aut circa Doctrinam aut circa disciplinam Ecclesiasticam negotia emergebant , in unum conveniebant , efformabantque Congressum , Conciliumve , teste Baronio ad *annum* 34. *num.* 256 , & Hincmaro Rhemenſi in Opusculo 55. *Capitul.* Cap. 44. Primum celebratum fuit tunc quum Apostoli convenerunt in domum Mariæ Matris Johannis , quo duodecimus loco Judæ proditoris Apostolus eligeretur . Hujusce Concilii Historiam narrat Div. Lucas in Actibus a se evulgatis *Cap.* 1. *vers.* 26. Cabassutius in *notitia Conciliorum in princip.*

Alterum Concilium eodem anno habitum celebratumque fuit ante Martyrium S. Stepha-

ni .

ni. Dedit huic, occasionem quarundam, viduarum murmur, non æquam in distributione elemosynæ, portionem fieri conquerentium.

Succedit tertium Concilium, hoc Apostoli Hierosolymis anno Christi 51. celebrarunt; dedit huic occasionem Judæi, fideles prædicantes, Gentiles ad Christi fidem venientes æternam salutem consequi minime posse, nisi circumcisionis ritus, juxta Legem Mosaicam, servaretur. Sed & aliud celebratum fuit referente Baronio anno 58. circa Festum Pentecosten. Præter hæc, quatuor Concilia, quæ generalium figuram præferunt, duo alii Apostolorum Conventus in eorum actis recensentur: primus habitus fuit anno 44. ibi Symbolum, quod vocatur Apostolorum, factum, compositumque fuit; alter vero anno 53. Antiochiæ, scilicet ad quasdam tum temporis enatas controversias sedandas, ac componendas.

Hocce Apostolorum, Ecclesiæque primitivæ pastorum exemplum sequi, ac imitari res est tum optima, tum eidem Ecclesiæ utilissima, dico generalium Conciliorum, ubi res id exigat, convocatio; sed hic sistamus; quidque dici de generalibus Conciliis possit, occasione data, paucis videamus. Mitto definitionem, quæque conditiones, ut generale dici

Concilium possit, necessariæ sint, investigare, scrutarique incipio. Tres porro, ita opinor, nec erro, necessariæ conditiones sunt; prima est, ut convocatio Episcoporum, nemine excepto, præterquam si sit excommunicatus, generalis sit; res per se ipsa patet, manifestaque est. Si enim Concilium provinciale non nisi illud, ad quod vocantur omnes, qui sunt de quadam provincia, consideramus; si consideramus non nationale nisi illud, ad quod vocantur illi, qui sunt de certa natione, quare non vocabimus generale non nisi illud, ad quod vocantur, qui sunt de Universo Orbè Christiano Episcopi? Si huc vellem omnium Theologorum, Juris consultorumque sententiam, opinionemque referre, res esset non finiendi laboris. Unus ergo piissimus Gersonius sufficiat; sic enim ille scribit: *prima est, ut convocatio sit generalis, ita ut innotescat omnibus majoribus Christianis provinciis; secunda, ut ex Episcopis nullus excludatur, undecunque veniant, modo constet eum esse Episcopum, & non excommunicatum.* Talis autem non sunt, ut cum Jusseu in præf. hist. super Concilia præter generalem vocationem, ad hoc ut Concilium appellari generale merito possit, necessarium esse existimem, ut omnes omnino Episcopi interveniant,



niant , ut interveniant omnes Doctores ut ,  
 interveniant ii omnes, qui Religionis myste-  
 ria meditantur , sic ut , quoniam nullum ad-  
 huc tale extitit , Concilium nullum generalis  
 nomen meruerit . Si enim non audemus , uti  
 nec ausus fuit Jurieu , provinciale non appel-  
 lare Concilium , cui non omnes de provincia  
 Episcopi interveniunt , non appellare nation-  
 ale , cui non omnes qui de certa sunt Natio-  
 ne , appellabimus ne non generale illud , cui  
 non omnes de universo orbe antistites inter-  
 veniunt ? Altera conditio ut Concilium gene-  
 rale fore liquecat , hæc est , ut libere illud  
 celebretur ; Theologi omnes , & Canonistæ  
 hanc libertatem velut necessariam , essentia-  
 lemque Generalium Conciliorum conditionem  
 existimant , sic ut , si hæc desideretur liber-  
 tas , Concilium generalis nomen non mereat .  
 Egregie ; etenim in primis generale Concilium  
 Universam Ecclesiam repræsentat ; ut repræ-  
 sentare Ecclesiam dicatur , suo alloqui nomine  
 debet , suas opiniones , intimosque animi sen-  
 sus aperire , suasque leges stabilire ; jamque id  
 fieri , si libertas desideretur , non potest . Dein-  
 de Concilium congressus judicum est , judices  
 autem , quo ex conscientia , & veritate agita-  
 tas quæstiones definiant , liberi esse debent .

B

Adde.

Adde, novas ad terminandas quæstiones revelationes non certe obventuras; adeoque, ut quæ movetur quæstio, recte definiatur, ac terminetur, diligentissimum necessarium examen, scrutiniumque fore videtur; quod ut recte fiat, Sacrae paginae, Sanctique Patres sunt evolvendi; at libertatis defectus hocce diligens, necessariumque examen impedire cœtissime posset: Hinc porro est, ut a compluribus secundum Ephesinum Concilium minime generale credatur: isti enim utique liberri- mum illud in sua convocatione fuisse, sed non fuisse liberum in regulis condendis, recipiens disque considerant.

Tertia conditio, ut Doctrina, quæ in Concilio stabilitur, & Concilium velut generale ab universa Ecclesia acceptetur, exposcit; nimirum, quum possit fieri, ut dubitetur, an Concilium universam Ecclesiam repræsentet; siue respectu multitudinis eorum, qui illud componunt, siue respectu modi, quo ibi quæstiones terminantur; acceptatio decretorum Concilii, quæ ab Ecclesia fit, ad ea dubia tollenda, ac dissipanda bellissime inservit. Hinc dubitare prima fronte possem, an Concilium priusum Constantinopolitanum generale sit, nec ne: ibi enim interfuerunt non nisi Orient-

Orientis Episcopi ; sed quando doctrinæ fidel ; quæ ibi stabilita est , & Universi Occidentis Episcopi adhæserunt ; eaque ab illis ulla sine hæsitatione recepta , probataque fuit , omnesque illud inter Generalium Conciliorum numerum connumerandum censuerunt , hoc me ad credendum ; nihil inde desiderari , quod non commonstret , illud universam Ecclesiam repræsentare , compellit . Hanc tunc acceptationem noscimus , quum Doctrina in Concilio definita velut dogma ad salutem æternam comparandam necessarium ab universa Ecclesia prædicabitur , aut in communem disciplinæ praxim , quod ibi præcipitur , ac definitur , abibit . Quamquàm quid ; si aduersus Concilii definitiones reclametur ? multum referre opinor , utrum reclamatio contra Doctrinam Concilii ab iis , qui se ab Ecclesia separant , fiat , an ab iis ; quibus nulla erroris imputari macula potest , quique non nisi antiquissimæ exempli gratia Ecclesiæ Doctrinæ causa reclamant . Si a primis reclamatio fiat , tamquam facta contra communem Ecclesiæ Doctrinam flocci , nihilique facienda , repudiandaque mihi videtur ; exemplum ab Eutichianis , qui sæculo Ecclesiæ V. contra Calcedonense Concilium clamauerunt , evidentissimum sumo . Statutum ab

hocce Concilio fuerat , in Christo duas esse naturas , humanam unam , Divinam alteram esse ; hujusce doctrinæ vox communis fuit ; communisque Ecclesiæ fuit prædicatio ; adversus hanc definitionem Eutichiani clamarunt ; sed quid operari hæc reclamatio potuit , quum ea facta a personis fuerit , quæ publicæ Ecclesiæ voci resistebant , quæque gravissima erroris macula notabantur ? aut si ab aliis clamatio fiat , ab iis scilicet , quibus nulla imputari erroris macula potest , quique non nisi antiquæ Doctrinæ , disciplinæque gratia reclamant , suo hæc reclamatio pondere non omnino carebit , nec contra Ecclesiam sed sui gratia , suoque nomine facta credetur .

Generalia isthæc Concilia vereve Œcumenica quacumque ætate remedia visâ Ecclesiæ cæteris & tutiora , & simpliciora fuere ad terminandas scilicet , finiendasque , quæ circa Fidei dogmata enasci , surgereque potuerunt , controversias ; imo & necessaria visâ quandoque fuerunt : quam ad necessitatem probandam huc possem ea omnia , quæ generalibus Conciliis convocandis occasionem dederunt , si id per otium liceret ; referre . Jam hanc necessitatem gravissimis scilicet in negotiis rebus factisque ipsis agnoverunt Apostoli , agnove-

runt

runt Ecclesiæ antistites . Meldenſis Episcopi Boſſueti phraſis elegantiffima eſt : quorſum at-  
tinebit ( ait ) ab ultimis orbis partibus cieri Epi-  
ſcopos tantis laboribus , tantisque ſumptibus , &  
Eccleſias paſtoribus viduari ; ſi id neceſſarium non  
fuiſſet ? Agnoverunt S. Eccleſiæ Patres ; ſcio  
quidem , Auguſtinum hæreſim Pelagianam ſuf-  
ficienter a Conciliis particularibus condemna-  
tam fuiſſe , quin ad Œcumenicum devenire  
Concilium neceſſum eſſet , ſcripſiſſe ; ſed tan-  
tū abeſt , ut Sanctus Doctor hanc ſenten-  
tiam ad omnes errores , qui in Eccleſia poſ-  
ſent enaſci , pertrahat , ut expreſſe alibi gene-  
rale Concilium , quoties Eccleſiæ doctrina ob-  
ſcura admodum eſt , neceſſarium eſſe fateatur .

Jam hanc neceſſitatem agnoverunt etiam  
Summi Pontifices , agnoverunt , uno verbo , vel  
plurimis Eccleſiæ ſæculis omnes . Quod ſi tri-  
bus primis celebrata numquam fuerunt , id ex  
eo uno profluit , quod & fideles Chriſtiani  
ſummam perſecutionem paterentur , & Chri-  
ſtiana Religio inviſa Imperatoribus eſſet . Vix  
autem Cæſares Auguſti ſuum Chriſtianæ mi-  
litæ nomen dederunt , ut hæc Conciliorum  
remedia velut cæteris efficaciora in terminan-  
dis magni momenti controverſiſ viſa maxime  
fuerint tum in Oriente , tum in Occidente

opportuno. Sic in Oriente celebratum fuit Concilium Nicænum primum anno 325. Constantinopolitanum primum anno 381. Ephesium anno 431. Calcedonense anno 451. Constantinopolitanum secundum anno 553. Constantinopolitanum tertium anno 680. Nicænum secundum anno 787. demum Constantinopolitanum quartum anno 869. In Occidente vero celebrata quatuor Lateranensia fuerunt, primum anno 1123. alterum 1139. tertium 1179. ultimum 1215. duo Lugdunensia, primum 1245. alterum 1274. Sequitur Vienneſe anno 1311. Constantienſe anno 1414. Florentinum anno 1438. Lateranense quintum anno 1512. denique Tridentinum anno 1546. inchoatum, absolutumque anno 1563.

In Generalibus Conciliis regulæ, legesque non tam ad fidem, quam ad mores, disciplinamque adcommodatæ conduntur, ac declarantur. Tanta autem eorum est auctoritas, ut semper, & ubique ab omnibus ob id, quod universam repræsentant Ecclesiam, infallibilia fuerint iudicata.

Generalia Concilia convocare Summi Pontificis est; quum enim ipse sit Ecclesiæ caput, primamque inter Episcopos frontem ex divina concessione teneat, quum ad ipsum potissimum opti-

optima totius Ecclesiæ cura optimumque regimen spectet ; quum ad optimum Ecclesiæ regimen , ad sanam , orthodoxamque inducendam doctrinam , Christianorumque mores componendos Concilia generalia spectent , id sua sponte fluere quis non videat ? ad summum , quo legitima , iustaque illa sint , ut ab aliis indicta a Summo Pontifice rata habeantur , ac confirmentur , regula generali requiritur .

---

*De eorum punitione , qui Doctrinam Ecclesiæ  
impugnant , seu de Excommunicationibus ,  
& Interdictis*

## CAPUT TERTIUM.

**Q**Uæcumque Societas , quæcumque Communitas transgressores legum , quæ ad hominum mores , vitamque componendam aptissimæ sunt , puniendi jus habet : huic punitioni omnes mehercle subjiuntur , sed omnes infligendi pœnas jus ( id nemo negat ) non habent , neque omnes , an iis pœnis quis videatur dignus , dijudicare possunt . Igitur jus hoc

te ad ipsam Societatem , Communitatemque spectat , aut ad eos , qui ad hoc sunt ab ipsa deputati , aut quos designavit Legislator . Ecclesia Societas certe est , estque quædam Communitatis species ; ipsa suis mercede legibus , institutisque vivit , ac proinde eos , qui eas violant , puniendi jus habet . Societas hæc in duas dividitur partes ; regit enim unam altera ; seu altera ab altera regitur : itaque de transgressoribus decidendi , eosque puniendi jus in ea Societatis parte , quæ alteram regit , non in ea , quæ ab altera regitur , residet . Sacerdotium porro est , quod hanc duplicis Societatis partis distinctionem inducit , quodque in spirituali partem alteram regit ; penes Sacerdotium ergo coactiva , legislativaque residet Ecclesiæ potestas . Sed in Sacerdotio diversi eminent gradus , cerniturque subordinatio ; adsunt enim presbyteri , adsunt Episcopi ; Episcopi sunt pastores præcipui , ac presbyteri pastores sunt subalterni , qui possunt quidem instruere , docere , commonere , exhortari , reprehendere , sed nec jubere , nec punire possunt ; punitiones ergo , & præcepta ad primarios pastores pertinent , sique uni coercere fideles possunt iisque præcipere . Itaque penes unos Episcopos residet coactiva ,

legis.



legislativaque Ecclesiæ potestas, quam singuli, privatimque in suis exercere Diocesibus possunt; in communi vero, ubi id negotiorum, quæ universam Societatem respiciunt, ratio exposcit, penes unos Episcopos, quorum caput est Summus Pontifex, residet potestas coercendi, puniendique legum Ecclesiasticarum violatores, his scilicet pœnis, quæ Ecclesiæ competunt. Loquor hic de interdictis, & excommunicationibus; quarum disputationem silentio minime prætereundam existimo: ducam ab interdictis exordium.

**Interdicti Ecclesiastici propriam censuræ Ecclesiasticæ speciem constituentis origo** unde sit repetenda, ambigitur. Quidam enim, uti vir doctus ad Epistolam 121. Ivonis Carnotensis Episcopi adnotavit, Gregorium VI. ob id, quod in Epist. 94. ait, hoc remedium novum, & insolitum esse, auctorem esse volunt; sed quando ex Præfatis ejusdem epistolis nempe 30. in fine, 120. 121. 263. 264. & 266, hunc usum in Gallia frequentissimum fuisse constat, quid hæc operari opinio possit, testificem volo. Alii paulo vetustius interdictum volunt, sed nec horum placet opinio; etenim hanc interdicti disciplinam longe antiquiorem esse, ex Gregorio Turonensi lib. 8. *Hist. Franc.*

com-

comprobatur; ibi enim de Episcopo Rothomagensi occiso hæcce leguntur: *Post hac Lendovaldus Episcopus Epistolas per omnes Sacerdotes direxit, & accepto Concilio Ecclesias Rothomagenses clausit, ut in his populus solennia Divina non spectaret, donec Indagatione communi repetitur hujus sceleris auctor.* Itaque interdicti Ecclesiastici primordia ad Gregorium: I. referenda esse existimo; quamquam adhuc hæream, assimque tantum adfirmare, id unam tantum probabilitatem inducere; atque in hac dubietate si quis amica manu locum, ex quo certo detegi interdicti primordia possint, commoueret, me ingentis beneficii debitorem habebit. Non memoro quorundam opinionem existimantium, interdicti originem ab Ecclesiæ incunabulis repetendam esse; isthæc enim opinio rationem habet, nec ullo nititur fundamento. Interdicti universa potestas, quin referat, utrum ab homine, an vero a jure Canonibus feratur, in prohibitione celebrationis Divinorum officiorum consistit, consistit in denegatione Ecclesiasticorum Sacramentorum, ac demum in Sepulturæ Ecclesiasticæ privatione *Cap. 16. Cap. ult. de Sens. excom. in 6. Cap. 8. de privilegiis eodem libro.* Quamquam si de iis, qui interdicto parere, Clericis agatur, Inno-

cen-

centius III. in *Cap. 2. extra de pœnit. & remis-*  
*ſionibus*, eorum corpora Ecclesiasticæ Sepulturæ

tradi gratioſe conceſſerit.

Acerbiſſimum, fateor, maximeque ignominio-  
 ſum ſemper fuit Sepulturæ honore carere; hæc  
 tamen diſciplina non poteſt non eſſe juſtiſſima.  
 Etenim, ut ait S. Leo in *epiſt. 95. quibus vi-*  
*vis non communicavimus, ne iis quidem mortuis*  
*communicare poſſe videretur*; idque vel Romanó-  
 rum temporum, teſte Quintiliano, in more  
 poſitum fuiſſe certiffimum eſt: in ulciſcendis  
 (ait ipſe) criminibus non ſatis putavere majores  
 eas pœnas conſtituere, quas poſſet aliquis excipere  
 in vita, multo magis tamgle ſepulchra, cui priva-  
 tam, & propriam Religionem populus quiſque ad-  
 didit. Vide Paulum lib. 3. de *Relig. & Sumpt.*  
*fun. & l. ult. §. 1. de mortuo inferendo.*

Cæterum quod ſpectat ad denegationem Sa-  
 cramentorum, quam interdictum inducit, mul-  
 tum referre juvat; antiquiſſimam ne diſcipli-  
 nam, an recentiore conſulamur. Olim Inter-  
 dictum concipi ita ſolebat, ut omnia Sacra-  
 menta penitus, proutſque denegarentur. Aſt  
 poſtmodum, quum diſciplina illiæc nimis ſe-  
 vera, nimisque periculofa foret, cæpit quid-  
 piam de tanto rigore remitti, cæpitque ea ſen-  
 ſim relaxari. Equidenim & Primus omnium  
 Ale-

Alexander III. *Cap. non est vobis extra de sponsalibus*, duo excipienda Sacramenta decrevit. Primum est Sacramentum Baptismatis recens natis, alterum est Sacramentum poenitentiae ex hac vita migrantibus conferendum, & is ipse deinde hanc benignam concessionem in *Cap. 23. extra de Sent. excom.* ad Sacramentum Confirmationis porrigendam existimavit. Noverat nimirum Pontifex, re aliqua concessa, id quoque, sine quo ea res expediri commode non potest, esse concedendum. Agitur enim de Confirmatione, in qua Chrisimatis unctio athletarum more, ad confirmandos in pugna contra diaboli potestatem Christianos adhibetur. Voluit deinde Bonifacius VIII. in *Cap. ult. de Sent. excom. in 6.* ut Sacramentum poenitentiae non solum morientibus, sed & vivis concederetur, confirmavitque hac in re Alexandri II. in dicto *Cap. non est vobis*, & Innocentii III. in *Cap. 2. extra de poenit. & remis.* constitutionem.

Ab hac tamen benigna Pontificum Maximorum concessione excluduntur, tum illi, quorum ob culpam interdictum latum est, tum eorum administri, qui illis opem, consiliumque tulerunt, *Cap. ult. de Sentent. excom. in 6.* Sicut enim inter eos delicti Societas fuit, ita & poenae

pœnæ paritatem esse non immerito oportet ,  
 exemplo ejus , qui rem furtivam sciens eam  
 suscepit , occultavitque ; hic enim non eum ,  
 furti actione , quam qui eam sustulit furto ,  
 tenetur , §. *conceptum* & §. *cum enim instit. de*  
*oblig. qua ex delicto nascuntur* . Quamquam ta-  
 men aliquid aliquando possit esse inter eum ,  
 ejus culpa latum interdictum est , & ejus  
 comministros discriminis . Scilicet , ut si ille ,  
 qui interdicto causam ob suam culpam dedit ,  
 satisfecerit , relaxetur omnino interdictum ,  
 non relaxetur tamen , licet complices , culpæ-  
 que socii satis fecerint , ne in eorum quidem  
 persona , illisque pœnitentiæ tantum Sacra-  
 mentum concedatur : hic enim , ni fallor , sen-  
 sus est versiculi *nec tunc etiam dicti Cap. ult. de*  
*Sent. excom. in 6.* Cæterum , etsi interdictum  
 maximum sit remedium compescendi , punien-  
 dique eos , qui fastu superbiæ inflati obedire  
 Ecclesiæ recusant , hocce tamen non nisi par-  
 ce , moderateque ferendum , licet enim ex una  
 parte terrorem , timoremque incutiat , ex alte-  
 ra porro parte in Divini Cultus , & anima-  
 rum salutis periculum quam maxime vergit :  
 tunc enim non solum Populus Divina frequen-  
 tandi officia desuetudine affectum , sensumque  
 perdit , verum etiam Clerus ipse remissior ,  
 67A  
 igna-

ignaviorque ad eadem celebranda divina officia fit, crescit indevotio populi, tepescit fidelium pietas, pullulant hæreses; Ecclesiæ obsequia, debitæque laudes subtrahuntur; minuunturque suffragia, ac adolescentes in fide minus inflammantur: dic alia bene multa, quæ inde oriuntur, emerguntque pericla.

Interim tamen quis facile potest intelligere, quam lugubris sit tempore interdicti Ecclesiæ facies, quam luctuosus tempore interdicti status, quantaque sit Christianorum in eo loco commorantium moestitia, qui præterquamquod quasi pagani a divinis cessare laudibus compelluntur; aliquando coguntur videre corpora defunctorum de civitatibus; villisque efferri; moreque canum in bivis, & fossis sine orationibus, Sacerdotumque ministerio sepeliri. Hæc de interdictis; ad excommunicationes, me modo refero.

Ut a definitione exordiar, ea nil aliud est, quam *separatio hominis Christiani a Societate, & Communione fraterna, ab unione Ecclesiæ, & omni fidelium actu, convivique depulso*; hominis dixi Christiani, in infideles siquidem, & Ethnicos, illosque, qui extra Ecclesiam sunt, hujusmodi poena non cadit; cum istis namque nulla communio, nulla Societas est, idque est; quod

Apó-

Apostolus *cap. 5. 1. Epist. ad Corinthios* ait, se de iis, qui foris sunt; quive Ecclesiasticæ Communionis non sunt participes, non judicare.

Generalis hæcce excommunicationis definitio utramque ejus speciem complectitur, mortalem, ut vulgo dicitur, & medicinalem; quæ sit medicinalis, quæ sit mortalis; nemo nescit: ea a sola Divinorum Sacramentorum perceptione Christianum depellit; sicque ea appellatur vel ratione effectus, quia scilicet excommunicatus ut plurimum rubore confusus ob id quod se a fidelium consortio prohiberi videt, resipiscit, melioremque ad frugem sese convertit; vel ratione totius Ecclesiæ, ejusque membrorum, quæ sana sunt; iis enim hæc remedio prospicitur, ne morbum excommunicati scdã contrahant contagionem, neque ejus sordida participatione maculentur, & pereant. Labes enim facile communicatur, & qui impurum tetigerit, piaculum, noxamque contrahit. At vero excommunicatio mortalis nedum a perceptione Sacramentorum communes Christianos repellit, verum etiam in totum ab omnibus fidelibus alienos facit; eosque abscindit a corpore; suntque per hanc illi Ecclesiæ mortui; nulloque spiraculo vi-

tanti

tam Deificam hauriunt , suntque a vita immortalis , gloriaque sempiterna rejeſti .

Adeo autem olim qui anathemate , majorique excommunicatione percutiebantur erant exoſi ; ut ex Sacris diptychis , quæ erant tabulæ , in quibus fidelium nomina vivorum , mortuorumque deſcribebantur , quaſi ex vitæ libro deleantur , *Can. ſane cap. 24. quaſt. 2. Can. 2. nomen cap. 2. quaſt. 1. Can. quid obest. c. 11. q. 3.* Cujus rei comprobandæ elegantiffimum extat veſtigium apud Hincmarum Rhemenſem Archiepiſcopum in *Opusculo de divorzio Lotharii Regis , & Tetbergæ Reginae* . In Sæxis ( inquit ) diptychis non frivole nomina fidelium tam vivorum , quam defunctorum ſcribuntur , & infidelium de iſſdem diptychis etiam poſt mortem divino judicio , ſi conſcripta fuerant , eraduntur . Sed multo adhuc pejor Clericorum excommunicatorum fors erat . Etenim ex albo Clericorum , quod Primicerius juxta Canonem perleſtis diſt. 25. diſponebat , eradebantur , eorumque nomina , quæ in Eccleſia offerri publice conſueverant , in oblatione miſſæ ſupprimebantur , ut eo ſilentio Clericus excommunicatus agnoſceretur , ac vitaretur ; interim , ut eorum notio communior , plauſibiliorque fieret , publice in triviis , propylæiſque , ut in excommunicatione

Poly.



Polycratis, aliorumque Asiæ Episcoporum contigit, desertebantur.

Quum excommunicationis pœna omnium gravissima sit, non nisi pro gravissimis criminibus infligenda est, sumpto a jure Civili exemplo, quod pro levioribus criminibus leves pœnas, pro gravissimis gravissimas luctas apponit; hinc merito S. Leo *Epist.* 89. *Cap.* 6. de excommunicatione ob levem causam inflicta conqueritur; merito etiam S. Avitus Archiepiscopus Viennensis *Epist.* 61. Constantium Episcopum, ob id quod communionem facile denegaret, condemnat; extatque egregium querelæ Petri Damiani de nimis frequenti usu anathematis exemplum.

Quo vero excommunicatio juris effectum habeat, ut ut justissima ejus ferendæ causâ sit, exerceri in subditos ante non debet, nisi prius tres monitiones, additis tamen quibusdam temporum intervallis, præcedant, ad exemplum Civilis juris, quod certis in causis trinam denunciationem requirit *l. 4. de pignor. act. l. 63. §. 1. de re judic. l. 8. & 9. cod. quomodo judex. Sententiam proferre debent novella 117. §. penult. l. ult. cod. Theodos. de S. C. Claudiano.* Istum monitionum numerum ex lege Christi fluxisse, manifestissimum est; vult enim ipse ex *Matth.*

2. 18. 15. primam monitionem inter te, & fratrem tuum faciendam esse, alteram adhibitis duobus testibus, tertiam faciendam ab Ecclesia; tunc autem si Ecclesiam frater non audierit, eum excommunicandum esse, habendumque tamquam Ethnicum, & Publicanum; ea verba: *si peccaverit frater tuus; vade, & corripe eum inter te; & ipsum solum, si te non audierit, adhibe tecum adhuc unum, vel duas, ut in ore duorum, vel trium stet omne verbum; quod si non audierit eos, dic Ecclesia; si autem Ecclesiam non audierit, sis tibi tamquam ethnicus, & publicanus; amen dico vobis quaecumque alligaveritis super terram, erunt ligata & in Cælo, & quaecumque solveritis super terram, erunt soluta & in Cælo.*

Hæc porro regulas Apostoli ipsi, quibus fuerunt præscriptæ, successoribus suis transmittendas servarunt. Exemplum nobis Apostolus Gentium suppeditat; severitatem enim tunc demum, quando durities cordis, & pertinacia nullum resipiscentiæ spei locum relinquit, promittit: *timeo* (ait ipse II. ad Corinth. XII. 21. XIII. 1. 2. 10.) *ne... iterum cum venero, humiliet me Deus apud vos; & lugeam multos ex eis, qui ante peccaverunt, & non egerunt poenitentiam super immunditia, & fornicatione, & impudicitia,*  
*quam*

quam egerunt . Ecce tertio venio ad vos ; in or-  
 duorum , vel trium stat omne verbum . Pradixi ,  
 & pradico , ut prasens , & nunc absens ; iis , qui  
 ante peccaverunt , & cæteris omnibus ; quoniam ,  
 si venero , iterum non parcam . Ideo hac absenti  
 scribo , ut non prasens durius agam secundum po-  
 testatem , quam Dominus dedit mihi in adificatio-  
 nem , & non in destructionem . Si huc vellem  
 omnes singulatim Canones ad hanc rem perti-  
 nentes recensere , res esset non finiendi labor-  
 ris ; multo minus si omnes SS. Patrum auctori-  
 tates ; quapropter unam S. Augustini phrasim  
 commemorare sat erit . Scribit ipse in *Serm. 164.*  
*de verbis Apostolorum c. 5.* Sane si iudex es , si ju-  
 dicandi potestatem accepisti Ecclesiastica regula , si  
 apud te accusatur ; si veris documentis ; Testibus-  
 que convincitur , coerce , corripe , excommunica ,  
 degrada , sic vigilet tolerantia , ut non dormiat di-  
 sciplina . Quid clarius ; quid apertius ?

Hæ autem trinæ admonitiones non de consilio  
 tantum , sed de præcepto ; uti egregie idem  
 Augustinus ostendit , uti ostendit Hieronymus ,  
 Ambrosius , alique , judicandæ sunt : Si ita-  
 que monitiones non præcedunt , excommuni-  
 catio secundum Canonicas sanctiones facta ne-  
 quaquam credetur . Argumentum sua sponte  
 fluit , clarumque apparet in *Can. de illicita*

c. 24. *Quæst. 3. can. 8. de Sentent. Excom. in 6.* Hæc excommunicatio siue major sit siue minor, duplex est, una juris, hominis altera appellatur *Cap. 19. extra de sent. excommunic. cap. 21. 22. 23. eodem tit. in 6.* Quæ fertur à Canone, dicitur excommunicatio juris, vel ipso facto, ipsove jure lata *Can. 4. de sent. excom. in 6. Can. 2. de judiciis c. 3. de elect. & cap. 2. in fine de sent. & re judic. eodem lib.* quia scilicet vi, potestateque juris absque hominis, judicisve ministerio inferitur. Fateor, & in hac necessaria sententia judicis videtur; sed hæc condemnatoria certe non erit, erit tantum declaratoria, qua scilicet eum in excommunicationem incidisse declaretur. Excommunicatio autem hominis ea est, quæ non a Canone inferitur, sed quæ ab iis, qui censuras Ecclesiasticas ferendi jurisdictionem, potestatemque habent, sic ut isthæc non latæ sed ferendæ sententiæ dicatur.

Quum excommunicatio ad castigationem, correctionem, reformationemque morum pertineat, ad eos proinde, ad quos punizio, reprehensio, morumque pertinet reformatio, excommunicatio pertinebit. Itaque excommunicare poterunt Episcopi, istes enim ex lege Christi ea onera manent; quamquam olim id  
facere

facere sine consensu Archiepiscopi aut Episcoporum ejusdem provinciæ judicio minime possent, sic ut, quoniam provinciale Concilium bis in anno convocari consueverat, illic excommunicationum causæ, quæstionesque discuterentur. Episcopis Abbates jungo; etenim & isti excommunicare Monachos possunt; quum enim ad istos Monachorum punitio, reprehensio, morumque spectet reformatio, quum excommunicatio ad isthæc omnia tendat, quidni id verum judicemus? vide *cap. 10. extra de Major. & ob. & cap. 39. extra de Simonia*. Ad quos vero alios præter hosce excommunicatio spectet, si vis nosse, vide *Can. Corripiantur c. 24. q. 3. c. 3. de off. jud. ordin. & Can. nemo c. 2. q. 1.*

Ut autem excommunicationis macula abstergatur, ac deleatur, ferenda absolutionis sententia est juxta Ecclesiæ formam *Cap. 28. de Sentent. excomm.* in quo Capitulo (quod notandum) hocce discrimen inducitur inter vinculum, quo peccator apud Deum ligatur, & eum, quo ligatus est apud Ecclesiam; ut primum in culpæ remissione dissolvatur, alterum vero non, nisi sententia remittatur, ac relaxetur ab eo, qui relaxandi, absolvendi que potestatem habet, *disto Cap. 28.* Illius autem est absolutionis gratiam impertigi, cujus est Christianos rebelles,

ac contumaces excommunicatione ferire , & ,  
 ut ait Ivo Carnotensis in *sine epist.* 186. ab eo ,  
 cui data est ligandi potestas , quærenda est ab-  
 solutio : quod hocce modo intelligendum est ,  
 ut quilibet absolutionem obtinere a proprio E-  
 piscopo vel Presbytero , idest Parocho , vel Ple-  
 bano , qui excommunicavit , debeat , *Can.* 38.  
*c. 11. q. 3.* vel ab ejus Successore , si excommu-  
 nicator ante absolutionem morte rapiatur *Can. 4.*  
*eandem questione & causa* . Non ergo ab extra-  
 neo petenda absolutio est , nisi de excommuni-  
 cantis licentia siue consensu *Cap. 12. extra de*  
*pœnit.* non a peregrino sine literis & testimo-  
 nio , uti decrevit Felix III. in *epist.* 3. *Cap. ult.*  
 n̄i tamen tanta necessitas subsit , ut differri ab-  
 solutio non possit , uti contingeret si de arti-  
 culo mortis ageretur , seu de excommunicato  
 animam agente , supremæque verba singultien-  
 te , *Cap. 26. extra de Sent. excom.* tunc enim qui-  
 libet Sacerdos moriturum absolvere rectissime  
 potest , *Cap. unica de crimine falsi in extravaganti-*  
*bus Joannis XXII. Cap. 11. §. præterea extra de*  
*off. judicis ordinarii* . Illud vero , quod proditum  
 est , illius esse absolvere , cujus est excommu-  
 nicare , sumptum a Jure Civili videtur , cujus  
 regula est , cum , qui damnare potest , absol-  
 vendi quoque potestatem habere *l. 3. ff. de reg.*  
*juris* ;

*juris*; & contra, eum, qui condemnare non potest, nec posse absolvere *l. 6. de off. Proconsulis*. Excipitur singularis Casus in *l. 3. §. adto Cod. ubi Senatores vel Clarissimi*, ubi Judex a Principe datus non potest Senatorem capitali judicio, inconsulto Principe, condemnare, absolvere tamen, eo inconsulto, potest.

Cæterum juvat diligentissime observare; quibusdam in casibus Summum Pontificem sibi absolutionis dandæ auctoritatem servasse; isti quales sint, satis rem & in Corpore Juris Pontificii, & ab Interpretibus nostris definitam intelligo, ut in hisce propterea recensendis mihi immorandum non esse putem.



## DISCIPLINA ECCLESASTICA

## LIBER SECUNDUS.

## DISSERTATIO PRIMA.

*De Cultu Deo præstando.*

**O**ptimum Ecclesiæ regimen, optimamque ejus administrationem in hisce duobus potissimum versari, in Doctrina scilicet, & Disciplina, in Prolegomenis observavi; quæ de doctrina dici, scribere possunt, paucis quidem; sed satis dilucide me disputasse existimo; restat ergo, ut ad alteram instituti partem se referat oratio nostra. Omnis porro Ecclesiæ disciplina ad tria potissimum spectat, ad Cultum Deo præstandum ob id, quod nos veritatis vias docuit, tradiditque ea, quæ muneris nostri sunt; ad Ministros, qui doctrinam edocent, divinumque promovent cultum; ad bona denique Ecclesiastica, quæ Ministris sunt concedenda. Ut au-

tem



tem in primis hæc in dissertatione a divino cultu exordiar, placet eum cum Theologis in duplicem dividere classem: interior enim unus, exterior alter vocatur; interior in veneratione, adorationeve Dei per fidem, spem, & charitatem consistit; exterior in tribus potissimum rebus versatur, seu, ut melius dicam, exterior cultus in triplicem classem dividitur; est enim precum, verborumque cultus; est cultus actionum, est cultus denique rerum. In cultu precum, verborumque plura occurrerent consideranda, sive respectu modi, quo preces faciendæ sint, utrum scilicet flexis genibus, an re-  
 ctis pedibus, utrum sæculari habitu, an Ecclesiastico, utrum submissa voce, an alta, & clara; sive respectu personarum, quæ orare, precarive debent, utrum scilicet aliquod corpus integrum oret, an privati; utrum innocentes an suspecti; sive respectu finis, utrum scilicet ob unicam Gloriam Dei, animarumque salutem oretur, an vero ob certam temporalem necessitatem, aut ob gratiarum actionem propter aliquem, quem felicem sortiti sumus, exitum temporalem; sive respectu locorum, temporum, quibus commodius, utiliusque orandum sit. Sed hæc omnia silentio mihi prætereun-

tereunda puto, illque, quibus per otium licet, discutienda relinquo.

Cultui verborum, & precum, cultus actionum succedit; duplicis hic generis est, institutionis Divinæ unus, institutionis humanæ dicitur alter: qui institutionis divinæ est, circa administrationem Sacramentorum versatur; qui vero est institutionis humanæ, ad reliquiarum ex. gr. translationes, ad peregrinationes, ad jejunia spectat. Denique cultus rerum duplicis quoque generis est: aliæ enim sunt res, quas directe Deo offerimus, ut ei maneant consecratæ, habeanturque extra hominum commercium; aliæ vero sunt, quas hominibus offerimus, ac præstamus, utique ad divini Numinis considerationem, sed eorundem hominum usui destinatas; primi generis res sunt ex. gr. templorum erectiones, sunt vasa, & ornamenta sacra, aliaque hujusce generis, quibus templa exornamus; secundi generis res sunt decimæ, sunt primitiæ, sunt oblationes; hæc enim res utique hominibus, ut eorundem usui inserviant, offerimus, ac præstamus, sed id ob unam divini Numinis considerationem peragimus.

De hacce duplici cultus specie, ut rem nume-

meris omnibus abfolyeremus, noſtrisq; in rebus videremur perfecti, nobis eſſet agendum, de interno ſcilicet, & externo; ſed quum pleraque hic contineantur, quæ potius Theologorum, quam Jurisconſultorum propria ſunt, hæc Theologis diſcutienda, perpendendaque relinquemus, ea propterea una ſcrutantes, quæ potius ad Juris Pontificii Interpretis munus, officiumve ſpectant. Itaque de cultu interno qui fide, ſpe, & charitate regitur, nil dicam, de uno exteriori, ejus tamen prima ſpecie ſepoſita, acturus. Itaque hanc diſſertationem in duplicem dividam partem, in prima de cultu exteriori actionum, eo ſcilicet, qui institutionis eſt divinæ, agam; de altero namque, quum de re facillima agatur, nihil; in altera agam de cultu exteriori rerum, tum earum, quas directe Deo offerimus, ut ei maneat consecratæ, habeanturque extra humanum commercium; tum earum, quas hominibus, ut eorum uſui inſerviant, ſed propter conſiderationem divinam præſtamus.

## P A R S P R I M A

*De Cultu exteriori, qui in actionibus consistit,  
 quique divina institutionis est, idest de  
 Sacramentis, quæ ad hunc Cultum  
 referuntur, & primo quidem*

---

*De Baptismo*

## C A P U T P R I M U M.

**A**Ntequam Christiana Religio floreret, infantes Sacro Baptismatis lavacro regenerandos offerre morem minime fuisse certum est. Temporum enim adjuncta, ut hoc Sacramentum, quod ad Societatem Christianam adiutum patefacit, non nisi illis, quorum probæ essent dispositiones, conferretur, suadebant; indeque est, ut ii, qui ad illud anhelabant, in plures Classes, quæ velut differentes formabant gradus, qui ad Baptismum conducerent, dividerentur. Tales erant *Auditores, Catechumeni &c.*

Harum dispositionum necessitas, quando efflorescere, propagari, adoptarique Christiana

Reli-

Religio cæpit, minus utique facta urgens fuit, sed non certe cessavit. Cujuscumque enim interest Societatis sibi socios, quorum probatæ fiat dispositiones, admittere; inde est, ut temporibus hisce nostris, si de adulto agatur, qui Baptismo suum dare nomen exoptet, sit a Ministris, utrum eis vere habeat dispositiones, quæ necessariæ, opportunæque creduntur, probandus.

Ordinarius Minister olim Episcopus erat, tamquam scilicet Populi sibi commissi primarius pastor. Hodie Parochi, sive Parochiales presbyteri ordinarii sunt in suis Parochiis Ministri; nulli ergo simplici Presbytero, nulli Diacono, nulli inferiori Clerico extra casum necessitatis, (quo quicumque Minister est) consuetis cæramoniis baptizare permittitur.

Formam hujusce Sacramenti clare Christus expressit, dum Matthæi 28. jussit baptizare *in nomine Patris, & Filii, & Spiritus Sancti*; sed & ex verbis Christi ad Nicodemum Joan. 3. *nisi quis renatus fuerit ex aqua, & Spiritu Sancto non potest introire in Regnum Dei.* Quæ sit baptismi materia, liquet; aquam enim esse veram, naturalemque constat. Cæterum aquam adhibendi ritus non idem est ubique. In Ecclesia Orientali jam pridem immersionem usitatam constat ex Cyrillo Hierosolymitano *Ca-*

*iechese Mystagoga* 2. Quin & ita Ecclesia olim consuevit Latina, & quidem Sæculo II. uti docet Tertullianus *lib. de Coronâ militis* Cap. 3. id jam jam fieri cæpit, idque per plurium Sæculorum spatium, uti ex S. Thomæ 3. *parte* q. 66. *art.* 7. colligitur, duravit, cæpitque immersionis usus ejusdem S. Thomæ tempore, quin amplius in desuetudinem abiret, adhiberi. Immersio autem, quæ olim fieri consueverat, trina præcepta multis Canonibus fuit, *Can.* 78. 79. *de Consecrat. dist.* 4. *Can.* 50. *vulgo Apostolorum*, in signum scilicet S. Trinitatis, cujus nomine S. Baptismi Sacramentum conferendum esse Christus Servator noster edocuit; sed & alias justissima de causa, unam tantum fieri præceptum legibus Ecclesiasticis fuit.

---

### *De Chrismate*

## CAPUT SECUNDUM.

CHRISMA quod verum Sacramentum esse proxime decrevit Trident. Conc. *Seff.* 7. *de Consecrat. Can.* 1. olim manuum dicta fuit impositio,

tiō , frequentiusque Confirmatio ; per hocce quippe Sacramentum fideles in Fide Christi solidius ; firmitusque confirmantur . Antiquitus , quando maximam Ecclesia persecutionem patiebatur , recens Baptizatis , ut fortiores ad fidem , quæ ob persecutiones periclitabatur , redderentur , conferri consueviffe certum est ; hujus disciplinæ Innumera sunt tum apud veteres , tum apud recentiores monumenta . Sed hodie in Ecclesia Latina ( in Græcâ vetus adhuc disciplina ; ut ex ejus rituali colligere est , servatur ) illud in desuetudinem abiit ; scilicet non nisi post certum temporis spatium a collatione Baptismi Chrismatis Sacramentum confertur . Quo id tempore cœperit obtinere , incertum apud Interpretes est ; eam ipse disciplinam eousque perdurasse , quo frequens adulterorum Baptismus factus fuit , suspicor ; suspicor cessasse ; cum adulterorum Baptismi usus cessavit .

Hujusce Sacramenti Ordinarius Minister est Episcopus , Extraordinarius ex dispensatione Presbyter est . Hoc Sacramentum ad Salutem Aeternam comparandam multum utique conferre , sed necessarium non esse certum est .

*De Eucharistia*

## CAPUT TERTIUM.

**E**Xcellentissimum inter omnia Sacramenta Eucharistiam esse nemo nescit; hoc enim illud habet præcipuum, ut quando cætera Sacramenta vim sanctificandi, quum quis illis utitur, habet, hæc ipsum salutis auctorem contineat.

Hujusce Sacramenti participatio est signum, quo an alterum magis characteristicum Christianis detur, nescio; ac per hoc excellentiæ, dignitatisque causa Communio appellatur; ita ut, qui ab ea remouentur, eos velut extraneos consideremus.

Materia hujusce Sacramenti est verus panis triticeus, vinumque de vite; verba, quibus forma præscribitur, nota sunt. Qui potest hoc Sacramentum conficere unus est Sacerdos, illeque unus hodie populo illud ministrare potest: *hodie*, inquam, ut tacite veterem disciplinam aliam fuisse commonstrem. Antiquitus enim Diaconos, ut Sacerdotum Ministros Eucharistiam populo ministrare consuevisse, du-

bia



bia tamen re quæ nam ætate id in defuetudinem cæperit abire, quis nescit?

Olim recenter Baptizatis, vel infantibus Eucharistia dabatur, teste Van-Espen *part. 2. tit. 4.* viguitque hæc disciplina, vel Sæculo XI. vigetque adhuc apud Græcos, sed apud Latinos exulavit, nullusque ad Eucharistiam admittendus, nisi ad rationis usum pervenerit; riteque instructus, edoctusque sit.

Primis Ecclesiæ Sæculis, quibus fides Christiana fervebat, quotidie fideles communicabant; id ex Justino constat *Apol. 2.* constat ex Constitutionibus Apostolicis *lib. 8. Cap. XX.* constat ex Dionysio *c. 3. Ecclesia Hierarchica.* Sæculis vero posterioribus rarius esse Communio cœpit, debueruntque ad Communicandum fideles certis modis urgeri; decretumque ex Synodo Agathensi Sæculo VI. celebrato, Canone scilicet 18. ut ter saltem in anno, die nempe Natalis, Paschæ, & Pentecostis fideles, ni pro non Catholicis vellent haberi, communicarent; vide *Can. 16. de consecrat. dist. 2.*

Sed quum magis magisque in dies Christiana fides tepesceret, decretum a Synodo Lateranensi fuit, ut semel saltem in anno, die scilicet Paschatis communicarent; idque habetur in *Sess. 22. Cap. 6. de Sacrif. Missæ*, confirmavitque

D

id

Id Synodus Tridentina in *Seff. 13. Can. 9. de Eucharistia*, secusque facientes, dum adhuc in vivis erunt, ab ingressu Ecclesiæ arcebuntur, mortuique Ecclesiastica Sepultura carebunt.

Intra tempus Paschale, quo tam justa Communicandi disciplina fuit inducta, statutum aliquando fuit a Concilio Avenionensi; ne quis præter Parochos Eucharistiâ fidelibus distribueret; statutum a Lateranensi Concilio, ut Communio isthæc Paschalis in propria Parochia fieret.

Sacramenti Eucharistiæ Sanctitas, summaque dignitas, & excellentia, ut digni tantum Communicent, removeanturque indigni, suadet; suadet, ut qui notorie, & publice indigni sunt, publice, ni de eorum pœnitentia constet, removeantur; quamquam qui rêvera cõversi ac pœnitentes sunt, sed adhuc non est nota conversio, non sint ad Eucharistiâ publice admittendi. In Pastoribus Sacerdotibusque tamen Christiana quædam prudentia requiritur, expeditque propterea, ut, dum publicos, notoriosque in sua habent Parochia peccatores, Superiores consulant suos, quidque agendum sit, ab iis exposcant.

*De Sacramento Pœnitentiæ*

## CAPUT QUARTUM.


**S**I post Baptismum peccemus , nosque Deo inimicos reddamus , non aliter patet nobis salutis aditus , nisi per pœnitentiam . Hæc duplex ; publica una , privata altera nominatur . Publica est , quæ palam , & in facie Ecclesiæ peragitur . Hanc unam primis Ecclesiæ Sæculis imponi consuevisse , certum est ; pluresque & Theologi , & Jurisconsulti vel pro peccatis occultis pœnitentiam publicam iisdem primis Ecclesiæ sæculis factam sæpissime fuisse contendunt , adeo tamen ut ad hanc publicam pœnitentiam agendam compelli excommunicatione utique peccatores publici possent , non possent tamen occulti . Peccatori equidem secreto confitenti , nisi pœnitentiam Canonicam ageret , reconciliationem secreto Sacerdos denegabat , nil tamen ultra agebat in eum . Hæc pro peccatis occultis publicam peragendi pœnitentiam disciplina in Ecclesia Latina usque ad VII. Sæculi finem , si credimus Morino *lib. 7. cap. 1.* duravit ; mutatumque id non jam ali-

cujus Ecclesiæ decreto, non Constitutione generalis Concilii, non physico more, sed paulatim tacitoque quodam Ecclesiarum consensu.

Fuit itaque veteri disciplina discrimen utique inter publicam, privatamque pœnitentiam agnitum, non fuit tamen multis sæculis nota distinctio inter publicam, & solemnem, quam hodie præter privatam Juris Canonici interpretes norunt. Solemnem dicunt, quæ fit tempore quadragesimæ ea cum solemnitate, quæ in *Can. in Capit. distin. 50.* describitur. Publicam appellant, quæ fit in facie Ecclesiæ; privatam dicunt, quando aliquis solus, ac secreto Sacerdoti peccata confitetur.

Ordinarius pœnitentiæ Minister solus olim erat Episcopus, eique uni multis sæculis peccatores publicos reconciliandi potestas competiit, sensimque cœpit post Sæculum septimum ad Presbyteros deferri, & pro ut pœnitentia publica desinebat, factaque frequentior privata fuit, facilius ad illos hæc potestas manavit, non tamen ad omnes, sed ad Parochos unos respectu Parochianorum, adeo tamen ut ipsi, si se impares omnibus confessionibus excipiendis impares sentirent, tot Sacerdotes, quos sufficerent, subrogarent. Hodie quicumque Sacerdos, obtenta ex Concilii Tridentin-

dētinī statuto adprobatione *sess. 23. Cap. 13.* ordinarius Pœnitentiæ Sacramenti Minister est, inque univēsa Diœcēsi reconciliare peccatores potest :



*De Extrema Unctione*

CAPUT QUINTUM.

**I**nfirmatur quis ex vobis? inducat presbyteros Ecclēsiæ, & orent super eum, ungentes eum oleo in nomine Domini; & oratio Fidei sublevalit infirmum; & alleviabit eum Dominus, & si in peccatis sit, dimittentur ei: Sunt verba Jacobi Apostoli in *Epist. Canonica Cap. 3.* relata a Concilio Tridentino *sess. 14. Cap. de Sacramento Extreme Unctionis*; verba certe, quæ materiam, quæ formam, quæ Ministrum Sacramenti Extreme Unctionis commonstrant: quamquam quoad formam spectat, ea ex institutione divina non sit essentialis, sic ut sine illa numquam Sacramentum valide conferri potuerit: tum quia ex Sacramentario Sancti Gregorii apud Hugonem Menardum *pag. 251. in Ec-*

eclesia Latina hanc formam antiquitus usitatam non fuisse constat, tum quia Ecclesia Græca alia formula utitur; de validitate tamen Sacramenti a Græcis collati quæstio numquam mota fuit.

Sacramentum hocce solis conferendum infirmis esse, eadem verba commonstrant, docetque Tridentinum Concilium *sess. 14. Cap. 3. de extrema unctione*. Incertum tamen, quam nam gravis, tum ex iis verbis, tum ex Tridentino Concilio infirmitas esse debeat; talem tamen non esse eam oportere, ut nullus amplius adipiscendæ valetudinis, & spes, & campus pateat, certum est; ea ergo erit (talis est Ecclesiæ Latinæ praxis) infirmitas, ut timeatur, ne supremum homo diem conficiat.

Olim hoc Sacramentum tamquam pœnitentiæ complementum viatico præmittendum credebatur, ritusque iste in Sacramentario S. Gregorii præscribitur, hæcque disciplina usque ad sæculum antecedens duravit. Satis porro veteres verbi *Unctionis extrema* vim non intellexerunt; neque enim extremum hoc Sacramentum dicitur, quod sit pœnitentiæ complementum, sed ideo, quia iis, quibus, ne suæ extremum vitæ momentum immineat, timeatur.

Ministros hujus Sacramenti superiora Jacobi verba commonstrare dixi, sunt enim presbyteri; quamquam in Ecclesia Latina unus hujus Sacramenti ministrandi sufficiat, in Ecclesia autem Græca plures, quum *Presbyteros* in plurali numero dixerit Jacobus, adhibentur. Cæterum inter presbyteros unum Parochum ordinarium hujus Sacramenti Ministrum esse disciplina hodierna est.

Scio, qualis hujus Sacramenti non reiterandi, veluti si infirmum morbus ita reliquerit, ut mortis discrimen evasisse videatur, deinceps vero in vitæ discrimen iterum adducatur, fuerit agitata quæstio, & recepta, sed scio quoque, merito deinceps eam improbatam, definitumque fuisse, illud reiterari in eadem infirmitate posse; id evidenter Concilium Tridentinum *sess. 14. de Extrema Unctione*, commonstrat, id Synodus Namurcensis anno 1639. *tit. 4. Cap. 8.* id Synodus Iprensis sub Rithovio *tit. 17. Cap. 3.* id alia bene multa Concilia bellissime constituerunt.

*De Ordinis Sacramento*

## CAPUT SEXTUM.

**O**Rdo latine quemdam gradum aut statum, personarum, sive dignitatem significat; unde Ordo Senatorius, Ordo Equestris, Ordines alii, qui a reliquo populo, nempe a plebe distinguuntur, habentur. Quapropter, qui e Christianis fidelibus ad Sacra ministeria, divinæque Officia vocantur, distinctum a cæteris Ordinem componunt, Clericorumque Ordo appellatur. Sed iste in diversos gradus dividitur, eique, qui dixerit præter Sacerdotium non esse in Ecclesia Catholica alios Ordines, & majores, & minores, per quos quasi per gradus ad Sacerdotium ascendatur. Tridentinum Concilium *Sess. 23. Can. 2. de Sacramento Ordinis* anathema dicit. Habet, hocce Ordinis Sacramentum suam materiam, suam formam, suum habet Ministrum. Ut quæ materia, quæ forma sit, dignoscatur, placet considerare potestatem, quæ Presbytero in Ordinatione tribuitur, duplicem esse: prima ad potestatem conficiendi Eucharistiam refertur, altera ad ligan-

gan-



gandum , solvendumque a peccatis , quæ per manuum impositionem hisce verbis confertur : : *accipe Spiritum Sanctum &c.* pertinet ; porro si primam Ordinis potestatem respiciamus , manuum impositionem pro materia haberi , verba pro forma , plurimum est Sententia ; si vero potestatem alteram consideremus , verba ii volunt formam , Calicis , Hostiæque traditionem materiam , *et c.*

Hujusce Sacramenti Ordinarius Minister tam apud Latinos , quam apud Græcos , vel a primis Ecclesiæ sæculis dijudicatus proprius Episcopus fuit , communisque est in hac re Sanctorum Patrum Sententia , sic ut eorum nonnulli ita de Episcopis dijudicent , ut quasi hoc solo jure Presbyteros antecedant . Sic enim habet Chrysostomus *Homil. 2. in Epist. 1. ad Timoth.* *Sola quippe ordinatione superiores illi ( Episcopi ) sunt ; atque hoc tantum plusquam presbyteri habere videntur .* Sic vero Hieronymus *Epist. 35. ad Evagrium* : *quid facit Episcopus : excepta Ordinatione , quod Presbyter non faciat ?* Cæterum proprius Episcopus hoc Sacramentum conferre non nisi in sua Diœcesi potest , idque ex diœceseon divisione facta , vi cujus , confusions vitandæ causa , statutum , ne quis in alie-

alienos terminos suam jurisdictionem, potestatemque extenderet, profluit.

Porro proprius alicujus ordinandi Episcopus quis dicitur aut ratione Originis, aut ratione Domicilii, aut ratione Beneficii. Ratione Originis Episcopus dicitur Episcopus loci, in quo ordinandus suos natales traxit; utique olim locus, in quo quis esset oriundus, non respiciebatur, sed ratio loci, in quo quis baptizatus fuisset, habebatur, ita ut spiritualis seu ad sempiternam Beatæ Eternitatis vitam generatio carnalem, corporalemve generationem hac in re præcederet. Sed jure novo attentio non baptismi, sed nativitatis locus spectatur. Argumentum enim evidentissimum in *Cap. 3. de temporibus ordinat. in 6.* occurrit: *Superior intelligitur* (ait ibi Bonifacius III.) *in hoc casu Episcopus, de cujus Diœcesi est is, qui ad Ordinem promoveri desiderat oriundus*; quid clarius? Non ergo nativitas Patris, non nativitas Matris, sed nativitas Ordinandi ipsius attenditur.

Episcopus Domicilii Episcopus ejus loci, in quo ordinandus habet Domicilium, censetur. Denique ratione Beneficii Episcopus proprius dicitur ille, in cujus Diœcesi illi, qui Ordines petit, Beneficium paratum est.

Hæc

Hæc porro inter proprios Episcopos differentia antiquissimæ disciplinæ incognita penitus erat; ea enim proprium Episcopum non nisi illum agnoscebat, in cuius diœcesi erat Ecclesia, cui Clericus adscribebatur; Ecclesiæque propterea adscriptio unicus erat, qui in ordinando requirebatur, titulus. Quo vero tempore hæc mutatio cæperit disciplinæ, incertum admodum est; hocque unum constat, nullam Decretalem, Canonem nullum, quo ante Bonifacium III. hæc triplex Episcopi proprii disciplina comprobetur, reperiri. Interim tamen ex hisce certum semper in ordinatione titulum necessarium fuisse, bellissime liquet. Olim enim, anteaquam S. Ordinatio a Collatione Beneficiorum distingueretur, titulus erat ipsa Clerici Ordinatio; postmodum vero, quum distincta ordinatio a Beneficiorum collatione fuit, titulus necessarius Beneficium fuit; paulatim vero factum, ut titulus sufficientis Patrimonii verus Ordinationis titulus crederetur; eum tamen extraordinarium titulum appellavit Tridentinum Concilium in *sess. 21. Cap. 2. de reformatione*.

Si cuiusque personarum status interest, ut qui ei adjicitur, vir probus, honestisque moribus sit, id multo magis Clericorum Ordina-

nis,

his , statusque interest ; adeoque inter hunc  
Ordinem non nisi illi admittendi , quorum evi-  
dentissima probitatis , & exempla , & testimo-  
nia habeantur ; hæcque proinde a consciis Pa-  
rochus explorabit , postquam Ordinandorum no-  
mina publicaverit . Ni tamen probitati suffi-  
ciens doctrina jungatur , neminem ordina-  
dum voluit Tridentinum Concilium *sess. 23. de  
ref. Cap. 12.* idque ab Apostolo constitutum  
hisce verbis : *manum cito nemini imposueritis ;  
neque communicaveritis peccatis alienis , 1. ad Ti-  
moth. 5. v. 22.* En quid S. Leo *Epist. 87. capit.  
XXI. scripsit. Quid autem est* (ait) *cito manus  
imponere nisi ante aetatem maturitatis , ante tem-  
pus examinis , ante meritum laboris , ante experien-  
tiam disciplina Sacerdotalem honorem tribuere non  
probatis ?* In hisce Apostoli verbis insistens &  
S. Chrysostomus *hom. 16. in Epist. ad Timor.*  
ait : *quid est illud cito ? non ex prima probatione ,  
nec secunda , nec tertia , sed ubi consideratio diu-  
urna precessit , exactissimaque discussio , tunc im-  
positio manus .* Qui itaque bonis , honestisque  
moribus non decorantur , qui sufficientem scien-  
tiam non habent , una cum iis , qui certam non  
habent ætatem a Concilio Tridentino defini-  
tam in *Sess. 23. Cap. 12. de reform.* aut qui cer-  
tis impedimentis a Pontificio jure statutis de-  
tinen.

tinentur , ab Ordinatione sunt repellendi , sic  
 ( ut eos , qui Baptismum non receperunt , ja-  
 nuamque Ecclesiæ non sunt ingressi , taceam )  
 repelluntur servi ; etenim , quum isti per Or-  
 dinem libertatem consequantur , iniquum , in-  
 justumque est , eos a potestate Domini sine ejus  
 consensu abripere , *Cap. 2. de Servis non Ordi-*  
*nandis* ; repelluntur Syndici Universitatum ,  
 pupillorumque tutores , & quotquot ad red-  
 dendas rationes tenentur , *Cap. unico de obligat.*  
*ad rationem* , repelluntur infames , simoniaci ,  
 homicidæ , ni tamen homicidium casu , & sine  
 culpa acciderit , *Concil. Trid. sess. 4. Cap. 7.*  
*de ref.* excluduntur ex injustis nuptiis nati ,  
 sive illegitimi , *Cap. 2. de filiis presbyterorum* &  
 arcentur ob incontinentiæ suspicionem biga-  
 mi , arcentur eunuchi . De infantibus & hæ-  
 reticis , de apostatis , & neophitis , iterumque  
 baptizatis non loquor ; satis enim eos ordinari  
 non posse *ex can. 2. & 3. dist. 23. Cap. qui in*  
*qualibet cap. 1. quest. 1. can. 117. de consecr. dist. 4.*  
 bellissimè constat ; non loquor etiam de epile-  
 pticis , corporeque vitiatis , non loquor de sur-  
 dis , & mutis , quique insigni deformitate no-  
 tantur ; isti enim partim , ne Ordines ludibrio  
 aliorum exponant , partim quia corporis vitio  
 ad Ordinis exercitium inidonei esse videntur ,  
 irre-

irregularitatis nota ex Canonum dispositione  
afficiuntur.

---

*De Matrimonio*

CAPUT SEPTIMUM.

**M**atrimonium excellentissimam esse civilis  
societatis promovendæ viam, nemo ne-  
scit; ejus tamen excellentiæ idea, si quis ejus  
auctor sit consideretur, crescet, majorque illi  
commendatio accedet. De hoc agendum nobis,  
postquam paucis de cæteris Sacramentis dispu-  
tavimus, restat; ab ipsis sponsalibus, quæ ma-  
trimonium præcedunt, exordior.

Hæc definiuntur *in Can. 3. cap. 30. q. 5. fu-  
turarum nuptiarum promissio*; sumptaque hæc de-  
finitio videtur a *l. 1. ff. de Sponsalibus*, ubi  
eadem propemodum verba occurrunt. Cui bo-  
no inducta sponsalia sint, soleantque Matrimo-  
nium præcedere, non una ratio. Constantinus  
Harmenopulus *libro 4. Promptuarii Juris tit. 1.  
in princip.* hanc suggerit; nempe ut possint  
sponsi, sponsæque prævidere, præparareque  
id,

id, quod postea sit futurum. Hottomanus III. *de nuptiis* 5. existimat, ideo nuptias inter Christianos non satis pie sine præcedentibus sponsalibus contrahi, ut medio temporis intervallo tempestive dispiciatur, num aliquid fortassis sit, quod Matrimonii consumationem impediat, & ne ad concubitum effræni libidinis impetu conjuges ruant. Addi hæc, meo judicio, ratio, quæ præcipua videtur, potest, ut ultro, citroque ingenium, moresque præbentur, quorum potius habenda est ratio in nuptiis, quam corporis pulchritudinis, magnitudinisque dotis; hancque ob causam receptum jure Judaico fuerat, ut pactæ, promissæque sponsæ sponfis custodiendæ, donec contraheretur Matrimonium, traderentur, quo scilicet hocce temporis intervallo observaretur, tentareturque pudicitia, uti S. Bernardus in *laudibus Virginis Matris* egregie notavit.

Ut in aliis contractibus, ac negotiis consensus contrahentium est necessarius, & necessarium quoque in sponsalibus esse cum ex civili, tum ex Pontificio jure probatur; exprimi autem non tantum verbis, vocibusque potest, verum etiam nutu *l. 73. de jure dot.* inde est, ut & mutus contrahere sponsalia possit; nam in mutis, ut Quintilianus ait,

nu-

mutus pro sermone est ; vide *l. 43. in princip. de procurat. l. 65. ff. si pupillo ad S. C. Trebell.* dic idem de furdis ; quamquam si veterem Jurisprudentiam respiciamus , isti , ( mutos dico , & furdos ) contrahere sponsalia prohiberentur : quum enim isthæc non nisi stipulatione , spon- sioneque fierent , quum stipulationem , spon- sionemque perficere muti , furdique non pos- sent , quum illi verba proferre , isti audire nequirent , id verum esse liberrime fuit .

Ex eo autem quod necessarius consensus sit , fit , ut infantes , qui consensus sunt incapaces , contrahere sponsalia non possint ; adeo ut , si contrahant , nulla , ac irrita sint ; dic idem de iis , qui vi , metuque illa contrahunt : vis enim , metusque tollit consensum . Sed quid si juramentum sponsalibus vi , metuque contra- ctis addatur ? Arctissimum equidem juramenti vinculum est , gravisque ejus certe vis reputa- tur , hocce tamen casu tam firmum creden- dum non est , ut sponsalia , quæ nulla per se , ac irrita sunt , firma , & valida vi potestate- que sua efficiat . Equidenim ? Juramentum na- turam negotii , & actus , cui accedit , assu- mit , *l. ult. cod. de non numer. pecun.* hoc autem negotium , & actus , qui vi , metuque elicitur , nullus est , ergo juramentum nullum est , hoc-  
cique



cique faciendum . Vide *Cap. cum contigat extra de iurejurando Cap. 2. extra de eo , qui duxis in matrim.* Cæterum considerandum est , id verum esse , si sit metus gravis , qui possit in constantem cadere virum , quemadmodum est ex. gr. metus mortis , gravissimusque corporis cruciatus occurrat ; nam si levis est , aut reverentialis , Sponsalia , præcipue si sint juramento firmata , in irritum non cadere definitum est ; dic idem , si metus per actum aliquem subsequenter voluntarium , ex. gr. per carnalem copulam , spontaneamque cohabitationem purgetur ; tunc enim , quod prius irritum erat , illud deinceps convalescit argumento *l. 2. Cod. de his , quæ vi metusve causa.* Convalescit multo magis , quando postea , metus causa cessante , spontanea ratihabitio fuerit subsequuta .

Infantibus , iisque , qui vi , metuque gravi ad Sponsalia contrahenda adiguntur , similes eos facio , qui ebrii sunt ; quum enim ebrii poculisque usque ad alienationem mentis obruti , quid loquantur , quidque agant , non intelligant , sunt ad instar furiosi , menteque capti , qui consensu carens , intellectuque destitutus , nec nuptias nec Sponsalia potest contrahere *l. 8. de Sponsalib. l. 16. in fine de ritu nuptiarum , Cap. 24. de Sponsalib.*

E

Nota

Nota est Sponsaliorum divisio inter ea , quæ de præfenti , & ea , quæ de futuro celebrantur . Nota divisio inter sponsalia , quæ pure , quæ in diem , quæ sub conditione contrahuntur : pure hisce ex. gr. verbis *ego te accipiam in uxorem ; ego te in maritum* ; contrahuntur in diem , cum quis spondet , se aliquam in uxorem intra certum tempus accepturum , sub conditione , quando Sponsalibus conditio aliqua adjicitur . Horum autem , quæ sub conditione celebrantur , sponsaliorum talis natura , & indoles est , ut conditione demum existente Sponsalia & firma , & rata habeantur ; ea vero deficiente , nihil promissum videatur , adeo ut alteri parti , vel altera parte invita , liceat recedere , Sponsaliaque quærere nova , *Cap. unico de Sponsalibz in 6.*

Sed jam videamus , quomodo Sponsalia dissolvantur . Notum est tritissimum illud adagium , unumquodque per easdem causas , quibus colligatum est , dissolvi , ac propterea , quemadmodum ad contrahenda sponsalia consensus , idemque liber requiritur , ita consensus , idemque liber , ad ea dissolvenda necessarius est , ducto similitudinis exemplo a Societate , quæ mutuo contrahentium consensu inita contrario consensu dissolvitur . *L. 63. §. de*

*ximus pro socio*; est enim uxor vitæ sociæ; καὶ  
 τοῦ τῆς Βίης, ut ait Chrysostomus *hom. 18. Cap.*  
*vii. 1. ad Corinth.* Primus itaque sponsalia dis-  
 solvendi modus mutus consensus est; solvun-  
 tur secundo renunciatione unius *Cap. 17. de*  
*sponsalibus*, dummodo tamen iusta renunciatio-  
 nis causa subesse videatur; solvuntur tertio  
 ingressu in Monasterium; cui se quis manci-  
 pare velit; ut ad frugem melioris vitæ se con-  
 ferat, dummodo res integra sit. Ingressus enim  
 in Monasterium naturali morti æquiparatur,  
 ut ait Palladius *in historia Lausiaca Cap. 85.*  
 & Zonaras *ad Canonem 6. Synod. primæsecundæ*;  
 quarto solvuntur ob Sacri Ordinis susceptionem  
*Cap. 1. & 2. de Clerici, vel vocantes*; quinto pro-  
 pter Cognationem, & ius necessitudinis *Cap. 4.*  
*de Sponsalib.* sexto propter propinquitatem, vel  
 propter affinitatem etiam supervenientem; de-  
 nique propter subsequens sponsæ stuprum, aut  
 etiam præcedens, quod ignoravit sponsus, vel  
 propter morbum perpetuum, ac senticum, pro-  
 pterve deformitatem corporis supervenientem  
*Cap. 25. de iurejurando.* Aliæ, non ignoro, sunt  
 sponsalium dissolvendorum causæ, sed quum  
 ex omnibus notæ, quid juvat in hisce singul-  
 latim recensendis immorari? Ille ad hoc stru-  
 ctus hæc de Sponsalibus, quæ Matrimonium

præcedunt : ad Matrimonium me confero. Hoc nihil aliud est quam *maris*, & *fœmina conjunctio*, *individuum vita consuetudinem continens*; in hac explicanda definitione, quum de re scilicet agatur, non immoror; hoc contrahere illi possunt, qui in iusta sunt ætate constituti; hanc Jus Pontificium ex coeundi potius potentia, quam ex annorum numero dimetiendam putavit, recepta scilicet Sabinianorum sententia, qui ex habitu corporis, non ex ætate Nuptias permittebant. Ulpianus in fragmentis *tit. de iur. in fin.*

Nedum autem iusta ætas requiritur; sed & consensus contrahentium ad instar cæterorum contractuum necessarius est; an etiam parentum? multum referre videtur, antiquissimam ne Jurisprudentiam, an recentiorē consulemus; antiquissimis porro temporibus, & Parentum, quorum in potestate erant contrahentes, voluntas, & consensus requirebatur *leg. 2. de ritu nupt. Ulpianus in fragmentis reguli tit. 5. Paulus lib. 2. sentent. tit. 19.* idque & de sponsalibus fuerat constitutum *l. 7. §. 1. de iur. do sponsalibus*; sicut filius familias invito Patre non compressam quidem, & a se vitiatam puellam ducere posset; si vero eam duxisset, pro injusta uxore haberetur *l. 1. unde vir, & uxor & si*

*uxor, ad legem Jul. de adult. atque in hac re*  
*egregie Terentius in Andria, scribit:* b 7 | 010  
*Adeo impotenti esse animo, ut prater Civium* 137  
*Morem, atque legem, & sui voluntatem Patris,*  
*Tamen hanc habere studeat cum summo probro?*  
*Hoc autem ne dum civilis, sed & naturalis*  
*suadere ratio videbatur; Filius enim observan-*  
*tiam, cultum, honorem, pietatemque Patri*  
*suo præstet, & exhibeat necessum est; id au-*  
*tem adeo verum, ut hic Parentum consen-*  
*sus ne dum in iis nuptiis, quæ tunc primum*  
*inirentur, necessarius esse videretur, verum*  
*& post divortium in his, quæ inter easdem*  
*personas renovabantur, ac conciliabantur, adeo*  
*ut quemadmodum nuptiæ ab initio contractæ*  
*sine auctoritate Patris, in cujus fuisset pote-*  
*state puella, vel adolescens, injustæ, & illicitæ*  
*censerentur, l. 2. de ritu nupt. sic quoque*  
*minus legitima haberetur conjunctio, quæ dis-*  
*soluta repudio superveniente postea sine con-*  
*sensu patris renovaretur, præcipue cum fuis-*  
*set jure Civili cautum, divortium ex arbitrio*  
*Patris pendere, maxime si justa aliqua divortii*  
*faciendi suborta causa fuisset. Jamque ergo*  
*hasce nuptias sine patris consensu celebratas*  
*injustas fuisse, apertissime constat: an ne &*

invalidas fuisse dicemus? nonnullos ita sensisse scio, sed vereor, ne eorum sententia ad rei veritatem accedat; etenim neque ratione, neque ullo juris nititur fundamento. Itaque eas utique illicitas, & injustas fuisse, sed validas fuisse arguuntur; nam, ut ait Paulus *lib. 2. sentent. tit. 19. contemplatio publica utilitatis privatorum commodis praefertur*; nimirum ad publicam utilitatem Matrimonium refertur, ad liberorum namque procreationem tendit; privatum commodum est jus Patriæ Potestatis; ac propterea jus Patriæ Potestatis, quod utique per se solum, ut nuptiæ invalidæ essent, efficeret, hoc in casu flocci faciendam, postponendumque videtur, sic ut validitati Matrimonii non obstat.

Hæc antiquissimam disciplinam ante Tridentinum Concilium respiciunt; aliud porro ex hoc ipso Concilio statutum, definitumque fuit. Etenim in *Cap. 1. sess. 24. de res. matrim.* hunc parentis consensum in Nuptiis contrahendis necessarium non esse apertissime legitur; contrahentium ergo consensum sufficere bellissime liquet.

Quo Matrimonium rite, recteque celebratum dicitur, non sufficit contrahentes errantem a ju-

a jure definitam ætatem habere; non sufficit; mutuum eos præstitisse consensum; sed ut Matrimonia clandestina non fiant, requiritur: hæc clandestina Matrimonia, qualia sint, nemo nescit. Triplici namque modo talia dici possunt; primo quæ clam, & occulte sine testibus, nec in Ecclesiæ conspectu contrahuntur *Cap. 2. de Clandest. despons.* secundo quæ in Ecclesia quidem facta sunt, sed in aliena Diœcesi *Cap. 1. collectione secunda de Clandest. despons.* tertio quæ fiunt sine Solemnibus, *Can. alter. c. 30. q. 5.* qui Evaristo tribuitur; quamquam nonnullis non sine fundamento apocryphus esse videatur. Matrimonia, inquam, quo rite contracta dicantur, ne clandestina sint requiritur; hujusmodi namque furtivas conjunctiones ~~qui~~ *quædam* ~~non~~ *quædam* Ecclesia semper vel ab ipsis incunabulis ex Episcoporum consensu improbavit; Sanct. Ignatius in *Epistola ad Polycarpum* aperte refellit; Tertullianus *de pudicitia* sic scribit: *penes nos occulta quoque conjunctiones, id est non prius apud Ecclesiam professa juxta mœchiam, & fornicationem judicari periclitantur;* Leo Papa in *Epist. IX.* hisce verbis: *igitur qui filiam suam viro habenti concubinam in Matrimonium dederit, non ita accipiendum est, quasi non conjugato dederit; nisi.*

E 4

forte

forte illa mulier , & ingenua facta , & legitima  
 dotata , & publicis Nuptiis honestata videatur ;  
 Concilium Verneſe in Can. 19. ita decrevit :  
*omnes homines laici publicas nuptias faciant tam  
 nobiles , quam ignobiles ;* Concilium Toletanum  
 Can. VIII. in hæc verba : *decernimus . 2. . ut nul-  
 lus occultas nuptias , aut raptum faciat ;* Herar-  
 dus Episcopus Turbonensis in Capitulis excerptis  
 ex corpore canonum Cap. 130. ita : *Nullus oc-  
 culte nuptias faciat ;* Quapropter ut hiſce clau-  
 destinis Matrimoniiſ occurreretur , a Triden-  
 tino Concilio in ſeſſ. 24. de reform. matrim. cap. 1.  
 & 3. decretum , ut , antequam Matrimonium  
 contrahatur , tribus diebus feſtivis publice in-  
 tra miſſarum Solemnia Matrimonii contrahendi  
 denunciationes faciendæ ſint , ut ſic etiam cui-  
 libet facultas Matrimonium , ſi forte quædam  
 ſubſint impedimenta , impediendi fiat ; hæc  
 namque plurima poſſe occurrere , nemo , qui  
 tantillum Jus Pontificium calleat , nescit .  
 Quamquam poſſint omnia ad duplicem Claſſem  
 reduci , ſunt enim nonnulla impediencia , di-  
 rimentia alia vocantur , ea , ne conjugium in-  
 eatur , efficiunt , contractum tamen non diſi-  
 munt , hæc non tantum impediunt , quominus  
 illud ineatur , verum etiam initum omnino diſ-  
 ſol-

ſol.



solvunt, & dirimunt. A dirimentibus recensendis, explicandisque incipiamus; soleo hæc-  
ce hisce carminibus decantare.

*Error, conditio, votum, cognatio, crimen,*  
*Cultus disparitas, vis, ordo, ligamen, honestas,*  
*Si sis affinis, si forte contra nequibis,*  
*Raptaque sis mulier, nec parti reddita tua,*  
*Si Parochi, & duplicis desit presentia testis,*  
*Jungitur impubes aras, dementia, furor.*  
 Error ergo in primis contractum dirimit  
 matrimonium. Sed ne errandi campus pateat,  
 placet errorem ab errore distinguere: est enim  
 error personæ, quando una pro alia accipitur;  
 est error conditionis, cum quis se cum libera  
 putat Matrimonium inire; est tamen serva;  
 est error qualitatis, cum quis se cum venusta,  
 cum nobili, cum virgine contrahere putat, &  
 tamen est deformis, est plebeja, est corrupta;  
 est denique error fortunæ, cum scilicet quis  
 nubere putat diviti, pauperrimam tamen eam  
 esse apparet; quamquam tamen quicumque sit  
 error, non nisi ad duplicem reduci classem pos-  
 sit, sic ut error aut substantialis sit, aut acci-  
 dentalis. Porro si accidentalem esse constet,  
 illum matrimonium non dirimere certum est;  
 si vero essentialis sit, quin illud dirimat, non  
 dubitandum; ad essentialem errorem personæ,  
 erro-

errorem conditionis reduco ; ad accidentalem vero errorem refero qualitatis , erroremque fortunæ ,

Sequitur conditio, cujus impedimentum dirimens esse dixi ; Condicio nimirum turpis, & impossibilis ; est tamen & hic non ineleganter notandum , multum referre , utrum conditio sit contra matrimonii substantiam , an minus ; tunc enim dirimitur Matrimonium , si ejus substantiæ conditio adversetur ; sin minus , non ita . Succedit castitatis votum ; non qualecumque tamen votum matrimonium dirimit . Nota enim distinctio est inter vota solemnia , & simplicia ; nimirum si de votis simplicibus sermo occurrat , contractum certe matrimonium non dirimit ; dirimit vero , si de solemnibus agatur . Deliberandum tamen est , an hæcce solemnia vota matrimonium præcesserint , an vero fuerint subsequuta ; utique nimirum id verum est , si præcesserint , nulla adscita distinctione consummatum ne sit matrimonium , an minus ; at si emissum post nuptias fuerit , multum certe refert , an emissum per Monachismi professionem fuerit , an vero per Sacri ordinis susceptionem . Si primum , ut ut matrimonium consummatum proponatur , non certe dirimitur ; si secundum , siue matrimonium

nium consummatum sit; sive non; diremtio nulla sit; hæc distinctio ex Concilio Tridentino sess. XXIV. de Matrim. ex Cap. verum de conversi conjug. una cum extravaganti antiqui Johan. XXII. de voto aperte colligitur.

Quartum dirimens Matrimonii impedimentum cognatio est; sed quando cognatio alia est naturalis; & dicitur consanguinitas, quasi unitas sanguinis; alia spiritualis; & compater-nitas appellatur; alia denique legalis, & vocatur adoptio; hæc omnia, ut in rebus nostris perfecti videamur, paucis perstringamus necessarium non de sumptore.

Describitur a Juris Consultis consanguinitas vinculum personarum ab eodem stipite descendens carnali propagatione contractum; dicitur vinculum, nec immerito; sanguine namque junctos speciali vineulo inter se se colligari certissimum est; dicitur personarum ad differentiam brutorum, inter quæ consanguinitatem non reperiri, compertum est; etenim, uti egregie Angelicus Doctor adnotat in 4. distincti. 40. quasi. unic. art. 1. ad 5. ex ipsorum propagatione ex uno parente nulla amicitia conjunctiocon-surgit; additur ab eodem stipite descendens; verba, quæ concinnam sapiunt metaphoram ab arboris trunco sumptam, a quo multi pro-

gre-

grediuntur rami , atque descendunt . Verba quæ sequuntur *Carnali propagatione Contraham* , facilia sunt , & clara . Sed jam ad certas in Consanguinitate , servandas regulas descendamus .

Consanguinitatem per lineas , perque gradus distingimus : linea est *Ordinata personarum series ab eodem stipite descendens* , diversas continens gradus ; gradus vero est *intervallum , seu mensura distantia consanguineorum inter se , & a communi stipite* . Linea duplex est , recta & transversa , seu collateralis ; illa personas , quæ genitorum , liberorumque obinent locum , continet , & est aut ascendens , aut descendens ; ascendens dicitur , quando a personis propagatis ad propagantes progredimur ; descendens vero obinet , quando a propagantibus devenimus ad propagatas . Transversalis vero linea est personas , quæ neque nos genuerunt , neque a nobis genitæ sunt , continens , sed a communi nobis cum stipite descendunt , uti est frater , soror , patruus , amita , cæterique hujusmodi . Hæc duplex est , æqualis una , inæqualis altera appellatur . Obinet æqualis , quando personæ æqualiter a communi stipite distant , uti sunt duo fratres , duorumque fratrum filii ; inæqualis vero est , quando consan-

gui-

ginei inæqualiter a communi stipite distant ; uti contingit in patruo , & amita respectu consobrinorum . Cæterum nonnullæ solent pro consanguinitatis gradibus computandis regulæ assignari : noua lineam directam respicit ; duæ aliæ ad collateralem spectant . Itaque in recta ascendentium , descendendumque linea tot sunt diversi gradus , quot sunt , stipite dempto , personæ ; ex. gr. Pater , Filius , Nepos Patris , Pronepos ; Abnepos sunt quinque personæ ; sunt tamen quatuor gradus ; hacque ratione filius est in primo gradu , nepos in secundo , pronepos in tertio , abnepos in quarto . Equidem tot sunt gradus , quot sunt generationes ; ad habendas autem quatuor generationes quinque personæ requiri necessum est ; adeoque prima personæ gradum distinctum non facit ; sed est veluti punctum , a quo ducitur linea , per quam persona secunda distat a prima , tertia a secunda , quarta a tertia &c. In Collaterali æquali linea hæc esto regula ; ut unus tot gradibus alteri jungatur , quot quilibet suo stipiti conjungitur ; proindeque tot ad invicem distabunt , quot distant a stipite ; pro inæquali vero hæc alia esto ; ut consanguinei tot gradibus distent inter se , quot ille , qui est a stipite remotior , distat . Sic Patruus , & Filius

ex fratre distant inæqualiter ab Avo , in quò uniuntur ; quum patruus uno tantum gradu tamquam ejus Filius distet ; alter vero tamquam illius nepos duobus distet gradibus ; igitur inter patruum , & filium fratris erit in secundo gradu distantia ; recta autem est pro hac inæquali linea a remotiori computatio ; si namque collateralis unius lineæ distantia a collateralis alterius non ex remotiore ; sed ex propinquiore stipite defumeretur , remotior a stipite propinquius Collaterali , quam suo stipiti jungeretur ; ab hoc enim duobus distaret gradibus ; ab illo tantum uno . Præterea gradus distinguere commodè non possent , nam si unus esset in primo gradu cum stipite ; alter vero in quarto , essent inter sese in primo gradu conjuncti , & sic a fratribus non differrept .

Regulis generalibus hisce præmissis , ad rem nostram propius accedamus . Primum porro nefarias , incestasque nuptias & naturali , & gentium jure prohiberi ; manifestum est ; manifestum est nuptias inter parentes , & liberos incestas , nefariasque fore ; igitur illas inter eos omnibus in gradibus prohiberi manifestissimum est . *§. ergo non omnes instit. de Nuptiis ; Ulpianus in fragm. tit. 5. regul. l. 53. §. ult. de ritu nupt.* nobis autem tantum incestum commit-

tit ;

rit; qui uxorem ex gradu ascendentium, aut descendendum ducit, sed etiam ii, qui ex numero eorum sunt, qui ad vicem parentum, liberorumque accedunt *dicta l. 33. & 56. eodem tit. §. affinitates quoque instit. de Nuptiis*. Quare si privignus Novercam suam uxorem ducat, incestum committit *l. 1. de ritu nups.* Noverca si quidem pene Mater est, a cujus nuptiis abstinere & natura, & pudor, & Sanctitas suadet. Prohibitæ sunt quoque nuptiæ inter collaterales; non tamen jure gentium; gentium namque quarundam moribus receptum est, institutisque Atheniensium germanam sororem ducere liberrimum fuit, non tamen uterinam, uti testatur Philo. *lib. 4. de legibus*; unde Cironem primum virum Atheniensem ex suæ Civitatis instituto connubio sibi junxisse Elpionicem sororem germanam scribit Æmilius Probus in ejus vita. Philoni tamen contrarius est Demosthenes; ex ejus namque compluribus locis Athenis uterinam uxorem ducere, non germanam licuisse constat; inde est, ut Plutarcus in *Themistocle* filium ipsius Themistoclis sororem germanam duxisse scribat. Quidquid tamen sit de hac re, amplior certe fuit hujusmodi in Ægypto facultas; etenim ex Diono

*lib. 43.* non tantum germanam, sed & uterinam sororem in uxorem ducere licuisse constat. Non vetitas hæc nuptias jure gentium esse, confirmari bellissime potest ex eo, quod Spurius Ligustinus apud Livium *lib. 42.* Patrem sibi in uxorem dedisse sui fratris filiam scribit. Immo Herodotus *lib. 5.* Anaxadri-  
dam Spartanum sororis filiam matrimonio sibi junxisse narrat. Si itaque prohibitio nuptiarum fuit inter Collaterales facta, ex positiva primum civili constitutione fluxit; cæterum non eadem in hac parte Civilis juris disciplina obtinuit. Etenim Romanorum temporibus inter eas personas, quæ in quarto gradu erant, quales sunt ii, qui ex duobus fratribus, sive ex duabus sororibus, sive ex fratre, & sorore nati sunt, matrimonia consistebant *l. 3. de ritu nupt. l. 78. §. filiam ff. ad Senatus Consultum Trebell. l. 23. de Condit. instit.* Hinc est, ut Quintilianus in Procæmio *lib. 6. instit. Orator.* Tullius in oratione pro Caccinna, Capitolinus in *M. Antonino Philosopho* Brutum Porciam consobrinam suam in uxorem duxisse scribat; inde est, ut Suetonius *Cap. 63.* Augustum Juliam filiam Marcello Octaviæ sororis suæ filio nubendam dedisse tradat. Imo & Mosaica Lege consobrinorum conjugia non improbata fuerunt;



runt ; nam & Jacob duxit Liam , & Rachel  
 consobrinās filias Laban ; id demonstrat locus  
 Genesis c. 29. & Tobias minor Saram consobri-  
 nam filiam Raguelis patrui sui, Tobias c. 7. &  
 filiae Salphaad nupsērunt filiis patrui sui, Num.  
 c. ult. 29. ubi sequitur illi 23. & sequenti . mortalem 7.

Hæc tamen Nuptias Diocletianus , cuius  
 fragmentum extat in l. 17. *cod. de nuptiis* om-  
 nino improbavit ; idque confirmavit Arcadius ,  
 & Honorius in l. 13. *cod. Theodosiano de incestis*  
*nuptiis* anno 405. Sed Arcadii , & Honorii suc-  
 cessor paternam legem revocavit l. 19. *cod. de*  
*nuptiis* . Adeo ut sæculo VI. quo Iustinianus  
 vixit , nuptias in gradu secundo initas , im-  
 probatas minime fuisse ex §. 4. *inst. de nuptiis*  
 colligatur . Cæterum Ecclesiastico jure cau-  
 tum in primis fuit , ne ad septimum usque gra-  
 dum Matrimonia contraherentur *Can. 2. 16. 19.*  
*caussa 35. 9. 2.* deinde vero Lateranensi Conci-  
 lio IV. ut hæc prohibitio quantum non exce-  
 deret gradum ( uti est hodierna praxis ) con-  
 stitutum est in *Cap. 8. de consanguinit. & affin.*

Hæc de Cognatione naturali , quæ consan-  
 guinitas dicitur , paucis nunc cognationem spi-  
 ritualem , legalemque perstringamus . Cognat-  
 io spiritualis ea est , quæ ex sacramentis , quæ  
 spiritualia sunt , id est ex Baptismo , & Con-

firmatione oritur *Can. si quis ex uno Conf. 38. quæst. 4.* Nuptias & ista impedit, dirimitque contrahentes inter suscipientes, & Baptizatum, Patremque ac Matrem illius, & inter Baptizantem, & Baptizatum, Baptizatique Patrem, & Matrem. Nuptias & ista impedit ex Concilio Tridentino *sess. 24. c. 2. de reform. intra Confirmantem, & Confirmatum, illiusque Patrem, & Matrem.* Apposite ergo Zacharias Papa in *epist. 9. ad Pippinum Majorem Domus Cap. XXII.* hisce verbis. *Nec spirituales, idest commatrem, aut filiam, quod absit, quis ducat temerario ausu uxorem.* Apposite Stephanus II. PP. in responsis, quæ dedit Brittanico Monasterio *Cap. 4. ut nullus habeat Commatrem suam spirituales, tam de fonte sacro, quam de Confirmatione; quod si conjuncti fuerint, separentur.* Apposite Adrianus II. in *epist. 38. ad Carolum Calvum* & Gregorius II. decretum referens, scripsit: *Si quis commatrem spirituales duxerit, anathema sit.* Vide Ivonem Carnotensem in *Sermone primo de reb. Ecclesie*.

Cognatio legalis ea est, quæ a Lege profiscitur. Itaque si qua per adoptionem mihi soror esse coeperit, quamdiu consistit adoptio, quamdiu vinculum civile perdurat, consistere inter me, & ipsam nuptiæ minime possunt

Cap. unico de Cognat. legal. Dixi *quantum durat* nam si adoptio per Emancipationem soluta sit sublatâ agnatione, sublato juris impedimento, nihil est, quod nuptiis obstat. Sanctiora nomina sunt Patris, & filii, quam sororis, quapropter inter ascendentes, & descendentes prohibitio nuptiarum diffinens, etiam adoptione soluta, saltem (uti aliqui volunt) ad 4. usque gradum perdurat. Belle hic nunc queritur, an Matrimonium, quod fuit recte ab initio contractum, parta per adoptionem fraternitas convellat, irritumque faciat, quasi sit in eum casum deductum, a quo non possit incipere. Scio, nonnullos hac in specie Matrimonii dissolutionem absolute suadere; sed si eos, quodnam habeant præ manibus ad id comprobandum rationis momentum, Interroges, eos hæcere videbis, quid respondeant omnino nescientes. Itaque ut questionem hanc nil plane difficilem definiamus, jus summum ab æquitate separandum esse respondemus. Porro, si jus summum scrutemur, illud utique exposcit, ut contractæ nuptiæ omnino dissolvantur; revera enim res est in eum casum deducta, a quo non potest incipere; hincque recte fluit Theophilus in §. *sed si quæ instat de nuptiis*, sententia, & scribentis, tales nuptias omnino velut irritas

esse dissolvendas; subtilem nimirum rigoris juris rationem spectavit; at vero si aequitatem amamus, eam ut nuptiae perdurent, exposita contraria regula addita; illud est quod ab initio utiliter gestum est, valere, etiam si in illum incidat casum, a quo non potest incipere; & sic bello a Jure Civili; qui Jus Pontificium subserpsit, certum definitum in l. 26. Cod. de nuptiis. l. 19. in princip. & l. 26. de ritu nupt. Cap. 2. ex de Cognat. spiritib. & Causa dictum causa 301. quasi non

Quintum Matrimonii dirimens impedimentum crimen esse dixit hoc duplex est; primum est conjugis occisio; certis tamen apposis conditionibus; prima est; aut mors revera sequatur; ergo si per tentata utique fuerit, sed non sequatur, non necessaria non substantialisque deerit conditio; secunda; ut occisio ad Matrimonii contrahendi finem facta fuerit; tertia tandem est; ut vir & mulier, qui velint ambo conjugii, in mortem conjugis conspiraverint; secus enim impedimentum dirimens non erit & Crimen alterum est adulterium, veluti si duo adulteri mutuo sibi dederint fidem de Nuptiis, post alterius conjugis mortem contrahendis; tunc enim, dissolutis prioribus Nuptiis, posteriores jungi nequeunt; & junctae solvuntur.

Cap. 8. de eo qui duxit in Matrimonium; ni tamen alter ex novis conjugibus priores nuptias ignoraverit Cap. veniens eodem loco. 2197 sup  
 Quantum sit Religionis Christianæ amittendæ periculum in eo; qui cum infidelibus contrahat Matrimonium; morum Concilia; morunt & Cæsares; qui Christianæ militiæ nomen dederunt; indeque est; ut fidelm cum infideli matrimonium contrahere non posse decreverint; contractumque dissolvere. Quapropter. Divus Augustinus in Epist. 232. *tradi a nobis* ( inquit ) *Christiana nisi Christiano non potest.* Hieronymus contra Jovinianum 2. sic scribit : *qui secundam cum Ethnico nuptias prohibet ; utique & primas prohibet ;* apertaque est definitio Concilii Eliberitani in Can. 16. aperta definitio Concilii Agathensis in Can. 16. causa 28. quest. 1. & Laodiceni in cap. 30. aperta definitio Synodi Trullanæ cap. 72. & Chalcedonenfis cap. 14. denique Concilii Aurelianensis II. cap. 10. & Arvernensis cap. 16. Junge definitionem Can. 9. dist. 10. Can. 23. dist. 32. can. ult. causa 28. 9. 1. huc ego reducitur cultus disparitatis impedimentum ; quod dirimens in recitatis carminibus esse dixi. *auton* *no* *siu* *tidan* *2*  
 Vim quoque dirimens Matrimonii impedimentum esse; nunc paucis notandum ; placeat

tamen vim a vi distinguere: ex enim duplex; gravis una, levis altera appellatur; levis est, quæ verbis tantum fit, qualis est, exempli gratia, ea vis, quæ tutori in pupillum est jure Civili data, atque permissa *L. 1. §. de tutoribus*; gravis est, quæ fit contra bonos mores, quæque vel in constantissimum virum cadere potest; talis est metus mortis, corporisque gravissimus cruciatus. Utique si de vi gravi incidat sermo, nuptias contra factas irritas esse definimus; nuptiarum namque substantia ex libero consensu dimetiatur, nihil autem consensui magis contrarium dici potest, quam violentia; ad rescindendas autem hæc nuptias non est actione opus; quemadmodum in cæteris obtinet contractibus, in quibus metus intervenit; istiusmodi enim contractus non ipso jure vitiantur, quemadmodum vitiantur nuptiæ, sed per exceptionem metus revocantur. At vero, ubi de vi levi, quæ verbis fit, tractetur, aliud dicendum. Itaque mulier, cui hæc levis vis illata sit, frustra nolentem se, & repugnantem in domum mariti inductam fuisse opponet, frustra matrimonii rescissionem tentabit; fuit enim in ejus potestate eam vim, quæ vera, & solida non fuit, dissentiendo effugere; & eo quod non repugnavit, cum ea

esset

esset contradicendi facultas, tacite consensisse videtur.

Ordinem Sacrum impedimentum dirimens esse, clara res est; itaque si quis, qui sit sacro Ordine insignitus, contrahat matrimonium, hocce rescindetur; clara quoque res est, plures eodem tempore aut uxores, aut viros haberi prohibitum esse, quapropter qui jam unam habet uxorem, si aliam eodem tempore ducat, injusta secunda uxor erit, matrimoniumque propter dirimens ligaminis impedimentum nequaquam subsistet.

Sequitur impedimentum honestatis; oritur hocce ex sponsalibus, & ex matrimonio rato, non consummato; eoque tendit, ut sponsus sponsæ, aut maritus uxoris consanguineam, vel e converso ducere prohibeatur propter honestatem, quæ in conjunctionibus maxime est attendenda. *Cap. 3. de sponsalib.* res clara, & facilis, nec pluribus opus.

Venio ad affinitatem; affines illi dicuntur, quorum unus ad fines alterius trahitur, quemadmodum enim agri dicuntur affines, quando finis unus proximus est fini alterius, ita consanguinei alterutrius conjugis affines conjugii alteri fiunt, quando duæ cognationes inter se diversæ per nuptias copulantur, & altera ad

hinc alterius accedit ; affinitas itaque definitur personarum attinentia ex perfecta quacunque copula siue licita , siue illicita descendens ; hæc olim ; si de copula licita ageretur ; impedimento nuptiis contrahendis erat in quinto , sexto , & septimo gradu. *Can. nullum cano. 39. quæst. 2. & 3.* hæc forsitan ratione ; quia ; ut utar phrasi Concilii Toletani II. quod habitum fuit circa annum 533. matrimonia contrahi non debent usquequo consanguinitatis dinonimonia generis successione agnoscunt , qui contrahunt. Ultra septimum autem gradum & uti alio loquitur Modestinus in l. 4. §. de gradib. & affinit. rerum natura cognatorum vitam consistere non patitur ; Cæterum doinde ex Lateranensi Concilio prohibitio isthæc ad quartum tantum usque gradum extensa fuit *Cap. penult. ex. de consanguin. & affin.* at si de Copula illicita agatur, in secundo tantum gradu inclusive prohibitio consistit Concilio Tridentino *sess. 24. de reform. matrimon. Cap. 6.*

Succedit, impotentiae impedimentum quod rem paucis absolvam . Impotentiam multiplicem recenseri scio ; alia enim naturalis est ; & in-  
trinseca , qua fit , ut nec haberi copulam nec  
samen emitti possit ; alia accidentalis est ; &  
extrinseca ex malebita profluens . Spc. quan-



do utraque aut perpetua est, quæ nullo superari, tollique remedio potest, aut est temporalis, quæ cursu temporis evanescit, hæc una in temporariam, & perpetuam distinctio sufficiat. Impotentiam perpetuam non solum Ecclesiastico jure, verum etiam naturali nullum irritumque matrimonium reddere, dummodo eam Matrimonium antequam concipias, certum est. Nam si Matrimonio jam contracto supervenit, quin, consummatum ne sit, an ratum tantum, referat, matrimonium firmum, ratumque manet; at impotentia temporaria matrimonium certe non dirimit: argumentum sua sponte fuit, clarumque apparet ex *Cap. Malef. de frig. & malefic.* Quin quidquam de Matrimonio repetam claudes-  
 tino, quum de hoc jam supra egerim; eni-  
 quid dici de raptu potest: definitur iste *vir-  
 lenra honesta famina de loco ad locum libidinis  
 causa braductio*; hunc raptum gravissimæ poenæ  
 vel ex jure civili manent; decernitur enim  
 primo poenâ mortis; secundo ut bona rapto-  
 ris, opemque illi ferentium statim ad domi-  
 nium raptae transeant *l. unde. eod. de raptu vir-  
 ginis*; manent etiam poenæ gravissimæ ex Ec-  
 clesiastico jure, scilicet excommunicatio, cu-  
 jus mentio fit in *Cap. si quis virginem chussa* 36.

9. 2. & Matrimonii contracti nullitas, usquequo puella rapta in potestate raptoris permaneat, Concil. Trid. *sess. 24. cap. 6.* Agendum nunc esset de impuberis ætatis impedimento, de impedimento furoris, atque dementia; sed quid facilius captu, quam hæc omnia consensum, qui in Matrimonio pernecessarius est, excludant?

Hactenus de dirimentibus impedimentis. Impedientia hisce alijs decantari solent. Carminibus:

*Ecclesia, veritum, nec non tempus feriatum,*

*Atque Catechismus, sponsalia, iungere votum &c.*

Hæc, ut in rebus nostris perfecti videremur, nobis explicanda, digerendaque forent, sed quum de re facili acatur, quid iuvat in hisce immorari? Itaque ad alia, quæ graviora sunt, quæque nonnulla continent notatu digna, ad divortia scilicet properemus. Ex intentione, institutioneque Divina Matrimonium indissolubile vinculum continere, nec regulariter facti hominis dissolvendum esse, nemo nescit; idque non obscure ex facto ipsius Dei creantis ex viri costa uxorem colligitur; quid enim aliud per hocce voluit, nisi unitatem, nexumque conjugum indissolubilem ostendere, demonstrareque uxorem partem corporis mariti esse,

esse: quæ a corpore ipso avelli minime potest? Id autem clarius apparet ex Genes. II, 24. *idcirco patrem suum, matremque suam relinquet vir, uxori suæ adharebit, & erunt duo in carne una*; non ergo potest maritus, uxore dimissa, ad domum patris reverti, neque uxori fas est paternam sedem, viro relicto, petere; sed in perpetuum alter alteri adhærere tenetur. Equidem de solo marito Divinus Auctor alloquitur, sed hoc ideo, quod de uxore minor erat dubitandi ratio; ea quippe ex conjugii Lege marito erat subiecta, maritumque plus libertatis forsân sibi vindicaturum prævidebat; quapropter interrogatus a Pharisæis Christus, utrum ex quacumque causa uxorem liceret dimittere, eos ad Sacram Scripturam, primariamque hominum institutionem provocavit. *ajens Matth. XIX. 4. non legistis, quia qui fecit hominem ab initio, masculum, & feminam facit eos? & dixit, propter hoc dimittet homo patrem, & matrem, & adhærebit uxori suæ, & erunt duo in carne una.*

Nihilominus apud Judæos repudii disciplinam invaluisse certum est; volunt nonnulli, id fuisse ex Moylis lege cautum, quæ cernitur in Cap. 24. *Deuteronomii: si acceperis hominem uxorem, & habueris eam, & non inveneris gratiam ante oculos ejus propter aliquam faditatem,*  
*scri-*

scribet libellum repudii, & dabit in manu illius,  
 & dimittet eam de domo sua, eumque egressa ab-  
 terem maritum duxerit, & inde quodque oderit eam,  
 dederitque ei libellum repudii, & dimiserit de do-  
 mo sua, vel certe moriut fuerit, non poterit prior  
 maritus recipere eam in uxorem, quia polluta est,  
 & abominabilis facta est coram Domino. Opinio  
 vere absurda, status namque controversiæ alius  
 est, aliaque est controversiæ definitio, en mi-  
 nimum ex Moysis mente controversiæ status.  
 Si vir quidam accipiat mulierem, coeatque  
 cum ea, accadat autem, ut ea non inveniatur  
 coram oculis ejus gratiam, & ideo ei libel-  
 lum repudii scribat, eumque in manu ejus po-  
 fuerit, eamque e domo sua rejecerit, quoties  
 hæc mulier ejecta alteri viro nupserit, hæc-  
 que vir posterior itidem eam odio prosequatur,  
 scribatque ei libellum repudii, eumque  
 ei tradat in manum, dimittatque illam de do-  
 mo sua, aut quoties vir posterior, qui eam  
 duxit in uxorem, mortuus fuerit, quæritur,  
 utrum hisce positis circumstantiis prior mari-  
 tus ejectam ducere rursus in uxorem possit:  
 en controversiæ quæstionisve definitionem: non  
 poterit prior maritus recipere eam in uxorem, quia  
 polluta est, & abominabilis facta est coram Do-  
 mino. Videtis ergo quo in, qui legem Mosai-  
 cam

eam repudium probasse scripserunt, abierint. Ad summum tamen Moysen dimittendas uxores esse ob duriciem cordis populi tolerasse concedam; idque argui ex ipsius Christi responsione Phariseis facta potest; definierat enim Christus, vinculum connubii indissolubile penitus esse; Pharisei, qui & pessime su-  
 pradicta Moysis verba interpretabantur, ea Christo opposuerunt dicentes: *Cur ergo Moyses mandavit dare libellum repudii & eam dimittere?* Christus autem ita: *Moyses pro duritia cordis vestri permisit vobis dimittere uxores vestras, hoc est, uti interpretor, vos ita sinit facere, sinit vos ita vestris viis incidere, & conivit ad hoc facere, etiam vestrum.* Itaque quando Christus *Matth. 19. 31.* ait: *quis, ut dimiserit uxorem suam det ei libellum discessionis* non ex sua hypotesi alloquitur, sed ex communi Phariseorum sententia Legem Mosaicam suo modo explicantium. Pessima hæc Phariseorum sententia inconcinne Mosaicæ Legis verba interpretantium vel ad Romanos ipsos traducta fuit. Equidem primævus conjugiorum status apud Romanos repudium non ferebat, id enim vel ex modis matrimonii contrahendi per consarreationem, vel coemptionem colligitur. Nam uti ostendit Dionysius Halicarn. lib. 2, hæc contrahendi

matrimonia ratio indissolubile vinculum indu-  
cebat ; fatiſque connubiorum integritas ultra  
quingentos annos duravit teſte Tertulliano de  
*Monogamia* Cap. x. ita ſcribente : *ideo repudium*  
*à primordio non fuit , ut apud Romanos poſt an-*  
*nium ſexceſteſimum Urbis condita id genus duri-*  
*ſſe commiſſum denotetur* . Cæterum ab hoc tem-  
pore divortia quidem tolerabuntur , ſed ea ad-  
huc rariffima fuiſſe probabile eſt , adeo tamen  
ut eorundem faciendorum jus utique mariti  
haberent , non autem uxores ; & , ut Feſtus  
obſervat , hocce repudium contrariis modo ,  
quo matrimonium contrahabatur , fiebat , ſic  
ut quoniam matrimonium per conſarreationem  
contrahabatur , per diſſarreationem fieret diſſo-  
lutio . Sed quando uxores ſolo conſenſu acce-  
ptæ deſerunt in manum viri convenire , licen-  
tiâ divertendi etiam uxoribus communicata  
fuit , uſusque divortiorum ita adauctus , ut  
Augustus modum divortiis apponere impuſus  
fuerit , teſte Suetonio in *Aug.* c. 34. Duravit  
nihilominus hæcce divortiorum libertas uſque  
ad Conſtantini M. tempora , qui anno 311. pri-  
mus cauſas , quibus more Romano liceret di-  
vertere , determinavit . Sed quando parum  
Conſtantini conatus profuit , neceſſaria alia fuit  
Honorii , & Conſtantii conſtitutio , qua poena

in

in injuste divertentes infligeretur; sed nihilominus divortiorum usus plusquam antea adausus, ampliatusque fuit; ita ut Imperatores quem cohibere non potuerunt, permiserint; modo ob graves fierent causas, quæ in l. 8. *de repudiis* describuntur: nimirum uxori a marito discedere licebat, si maritus adulter esset, si esset homicida, si veneficus, perduellis, falsi damnatus; si esset sepulchrorum violator, si sacrilegus, si latro, latronumque fenerator, si abactor, plagiarus, impudicisque mulieribus aperte deditus, si uxoris vitæ infidias strueret, vel eam verberibus afficeret; Maritus e contra dimittere uxorem poterat, si eam reperisset adulteram, veneficam, homicidam, plagiariam, sepulchrorum violatricem, & sacris ædibus aliquid subtrahentem; si eam reperisset latronum fautricem, extraneorum virorum, se invito, convivia appetentem, foris que pernoctantem, circensibus ludis, vel arenae spectaculis, se invito, gaudentem, si eam probasset sibi veneno, vel gladio, vel alio simili modo insidiatricem, perduellionis consciam, falsitatis crimine maculatam, aut manus audaces sibi ingerentem. Extra hæc causas qui repudium faciebat, statutis legibus puniebatur. Sed ab Anastasio iterum anno 497

in l. 9. cod. de repudiis. divortia: fuge: extra caus-  
 sas solo conjugum consensu, permiffa. Justinia-  
 nus autem anno 528. iterum divortia, nisi me-  
 moratæ causæ subessent, abrogavit; imo &  
 novam causam, quæ tanti esset, ut posset di-  
 vortium fieri adjecit, nimirum si *maritus uxo-  
 rem ab initio Matrimonii usque ad duos annos con-  
 tinuos computandos eorū minius propter naturalem  
 imbecillitatem valeret.* Sed hic in posterum di-  
 vortijs, repudijsq; in nov. 22. cap. 3. indulgi-  
 hac ratione *in quoniam totum 7 quæ in hominibus  
 subsequuntur 10 quicquid ligatur solubile est.* Ita-  
 rum autem in 197. 327. cap. 19. & 9. in memo-  
 ratæ causæ subessent, dissolvi matrimonia non  
 posse, decrevit. Sed hoc Justiniani decretum  
 anno 556. uti ex novell. 140. constat, revoca-  
 tum iterum a Successore fuit; & viderat nimis  
 rum ille, ex ea Justiniani constitutione tristis-  
 simos inde effectus manare, conjugesque se se  
 mortali odio persequentes per sæpe ad infidias  
 vitæ alterius struendas profugere. Laxitas au-  
 tem isthæc divortiorum non tam cito cessavit  
 duravit enim, & sæculo XI. XII. XIII. & XIV.  
 immo quoadusque Matrimoniales causæ ad exa-  
 men, notionemque in Sæcularibus foris fue-  
 runt vocatæ, omnem illius usum non cessasse  
 probabile est. Hæc de Romanorum circa di-



divortium disciplina , quam , ne quid , quod ad plenam rei notionem pertinet desideretur , subjiciendam existimavi , dicta sufficiant : ad disciplinam Ecclesiasticam paucis expendendam devenio .

Dupliciter sumi divortium potest , primo quidem , idque frequentius , pro dissolutione Matrimonii quoad vinculum accipitur ; hæcque dissolutio , si apposite loqui velimus , divortium appellatur ; secundo accipitur pro separatione conjugum quoad thorum , & cohabitationem , durante interim Matrimonii vinculo ; hæcque separatio divortium non nisi improprie vocatur . Ut a separatione quoad thorum , & cohabitationem incipiam , ejus plures esse causæ possunt , causa justa esse adulterium potest . Clara est in primis Christi sententia dicentis : *omnis , qui dimiserit uxorem suam , facis eam mæcham* . Clara est sententia Augustini *l. 2. de adulterinis conjugis Cap. 6.* ita scribentis : *licite itaque dimittitur conjux ob causam fornicationis , sed manet vinculum prioris* . Clara est sententia S. Thomæ in *IV. Sena. dist. 35. 9. 1. artic. 1. Dominus dimittere uxorem concessit propter fornicationem in pœnam illius , qui fidem fregit , & in favorem illius , qui servavit* . Aliud tamen erit , si Maritus , qui vult uxorem adulteram dimit-

tere , adulter & ipse sit ; nam , ut eleganter observat Sanctus Augustinus *lib. i. de Serm. Domini in monte Cap. 28.* ex quo sumtus est *Can. 1. caus. 32. quæst. 6.* nihil iniquius est , quam fornicationis causa dimittere uxorem , si & ipse convincitur fornicari ; & , ut alibi adnotat , quisquis fornicationis causa vult abdicere uxorem , prior debet esse a fornicatione purgatus .

Fornicationi hæresis causam jungo ; id aperte colligitur ex *Cap. 6. de divortiiis , & Cap. ult. de conversione conjugatorum* ; idque adeo verum , ut nonnulli ob hocce hæresis crimen solvi etiam quoad vinculum Matrimonium defenderrint , quod tamen reprobavit Tridentinum Concilium *Sess. 24. Can. 5. de reform. matrim.* hisce verbis : *Si quis dixerit propter hæresim . . . dissolvè posse matrimonii vinculum , anathema sit.*

Jungo sævitiam alterutrius conjugis ; hanc enim tanti esse , ut separatio quoad thorum , & cohabitationem peti possit , res per se ipsa clara , ac manifesta est ; aperteque liquet tum ex *cap. 13. de restit. spoliar.* ibi : *Si verò tanta sit viri sævitia , ut mulieri trepidanti non possit sufficiens securitas provideri , non solum non debet restitui , sed ab eo potius removeri* ; tum ex *cap. 8. eod.* ita enim legitur : *Si autem capitali odio ita*

*mulierem vir persequitur ! ! ! alicui proba ; & honesta mulieri . . . custodienda tradatur .*

Quid si conjunctio parere peccatum possit ; separatio vero emendationem ? & hic iustissimam ; & quoad thorum ; & quoad cohabitationem separationis causam cerno ; idque fuit in *Cap. 2. & cap. 3. de divortiiis* definitum .

Quid si conjuges mutuo consensu privata lege ducti ; & quasi divino instinctu commoti ; ac impulsu vitam solitariam ; monasticamque præoptaverint ? & hic optima esse potest conjugibus quoad thorum ; & cohabitationem separationis causa ; mutuum ergo consensum ; ( quod captu facillimum est ) desideramus ; hunc intelligimus solemnem ; auctoritate scilicet ; iudicioque Ecclesiæ factum ; non vero domesticum ; atque privatum ; cum ex quacumque causa sine iudicio Ecclesiæ divortium factum improbetur *Can. faculares caus. 33. q. 2. Can. multorum caus. 35. q. 6.* iudicium autem Ecclesiæ iudicium Episcopi intelligo *Cap. 2. ex. de Matrimonio contracto contra interd. Eccles.* An ob corporis ; animique vitia deveniri facile possit ad separationem quoad thorum ; & cohabitationem ; vide Gratianum in *Can. 18. caus. 32. quass. 2. & Cap. 2. de Conjug. Leprosorum .* Vide *cap. 2. de divortiiis .*

Matrimonium nēdum quoad thorum, & cohabitacionem, verum etiam quoad vinculum dissolvetur, si quoties de Matrimonio inter fideles contracto agatur, alteruter ex iis deo suum Christianæ militiæ nomen, dummodo tamen baptizatus conjux in primis ab altero, utrum & ipse venire ad Christi fidem velit, exposcat, & ipse neget; nam si & ipse se baptizari patiatur, matrimonium non dissolvetur, ut nec dissolvetur, si infidelis fidelem habitare sine molestia, ac sine mœrore patiatur; id satis constat ex Pauli doctrinâ in *Epist. 1. ad Corinth. cap. 7.* Vid. *Beardum tom. 3. dissert. 7. cap. 3.* §. ex his liquet.

Si professio Religiosæ vitæ ab alterutro ex conjugibus, consensu tamen alterius petito, & obtento, fiat, an Matrimonii vinculum dissolvatur, queritur. Equidem multum referre puto, consummatum ne sit Matrimonium, an vero legitimum tantum, & ratum. Si primum, utut conjux superstes & ipse aut Monasterium ingrediatur, aut saltem sese perpetuæ castitatis voto adstringat, non dissolvi penitus conjugii vinculum dicetur, sed potius conjuges perfectioris agendæ vitæ causâ dissociari. Si secundum, dissolutum vinculum omnino dicemus; & ne hinc illincque hujusce rei

com-

( ibi )

comprobanda causa argumenta conquiramus ,  
fat erit Tridentini Concilii verba in *sess. 24. de  
Sacram. Matrim. Can. 6.* referre: *Si quis* ( legi-  
tur ibi ) *dixerit , Matrimonium ratum , non con-  
summatum per solemnem Religionis professionem al-  
terius conjugum non divisi , anathema sit .* Sunt  
hæc ea verba , quæ utique in non consumma-  
to Matrimonio etiam quoad vinculum dissolu-  
tionem suadent , quam cæteroquin in legiti-  
mo tantum , & rato denegant : quum enim  
hæc dissolutionem quoad vinculum in non  
consummato inducant , tacite Tridentinum  
Concilium aliud de consummato esse dicen-  
dum velle , quis non videat ? alioquin quid  
non consummatum tantum memorare prodes-  
set , si & eadem in consummato disciplina ob-  
tineret ?

Dubitatum olim a nonnullis fuit , utrum  
adulterium , præterquam quod dissolutionem  
quoad thorum , & cohabitationem inducit ,  
eam etiam induceret quoad vinculum ; immo  
vel hodie Matrimonium per adulterium quoad  
vinculum dissolvi , Græcorum est disciplina ;  
hoc dubium , hancque opinionem penitus Tri-  
dentinum Concilium evertit hisce verbis . *si  
quis dixerit , Ecclesiam errare cum docuit , & do-  
cet juxta Evangelicam , & Apostolicam Doctrinam*

propter adulterium alterius conjugum Matrimonii  
vinculum dissolvi . . . anathema sit.

Nunc si fufiorem , uberio remque notionem de cauſis , quæ diſſolvere Matrimonium aut quoad thorum , & cohabitacionem tantum , aut etiam quoad vinculum deſiderat , adire aut Berardum poteris , aut Van-Eſpen ; ibi enim , quæ ad rem clariorem , apertio remque reddendam conducunt , fingillatim repe ties , Nobis enim , qui rerum Eccleſiaſticarum principia tantum attingere deliberavimus , di cta ſufficiant ; interim tamen me paucis plura dixiſſe , tum quoad indiſſolubilitatem , tum quoad cauſas , quæ illud reddere ſolubile po ſſunt , dixiſſe confido .

## PARS SECUNDA

*De Cultu exteriori , qui in rebus consistit , tum  
 iis , quas directe Deo offerimus , ut ei ma-  
 neant consecratae , tum iis , quas homi-  
 nibus ob Divini Numinis considera-  
 tionem praestamus ; Et primo  
 quidem de iis , quas dire-  
 cte Deo offerimus ,  
 id est*

---

*De Templis , eorumve erectione , con-  
 secratione , & restauratione*

### CAPUT PRIMUM.

**C**ultus sive sit ille exterior , sive interior ,  
 quem Deo ob id , quod nos veritatis vias  
 edocuit , tradiditque ea , quæ muneris nostri  
 sunt , praestamus , sancta res est , sancta ea o-  
 mnia sunt , quæ ad hunc Divinum cultum  
 referuntur , uti sunt ex. gr. preces , quæ ab  
 Ecclesia praescribuntur , uti sunt Sacramenta

a Deo instituta , fidelibusque Christianis ministranda . Sed quæ Sancta sunt locum Sanctum , ubi ea administrantur , exposcunt , exposcunt locum , qui sit extra humanum commercium positus . De templis loquor divino cultui sic destinatis , ut nihil ibi extranei , profanique possit admitti , sed ea tantum , quæ Sacra , quæ Divina , quæ Religiosa sunt , peragi . Horumque templorum , Ecclesiarumque disputatio quum plura , & curiosa , & utilia , & scitu digna contineat , nobis non omnino spernenda videtur .

Ut autem rem hanc accurate expendamus , eam a suis ducamus initis necessum est . Olim qui apud Gentiles Sacer locus erat , sacris scilicet peragendis , faciundisque paratus , ita ab omni violatione erat immunis , ut durissima in quoscumque violatores pœna decerneretur ; sacerque iste locus templum illico appellabatur a *τεμνω* , quod significat secare , scindere , sic ut ille locus talis esse significaretur , ut a reliquis esset religione distinctus . *Ædes* ergo ( quas primos *Ægyptios* extruxisse decantatur , quippe qui primi , simplicitate relicta , multa in externo cultu innovarunt , singulæque pompa Religionem auxerunt ) *Diis* Gentilibus extractæ templa fuere dicta ; hincque statim



tim nata est definitio templi , ut illud effet  
*adificium certo ambitu inclusum ritu peculiari Numi  
 mini cuiusdam consecratum , & dedicatum ; ut hoc  
 ipsum impofterum inhabitaret , & ita prasens in-  
 vocari , adorari , & sacrificiis , precibusque ex-  
 piri possit .* Credebant autem ii , hanc æ-  
 dium , templorumve erectionem necessariam  
 omnino fuisse , sive quia non aliter Deos ,  
 nisi sede destinata , ad illos venire existima-  
 bant , sive quia , uti judicat Ethnicus apud  
 Arnobium *lib. 2.* Deos , sub nudo axe , & sub  
 æthereo tegmine invocati si fuissent , nihil  
 audire , & quasi obstructos , immobilesque sta-  
 re credebant : proh insanæ gentis stulti-  
 tiam !

Longe alia certe apud Christianos Sacrorum  
 ratio est : non enim necesse putant , ad indu-  
 cendum Deum templa , Ecclesiæve esse erigen-  
 das ; aperte enim primitivi Christiani se tem-  
 plis minime egere profitebantur ; quod si ea ha-  
 bebant , non tam subtiliter ac superstitiose pro-  
 cedebant , uti consueverant Gentiles , qui non  
 nisi certa loca ad eorum erectionem apta esse  
 putabant ; rati etiam ea superbis muneribus  
 condecoranda , & auro , & gemmis , pretio-  
 sisque supellestilibus exornanda necessarium es-  
 se ; hæc namque omnes subtilitates , & nu-

gæ veræ Religionis Christianæ simplicitas omnino respuebat, & quæcumque loca pro temporum conditione aptissima esse judicabantur; imò tunc temporis, primis scilicet Christianorum temporibus, quas ii habebant Ecclesiæ, ut ea omnia, quæ agebant Ethnici, inania esse, mereque superstitiosa commonstrarent, seque ab ipsis vel rerum vocabulis distinguerent, loca, quæ divino cultui destinata designarent, non templa; sed Domus Ecclesiæ appellabant, eaque nec templorum formam habebant, nec ulla exteriori pompa, & fastu celebrabantur; sed Oratoriorum potius privatorum speciem præferebant; perpaucaeque, quum paucissimus esset Christianorum numerus, erant. Sed pace, & libertate a Constantino Magno Ecclesiæ donatâ, quum cresceret populi Christiani numerus, ut & Ecclesiarum numerus augeretur, visum necessarium apprimo fuit, & in hisce ædificandis, restaurandisque quantus esset Christianorum fervor dictu permirum est; Constantinusque ipse hac in re cæteris præiit exemplo; postquam enim potestatem Templa ædificandi, ornandi, promovendique dedit, ingentes ipse in templorum extruptione opes profudit, tuncque privata Christianorum Oratoria fortè rerum privata.

vatarum subtracta non tantum Divini, sed publici juris facta fuerunt, sicque aliam omnino formam induentia templorum appellationem a Christianis primitivis relictam meruerunt; aucta autem est horum templorum conditio ex sanorum gentium, vel claustrorum, vel destructorum spoliis, sic ut horum ruina, & interitus insignem novorum templorum copiam produxerit, omniumque animos libido sacras ædes erigendi quotidie magis magisque inflammavit, eoque usque creverit, ut visum fuerit necessarium, quod per Leges tandem coerceretur. Hujusce libertatis coercendæ causas innuere non est difficile; prima namque fuit sordida nonnullorum avaritia, qui scilicet quæstus, lucrique captandi causa templa ædificabant, uti ex Bracarensi constat Concilio II. *Cap. 6. apud Harduinum tom. 3. Concil. pag. 383.* & apud Gratianum in *Can. X. de consecr. dist. 12.* altera quæsitæ fuit in abolendis hæreticorum cœtibus, quibus fuerunt publica Sacra interdita, hac nimirum occasione extruendorum templorum facultas præclusa penitus fuit, indeque est, ut Justinianus in *Nov. 67. Cap. 1.* ne sine sua auctoritate templa conderentur decreverit: *multi enim (ait) simulantes fabricare quasi orationis domus, suis medentur languoribus,*

non

non orthodoxarum Ecclesiarum facti , sed spoliatarum illicitarum . Tertia causa hæc fuit , nempe quia templa sine sufficienti dote ædificabantur , adeo ut necessaria , quibus ali , sustentarique Ministri possent , desiderarentur ; adeoque , ne sine consensu Episcopi templa ædificarentur , constitutum est *Can. 9. de consecr. distin. 1.* Quarta erat , quod plures captandæ gloriæ causa Ecclesias præter necessitatem construerent omnino superfluas , idque novit Justinianus in *Nov. 67. cap. 2.* hisce verbis : *non enim forte desiderans , quo & ipse fabricator Ecclesiarum vocetur ;* proptereaque hujusce generis hominibus hocce dedit consilium , ut Ecclesias immanantes , ruentisque potius repararent , quam novas construerent . Postrema denique causa hæc est , quod ex templorum abundantia maximæ æmulationes , & jurgia enascerentur ; quas sedari , & Civilis , & Ecclesiasticæ Reipublicæ interest . Hinc factum , decretumque vel ab ipsis Imperatoribus fuit , ut sine Episcopi auctoritate Ecclesiæ minime ædificarentur ; id evincunt leges , id Capitula docent ; vide *Capit. 3. Caroli M. de anno 804. apud Baluzium Tom. I. Capit. 416.* Noverunt nimirum Legumlatores , Reipublicæ Christianæ interesse , ut abusus omnes ab ea eradicarentur , ac tollerentur ;

tur ; noverunt , eos maximos in Ecclesiarum erectione irrepsisse ; proinde quod si , quoad fieri posset , tollerentur , e re esse , ut ad erectionem earum , ni Episcopi consensus accederet , non deveniretur , existimarunt .

Primitivis Christianorum temporibus Sacra-  
rum ædium dedicatio nullam inde consecra-  
tionem excepit ; detur namque , precibus eam  
simplicem dedicationem peractam fuisse , mi-  
nimo tamen inde consecrandi ritus colligitur ,  
ac proinde ex *apistol. 2. Clementis ad Jacob. si*  
*vere esset genuina* ( quæ tamen ex quibusvis  
Pseudo-Isidori desumpta est relata in *Can. 28.*  
*Caus. 16. quæst. 7. hisce verbis , utilia , & congrua*  
*faciunt loca qua divinis precibus sacrari oportet* )  
nihil inde erui difficultatis potest ; nihilque ,  
nisi simplex dedicatio deducitur .

At postmodum Ecclesiarum dedicatio ad con-  
secrationem homines flexit , memores , sacra  
quasi apud omnes gentes maximo in pretio  
fuisse . Sic enim exempli gratia apud Gentiles  
consecrandi ritus adeo sancte , & religiose ob-  
servabatur , ut sermo primarius ab ipsis cultus  
iudicaretur ; elegansque est in hac re Selden  
observatio in *tractatu de Syned. lib. 3. Cap. XIV.*  
*§. 3. hisce verbis expressa : Isicut & alia com-*  
*pluria* ( jungo ab exemplis Judæorum ) *dedicandi .*

*ac in sacros usus consecrandi inolevit; manavitque mos apud Gentiles, ut ades eorum sacra, ara Deorum, statua, ambitusque circumjacentes per solemnia sacra; qua tum Eucharistica essent, tum propitiatoria, ac velut . . . . Sacrificia illa Horaeorum in dedicationis memoriam dedicarentur; uti interdum transferrentur, ampliarentur, reficerenturque. Sic sacra apud Judæos & sancte & pie, & religiose fiebant; jam enim in deserto tabernacula, altaria, vestes, imò ipsos Sacerdotes oelo sancto consecratos fuisse ex Levit. VIII. 10. II. constat.*

*Ritus Consecrationis Ecclesiae huc essent adferendi; explicandique, sed quum res tritissima sit, omnibusque comperta; in hisce immorari quid prodest? Cæterum si curiosus velis hosce minutim expendere, perlegas Pontificale Romanum; sin autem eorum mysticas scire significationes, adhibe Remigium apud Murtenium Tom. III. de antiquis Ecclesia ritibus lib. 2.*

*Definitur autem consecratio, ut sit actus sollemnis, quo, interservientibus quibusdam Symbolis, res profana juris divini prorsus fiant, qualitatamque divinitate accipiant, ut cultui sacro, rei que divina facianda inserviant: Definitio vere egregia: consecratio enim ( id nemo negat ) qua-*

qualitatem, naturamque rerum prorsus immutat, res enim profanas in Divinas convertit; efficit, ut extra commercium sint; efficit, ut nullus in eas jus habeat; efficit propterea, ut nullius esse dicantur. Sed hæc pauca de ædificatione, ac consecratione templorum dicta sufficiant; perpauca de eorundem restauratione dicamus.

Olim porro quæ publici juris erant, si omnium fere gentium, & præcipue Romanorum antiquitates percurramus, suos semper Curatores, qui in primis operam darent, ut sacra sacra conservarentur, suadenteque necessitate resciderentur, habuisse intelligemus; ac propterea templa, quum apud eos publici juris essent, & ea suos quoque defensores habuisse, qui scilicet curarent, ut ea sacra sacra haberentur, certum est. Defensio isthæc Censorum cohærebat officio ex lege Censoria, quæ secundum Festum hæc erat: *Porticum sacrum, testamque habet*. Vide Livium *lib. IV. Cap. VIII.* & Ciceronem *lib. 3. de Legibus Cap. III.* qui Censoris officium commemorans hisce utitur verbis: *urbis templa; vias, aquas, ararium, vestigia tuentur*. Sed quando Censores creati tantummodo fuerunt anno ab urbe condita 310. cujus nam antea hoc officium defensionis templo-

plorum fuisse dicemus ? erat *Ædilium* , qui jam creati fuerunt anno Urbis conditæ 261. idque explicat Dionysius Halicarn. *lib. VI. Cap. 90.* *Ædiles* autem isti non in urbe tantum , sed & in Municipiis , quo ædium præcipue sacrarum diligentissimam curam haberent , constituti fuerunt .

Hæc Romanorum disciplina quum post Constantinum M. qui Ecclesiæ pacem , libertatemque dedit , in Christiana Republica obtinuerit , templa scilicet Christianorum , quæ olim juris erant privati , facta publici juris fuerint , interesse propterea statim visum est , ut & ea facta recta haberentur . Sed quibus nam hoc onus incumbat , non ineleganter quæritur . Primis porro Ecclesiæ Sæculis , quibus Ecclesiarum restauratio eximie quoddam pietatis genus habebatur , Principes ipsi hocce onus suum sibi faciebant ; imo pro hocce subeundo inter se se certasse historia commonstrat ; hinc Constantinus Magnus , ut pecunia publica , seu Fiscalis in huncce restorationis usum converteretur , decrevit , eo ferme modo , quo fieri apud Gentiles consueverat ; etenim ex redditibus publicis aedes sacras restaurari consuevisse constat ex *l. 18. §. 5. & 10. de muner.* & ex Cicerone *lib. 3. Epist. 2.* Cæterum hanc Ecclesiarum



fiarum refectionem; quam Constantinus sibi imposuit non ad onus, officiumque necessarium, sed potius ad liberalitatem nullo jure cogente factam, referendam existimo. Nescio autem an liberalitas a quopiam facta obligare successores possit, sic ut quoniam eam exercuit Constantinus, & successores ejus eam exercere adstringantur. Succincte ergo de iis, qui vere huic oneri ex necessitate sunt obnoxii, loquamur.

Itaque in primis ad Ecclesiæ reparationem tenentur ii, qui forte dederint ruinæ causam; id & ratio exposcit, & æquitas. Tenentur deinde, quos Tridentinum Concilium enumerat in *Sess. 21. cap. 7. de reform.* Distincte tamen procedamus.

Docet recta ratio, nemini regulariter hoc onus imponi posse, nisi ipsius rei reficiendæ Domino; sicut enim omne ex ea commodum sentit, eamque in suos usus convertit, ita quoque hoc onus, quod ejus rei respicit conservationem, sustinere tenetur. Quid ergo? hoc onus ad Universitatem Ecclesiæ, in cujus patrimonio quoquomodo templa consistunt, pertinere evidentissime sequitur; sequitur, refectionem ex Ecclesiæ redditibus faciendam; & quando hosce Ecclesiæ redditus administrare Episco-

porum olim munus erat, hinc ad eos hoc jus non tamen reddituum quantitate pro Ecclesiarum refectione impendendorum determinata, spectasse certum est. Sed quoniam persæpe contingebat, ut reddituum Ecclesiasticorum administratio ab Episcopis non satis prudenter, non satis æconomice fieret, contingeretque, ut sufficiens Ecclesiasticorum reddituum quantitas in fabricarum restauratione non impenderetur, immo & Clerici minores non satis æquam portionem ab Episcopo acciperent, sicque sæpissime mendicare tenerentur; sed & pauperes negligerentur, redditibus perverse in proprium usum consumptis, ut certa necessario assignaretur pro restauratione Ecclesiarum ex redditibus portio, æquum visum est; visum est æquum, ut & certa portio Clericis, certa portio pauperibus tribueretur. Nimirum, ut quatuor fierent portiones decretum est; nempe ut prima Ecclesiarum fabricæ inserviret, altera tribueretur pauperibus, tertia Clericis, quarta denique cederet Episcopis. Non diu tamen bonorum reddituumve isthæc divisio duravit; pedetentim enim consenuit, & uti omnes norunt hæc potissimum de causa, quod nonnulli Episcopi avaritiæ labe ducti portionem fabricæ destinata in privatum, pro-

propriumque usum converterent, indeque factum, ut Episcopis hujusce portionis custodia erepta, tributaque Parochis fuerit. Hujusce avaritiæ labis mentionem faciunt Patres Concilii Toletani IV. anno 633. celebrati cap. 33. apud Harduinum tom. III. Concil. pag. 587. *avaritia* (sunt eadem verba) *radix cunctorum malorum; ejus sitis etiam Sacerdotum mentes obtinet; multi enim fidelium in amore Christi, & Martyrum in Parochiis Episcoporum basilicas construnt, oblationes conscribunt; Sacerdotes hæc auferunt, atque in usus suos convertunt, . . . inde labentium Basilicarum ruina non reparantur, quia avaritia Sacerdotali omnia auferuntur, pro qua re constitutum est a presenti Concilio, Episcopos ita dioceses suas regere ut nihil jure presumans auferre.* Sed res hic non stetit; iterum enim faciens mutavit suam, aliaque disciplina, quæ eleganter a Thomassino describitur, inducta fuit.

Quidquid tamen de hac re sit, quamvis hodie ea bonorum amplius non vigeat divisio, tamen si quæ bona aut a jure, aut ab homine pro reparatione Ecclesiarum deputentur, ea non sunt in alium usum convertenda.

Hæc autem si nulla pro Ecclesiarum reparatione deputentur, tenebuntur in primis ex-

Concilio Tridentino *sess. 22. Cap. 7.* Patroni; respexit nimirum Tridentinum Concilium ad juris regulam, quæ suadet, ut quilibet Dominus reficere rem suam teneatur. Secundo, si ii desint, tenebuntur Parochi, ipsique beneficiati ex Concilio Tridentino eodem loco, & recte; quum eorum secundum antiqui Juris regulas iis hoc onus cohæreret; æquum projecto Patres, hocce in casu, nempe si desint Patroni, ab iis qui tandem omnes redditus suos faciunt, reficiendas Ecclesias esse duxerunt; quod si eorum redditus tanti non sint, ut Ecclesiarum refectioi sufficiant, ex eodem Concilio in subsidium Parochiani tenentur.

De erectione, consecratione, restaurationeque Ecclesiarum me pauca dixisse (quod tamen fini nobis proposito congruit) scio; hisce tamen poteris paratus vel ad gravissimas quaestiones definiendas accedere.

*De iis rebus, quas hominibus ob Divini*

*Numinis considerationem præ-*

*stamus, idest*

*De Decimis, & Oblationibus*

## CAPUT SECUNDUM

**S**i omnes cultæ gentes hoc sibi semper habuere propositum, ut eos, qui publicam Civilis Reipublicæ utilitatem, ac commodum promoverent, præmiis, stipendiisque allicerent, Romani præcipue, cujus rei evidentissima in Historiæ Romanæ fastis exempla occurrunt; quare certa stipendia illi, qui publicam Ecclesiæ utilitatem, cultumque divinum promoveant, non merebunt, præcipue quum ex Doctrinâ Pauli I. Corinth. IX. & Timot. V. v. 17. omnis operarius dignus sit mercede sua? De oblationibus loquor, & decimis primitiisque quâdam stipendii speciem præferentibus, de quibus nunc sum, re a decimis cepta, disputaturus.

Quotquot perro primam decimarum originem investigare conati sunt, sunt fere omnes, perpaucis exceptis, in errorem dilapsi: est tamen res facillima: quum enim ante legem Moisaicam Abrahamum Melchisedeko Regi pariter, ac Sacerdoti Dei Altissimi spoliis primas dedisse enarret Moyses Gen. XIV. 18. quis ab eo tempore primam decimarum originem repetendam esse non videt?

Decimæ, si vim nominis inspiciamus, nil aliud sunt, quam *decima cujusque rei pars, quæ deducta, novem supersunt*; quapropter vel milites, cum propter seditionem, aliudque commissum facinus exercitus, vel cohortis decimus quisque ad supplicium eligitur, decimari ex Livio lib. 2. dicuntur.

Si verum est quod traditur in *l. si quis rem §. 2. ff. de pollicit.* in denario numero symbolice perfectionis mysterium contineri; quod & apud Varronem lib. 7. de lingua latina, & apud Marfilium Ficinum in *Dialogum Platonis de justo* legitur, a quo non longe abest Philo Judæus lib. de congress. querend. erudit. grat. adeo ut propterea plurimum illi antiquitas detulerit teste Ovid. in Fastis:

*Annus erat decimus, cum Luna receperat orbem  
Qui numerus magno tunc in honore fuit.*

Si,

Si, inquam, id verum, hac forsan de causa ea bonorum portio, quæ ad usum pietatis fieret, consecrarique ob Religionem quamdam soleret, ut decima esset, constitutum fuit; hac forsan de causa ex Lege Mosaica, ut decima portio Sacerdotibus, & Levitis præstaretur, præceptum est, hac forsan de causa & apud Ethnicos hanc portionem obtinuisse dicendum videtur, & forsan hac etiam de causa ea portio, quæ Sacris ministris conceditur, utut aut etiam duodecima sit, aut quindecima, aut etiam minor, etiam nunc Decima Ecclesiastica, pro id quod in locum ejus, quæ Levitis præstaretur, subrogata est, nominatur.

Cæterum si non vim nominis decimarum, sed earum naturam, quæ ex verâ earum definitione dignoscitur, consideremus, ita describi potest, ut nihil aliud sit, quam *quorâ pars bonorum omnium legitime quasitorum, quæ ob Divini Numinis considerationem Ecclesiasticis personis ad eas alendas datur propter Sacrum, ac spirituale Ministerium*: dicitur quorâ pars, ut eam esse sine certa finitione constet; ea namque pro diversis, variisque moribus diversa est & varia, additur *omnium bonorum*; rectissime; quoniam enim, dum erogantur decimæ, quod-

dammodo Divini Numinis, qui necessaria vitæ nobis indulgit, beneficium prædicetur; hæc autem memoris animi reſſificatio in omnibus patefacienda fit, frogandas propterea de omnibus rebus decimas eſſe quis non videat? Si tamen contigerit, ut ex bonis nonnulla illegitime parta ſint, ex hiſce nullæ deducendæ decimæ ſunt. Ergo ſi quæ bona ex uſuris, quæſuque ſimonjaco fluxerint, ex hiſce decimæ nullæ deducuntur. Huc ergo ſpectant quæ verba in definitione ſequuntur, *legitime quaſitorum*; Utrum tamen ſumptus in reſ decimationi ſubjectas facti, anteaquam decimæ ſolvantur, deducendi ſint, quaeritur. Placet hic diſtinctionem inter decimas prædiales, & personales inire: prædiales a Pontificiis vocantur eæ, quæ ratione prædiorum, ex eorumque proventibus debentur; itaque dantur ex fœno, lignis, fructibus; quos arbores producant, item ex obventionibus Molendinorum; compendiisque locatarum rerum, aliisque hujusmodi. *Cap. plerique de paſſis cap. 4. 33. & paſſim hoc ſit.* Personales vero ſunt, quæ ex lucro, & ex cujuſque induſtria, ex. gr. artificio, commercio, militia, literarumque profeſſione comparantur. Porro ſi de decimis realibus agatur, ob impenſas nequaquam certe mi-

nuum



nuntur, nullaque earum ratio habenda videtur; id Pontifices, id Concilia decreverunt; ac si de personalibus sermo sit, iisdem Conciliis, sumptus visum est habendam esse rationem; tanti inter hasce decimas discriminis hæc ratio est; nimirum quum reales decimæ in prædiorum fructibus consistant, in fructibus autem naturaliter esse intelligantur quæcumque ex re ipsa, corporeque, sumptuum computatione non inita, proveniunt, decimas hasce ob impensas relinquendas nequaquam esse, quis non videt? Scio passim adferri fructus, nisi deducta impensa, non dici l. 7. *solutio Matrimo* l. 46. *de usufructu* l. 1. *cod. de fructibus & lit. expens.* Sed hoc mera est civilis juris subtilitas, quam sæpissime Jus Pontificium nescit; nam vero decimæ personales quum ex lucris, quælibusque erantur, lucrum autem non sit, ut ut naturallem ipsam simplicitatem contemplemur, nisi omni damno deducto l. 30. *off. pro socio*. quidni in hisce tradendis erunt necessarij sumptus facti detrahendi? Elegans autem, validumque ad fidem in hæc re faciendam argumentum est, quo utitur Innocentius III. in *Cap. 26. hoc sit*. hoc videre per otium belle poteris. Jam vero ex hisce liquet quid sibi velint adjecta in definitione verba *ob divini Numinis considerationem*;

nem ; sequuntur hæc alia , *Ecclesiasticis personis ad eas alendas datur propter Sacrum , ac Spirituale Ministerium* . Verba certe , quæ decimarum præstationis finem commonstrant : eæ nimirum præstantur , ut personæ , quæ sunt Ecclesiasticis muneribus mancipatæ , habeant ex decimis alimenta ; nam qui altari serviunt , de altari vivere debent ; omnisque operarius est sua mercede dignus ; *Can. unico causa 13. q. 1. cap. 10. de vita ; & de off. Cleric.*

Quidquid sit de ea quæstione , an Judæi , & Pagani , qui prædia possident , prædiales ; realiter decimas teneantur præstare ; nec ne ; Christianos certe huic oneri obnoxios esse certum est . Sunt enim isti , qui a Ministris Ecclesiasticis pabulum vitæ , & disciplinæ accipiunt ; sunt isti , qui ab iis in illis , quæ ad Pietatem Christianam conducunt , erudiuntur ; sunt isti , quibus ab iis medicæ , quibus tutissime possint ad feliciem Æternæ Beatitudinis portum contendere , commonstrantur .

Sunt autem istæ decimæ non de consilio , sed præcepto ; sed an juris Divini , quæritur a pauci certe quæstionem hanc concinne , & uti par est ; definierunt ; remque adeo confuse explicuerunt ; ut si , an huic potius , quam illi adhærendum esset , vellemus scrutari ; quid

nobis

nobis esset concilii capiendum, penitus ignoraremus. Itaque, ut, quod ipse sentio, aperiam, multum referre puto, utrum decimas solvendas per se consideremus, an vero eas ad necessitates Sacerdotum, qui scilicet iis necessario ad vitam vivendam egent, referamus. Porro si eas per se consideremus, non Divini, sed Juris Pontificii esse definimus; equidem? in toto Evangelicæ Legis edicto nullum extat de solutione decimarum præceptum. Fateor, ita legimus apud Matthæum Cap. 23. *va vobis, qui decimatis Mentham*. . . *hac oportuit facere, & alia non omittere*; sed hæc a Redemptore nostro verba expressa non in futurum, sed in præteritum tempus, tempus scilicet Mosaicæ legis, fuere directa, fuere directa versus Scribas, & Phariseos; & quando lex Mosaica, Vetustque Testamentum amplius non viget, si ve illud ceræmoniale, si ve judiciale concipiamus juxta D. Pauli *ad Galatas Capitu tertio*. phrasim, nihil inde contra nos posse evinci, manifestissime liquet. Posses opponere, in lege Mosaica certa etiam moralia capita contineri, opponere posses, moralia in suo robore perdurare, quia æquitati naturali, rationi, morumque disciplinæ conveniunt; opponere posses, decimarum solvendarum præceptum morale.

rale fuisse; proindeque & nunc eodem jure , quo adstringebat Judæos , jure nempe Divino , adstringere , & nunc Christianos . Sed hæc difficultas evanescet , si illud præceptum , omni modo morale non esse consideremus ; si namque tale illud esset , etiam ante promulgatas Moysis leges obligasset , & tamen Abrahamum solummodo de hostium spoliis decimas rependisse legitur ; legitur eas quoque dedisse Jacobum , sed ex voto , quod fuerat sponte emisum *Genes. XXVIII.* At vero si eas ad Sacerdotum necessitates , qui scilicet necessario decimis ad vivendum egent , referamus , simplicissimo argumento juris esse Divini constat . Tunc enim cadit illud Evangelicæ Legis præceptum , alimenta iis esse præstanda , qui spiritus , animæque nostræ curam gerunt , nosque nutriunt pabula vitæ , & disciplinæ , dicente Paulo I. ad Corinth. Cap. IX. *Si nos vobis spiritualia seminavimus , magnum est si carnalia vestra metamus ? . . . . Nescitis , quoniam qui in Sacrario operantur , quæ de Sacrario sunt , edunt , & qui altari deserviunt , cum altari participant ? ita & dominus ordinavit iis , qui Evangelium annuntiant , de Evangelio vivere .* Hinc juxta hanc distinctionem facile Capituli xxxi. h. t. sensus , ubi summus Pontifex ait : *il'a quippe de-*

*cima*

decimæ necessario sunt solvenda, quæ debentur ex lege divina, intelligitur.

Olim decimæ, quæ ad universum Ecclesiasticum ordinem pertinebant, uni tamen Episcopo committebantur, at postquam Sacerdotia sub titulo, & nomine beneficiorum instituta sunt, & redditus singulis attributi, decimæ iis cesserunt Ecclesiis, in quibus Baptisma conferebatur, plebibus Sacramenta administrabantur, mortuorumque humatio, exequiæque fiebant, quas scilicet vulgo Parœciales, & aliquando Baptismales vocamus *Can. de decimis*, & *Can. statuimus caus. 16. quest. 1. cap. plerumque de pactis Cap. 1. de reb. Ecclesie non alienandis in 6.* sed multæ subinde ex iis ad monasteria a laicis devolutæ fuerunt; id quomodo factum sit paucis ostendam. Ostendam in primis, eas aut absolute Clericis fuisse negatas, aut eas ob Clericorum donationem retentas; ostendam Laicos, ubi ad eas Clericis dandas fuerunt compulsi, eas potius Monasteriis, quam Clericis maluisse concedere.

Itaque in primis decimarum retentionis, quam licitam sibi faciebant laici, causa duplex fuit. Prima ad violentam earum occupationem, retentionemque refertur: tales namque tantæque olim erant temporis calamita-

tes , ut a Laicis Ecclesiastica bona pro lubitu tractarentur ; talia erant Ecclesiæ infortunia , ut laici etiam Clericorum decimas tum eorumdem sustentationi , tum pauperum usibus , tum templorum tutelæ destinatas , pro lubitu in proprium usum , compendiumque converterent , vel profanis hominibus sub conditione operarum præstandarum tribuerent , ac propterea ad summam mendicitatem maximam Clericorum partem , cui unica decimarum perceptio unicum erat vitæ suæ subsidium , redigerent ; quapropter non immerito Concilii Confluentini Patres laicos decimas usurpantes , & invadentes ingentem potius canum turbam , suasque gynæciarias , quam presbyteros , qui Deo , qui Ecclesiæ , qui Christiano populo famulatum præstabant , alere conqueſti sunt . Possem huc passim varios de hacce re Canones adferre ; Canones scilicet Concilii Aquisgranensis sub Pipino , Canonem II. Concilii Toletani I. Epistolam primam Nicolai Papæ ad Michaellem Imperatorem ; possem alias , & Conciliorum , & Pontificum querelas proferre , sed eas , ut brevitati studeam , prætereundas duco . Cæterum , ut verum fatear , huic decimarum retentioni Clerici ipsi causam dederunt : vel tunc enim Clericis dulcissimam

vive-

vivere vitam placebat, placebat tædiosissimam per otium vitam traducere, placebat Judis, spectaculisque interesse, sicque Ecclesiasticam substantiam dissipare; id nimirum quum laicis creasset invidiam, tanti fuit, ut iis decimas pedetentim denegarint. Hæc autem denegatio præstandi scilicet Ecclesiasticis viris decimas secum decimarum donationem a Clericis factam, vel potius facultatem decimas colligendi in laicos collatam traxit, ( & en secunda causa, qua decimis, quæ debebantur Clericis, fruerentur laici ). Nimirum quum difficillima, ne dicam fere impossibilis esset decimarum exigendarum ratio, divinique cultus ministri se tanti non esse existimarent, ut res suas ipsi, decimas scilicet, defenderent, rem optimam potentiorum amicitiam sibi conciliare, ab iisque defensionem, auxiliumque petere deliberarunt. Utique, ut ipsi ab ipsis fundatoribus opem, auxiliumque peterent, oportebat; iis namque primario competit hoc defensionis munus, sed quoniam persæpe contingebat, ut fundator vi potestateque destitutus penitus esset, ut propterea non posset iis ne minimo quidem contra vim oppressionemque adiumento fore, iccirco ab ipsis Proceribus, auxilium, opemque petebant; ut autem facilius

his eorum sibi amicitiam devincerent, eum  
 iis ipsis bonorum Ecclesiasticorum, decimarumve  
 divisionem paciscebantur; satius enim  
 cum iis decimas dividere, quam tota substan-  
 tia exui existimarunt; hæc porro agendi Cle-  
 ricorum ratio iustissima fuit, duraque necessi-  
 tas eos ad se ita gerendos impulit.

Quidquid tamen sit de hisce decimis, jure  
 ne scilicet, an injuria fuerint a Laicis posses-  
 sæ, varii certe ab Ecclesia canones, vi quo-  
 rum non amplius decimæ in manus Laicorum  
 caderent, constituti fuerunt, eoque usque pro-  
 gressi sunt, ut laicis aliter facientibus sepul-  
 turæ officium denegarint; vide *Cap. 19. hoc  
 tit.* Sed hæc omnia frustra; utique nonnulli  
 decimas restituerunt, sed eas non Sacerdoti-  
 bus, non Episcopis, non Clericis, sed Mona-  
 steriis maluerunt concedere. Viderant nimi-  
 rum laici, Clericorum vitam tunc temporis  
 profligatissimam esse, Monachos e converso  
 vitam sanctissimam, disciplinæque Ecclesiasti-  
 cæ apprimè conformem vivere. Accedebat  
 summa tunc temporis in laicis fundandi, do-  
 tandique Monasteria cupido; ut sic eorum no-  
 men perpetuo viveret, reddereturque immor-  
 tale. Accedebant instantes, importunæque Mo-  
 nachorum preces, qui hoc dotationis fundatio-  
 nisque



nisque opus tam egregium pingebant , ut & ad Deum demerendum , & peccatorum remissionem impetrandam plurimum posse decantarent . Accedebat Monachorum persuasio adfirmantium scilicet suarum Congregationum suffragia ad fundatorum , benefactorumque animas e purgatorii pœnis liberandas aptissima esse . Scio pluribus in Synodis decretum , ut & Monasteriis concedi decimæ non possent , & Monasteria eas non possent accipere ; sed scio etiam notis de causis , quas qui historiam callent Ecclesiasticam norunt , hæc Synodos non fuisse factas sui compotes voti .

Caveant tamen ( monet hic Van-Espen ) Monasteriorum decimas possidentium præpositi ne decimas , quæ stipendia Presbyterorum sunt , adeo sibi approprient , ut parochi , ii præcipue , in quorum parochia ea Monasteria sita sunt , egeant , ac honesta sustentatione spolientur ; tollunt enim memores , decimas parochis de jure competere , quod dici certe de Monasteriis non potest ; ipsis enim non de jure , sed ex Laicorum ( quod tamen facere non licebat ) largitione competunt .

Sed ne plura de decimis dicam , eni quæ pauca dici de oblationibus , primitiisque possunt . Primitiæ nil aliud sunt , quam primæ fru-

Quum obventiones, ex. gr. primi animalium  
 fœtus, primi fructus de terra ad culturam re-  
 ducta, primaque de fructibus singulorum an-  
 norum commoda: hæc altissimam habent origi-  
 nem; etenim apud Hebræos, & apud Genti-  
 les maxime eas in pretio fuisse, nemo nescit;  
 isti namque quoddam Religionis, gratitudinis-  
 que nostræ erga Deum, quæ terrâ produxerit,  
 eorum primitias aut Deo, aut ejus ministris,  
 qui Divinum cultum promovebant, elargiri,  
 specimèn esse noverunt. Olim apud Christia-  
 nos, temporibus scilicet antiquissimis, quibus  
 Christiana pietas fervebat, frequentissimæ istæ  
 fuerunt. Sed paulatim pro modo, quo pietas  
 tepescebat, immitutæ, ac tandem, ubi sin-  
 gulis ministris stabiliâ beneficia fuerunt assi-  
 gnata, omnino cessarunt. Oblationes sunt ra-  
 rum rerum præstationes, quæ in usus communes ci-  
 tra necessitatem conferuntur: quapropter apocry-  
 pha eorum est opinio, qui oblationum præ-  
 standarum necessitatem eo in casu agnoscunt,  
 quo eæ per longum temporis intervallum ex  
 usu in veteri, multorumque annorum legiti-  
 me præscripta consuetudine fuerint perceptæ;  
 etenim, oblationes sui naturâ voluntariam præ-  
 stationem continent, talesque sunt, ut donan-  
 tium arbitrio, & liberalitati relinquatur. Ex-

capio tamen necessitatis Sacerdotum casum ; etenim tunc juris vinculum , moralisque ratio quidquid elargiendi ad eorum sustentationem , egestatemque sublevandam subest .

Hæ oblationes & primis etiam Christianorum temporibus frequentissimæ erant ; repescente autem eorumdem fervore , sensim sine sensu minus factæ frequenter fuerunt ; eoque usque res progressa , ut fere omnino cessarent .

---

*De Personis Ecclesiasticis, quæ Divinum  
Cultum promovere tenentur*

## DISSERTATIO II.

Quam misera , ac vere infelix humani generis conditio sit ; norunt omnes ; hæc infelicitas ex corrupta humana natura , cui causam protoparentis peccatum dedit , enascitur ; quid hæc corruptio operetur , id nos ipsi videmus . Jam enim homines quum pravis animi motibus ex corrupta natura generatis dureantur , ad sensibilia proclives injustitiam ap-

petunt , atque sequuntur : Sed Deus O. M. summa sua benignitate viam , qua facile ad justitiam possumus injustitiæ immemores pervenire , demonstravit ; demonstravit , inquam universa justitia consisteret , nempe eam ad duo tantummodo capita facile reduci ; primum ad amorem Dei , ejusque cultum , alterum ad dilectionem proximi , eumque velut fratrem nostrum considerandum ; hæc autem Fraternitas id efficit , ut stricta necessitudine jungamur , quam qui spernat , injustus sit . Sed hæc necessitudo , hæc dilectio quid aliud exposcit , nisi ut eum in rebus necessariis adjuvemus ? Loquor de iis rebus necessariis , quibus ad vitam beatam , æternamque Beatitudinem comparandam egemus ; hæc autem proximi nostri dilectio , non jam de consilio , sed de præcepto existimanda est , sic ut qui hanc violet , gravissimi coram Deo criminis conscius reputetur . Quamquam vero hæc duo justitiæ præcepta Christianos omnes adstringant , ad eos tamen potissimum , qui gregi Christi pascendo , nutriendoque pabulo vitæ , & disciplinæ præfecti sunt , pertinent : dico viros Ecclesiasticos , dico Episcopos , inter quos summus Pontifex primariam frontem tenet , dico Sacerdotes , dico Parochos , aliosque Ministros ; de qui-

quibus nunc, ut ordinate procedamus, præmissis tamen quibusdam de vita & honestate eorum, disputandum occurrit.

---

*De vita, & honestate Ecclesiasticorum*

CAPUT PRIMUM.

**H**OMINES non sibi tantum, sed aliis etiam natos esse criticissimum adagium est; itaque tamquam sibi nati propriæ utilitati consulent, tamquam nati aliis consulent utilitati aliorum. Hoc porro etsi hominibus omnibus commune sit, præcipue tamen ad viros pertinet Ecclesiasticos: eorum itaque officium duplex; respicit unum utilitatem propriam, respicit alterum utilitatem aliorum: non loquor hic de ea utilitate, quæ terrena est, & temporaria; de ea loquor, quæ ad æternam felicitatem, sempiternamque vitam traducit; tunc autem utilitatem propriam promovebunt, si vitam honestam, idest secundum legum tum Ecclesiasticarum, tum Divinarum normam traducant; utilitati vero aliorum consulent, si

eos & Divina, & Ecclesiastica præcepta edoceant; tradantque modos, quibus tutissimi viam virtutis, veritatisque terant, legumque violatores coerceant, quo alii territi pessimum eorum exemplum non sequantur. De hoc duplici officio ut disputemus, in disquisitione vitæ, & honestatis Clericorum, quæ ad primum eorum Officium pertinet, immorabimur; ea deinceps, quæ de altero dici officio possunt, quando scilicet de Personis Ecclesiasticis singillatim disputabimus, scutaturi.

Hominis porro officium esse honestam vivere vitam vel Ethnici ipsi judicarunt; en quid Cicerō de Officiis lib. 1. Cap. xxxiv. *Omnis autem actio vacare debet temeritate, & negligentia, nec vero agi quidquam, cuius non possis causam probabilem reddere.... efficiendum est autem, ut appetitus rationi obediant, eamque neque præcurant, nec propter temeritatem, nec propter pigritiam, aut ignaviam deserant, sintque tranquillique omni perturbatione animi careant, ex quo elucebit omnis constantia, omnisque moderatio; nam qui appetitus longius evagantur, & tamquam exultantes sive cupiendo, sive fugiendo non satis a ratione retinentur, hi sine dubio finem, & modum transseunt; relinquunt enim, & abiciunt obedientiam, nec rationi parent, cui sunt subiecti*  
lego

*lege Natura.* Quid aliud Seneca in Epist. xviii. ? quid aliud Plato lib. xiii. de scientia ? quid Xenophon ? quid Plutarchus, Ethnici omnes ? aliter ne forte existimabunt Christiani ; potissimumque Clerici ? ipsi ne forte id, quod honestum est, fugiendum esse ; vitamque honestam parvi faciendam existimabunt ? Contemplantur quæso quomodo id sit unice bonum, quod honestum est, quomodo ea, quæ non sunt honesta, minime bona sint ; contemplantur quomodo ea, quæ forte præter honestum quis bona judicat, secum trahant incerorem, quomodo sollicitudinem, quomodo metum, quomodo cruciatum, uti apposite adnotavit Seneca in Epist. 74. quid ni (ipse ait) putes, unum bonum esse, quod honestum est ? qui enim bonum honesto circumscripsit, intra se felix est ; nam qui alia bona judicat, in fortuna venit potestatem, alieni arbitrii fit ; hic amissis liberis, mæstus, hic sollicitus agris, hic aliquam infamiam passus tristis, illum videbis aliena uxoris amore cruciari, illum, quem repulsa distorqueat, erunt, quos honor ipse vexat.

Omne porro, quod honestum est, ex quatuor fontibus oritur ; aut enim in perspicientia veri, solertiæque versatur, quo prudentiam referimus ; aut in tribuendo cuique suum, quo

referimus justiciam; aut in animi excelsi, ac invicti magnitudine, ac robore, aut in omnium, quæ sunt, quæque dicuntur, ordine, & modo, quo fortitudinem, & temperantiam referimus. Hæc certe omnia ad munus, officiumve Ecclesiasticorum virorum referenda putamus.

Ex hisce tamen quatuor locis, ex quibus derivatur honestum, principem tenere locum videtur ille, qui in cognitione veri, solertiaque versatur, eaque sequenda consistit; nam, ut ait Cicero de Officiis lib. I. cap. VI. *Ille maxime naturam attingit humanam; omnes enim trahimur ad cognitionis, & scientiæ cupiditatem; in qua excellere pulchrum putamus, labi autem, errare, nescire, decipi & malum; & turpe ducimus.* Phrasis certe Cicerone dignissima, cui si aliam adjiciam, nil certius existimandum puto: homo nimirum Christianus ad æternam beatitudinem, felicitatemque destinatus est, ad hanc pervenire non potest, nisi veritatis viam sequatur; hanc viam, nisi ejus antea lucidissimam veritatis cognitionem habeat, tenere nequaquam potest, & quando in æterna Beatitudine, ac felicitate summum hominis bonum consistit, ea certe via (dico veritatis cognitio) quæ ad hoc summum bonum conducit,



ducit, principem quid ni tenebit locum? Ob-  
 serves tamen, quæso, quomodo olim magno,  
 & excellenti ingenio viri, quum se se doctri-  
 næ penitus deditissent, quidquid labori poterat  
 impendi, contemptis omnibus, & publicis,  
 & privatis actionibus ad inquirendæ veritatis  
 studium contulerint, existimantes, multo esse  
 præclarius humanarum, divinarumque rerum  
 investigare, ac scire rationem, quam aut struen-  
 dis opibus, aut cumulandis honoribus inhære-  
 re, quibus rebus, quoniam fragiles, terrena-  
 que sunt, & ad solius corporis pertinent cul-  
 tum, nemo melior, nemo justior fieri potest.  
 Erant illi quidem veritatis cognitione dignis-  
 simi, quam scire tantopere cupiverunt, atque  
 ita, ut eam rebus omnibus anteponerent; nam  
 & abjecisse quosdam res familiares suas, &  
 renunciassse universis voluptatibus constat, ut  
 solam, nudamque virtutem nudi, expeditique  
 sequerentur; tantumque apud eos virtutis no-  
 men, & auctoritas valuit, ut in ipsa summi  
 boni præmium esse judicarent. Sed neque ade-  
 pti sunt, quod ipsi volebant, & operam simul,  
 & industriam perdiderunt. At observes etiam,  
 quomodo Deus O. M. miseratione sua huma-  
 no generi cæcutienti, oberrantique tenebris  
 densissimis, ulloque sine laboris fructu vaganti

oculos requirenti lumen Sapientiæ aperuerit ,  
 veritatem commonstraverit , ejusque notionem  
 munus , ac beneficium fecerit suum ; hanc  
 porro spernere si laico homini dedecus , Ec-  
 clestiastico nefas est . Quamquam ; *proh dolor !* ex-  
 clamat Lactantius *de falsa Relig. lib. 1. quam*  
*pauca utuntur hoc coelesti beneficio , ac munere ,*  
*& veritatis cognitio vel contemptui dōctis est , quia*  
*idoneis assertionibus eget , vel odio indoctis ob insi-*  
*ram sibi austeritatem , quam natura hominum pro-*  
*clivis in vitia pati non potest ; nam quia virtutia*  
*bis amaritudo permixta est , vitia vero voluptatē*  
*condida sunt , illa offensa , hac delinuti feruntur*  
*in præceptis ; ac bonorum specie falsi mala pro bonis*  
*amplectuntur .* Siccine lucidissima veritatis lux  
 densissimis illecebrarum tenebris postponitur ?  
 Siccine ea spernitur disciplina , quæ ad cult-  
 um veræ Majestatis mentes hominum instruit ,  
 atque ad bene , beateque vivendum conducit ?  
 Siccine , ea seposita , seliguntur illa , quæ ca-  
 duca , quæ fragilia sunt , ac turpia ? ergo , Cle-  
 rice , quicumque tandem sis , ad cognitionem  
 veri quasi ad portum aliquem tutissimum te  
 conferas , in quo omnia dictu prona sunt , au-  
 ditu suavia , facilia intellectu , honesta susce-  
 ptu ; & ubi ad ejus cognitionem sacrarum  
 præsertim literarum subsidio perveneris , tunc  
 esse

esse scias veritatis viam populum tibi a Christo commissum docere; eamque ei, ut & ipse se illi tradat; monstrare; scias, te nullo prætextu posse ab hac obligatione subducere, excitandi scilicet populum ad veritatem, veramque Religionem sequendam, qua sublata; nec sapientiam teneri posse dicimus; nec justitiam; detracta autem justitia vel ad stulticiam pecudum; amissa ratione; vel ad bestiarum immanitatem devolvimur.

Dicam nunc de justitia, ex qua honestum oritur. Duae esse humanæ vitæ vias norunt Poetæ; norunt etiam Philosophi. Sed eas diverso modo induxerunt. Philosophi alteram industriæ; alteram inertie esse voluerunt; sed minus recte; cum eas ad solius vitæ commoda retulerint. Poetæ vero alteram justorum; alteram impiorum esse dixerunt; melius certe quam Philosophi; verum peccant in eo, quod eas apud inferos esse ajunt; nos utique rectius; qui alteram vitæ; alteram mortis viam; non tamen apud inferos esse dicimus; sed illa dexterior; qua qui justi sunt; non in Elysium feruntur sed in Cælum; immortales enim sunt; sinistrior ad Tartarum ducit; æternis enim injusti cruciatibus addicuntur. Veneranda ergo est a nobis justitiæ via; quæ ducit ad

vi-

vitam ; primum autem iustitiæ officium est .  
 Deum cognoscere ut parentem , eumque me-  
 tuere ut Dominum , diligere ut Patrem ; is  
 enim est , qui nos genuit , qui vitali spiritu  
 animavit , qui alit , qui salvos facit ; unde illi  
 ab homine duplex honor , amor scilicet cum  
 timore debetur ; ut vere scripserit Lactantius  
 Divinarum Instit. Epitome de iustitia Cap. I.  
*Si iustitia est veri Dei cultus , quid tam iustum  
 ad aequitatem , tam pius ad honorem , tam neces-  
 sarium ad salutem , quam Deum cognoscere ut  
 Parentem , venerari ut Dominum , ejusque legi aut  
 præceptis obtemperare ?* Indeque est , quod ex  
 eo tempore , quo multi Dei consecrari ab ho-  
 minibus , colique ceperunt , fugata est , sicut  
 Poetæ ajunt , iustitia ; sic diremptum est omne  
 foedus , dirempta societas juris humani , cepit-  
 que sibi quisque consulere , jus in viribus com-  
 putare , nocere invicem , fraudibus aggredi ,  
 dolis circumscribere , commoda sua aliorum in-  
 commodis adaugere , non cognatis , non libe-  
 ris , non parentibus parcere , ad necem homi-  
 num pocula veneno temperare , obsidere cum  
 ferro vias , maria infestare , libidini autem ,  
 quo furor traxerit , frenâ laxare , nihil deni-  
 que sancti habere , quod infanda cupiditas non  
 violaret . Quamquam , dum hæc fierent , leges  
 sibi

sibi homines condiderunt pro utilitate communi, ut se interea tutos ab hominum injuriis facerent; sed metus legum non scelera comprimebat, sed submovebat licentiam; poterant enim leges delicta punire, conscientiam punire non poterant; itaque, quæ antea palam fiebant, clam fieri cæperunt. Cæperunt etiam jura ipsa circumscribi: ipsi enim præsides, ac legum custodes præmiis, muneribusque corrupti, vel in remunerationem malorum, vel iustorum perniciem sententias venditabant. His accedebant dissensiones, & bella, & mutuae deprædationes, & oppressis legibus sæviendi potestas.

Alterum justitiæ officium est hominem velut fratrem agnoscere: si enim idem Deus homines fecit, & universos ad Justitiam, & ad vitam æternam pari conditione generavit, fraternæ utique necessitudinis cohæremus, quam si non agnoscas, injustus eris.

Hæc duo justitiæ officia Christianis universo imposuit utique Christus; sed iis præsertim, qui in sortem Domini vocati sunt; de Clericis loquor, qui divinis sunt officiis mancipati; eorum est, quæ ad cultum divinum conducunt, sponte peragere, suoque exemplo, & Doctrina efficere, ut & peragantur ab aliis;

eorum est , ut videant , ne faciant ulli , quod pati nolunt ; alterius namque animum a suo metiantur . Si acerbum est injuriam ferre , adeo ut qui eam fecerit , videatur injustus , transferant in alterius personam , quod in se sentiunt , & in suam quod in altero judicant , & bellissime intelligent , tam se injusta facere , si noceant alteri , quam alterum , si sibi . Hæc certe si mentevolvunt , innocentiam tenebunt , in qua justitia velut in primo gradu consistit . Primus est enim non nocere , sed officiose prodesse , utut noceant nobis ; hoc est præceptum Christi ; hoc , quod ignorabant Ethnici vera Religione destituti ; nam ait Cicero de Off. Cap. VI. *Sed Justitia primum officium esse , ut nemini quis noceat nisi laçessitus injuria.*

Ad virtutem nunc me refero fortitudinis , & primo quidem , in quo nam hæcce consistat , definiendum est . Homo porro ex duabus rebus constat , corpore atque anima , quorum alterum terrenum est , alterum verò cœleste ; duæ vitæ homini attributæ sunt , temporalis una , quæ mortali corpori assignatur , spiritalis altera , ac sempiterna , quæ animæ subiacet ; illam nascendo accepimus , hanc assumimus labrando , ne immortalitas , quæ magnum

gnum Dei, O. M. præmium est, homini sine ulla constet difficultate. Illa terrena est, sicut corpus terrenum; & quemadmodum corpus finit, finit & illa; hæc vero cœlestis sicut anima; & quando non habet animam finem, neque hæc finem ullum habebit. Illam primum nescientes accepimus; hanc accipimus scientes, & volentes, virtuti enim non naturæ datur; voluit enim Deus, nos vitam nobis in vita comparare, ita ut hanc præsentem dederit, ut illam veram, ac sempiternam aut vitis amittamus, aut virtute mereamur. In hac corporali non est summum bonum, quippe quæ sicuti necessitate divina nobis data est, ita rursus divina necessitate solvitur. Qui enim fieri potest, ut quod finem habet, ac solvitur, summum bonum contineat? In illa ergo, quæ spiritualis est, quamque per nos acquirimus, summum bonum continetur. Corpus, & anima, licet sint in homine confociata, contraria tamen sunt, & pugnant invicem, ita ut animæ bona sint mala corporis, opum scilicet divitiarumve fuga, ac voluptatum interdictio; bona autem corporis mala sint animi, idest cupiditas, & libido, quibus & appetuntur opes & variarum voluptatum suavitates, atque dulcedines, quibus enervatus animus ex-

tinguitur; quod si verum sit, ut utramque vitam, cujus una corpori, cujus altera animæ assignatur, una pugnans cum altera, vivere non possit homo; itaque si temporalem vitam optes, spiritualem vitam non habebis, si optes spiritualem, contempnas temporalem vitam, quæque ejus superfluis inserviunt commodis necessum est, spernas corporis voluptates, quas dixi animi mala; atque in hoc demum ea, de qua loquor, excelsi animi cernitur fortitudo. Neque vero est, cur eo aliquis confugiat, ut dicat, ad ejus culpam, qui & bona instituit animi, & mala; pertinere. Cur enim malum voluit esse, si id odio habet? cur non unum bonum fecit, ut nemo faceret malum, nemo peccaret? Equidenim? nulla virtus esse poterat, nisi diversa Deus fecisset; nec omnino adparere vis boni potest, nisi ex mali comparatione; adeoque malum nil aliud est, quam boni interpretatio, uti astat Dion, atque Plutarchus. Sublato igitur malo, etiam bonum tolli necessum est; si lævam manum, aut pedem amputaveris, nec corpus erit integrum, nec vita ipsa constabit; adeo ad compagem corporis temperandam aptissimo cum dextris sinistra junguntur; item si pares calculos feceris, nemo ludet; si unum colorem Circo dederis,

nemo



nemo spectandum putabit , sublata Circensium voluptate , quos profecto qui prius instituit , amator unius coloris fuit , sed alterum ei quasi æmulum posuit , ut posset esse certamen , & aliqua in spectaculo gratia . Sic Deus quum bonum constituit , quum virtutem dedit , statuit etiam diversa , cum quibus illa confligeret ; si desit hostis , & pugna , nulla victoria est ; tol-je certamen , ne virtus quidem quidquam est . Quam multa sunt hominum inter sese , & quam variis artibus constituta certamina ; nemo tamen fortior , velocior , præstantiorque haberetur , si adversarium , cum quo contenderet , non haberet . Unde autem abest victoria , abesse hinc , & gloriam simul , & præmium necesse est ; ut igitur virtutem ipsam exercitatione assidua roboraret , eamque faceret de maiorum conflictatione perfectam , utrumque simul dedit , quia utrumque sine altero retinere vim suam non potest . Verum propius ad propositum nostrum accedamus . In hac virtutis , fortitudinis scilicet , genere excellere gloriosum esse , ac plane honestum vel Ethnici ipsi , qui in Religionis falsæ tenebris miserrime jacebant , judicarunt ; nam ait Cicero de Officiis lib. Cap. xx. „ intelligendum est autem , quum „ proposita sint genera quatuor , ex quibus hone-

K

„ fac

„*stas, officiumque manaret, splendidissimum vi-*  
*deri, quod animo magno, clareque humanas res*  
*despiciente factum sit.*“ Quid Christiani, qui  
 Patrem Christum habent in Cœlis, qui expres-  
 se in sacris litteris rerum terrenarum præci-  
 pit abdicacionem, contemptumque voluptatum  
 corporearum, vitiorumque fugam? Quid Cler-  
 rici, quicumque ii sint, Ecclesiasticive viri,  
 qui a Deo sunt destinati, ut Populum in Fide  
 Christi erudiant, ejusque eum præcepta do-  
 ceant, ut eum per perfectionis viam tradu-  
 cant? Populus enim iste quomodo Fidem Chri-  
 sti tenebit, quomodo ejus servabit præcepta,  
 quomodo justitiæ perfectionisque Christianæ  
 viam, quo ducit terrenarum rerum, volup-  
 tumque corporearum contemptus, calcabit, si  
 eos videat intentos ad cumulandas divitias,  
 corporeisque voluptatibus inservientes? Eo-  
 rum igitur potissimum est, contemptis terre-  
 nis fragilibus rebus, fortitudinis virtutem te-  
 nere; eorum est ad principale æternitatis sa-  
 stigium mentem, oculosque provehere; eorum  
 est & morum ingenita sanctitate, & veritatis  
 in omni actu justitiæ consumere; eorum est  
 præcipua virtutis, & sanctitatis populo exem-  
 pla præbere.

Restat nunc, ut de summa temperantiæ vir-  
 tute,

tutē , ac modestia pauca delibemus . Præter voluptatem unam , quæ ad generandum pertinet , nullam animantes sentiunt voluptatem ; utuntur ergo sensibus ad naturæ suæ necessitatem ; vident , ut appetant ea , quibus opus est ad vitam tuendam ; audiunt invicem , seque dignoscunt , ut possint congregari ; quæ utilia sunt ad vîctum , aut ex odore inveniunt , aut ex sapore percipiunt ; inutilia respuunt , aut recusant ; edendi , bibendique officium ex plenitudine ventris metiuntur . Uni ergo homini solertissimus Artifex infinitam dedit voluptatem cadentem in vitium , quia proposuit ei virtutem , quæ cum voluptate semper tamquam cum domestico hoste pignaret ; uni homini dedit virtutem , qua expugnaret , ac vinceret voluptatem , sicque emerget temperantiæ virtute , quaque libidinem egredientem fines sibi datos intra præscriptum coerceret . Hinc vel ipsi Philosophi oculorum variam , & multiplicem , quæ ex aspectu capitur rerum , quæ sunt in usu hominum , vel natura , vel opere delectabiles , quæque possunt fovere inhonestatis vitium , sustulerunt ; relicto tamen publicis spectaculis loco . Siccine ? Ea certe , quæ maxima sunt irritamenta vitiorum , & ad corrumpendos mores , animosque pervertendos

potentissime valent , tollenda sunt a nobis ;  
 quia non modo ad beatam vitam nil confe-  
 runt , verum etiam plurimum nocent : dicam  
 idem de histrionum impudicissimis motibus ;  
 nam quid aliud nisi libidines docent , & in-  
 stigant ? quorum enervata corpora , & in mu-  
 liebrem incessum , habitumque mollita , impu-  
 dicas fœminas inhonestis gestibus mentiuntur .  
 Quid de mimis loquar corruptelarum discipli-  
 nam præferentibus , qui adulteria docent , dum  
 fingunt , & simulatis fictisque erudiunt ad ve-  
 ra ? admonent enim spectatores , quid facere  
 possint , eosque inflammant libidine ; quæ as-  
 pectu maxime concitatur ; ac unusquisque pro  
 sexu se in illis turpibus imaginibus præfigu-  
 rat , probatque illa , dum ridet , & adhæren-  
 tibus vitiis corruptior ad cubicula revertitur ;  
 & non modo pueri , quos præmaturis vitiis  
 imbui non oportet , sed etiam senes , quos  
 amplius peccare non decet , in talem vitiorum  
 turpissimam labem dilabuntur . Quid dicam de  
 Circensium ludis ? par , eademque ratio est .  
 Sunt ergo quæcumque spectacula vitanda , non  
 solum ne quid vitii peccatoribus insidat , quæ  
 debent esse pacata , sed ne eorum voluptas  
 nos & a Deo , atque a bonis operibus aver-  
 tat . Christiani itaque imitentur Christianorum  
 veteres .

veterum exempla necessum est; videant, quam solliciti modestiæ fuerint custodes, quam nefas putarent, vel minimum a temperantia recedere; spectaculis adesse existimabant sacrilegum; histrionum turpissimis motibus adesse, nil turpius; adesse mimis, ludisque Circensium, nil ineptius. Verum id eorum potissimum est, qui propius Ecclesiæ Deierviunt, Clericos dico, qui aliis lucidissimum virtutum omnium exemplum debent esse, castitatisque custodes; quo mereantur amantissimum Patrem habere Deum, summumque consequi bonum, in quo definiendo veteres omnes Philosophi superstitione detenti errarunt. Itaque, ut rem paucis complectar, Clericorum est omni honestatis officio vacare, eorum est prudentiæ primo, justitiæ secundo, tertio fortitudini, postremo temperantiæ inservire. Hinc primo intelligo, cur & Concilia, & Patres, & Pontifices a clericorum animis avaritiæ labem alienam voluerint, quæ in animis hominum tantas cit perturbationes, & interdum ita cogit delinquere, ut nec famæ, nec periculi sui ullam habere rationem suat; adeo ut vel Stoici ipsi divitiarum affectum, qui, si nimius sit, avaritiam generat, dixerint amputandum; ut ut minus recte; non enim, qudm

ille sit a corrupta natura infusus , tolli , amputarique potest ; potius cohibendus est , ac temperandus . Utique opes , seu naturæ bona per se mala non sunt , quippe ad tuendam vitam sunt destinata ; sed mala male utendo fiunt ; sicut enim , si fortissime pro patria pugnes , bonum est , si contra patriam , malum ; sic & affectus , si ad usus bonos habeas , & modereris , virtutes erunt , si ad malos , dicentur vitia .

Intelligo secundo , cur iidem Ecclesiæ Patres , eadem Concilia , iidem Pontifices ludos Clericis prohibuerint ; quid enim , ( ut ait S. Bernardus ) ludus nisi avaritiæ signum denotat ? Neque est , cur ad consuetudinem confugiant ; nam , ut id refellam , eos ad Innocentii III. phrasim , in *Cap. XI. de excessibus prelatorum* compello : nos ( ait ) qui ex officii nostri debito pestes ejusmodi extirpare proponimus , atque ludos voluptuosos , occasione quorum sibi quadam curialitatis imagine ad dissolutionis materiam venit , penitus improbamus , excusationem prædictam , qua per pravam consuetudinem , quæ corruptela dicenda est , palliatur , frivolum reputantes , cum in illis magis pleribilis sit offensæ per quos ad excusandas excusationes in culpa delinquendi auctoritas usurpatur .

Intelligo , cur negotia secularia iis prohibe-

buerint. Hieronymum in primis memoro, qui in *Can. 7. cap. 12. quest. 1.* ita affatur : Duo  
 „ sunt genera Christianorum, est autem unum ge-  
 „ nus, quod mancipatum Divino officio, & dedi-  
 „ tum contemplationi, & orationi ab omni strepi-  
 „ tu temporalium cessare convenit, uti sunt Cle-  
 „ rici, & Deo devoti, videlicet conversi. Clerus  
 „ enim græce, latine fors : inde hujusmodi homi-  
 „ nes vocantur Clerici, idest sorte electi : Omnes  
 „ enim Deus in suos elegit. Memoro deinde  
 Alexandrum III. in *Cap. 6. ne Clerici, vel Mo-  
 nachi*, ita Laodicensi Episcopo rescribentem :  
 „ Secundum instituta prædecessorum nostrorum sub  
 „ interminatione anathematis prohibemus, ne Mo-  
 „ nachi, vel Clerici causa lucri negotientur, &  
 „ ne Monachi a Clericis, vel laicis suo nomine fir-  
 „ mas habeant, neque laici Ecclesiis ad firmam  
 „ teneant. Memoro Synodum Œcumenicam VII.  
 „ *Can. 10. Principum* ( legitur ) *Capellanus con-*  
 „ *stituitur*, ne licet ei mundanas, & saculares  
 „ curas suscipere, præsertim cum hoc agere pro-  
 „ hibentur a Sacris Canonibus; potius autem ma-  
 „ neat ad educationem, ac Magisterium puerorum,  
 „ & famulorum, perlegent eis divinas Scripturas :  
 „ ad hoc enim sacerdotium consequutus est. Me-  
 moro Concilium Africanum a S. Cypriano  
 laudatum. Ne quis de Clericis, & Dei Ministris

„ tutorem, vel curatorem testamento suo constituat,  
 „ quando singuli Divino officio honorati, & in Cle-  
 „ ricorum Ministeris constituti non nisi altari, &  
 „ Sacrificio deservire, & precibus, atque orationi-  
 „ bus vacare debeant. Intelligo, cur Concilia  
 summopere nimiam, ac familiarem cum mu-  
 lieribus clericorum conversationem detestata  
 sint. Vide quid Synodus Cameracensis Part. I.  
 „ tit. 9. Cap. 3. Consortium mulierum Sacerdoti;  
 „ non convenit, quum castitas difficiliter in mu-  
 „ liebri consortio, raro tamen retineri possit: qua-  
 „ re precipit Sacr. Synodus, ne qui Sacros Ordines  
 „ suscepit, in familia secum habeat mulierem  
 „ extraneam, de qua suspicio concipi facile si-  
 „ nistra possit; quam suspensionem vitare nequeunt,  
 „ qui juvenes comptas, procaces, otiosas, impu-  
 „ dentes, mali nominis, ac fama, aut quas an-  
 „ recta vita macula contaminet, vel secum alunt,  
 „ aut frequenter adeunt, aut admittunt. Vide  
 „ quid Synodus Melch. P. 1. tit. 18. cap. 3.  
 „ Quoad Clericos suspectum cum mulieribus con-  
 „ suetudinem habentes juxta decretum Canonum,  
 „ & Concilii Tridentini rigoroſe puniantur; &  
 „ hujusmodi mulieres, si monita ab Ordinario se  
 „ ab eorum consuetudine non sejunxerint, extra  
 „ oppidum vel Diocesim, invocato etiam, si opus  
 „ fuerit, lathio ſaculari, ejiciantur. “ Vide  
 quid



quid Synodus Diœcesana Audomarenſis : „ *præ-*  
 „ *cipit Sancta Synodus, ut cum mulieribus etiam*  
 „ *ſanctitate conſpicuis extra honeſtatis neceſſitatem*  
 „ *Clerici non converſentur . . . & melior eſt, mi-*  
 „ *nuſque periculosa in virorum converſatione ini-*  
 „ *quitas viri, quam mulier benefaciens. Quid*  
 aliud Synodus Antuerpienſis anno 1610. tit. 17.  
 cap. 6 ?

Intelligo cur a Sacris Conciliis prohibitus  
 Clericis ſit Popinarum ingreſſus ; cur juxta  
 illud Apoſtoli ad Ephes. 5. v. 18. *noliſte in-*  
*ebriari vino, in quo eſt luxuria; & illud Sapien-*  
*tis Prov. 20. v. 1. luxuriosa res eſt vinum, &*  
*inmultuosa ebrietas*, prohibitum iis ſit Baccho  
 inſervire, quibus Conciliis & Pontifices &  
 Sancti Eccleſiæ Patres ſubſcripſerunt; nil aliud  
 enim voluere, quam ut Clerici honeſtatis vir-  
 tutem ſibi haberent propoſitam, nil aliud  
 quam ut curas ſpeſque omnes vitæ, & ſalutis  
 in ſola virtute collocarent, ut fragilia conte-  
 mnerent, quo ſolida conſequerentur, ut ſper-  
 nerent terrena, quo cœleſtibus honorarentur;  
 nil aliud, quam ut abjicerent corporeas  
 voluptates, quarum illecebris ſublimis animus  
 deprimitur ad terram; nil aliud, quam ut ſe  
 ad juſtitiam, ad continentiam, ad virtutem in-  
 ſtruerent, quo Fidei coronam, præmiūque  
 im-

immortalitatis possent comparare, ac proficisci ad illum æquissimum judicem, Parentemque indulgentissimum, qui pro laboribus requiem, pro morte vitam, pro tenebris claritatem, pro terrenis, brevibusque bonis æterna, ac cælestia elargitur, cum qua mercede acerbitates ac miseriæ, quas hic in terris patimur justitiæ opera facientes, conferri, ac coæquari nullo modo nullâ ratione possunt.

Paucis hiscè quæ propria sint Clericorum, virorumque Ecclesiasticorum officia, quibus sedulo vacent oportet, habes; adderem plura, sed quum id mihi per tempus non liceat, transeo ad alia.

### *De Summo Pontifice*

## CAPUT PRIMUM

UNICUS est, id fatentur omnes, Episcopatus; hujusce portionem singulis Apostolis Christus benigna favore concessit; portionem tamen majorem Petro Apostolorum Principi dedit. Episcopi sunt successores Apostolorum, ergo

ergo eandem habebunt Episcopatus portionem ; Pontifex summus est Petri Successor , ergo & ipse , uti Petrus , Majorem in Episcopatu partem tenebit .

Sit ergo Summus Pontifex supremus Ecclesiæ Regens , sit Ecclesiæ Caput , habeat ille primatum . Unde tamen iste primatus ? Refert distinguere , utrum in tempora Apostolorum intendamus , an vero posteriora tempora contemplemur . Si primum , duo maxime , quibus primatus prærogativa distingueretur , attendenda sunt . Primum in communione cum Petro retinenda versabatur ; quæ communionis necessitas , uti notat de-Marca in suo tractatu *de singulari Petri Primatu* , dupliciter spectari poterat , vel habita ratione Apostolorum , qui ex officio ad communionem cum Petro ut lapite conservandam tenebantur , vel habita ratione Ecclesiarum , quas per provincias ipsæ instituebant ea lege , ut Petrum tamquam Ecclesiæ Caput respicerent , ejusque regimini subjicerentur ; alterum cernebatur in eo , ut causæ , atque negotia , quæ universam Ecclesiam respicerent , ad eum præcipue tamquam Ecclesiæ Caput discutienda , referendaque essent . Si secundum , idest si posteriora tempora respicimus , tertium , in quo primatus emia-

net

net prærogativa, adjiciendum est : hoc eo dirigitur , ut corrigere excessus , supplereque defectus Episcoporum possit , deque eorum persona judicium ferre , quod sane obtinere temporibus Apostolorum minime poterat ; ii quippe ut potè a Deo eruditi deficere a Fide non poterant .

Primatus iste unus , & indivisus est , quemadmodum unum quiddam , ac per se indivisum est Summum Imperium ; ut ut interdum fieri possit , ut istud dividatur sive per partes , quas vocant , potentiales , ita ut penes alium sint judicia , penes alium bella , penes alium comitia : nam uti elegantissime notavit olim Gronovius , totum potentiale , quod alias logicum ; & universale appellant , est genus respectu specierum ; genus autem imperium summum est ; species imperium summum in jure reddendo , imperium summum in bello , imperium summum in comitiis , sive per partes subjectivas ; idque clarissimum est .

In vim primatus , quem Summus Pontifex habet , potest ubicumque , in Diocesisbus scilicet Episcoporum , suam explicare jurisdictionem . Hæc phrasis potest incautum quemdam decipere ; in ea propterea , quæ sum dicturus ; animum intende tuum ; adnota nimirum , me

ita

ita scribentem non ita sentire, ut primatus in hocce consistat: aliud enim est primatum in re aliqua consistere, aliud est quidpiam in vim primatus fieri; illud substantiam primatus constituit, hoc vero primatus effectum; & certe res esset absurdissima definire, in ea re primatum consistere; quum enim temporibus Apostolorum, ante Diœceseon divisionem, omnibus Apostolis, ubicumque vellent, liceret suam jurisdictionem exercere, omnes propterea Apostolos habuisse primatum definiendum foret, quo quid absurdius? est tamen observandum, tunc id licere Pontifici, si certas iustas causas ipse dignoscat; id notant fere omnes in hac parte eruditissimi viri: contentus tamen sum quod in hac re scripsit Berard. in dissert. 2. cap. 1. proferre: *si ista ( ait )*  
*principia jaciantur, quid dubitamus; quin divisionem illam non obsuisse latissima Romani Antistitis potestati adfirmemus? dummodo tamen*  
*illud adjiciatur, nihil exinde fore divisarum provinciarum detrahendum, quam & ipse Antistitum omnium Princeps curare, & promovere*  
*ex Christi mandato tenetur, & qua provinciarum divisioni causam dedit maxime gravem:*  
*quod idem est, ac dicere, tum eam potestatem exerceri a Pontifice Maximo posse, cum ipse id*  
*in,*

„ interesse , atque expedire certis de causis mini-  
 „ me contempnendis prudenti arbitrio iudicaverit .  
 quid clarius ? quid apertius ? quid dixerō ju-  
 stius ? quum enim iusta causa , eademque pu-  
 blica ad Provinciārum divisionem impulerit ,  
 juxta quoque proinde debet ad eam tollen-  
 dam impellere . Huc ergo collineat Concilium  
 Salengust. Cap. 18. hisce verbis conceptum :  
 „ quia multi tanta mentis suae falluntur stulti-  
 „ tia , ut in aliquo capitali crimine inculpati pœ-  
 „ nitentiam a suis Sacerdotibus accipere nolint ,  
 „ in hoc maxime confisi , ut Romam euntibus Apo-  
 „ stolicis omnia sibi dimittat peccata , Sancto vi-  
 „ sum est Concilio , ut talis indulgentia illis non  
 „ prestat , sed prius juxta modum debiti pœniten-  
 „ tiam sibi datam a suis Sacerdotibus adimpleant  
 „ & tunc Romam ita si velint ab Episcopo proprio  
 „ licentiam , & literas ad Apostolicum exiissem  
 „ rebus deferendas accipiant . Huc Concilium  
 Lemovicānum celebratum anno 1045, sub Be-  
 nedicto IX. hoc enim nil aliud egit , quam  
 Concilium Salengust. confirmare . Huc Con-  
 cilium Elviganum Can. 53. Concilium Arela-  
 tense Cap. 15. Concilium Nicænum Can. 9. &  
 16. Huc Concilium Antiochenum Can. 2. 5.  
 & 6. Concilium Sardicense Can. 18. & 19.  
 Concilium Carthag. Can. 5. 21. 44. Huc Con-  
 cilium

cilium Constantinopolitanum *Can. 2.* Concilium  
Turonense *Can. 8.* Concilium Africanum  
*Can. 7.* Concilium Milevitanum *Can. 18.*

Nunc huc referre est quorundam Pontificum, qui Episcoporum jurisdictionem sine causa minime perturbendam duxerunt, exempla. Ethienēs Gergobizæ Episcopus quum excommunicationis vinculo quemdam, cujus nomen Pontius erat, ferierit; quum iste Romam ivērit, cumque ab excommunicatione liberaverit; Benedictus IX. qui tunc temporis Pontificatum tenebat, en quomodo se Benedictus ipse in quadam epistola, quam ad Ethienem scripsit, excusaverit: *quod nescienter exi, frater carissime, non mea, sed tua est culpa; scis enim, quia quicumque de universa Dei Ecclesia, qua est in toto orbe terrarum, ad me causa remedii recurrit, impossibile est mihi ejus curam negligenter, te, dicente Domino ad Beatum specialiter Petrum: Petre, pascere oves meas; quo ergo modo poterit sedes Apostolica ejicere aliquem de molecula, nisi rationabili causa? debueras certe mihi, antequam illa mortua ovis Romam veniret, ejus causam tuis innotescere apicibus, ut eam ego omnino abjicerem, tuamque firmando auctoritatem cum anathematis ictu repercuterem. Propterea quippe omnibus confacerdotibus meis*  
nbi-

„ ubique terrarum coadjutorem me , & consultato-  
 „ rem potius esse , quam contradictorem ; absit enim  
 „ Schisma a me , & Episcopis meis : Itaque illam  
 „ pœnitentiam , quam excommunicato ignoranter  
 „ dederam , & ille fraudulenter accepit , irritam  
 „ facio , & cassam .

En alterum exemplum : Diœcesanus quidam  
 Episcopi Engolismensis quum , nescio quale ob  
 crimen , adierit Summum Pontificem , ut ejus  
 absolutionem obtineret ; id egit Summus Pon-  
 tifex , eique certam imposuit pœnitentiam &  
 hanc tamen confirmandam ab eodem Episcopo  
 misit , dicens , se nit agere eo inconsulto vel  
 le : en tamen quid Episcopus Diœcesano suo ,  
 cujus compertam habuit astutiam , ubi ei ab-  
 solutionem obtentam nunciavit , petiitque ab  
 eo pœnitentiæ confirmationem , respondit ? res-  
 pondit , se minime tale mandatum , quale di-  
 xit extortum , credere , proinde ei nihil pro-  
 desse ; en verba : „ non credere possum hoc man-  
 „ datum ab eo extortum , & hoc tibi nihil utile  
 „ est , & donec a me , vel hujus Sedis Archidia-  
 „ cono , me jubente , accipias pœnitentiam , perma-  
 „ ne in excommunicatione , & vade foras ab Ec-  
 „ clesia .

Vis alterum exemplum ? paucis habeto . Qui-  
 dam miles Vasco quum jussu Ducis Vasconiae  
 cui-



cuidam illustri viro vitam abreperit ; criminis dolore tactus pœnitentiam ab Episcopo suo petit , qui , quum , quam ei faciendam injungeret , ob criminis atrocitatem nesciret , eum ad Summum Pontificem , a quo eam acciperet , misit , dicens : *si tibi ille pœnitentiam concedit , & ego gaudeo , & confirmo , si ille te abjiciet , numquam nec a me , nec ab aliquo invenies pœnitentiam* . Miles iste igitur Romanam perexit , eoque pervenit secunda Paschatis feria ; aditque summum Pontificem in Ecclesia Sancti Petri Divinum Officium celebrantem ; & coram omnibus inter fletus , gemitusque atrocissimi criminis ab eo petiit pœnitentiam ; tunc ab eo Pontifex quæsit , cur suum non adierit Episcopum : *Cur episcopum tuum non expetebas ?* respondit , se ad eum ab episcopo ipso missum , litterasque Episcopi sui , quibus se ab eo ipso missum constabat , protulit . Tunc Pontifex ad quemdam Episcopum , qui ab ejus dextris stabat , conversus , sic ei locutus perhibetur : *Recogita auctoritatem Divinam qualem pœnitentia hic mortuus possit vivificari .* & ait Episcopus : *Dominus dixit in Evangelio : omnis ,*  
*» qui reliquerit domum , vel fratrem , vel sorores ,*  
*» aut Patrem , aut uxorem aut filios , aut agros*

L

» pre-

„ *propter meum nomen, centuplum accipies, & vis  
 „ tam eternam possidebis.* “ Ex hoc intelligi pō-  
 test, hunc Summum Pontificem hoc sibi ha-  
 buisse propositum, ut Ecclesiasticos canōnes ob-  
 servaret, nihilque auctoritatis in Diœcesibus  
 aliorum Episcoporum, & supra eorum subdi-  
 tos sine causâ sibi adrogaret.

Descripto Summi Pontificis primatu, paucis  
 quæ sui muneris sunt, delibemus. Præcipuum  
 porro illius officium est ea peragere, quæ Re-  
 ligionem promovent Christianam, quæ certe &  
 plurimi valet ad Dei gratiam nobis concilian-  
 dam; & maximos habet in Societate Christia-  
 na effectus. Dicam enim, eam esse honestæ di-  
 sciplinæ vinculum; dicam, eam esse coagu-  
 lum omnis Societatis, & fundamentum legis-  
 lationis: συντετακτὸν ἀπ’ αὐτῆς κοινότητα καὶ νομοθεσίαν  
 ἡρεσμον. Dicam eam esse efficacissimum amato-  
 rium, & vinculum indissolubile benevolæ ami-  
 citiæ; unius Dei cultus: φιλότρονον ἀντισυμμάτον  
 διὰ δισμὸς ἄλλοτος εὐνοίας ἐρωτικῆς ὡς τῷ ἐνὶ Θεῷ  
 τιμῇ..... Justissime ergo Justinus veterem Ju-  
 dæorum Justitiam Religione permixtam laudat  
 ex Trogō; justissime Lactantius de ira Dei:  
 „ *Si ergo pietas est cognoscere Deum, ejus cogni-  
 „ tionis hæc summa est, ut eum colas, ignoras.*  
 „ *uti-*

», utique justitiam, qui religionem Dei non tenes ;  
 », quomodo enim potest eam nosse, si unde oriatur,  
 », ignoras?

In promovenda autem Religione Christiana, nemo certe ad eam suscipiendam poenis, aut metu trahendus, Rom. vii. 15. Hebr. ii. 15. Joan. vi. 67. Luc. ix. 54. Matth. xiii. 24. quo sensu Tertullianus: *lex nova non se vindicat ulcere gladio*. Hucque pertinet quod in libro antiquo, cui nomen est *Constitutiones Clementis*, legitur de Christo: τὸ αὐτεξούσιον τῶν ἀνθρώπων ἀφῆκεν λαῖμαρσι καὶ ἁρσενικοῖς θανάτῳ διὰ τῶν ἀλλ' ἐν ἱστορίαις κατασάσει λογιθεῖται αὐτὸ.... Scilicet liberam reliquit hominibus arbitrii potestatem non morte temporali eos puniens, sed in altero saeculo ad reddendum rationem vocans. Huc pertinet quod scripsit Athanasius Epistola ad Solitarios: », Dominus non cogens, sed libertatem suam voluntati », permittens, dicebat quidem vulgo omnibus: si », quis vult venire post me; Apostolis vero, numquid », & vos abire vultis? " Huc quod Cyprianus Epist. 4. Conversus ad Apostolos suos dixit, numquid & vos vultis ire? servans scilicet legem, qua homo libertati suae relictus & in arbitrio proprio constitutus sibi met ipse vel mortem appetit, vel salutem.

Huc quod Chrysostomus ad Joannis locum.

vi. 67. *ερωτα λεγων μη και ομεις θελετε υπαλιν  
απερ ω ασαν η αφαιρετος βια και αναγκη*, idest,  
interrogat, an & ipse velint discedere, quod omnem  
est amoventis vim, ad necessitatem. Huc quod  
scripsit Lactantius lib. 5. Divin. instit., non est  
opus vi, & injuria... quia Religio cogi non po-  
test... defendenda est non occidendo, sed morien-  
do, non savitia, sed patientia, non scelere, sed  
fide. Huc tandem respicit Synodus Toleta-  
na Cap. de Judæis dist. 45. *Præcipit sancta sy-  
nodus, nemini deinceps, ad credendum vim in-  
ferre: cui enim vult Deus miseretur, & quem  
vult indurat*...

Quæ vera speranda ab ea esset Christiana  
Religio, qui ad eam suscipiendam fuerit vi,  
invitusque perductus? Religio plane fictitia,  
ac fere nulla, ea ferme ratione qua nihil agit  
virtutis, qui ejus actum vi, metuque elicit,  
nihilque honesti invitus, coactusque: nihil  
enim honestum (a quo ne immortalitatis qui-  
dem pretio recedendum) quod ab invito fit;  
Omne enim honestum incoactum est, injussum  
est, sincerum est.

Iis, quæ ad Religionem promovendam con-  
ducunt, jungimus ea quæ promovent pieta-  
tem, Nam pietate sublata fides etiam, & So-  
cietas generis Christiani, & una excellentissi-

ma virtus iustitia tollitur. Jungimus, quæ ad optimum Ecclesiæ Regimen conducunt; jungimus ea, quæ tendunt ad unitatē Ecclesiæ, quæ, sicut per divisionem filiorum suorum tamquam membrorum putrescentium, & contra Deum peccantium peccatis, quæ juxta verbum propheticum *diviserunt inter nos, & Deum*; sic per unionem oppositam, scilicet reconciliationem cujuslibet ad Deum; morumque reformationem debet iterum tentari a Summo Pontifice, a quo origo, & radix illius pendet, ut hinc vere scripserit Cyprianus epist. 66. *Ecclesiam Romanam Petri esse Cathedram, & Ecclesiam principalem, unde unitas sacerdotalis exorta est*; a quo non longe distat Optatus Milevitanus Episcopus lib. 2. contra *Parmen.* dum sacrilegi Donatistarum in Africa Schismatis virus extinguere studens, ita scribit: „ Igitur negare non potes, scire te in urbe, „ Roma Petro primo Episcopalem Cathedram esse „ collatam, in qua sederit omnium Apostolorum „ caput Petrus, unde & Cephas appellatus est, „ in qua una Cathedra unitas Ecclesia servare- „ tur, ne ceteri Apostoli singulas sibi quisque de- „ fendere; ut jam Schismaticus, & peccator „ esset, qui contra singularem Cathedram alteram „ collocaret; quæ verba hunc habent sensum:

Ecclesia quæ instar corporis nexu quodam mystico Christo, ut capiti, cohæret, una est; in hac Ecclesia unus est Episcopatus, unaque Cathedra; hujus Cathedræ dignitatis portio a singulis Episcopis possidetur, ita tamen ut Petrus primas habeat partes; quum ille potissimum a Christo fuerit interpellatus iis verbis, quibus ei administrandarum clavium, pascendique gregis curam demandavit sub hoc respectu, ut unitas Ecclesiæ demonstraretur, & Petro dignitas illa tribueretur, qua, ut cum Augustino loquar, *totius Ecclesiæ representaret figurata generalitate personam; & Schismatis, secundum Hieronymi phrasim lib. 1. contra Jovinianum, tolleretur occasio.*

En nunc paucis quid juxta Cypriani, Optati, & Hieronymi sensum Gelasius I. de Ecclesia Romana judicet: judicat Ecclesiæ Romanæ principatum ab unitate Ecclesiæ, quam Christus instituit, arcessendam: in tractatu enim adversus Græcos edito a R. P. Sirmondo Patrum Synodi Nicænæ judicio vetustissimum sedis honorem adjudicatum fuisse ait in vim verborum Christi: *Tu es Petrus; & super hanc Petram ædificabo Ecclesiam meam . . . : Ego rogavi &c. . . : Pascere oves meas; quare igitur* (sunt

( sunt eadem verba ) , ad Petrum tam frequens  
 „ sermo dirigitur ? Numquid nam reliqui Sancti ,  
 „ & Beati Apostoli non erant simili virtute succin-  
 „ ti ? quis hoc audeat affirmare ? sed ut Capite  
 „ constituto Schismatis tollatur occasio , & una  
 „ monstraretur compago Corporis Christi , qua ad  
 „ unum Caput gloriosissima dilectionis Societas  
 „ concurreret , & una esset Ecclesia , cui fideliter  
 „ crederetur , unaque domus unius Domini , &  
 „ unius Redemptoris , in quo de uno pane , & de  
 „ uno calice nutrireretur .

Possem de Summo Pontifice alia bene multa  
 describere ; sed quoniam hoc præstitutos limi-  
 tes exuperaret , silentio prætereunda ducō :  
 hocque unum dixero , Pontificis Romani Ele-  
 ctionem non eandem semper fuisse . Olim ad  
 Clerum , totumque Romanorum fidelium cœ-  
 rum spectabat ; aliquando electionis jus Carolo  
 Magno datum fuit ; postremo ad Cardinales  
 pertinet ; dixero , ordinario jure non posse  
 Summum Pontificem sibi successorem eligere &  
 dixero , abdicare dignitatem suam sine justa  
 causa non posse , justa de causa posse ; veluti  
 si schisma occuparet Ecclesiam ; tunc enim  
 potest ; immo si Ecclesiæ pax , & unio aliter  
 procurari non possit , tenetur ; absurdumque  
 est hoc in controversiam adducere , ni velis di-

cere, publicam Ecclesiæ utilitatem contra omnes justitiæ regulas parvi, floccique facientiam.

---

*De Episcopis*

CAPUT SECUNDUM.

**V**itium ambitus fugiendum, vitandumve esse, vel apud Ethnicos ita certum erat, ut in constituendis Magistratibus ad res publicas sincere gubernandas legem ambitus tulerint; de quo Romæ factum referunt Senatus Consultum, quod postea, ne varietate temporum intermoreretur, Valentinianus, & Martinianus in lib. legum *Novellarum* renovarunt. Indeque est, ut & Ecclesia in Ministris delendis, ordinandisque ambitus vitium, & præcipue in electione Episcoporum semper perhorruerit; fugiendumque velut Simoniacum esse decreverit: res clara est, & certa. Sed non solum Episcopatus non est ambiendus, sed ne appetendus quidem. Quum enim oporteat, Episcopum sine crimine esse, virtutibusque splendescere, sibi-



sibi que tantum communem Ecclesiæ utilitatem  
fructumque proponere , planèque cognoscere ,  
se recte , convenienterque in omni vita cum  
virtute posse præstare , nihilque amplius atten-  
dere , quod forte ad commoditatem , aut ad  
gloriam , vel ad pecuniam , vel ad alia similia  
conducat ; quum perfectionem istam ex toto  
complecti laboriosum sit ; & affirmare de no-  
bis necessarias qualitates perdifficile , tutius  
est opus tam arduum declinare potius , quam  
appetere . Revera fore quantitates necessarias  
in Episcopatu de nobis affirmare perdifficile ,  
en quid Gersonius in *Sermone de fuga* , & desi-  
derio Episcopatus . Qui Episcopatum desiderant ;  
& vocari ad eum ; fallitur plerumque reputans ;  
se ex qualitate appetere , quod quarit ex vāni-  
tate ; vel ex alia viziosa radice . tradit hoc  
Beatus Gregorius in *Pastorali* ; loquens vocem ex-  
perientia de plurimis ; qui ante adeptionem Epi-  
scopatus ponant in animo , se multa facturos pro  
regimine plebis in prædicando , & animas totis  
conatibus , ut eis videtur , ad viam salutis di-  
rigendo ; qui postquam adepti sunt ; quod opor-  
tuit baptizari ; nihil agunt de præcogitationis suis ; velut  
somno scilicet ; vel inertia se totos tradunt , aut  
ambitioni ; vel luxuria deserviunt . Novi ego ipse  
quendam ; qui ad Episcopatum anhelabat ; tunc

„ dum diceretur , me presente , status vester in-  
 „ rior longe securior est , & eligibilior ut pere mi-  
 „ nus honoris , & satis mundana sustentationis ha-  
 „ bet ; respondit : & quid valet homo de se solo  
 „ cogitans ? volo me circa sermones , & exercita-  
 „ tiones publicas exercere : hic est finis meus par-  
 „ ticularis . Ita sibi forte tunc pingebat , ut sit ,  
 „ in animo phantasmata consideratio sua exur-  
 „ gens ex ambitione , qua qua magis falleres , to-  
 „ gebat se hac umbratili veste virtutis , & men-  
 „ tiatur iniquitas sibi . Hic enim tantus promissi-  
 „ sor nescio , si toto tempore sui Episcopatus unum  
 „ sermonem egeris ad Populum ; ceterum paucius  
 „ undequaque congregavis , quas alius tamen vici-  
 „ nior raptor coegit . & quoniam adeo profun-  
 „ dum est cor hominis , Jerem. 17. 9. ita ut nec a  
 „ se ipsa possit agnosci , quia vitia se virtutes es-  
 „ se fingunt , propterea Sancti viri , qui semper  
 „ pavidi sunt , & vereantur cum Job omnia opera  
 „ sua , non credunt se sibi in appetitu praesidentia .  
 „ Episcopalis , refugiunt potius ; & horrant maxi-  
 „ me .

Sed rem altius repetamus : qui desiderat Epi-  
 scopatum , aut propter status dignitatem , &  
 amplitudinem desiderat , aut propter res tem-  
 porales , quæ ex Episcopali Beneficio perci-  
 piuntur , forte ut se , suosque parentes doteq-

aut

aut ut laudetur, & vocetur ab hominibus *Rabbi*; aut denique propter publicam suæ Diœcesis utilitatem; populum scilicet per viam salutis traducendo, pascendoque pabulo vitæ, & doctrinæ. Si primum, peccat peccato vanitatis, elationis, & superbiæ: hucque respicit Augustinus *lib. xix. de Civitate Dei*, ubi ita, affatur: *locus superior, sine quo populus regi non potest, etsi administretur, ut decet, tamen indecenter appetitur ut in superiori loco sistatur.* Si secundum, peccat peccato avaritiæ, & Simoniz; utque utar S. Augustini phrasi in *lib. de Opere Monachorum*, quærendus victus est, ut evangelizetur, non evangelizandum; ut vivatur; esset enim ordo perversus; si quod principalius est, & perfectius, ad id, quod minus perfectum, & accessorium est, velut ad finem ordinaretur. Si tertium, peccat peccato ambitionis; si postremo, temeritatis culpa redarguendus; quum, ut supra affatus sum, qualitates, quæ sunt in Episcopo necessariae, affirmare de nobis perdifficile sit; quæ temeritas ut ut detur minima, est tamen turpissima; nam nævi, & verucæ, quamvis per se parvæ maculæ sint, faciem tamen fœdant deformitate notabili. Quid tamen est, quod D. Paulus in litteris ad Timotheum scribit: *qui*

*Episcopatum desiderat, bonum opus desiderat? & hoc ne possit quemquam intentum animum habere ad amplissimum Sacerdotium appetendum, eruitur? minime gentium; non enim ex eo quod opus bonum desiderat, qui Episcopatum desiderat, continuo hujus desiderium bonum esse sequitur; nam ut rem exemplis demonstrarem, si quis honores, divitias, summasque amplitudines desideret, bonas res certe desiderat; ergo ne hujus desiderium bonum est? non sequitur; etsi enim opes, honores, amplissimique Magistratus; & hujus generis alia ex se non habeant, quod malum sit, in ipso tamen animo appetente vitium esse potest. Et si quis cuiuspiam rem furetur pretiosum, lautamque supellectilem, aut vestem aliquam auro, gemmisque interlucentibus exornatam, bonam rem certe furatur, furtum ne ergo hujusmodi bonum est? nequaquam: & si quis laudem affectat, bonam rem affectat; pulchrum enim est laudari præsertim à bonis, præstantissimisque viris, nec est in rebus humanis quidquam excellentius laude; quam præmium virtutis Philosophi constituerunt; ergo ne ambitio laudis est bona? non efficitur; insudandum enim est, ut laude digna geramus, non ut laudem affectemus; quod etiam*

nec negavere philosophi ; quid igitur verba hæc , *Si quis Episcopatum desiderat , bonum opus desiderat* , significant ? quid sub illo nomine Episcopatus veniat edocent : is enim est , qui ἐπίσκοπος græce nominatur , latine vero vigilator , speculator , ita ut deceat eum assiduum esse custodem , & speculatorem gregis sibi commissi , & virtutum omnium sectatorem ; nobilitatem autem , potentiam , honores , dignitates , privata commoda , nempe opes , gaudium , requiem , cætum amicorum , quæ sunt ab hominibus inventa , inanes delectationes , quæ cito avolant , nec quærere , nec concupiscere ; & pro criminibus populi vigiliis quotidianis , victus parsimonia , ardentibusque precibus a Deo , præsidiumque suæ Divinæ virtutis efflagitare . Vide tamen , quomodo nonnulli , ut nos errore decipiant , argumententur : verba *Qui Episcopatum desiderat bonum opus desiderat* , hunc , ajunt , sensum habent , ut bonus occupet Episcopatum ad salutem , quem malus ad perniciem occuparet : quid ni ? Sic enim , ut præclare apud Platonem *de Repub. Dialog. 1.* docti , honestique homines imperare nec volunt , nec curant omnino , nisi quum intelligunt Rempublicam administrationi malorum subjiciendam esse , qua de causa ultro se

se ad eam gubernandam inferunt tamquam ad rem necessariam, cum neque melioribus, neque similibus committi valeat; quanto magis licebit viro perfecta justitia, & sapientia prædito cogitationem suam, curamque traducere ad tractandum Ecclesiæ gubernaculum, cum animadvertit eam in aliquod venturam esse discrimen, si id alteri cuspiam, quam sibi uni crederetur, seque existimat in ea aliquid posse præstare, quod nullus alius possit; immo vero (prosequuntur) si id facere prætermitteret; jure optimo reprehendendus esset; quis enim non objurgabit eum, qui, si ex imperitia nautarum navigium periclitari videat, in quo sit ipse rei nauticæ peritissimus, non libenter, ac sponte clavum apprehendat, illudque officio suo ex maris, ventorumque tempestatibus moderetur, & sustentet, sed malit secum una demergi cum majori cæterorum malo, quam ad capeffendam nâvis gubernaculum se non adscitum inferre? Hæc porro eorum ratiocinandi vis duplici vitio laborat; primum est, quod interpretatio isthæc non subsistit; idque satis quæ sequuntur verba demonstrant: *Operet enim Episcopum irreprehensibilem esse &c.* quum enim isthæc verba relationem habeant ad priora si quis Episcopatum desiderat bonum opus desiderat; immo

Immo sint horumce verborum ratio, quum isthæc officium Episcopi designent, & priora propterea verba hanc unam patientur interpretationem, ut ad Episcopi officium referantur; alterum vitium est, non valere argumentum navigii ad Episcopatum. Navigium enim artis est humanæ, cujus peritiæ se quis dare sponsores potest, at Episcopatus virtutis est; quippe ad eum adipiscendum certæ necessariæ virtutes sunt, quas nemo sine temeritatis nota de se affirmare potest.

Progrediamur ad alterum adversariorum argumentum; appetere Episcopatum leges non prohibent, quidquid autem non est aliqua lege prohibitum, videtur esse permissum: nam Lex vetandi ratio quædam est, prohibendique sapientia; ergo appetere Episcopatum leges concedere videntur vitiosum sane argumenti genus. In primis enim quidquid non est à jure prohibitum, concessum esse videri, non semper verum est. Nam Solon, qui Atheniensibus leges instituit, de Parricidiis nullam tulit legem; nec Lycurgus, qui Lacedæmoniis leges condidit, de adulteriis quidquam cavit; & initio naturæ humanæ, quum orti sunt homines, quamdiu bona fide vixerunt, tamdiu sine legibus permanferunt; cum vero erga ipsos

mu-

mutua benivolentia refrixit, nec amplius eorum Societas, pietate erga Deum de medio sublata, sine legum præsidio constare potuit, rogatz fuere leges, quæ malos mores compescerent, & ab hominum convictu propularent injuriam, ita ut non immerito bonas leges ex malis moribus ortas fuisse feratur; dixeris ne tamen, tempore Solonis patricidium fuisse permissum? dixeris ne, tempore Lycurgi fuisse permissum adulterium? dixeris ne, naturæ humanæ initio omnia fuisse permissa? absit ita affari. Quid quod? ætate nostra nec contra omnia manifesta crimina latæ sunt leges; nam ingrati animi crimen, & vitium omnes summas culpæ loca ponunt, & ut ait Seneca, *ingrato homine terra nil pejus erat*; & ut olim vir clarissimus cecinit:

*Nil homine ingrato pejus reperitur in Orbe;*

*Nil scelerum cancer ætius arcus habet.*

Et tamen huic crimini nulla lex est constituta: quis tamen hoc non esse detestandum duxerit? Quid si nunc demonstrem, appere Episcopatum legibus esse prohibitum? nihil amplius certe, quod respondeant, habebunt adversarii. Triplex jus esse, nemo negat, Divinum unum, quod Evangelii, & Sacrarum litterarum præceptis constat; alterum humanum, quod



quod lege Sanctorum Patrum, & Pontificia constitueretur; tertium liberum, quod moribus constituitur, conscriptisque monitis pervulgatur. Omnia ista jura appetere Episcopatum apertissime, planissimeque vetant; id quam brevissime potero pro consuetudine demonstrabo. Quod ut perspicue cerni possit, ponam in primis firmas, gravesque Christi auctoritates. Hic quum vellet Episcopos constituere, ut ex Evangelio Marci constat, in Montem ascendisse legitur, & ad se, quos ipse voluit, vocasse, quosque ad hujusmodi Divinum, ac prope cœleste munus vidit aptissimos; quod satis expressit Matthæus Cap. 20. v. 1. 2. 3. dicens, Christum, conscenso monte, accersisse non quosvis e multitudine, sed duodecim a se delectos, quos Evangelista ubi nominatim, strictimque recensuit, ita subjecit: *Hos duodecim misit Deus, ut non opinione dubia haberetur, quod nullus Apostolorum optaverit illam potestatem a Christo sibi præstari*: idque etiam ex Evangelio Joannis Cap. xv. 16. 19. apertissime constat, ubi Christus, quo magis spectatum redderet ipsorum affectum, nosque doceret præstantioris officii munus affectandum non esse etiam ad benemerendum de aliis, studiumque serviendi Christiani populi salutis, sic illis dixit: „ non vos me elegi-

„ *stis, sed ego elegi vos, ut eatis, & fructum as-*  
 „ *feratis, & fructus vester maneat; quasi aper-*  
 te dixerit: apostolatus citra conatum, studium-  
 que vestrum vobis contigit, nam ego elegi vos  
 de mundo, & constitui vos Ecclesiæ præsides,  
 & Evangelii mei præcones, *Cap. VI. 12. 13.*  
 Quam electionem Lucas ut prorsus divinam  
 ostenderet, Christum per totam noctem Cœle-  
 stem Patrem deprecatum esse commemorat,  
 primoque diluculo, discipulis ad se vocatis, ex  
 omnibus duodecim delegisse, & eos Apostolos  
 nominasse. Quod rursum ex illa Christi sen-  
 tentia planum fit: „ *propterea dixi vobis, quia*  
 „ *nemo potest venire ad me nisi fuerit ei datum a*  
 „ *Patre meo. Joan. VI. 65.* Nec desunt in eum-  
 dem sensum Apostoli lucidissima, maximeque  
 perspicua testimonia, quæ constanter nos do-  
 cent, Episcopos ( nempe legitimos ) vocatu  
 Spiritus Sancti institutos, & effectos esse; si-  
 cut in Actis Apostolorum, ubi Episcopi de sua  
 ad Episcopatum vocatione monentur; *attendite*  
*vobis, & universo gregi, in quo vos Spiritus San-*  
*ctus posuit Episcopos regere Ecclesiam Dei, quam*  
*acquirit sanguine suo. Act. XX. 28.* & rursus ad  
 Romanos *Cap. I. 10, quomodo prædicabunt, nisi*  
*mittantur?* Nec est dissimile illud ad Hebræos  
*Cap. I.*

Cap. v. 4. *nemo sibi assumit honorem, nisi qui vocatur a Deo tamquam Aaron.*

Venio nunc ad illud jus, quod Pontificia lege Sanctorumque Patrum continetur; vetat enim & hoc Episcopatus appetitionem. Id in primis expressit Gregorius in Opusculo de pastoris officio: *sicut locus Regiminis desiderantibus est negandus, ita fugientibus est offerendus; & in Epistola ad Syagrium Augustod. Episcopum:*  
*„ sicut is, qui invitatus renuit, & quasi refu-*  
*„ git, Sacris Altaribus est admovendus; sic qui*  
*„ ultro desiderat aut importune se se ingerit, pro-*  
*„ cul dubio est removendus, ac repellendus. Nam*  
*„ si sic nititur ad altiora conscendere, quid aliud*  
*agit, nisi ut crescendo decrescat, & ascendendo*  
*exterius interius in profundum descendat? Quæ*  
*sententia tantum obtinuit auctoritatis, ut in*  
*libros decretorum Summorum Pontificum Can.*  
*2. causa 1. quasi. 6. & Cap: ult. de Simonia rela-*  
*ta sit. Id ipsum etiam S. Augustinus IX. de*  
*Civitate Dei, & Can. quæ Episc. c. 1. q. 8. A*  
*„ studio (inquit) cognoscenda veritatis nemo pro-*  
*„ hibetur, quod ad laudabile pertinet orium; locus*  
*„ autem superior, sine quo regi populus non potest,*  
*„ etsi ita teneatur, atque administratur, ut de-*  
*„ cet, tamen non decenter appetitur; quam far-*

„ cinam si nullus imponit , percipienda , atque  
 „ intuenda vacandum est veritati ; & alibi , nem-  
 pe Moral. lib. XXVIII. multo apertius ac bre-  
 vius : „ Prælatia secundum meliorem intentionem  
 „ fulgienda est „ . Neque aliud Chrysostomus  
 Hom. xxxv. Oper. Imperf. tom. 2. super illud  
 audientes decem indignati sunt ; ait enim prima-  
 tus fugientem se desiderare ; & desiderantem se  
 horrere ; & rursus paucos post versiculos , Præ-  
 matus Ecclesiasticos concupiscere neque iustum esse,  
 neque utile. Huiusque sententia tanta summis  
 visa est Pontificibus , ut ad Ecclesiæ usum le-  
 gibus ipsorum mandata sit ; ut glossographus  
 ipse expresse fateatur , qui Episcopatum deside-  
 rat in terra , inveniet confusionem in Cælo ; ut  
 & permulti viri Sanctissimi ita facere consue-  
 verint ; & en quod dixi , etiam ius liberum ,  
 quod moribus constituitur , ne Episcopalis di-  
 gnitas appetatur , prohibere . Quamquam , quid  
 hæc testimonia producamus ; quum huius di-  
 sciplinæ & plena sint omnia Ecclesiastica vo-  
 lumina , & præcipue aureum illud de Sacer-  
 dotio Chrysostomi opus ? & huius disciplinæ  
 normam vel ab ipsis Ethnicis Philosophis pos-  
 simus accipere ? Interpello Euripidem in Glau-  
 co ; affirmat ipse , hominem Deorum deus cupere

*non oportere*. Decus autem Deorum non cupere temporibus nostris non est appetere Divinos honores exhiberi sibi, & in mortali carne ab hominibus adorari, sicut gentes olim, sed præcipuum illum, atque divinum Apostolorum honorem, de quo Paulus ad Hebr. Cap. v. 4. loquitur: *nemo sibi usurpet honorem, nisi vocatus a Deo*; qui ad gubernationem animarum perpetua successione in Episcopis conservatur, omnibusque politicis Magistratibus Civilique etiam Imperio præstat, & antecellit. Demosthenem interpello in *Leptinen*. Refert enim, bona cuncta speranda quidem, sed tamen speranda esse & humana, ob idque ea enixis precibus petenda esse a Deo O. M. quæ ad recte, honesteque vivendum profutura sunt, non autem gradus honorum, & Magistratus, qui vel nobis non expediunt, vel obesse possunt. Interpello Sophoclem in *Flagellifero*, ubi demonstrat, mortalis generis humani naturam hoc vitio maxime premi, quod terrena, quæ ad tranquillæ, honestæque vitæ usum conducunt, postmittat; honoresque solum superiores, majestatem, potestatemque, atque etiam multo majora suspiciat, atque inquiret. Interpello Platonem perennis Philosophiæ fontem, qui non

immerito ab antiquis Philosophis cœlestis , ac prope divinus creditus est . In lib. enim *de Re-  
pub. Dialog.* 1. pluribus rationibus , argumentif-  
que indicat , in Civitatibus politiorum hominum  
tunc conservari Societatem , cum Cives , ut ut  
cæteris præstantiores , aliorum moderatores ne-  
que cupiunt fieri , neque volunt , etiam con-  
sulendæ Reipublicæ causâ , & pro communi  
utilitate , ac singulorum ; quique , si in popu-  
lorum rem universi Ordinis judicio ad regen-  
dum assumantur , assensum cohibent , nec con-  
quiescunt , nisi causis antecedentibus , & ne-  
cessariis postulantis ; ac ita demum ægriori  
animo , ac quodammodo recusantes administra-  
tionem suscipiunt velut rem arduam , & diffi-  
cilem , complurium inter se pugnantium , ac  
dissidentium judiciorum , negotiumque innume-  
rabilibus molestiis , operisque laboribus compli-  
catum . Quid quod ? is ipse in eodem loco ma-  
gistratus hominibus non appetendos , ne simul-  
tas inter æmulos oriatur , scribit . Putabat e-  
nim vir doctissimus , cives tam procul ab in-  
vidia , & seditionibus permanfuros , quam lon-  
ge abessent a cupiditate imperandi ; imo in  
hominibus , qui nulla hujusmodi sollicitudine  
afficiuntur , sedem , & fundamentum ponit ju-  
stitiæ

ſtitutiæ ſuæ, injuſtitiaæ vero contra, cum in honorum, gloriaæque cupiditatem inciderint, quæ juſtitiaæ ſemper eſt inimica.

Proſequuntur qui contra ſentiunt : Episcopatus in Opere bono, & dignitate conſiſtit ; ſed glorioſum eſt appetere bonum opus, *Sap. cap. III. 13.* ergo appetere Episcopatum glorioſum eſt. Nil concludit ; quod ſi concludere contendas, convertam ſic argumentum per commutationem alterius partis, & non minus eodem ad convincendum enitar. Episcopatus opere conſtat, & dignitate, ſed dignitatem appetere vitioſum eſt, ſcriptum eſt enim: *noliſte exaltare in altum cornu veſtrum, Pſal. lxxiv. verſ. 6. non te extollas in cogitatione animæ tuæ, velut Taurus, & noli querere ab homine ducatum, neque a Rege cathedram honoris ; Eccleſ. cap. vi. 2. cap. vii. 4.* ergo Episcopatum appetere vitioſum eſt.

Nil etiam concludit argumentum eorum alterum: Episcopatus eſt ad virtutem ampliorem aſcenſus ; at hunc aſcenſum expetere honeſtiſſimum eſt, ergo & honeſtum eſt Episcopatum appetere: ergo ne enim qui Episcopatum adipiſcitur, ſtatim ad virtutum gradum aſcendiſſe ille dicendus eſt ? quid magis ridiculum ? vel ego ipſe, aſebat S. Hieronymus, ſi hoc ve-

rum esset , totis vellem viribus contendere , ut Episcopatum adipiscerem , quo tandem ad virtutis gradum ascenderem .

Supereſt poſtremum eorum , quod paucis reſellam , argumentum . Quidquid ( ajunt ) fructuoſum eſt , & per ſe ipſum laudabile , deſiderandum eſt ; ſed Episcopatus eſt munus officii fructuoſum , quo populis prodeſſe poſſumus , & per ſe laudabile , cum ſit excellens virtutis operatio , & in ipſa virtute ſitus ; igitur Episcopatus deſiderandus eſt . Quidquid fructuoſum eſt , & per ſe ipſum laudabile , illud eſſe deſiderandum , concedo ; concedo , Episcopatum munus eſſe officii fructuoſi , ac per ſe laudabile ; ergo deſiderandus Episcopatus eſt , concedo ; vide quam liberius in eorum ſententiam descendam ; ſed quando id verum ? tunc ſi Episcopatus ut opus hominibus apprime utile , & per ſe ipſum abſque ullo privati officii , & propriæ perſonæ reſpectu conſideretur ; non vero ſi conſideretur ut officium perſonæ omnium præſtantiffimæ accommodatum ; tunc enim uſque adeo illicitum eſt Episcopatum appetere , ut , cum nobis non appetentibus ultro deſertur , non deſugere cum aliqua verecundia , & quodammodo recuſare , illud neque modèſtum , neque ingenuum reputetur . Sed de  
hac



hac quæstione satis; ad Episcoporum electionem postulationemque descendo.

Electio-  
nis Canonica ratio pro varia temporum ratione varia fuit: tempore namque Apostolorum penes totam Ecclesiam fuit; naturale namque est, ut quilibet cœtus ea possit, quæ ad sui præcipue conservationem necessaria videntur, quo præcipue spectat ministrorum Ecclesiasticorum electio, a quibus Ecclesiasticus cœtus dirigitur, ordinare; sed impofterum populus suas quoque habebat in Episcoporum electione partes; quod certe fuerat veteris Testamenti disciplinæ conforme; præceperat enim Dominus Moyse dicens: „*apprehende Aaron fratrem tuum, & Eleazarum filium ejus, & in-  
penes eos in montem coram omni Synagoga, &  
exue Aaron stolam ejus, & indue Eleazarum filium ejus, & Aaron appositus morietur illi*“ (notante Cypriano epist. 69. Editionis Rigaltii) plebe præsentem vel detegerentur malorum crimina, vel bonorum merita præmiarentur & sic ordinatio justa, & legitima iudicio omnium, & suffragio comprobaretur; hanc autem disciplinam novitram Ecclesia Latina, quam Græca

Cæterum, quod ad Græcam pertinet Ecclesiam,

siam , in Nicæna secunda Synodo constitutum tandem a Patribus fuit ; Episcopos a solis provinciæ Episcopis eligendos esse ; firmitus robur huic Nicænæ Synodo additum ab octava , & septima Synodo fuit , cujus Canon , uti notat Marca *de Concor. S. & I. lib. 6. cap. 2. §. 8.* habetur in versione Anastasii Bibliothecarii , tametsi inter græcos Canones non reperiatur.

Quod vero ad Ecclesiam attinet Latinam , diutius ea jus electionum & Clero , & Laicis , velque ipsis etiam Gregorii septimi temporibus , sæculo scilicet undecimo , uti ex ejus Epistolis patet *lib. 1. Epist. 35. 36. lib. 2. Epist. 50. lib. 3. Epist. 3. 5. 8. 11. lib. 6. Epist. 2. 1. lib. 8. Epist. 1. 3. 18. 19. 20. lib. 9. Epist. 18.* permittit , dummodo post sæculum quintum Regum etiam consensum in electione Episcoporum visum fuisse necessarium observet. Ergo in fine sæc. XII. Clerus , & populus jus electionum amisit , translatumque fuit ad Ecclesiarum Cathedra- rum Canonicos , populo tamen Gallico , uti observat Marca *de Concordia S. & I. lib. 6. Cap. 2.* excepto s. „ *populus enim ( ait ) diutius jus suum*  
*„ in Gallia retinuit, quum alibi. Certe abo Diod*  
*„ Bernardi hoc est 12. Sæculo electiones episcoporum*  
*„ Cabilonensis , & Gebanensis facta sunt cum con-*  
*„ sen-*

„ sensu populi , quamvis in aliis quibusdam Ec-  
 „ clesiis eas Clerus peragere cum consensu Mona-  
 „ chorum Diocesanos .

Quid amplius? etiam progressu temporis Ca-  
 pitula cathedralium Ecclesiarum ab electione  
 Episcoporum fuerunt exclusa , caputque jus  
 electionis Episcopalis a Pontificibus sibi ipsis  
 reservari ; reservationes tamen istæ non fue-  
 runt ubique receptæ teste Van-Espen p. 1. tit. 13.  
 de electione , & nominatione Episcoporum §. 5. hisce  
 „ verbis : verum reservationes illæ non ubique  
 „ receptæ fuerunt , aut probatæ , renitentibus tum  
 „ Episcopis , Capitulis , & patronis , quibus jus  
 „ eligendi , conferendi , & presentandi pene omnia  
 „ per has adimebatur , tum etiam Regibus , &  
 „ Principibus Vassallorum suorum , atque subdi-  
 „ torum jura tuentibus , quippe qui malebant pe-  
 „ nas Capitula ; aliosque sibi subditos esse jus ele-  
 „ ctionis , quam penitus Pontifices : non enim metue-  
 „ bant Principes , ne manente electione apud Ca-  
 „ pitula sibi subdita facile aliquis sibi non grā-  
 „ tus aut in sui Regni negotiis suspectus ad præ-  
 „ laturam eligeretur , quod contra , manente apud  
 „ Pontifices provisione , se metuerent per provisionem  
 „ extraneorum dicebant : id certum : dummodo  
 tamen Principis consensum , quemadmodum &  
 præcedentibus sæculis obtinuit , necessariam  
 sem-

semper visum fuisse observes; sed istæ reservationes, quas sibi fecerunt Pontifices, non potuerunt, quin magnas tum dissensiones, tum controversias inter Capitula, quibus jus electionum ademptum, & Pontifices, qui illud sibi reservarunt, generarent; sic ut propterea videri caperit æquum, ut electiones Episcoporum Capitulis iterum restituerentur: tentata res fuit in Concilio Constantiensi, verum res suum non est sortita effectum; quare iterum in sequenti Concilio Basileensi insisterunt patres Ecclesiæ præcipue Gallicanæ, ut reservationes tandem abrogarentur, sui que voti fuerunt compotes facti, fuitque hujus abrogationis decretum in *sessione* 23. ejusdem Concilii sub titulo *pragmaticæ sanctionis* evulgatum. Quod fecerunt Gallicani Antistites, fecerunt & Germani. Quemadmodum enim de sublati Capitulorum juribus conquesti fuerunt Galli, ita & Germani, quos propterea inter, & Apostolicam Sedem, tranquillitatis pacisque causa, inita concordia fuit; illud ergo jus recuperarunt Capitula, quod plebs populusve semel amissum recuperare numquam potuit: cur enim iterum restituere plebi jus illud quo abutebatur? Certa enim aut proensione, aut ignorantia sua pro minus idonea,

neo, pro minus digno vota ferebat, quod puto in causa fuisse ut quandoque certi a plebe electi Episcopi rejicerentur; quis enim subscriberet Episcoporum, qui minus essent digni, electioni? quod etiam puto fuisse tanti, ut interdum sine plebis consensu Metropolitanus cum Episcopis suffraganeis ordinaret Episcopum, tunc scilicet, quum persona aliqua Divino indicio ad Ecclesiae regimen videretur vocata; verendum enim erat, ne, si expectanda fuissent plebis vota, contraria divinis essent suffragiis, quæ ubi habentur, non sunt humana testimonia expectanda, uti habet Cyprianus scribens ad Clerum, populumque suum: *in ordinandis (ait) Clericis, fratres charissimi, solemus vos ante consulere, & mores, & merita singulorum communi consilio ponderare, sed expectanda non sunt testimonia humana, quum præcedunt divina suffragia.*

Rite, recteque facta electione, confirmatio sequatur, necessum est: primitus hæc spectabat ad Metropolitanum cum suis Episcopis eo etiam tempore, quò populus suffragia ferebat; ubi enim a Clero, populoque quispiam dignus fuisset in Episcopum electus, ubi Clericorum, Monachorum, laicorumque fuisset munita sub-

scriptione , Metropolitanus , convocatis suæ  
provinciae Episcopis , cum in qualitates inten-  
debat animum ; & ubi nil esset , quod oppo-  
neretur , electum , Episcoporum suæ provin-  
ciae consensu , in Episcopum confirmabat ,  
eumque cum literis Canonicis , quibus novus  
Episcopus instruebatur , ad Ecclesiam sibi com-  
missam mittebat ; huius autem rei perhibet  
testimonium Canon 4. Nicanus , & Canon 14.

*Synodi Laodicena .*

Hæc disciplina per 13. sæculorum spatium  
mansit incolumis , & illibata ; id notat Van-  
Espen in titulo de confirmatione Episcoporum §. 4.  
ibi : hæc disciplina Metropolitano confirmatio-  
nem suarum suffraganeorum attribuens per tre-  
decim facile sæcula inconcussa permansit , eam-  
que & ius commune decretalium Gregorii IX.  
apertissime supponit , & confirmat , unde uno  
consensu tradunt Canonista , Episcopum de iure  
communi confirmandum esse a suo Metropolitano .  
Nec longe ab eo ivit Marca sequentibus ver-  
bis : Itaque si nihil canonici obstaret impedimenti ,  
Metropolitanus per tredecim fere sæcula cum Coe-  
piscopis suis ordinabat electum , ac dein illi lite-  
ras tribuebat , quibus fidem faceret ordinationis ,  
aliasque insuper ad Clerum , & populum Escalosa ,  
cui ordinatus erat Episcopus juxta Canones Afri-  
canos ,

canos, qui ordinatos ab Episcopis jubent accipere litteras ab ordinatoribus suis; ne autem frustra ad Africanos Canones provocare videatur, utitur *Canone 89. Codicis Ecclesie Africanae*, cujus hæc sunt verba: „ deinde placuit, ut „ quicumque deinceps ab Episcopis ordinantur per „ Provincias Africanas, litteras accipiant ab or- „ dinatoribus suis manu eorum subscriptas conti- „ nentes Consulem, & diem, ut nulla alteratio „ de posterioribus, vel anterioribus oriatur. „

Cæterum si Metropolitanus electum ordinare recusabat, ad Pontificem Romanum appellatio fiebat; hujus rei perhibet exemplum Natalis Alexander historiam narrans Ecclesiasticam Sæculi 11. & 12. provocatque ad Ivonem Carnotensem Episcopum; quum enim Ivo a Richerio Genovensi Metropolitano confirmationis immerito passus esset repulsam, a Canonibus Carnotensibus perductus Romam fuit, atque ab Urbano secundo consecratus; verum quum Richerius Metropolitanus Genovensis ei objiceret, sedis Metropolitanæ dignitatem imminuisse, & Regiam offendisse Majestatem, respondit Ivo in *Epistola 81.* nihil contra jus in sua peractum consecratione fuisse ob id, quod Sedes erat Apostolicæ, nedum Metropolitanorum, verum & Episcoporum omnium ele-

electiones, & consecrationes confirmare; non  
 erit abs re integra epistolæ verba referre:  
 „est & aliud in quo evidentiſſime, & irreveren-  
 „tiſſime os vestrum poſuiſtis in Cœlum, & lin-  
 „gua vestra tranſiit in terra, quum benedictionem  
 „permanens oppositionem Papa datam, & Cardi-  
 „nalem Romana Ecclesiæ, non simpliciter benedictio-  
 „nem, sed qualemcumque hostili irrisione appella-  
 „tis, quum ad ipsum principaliter, & generalif-  
 „sime pertineat tam metropolitanorum, quam co-  
 „torum Episcoporum consecrationem, vel confir-  
 „mare, vel infirmare; consecrationes vestras, &  
 „iudicia retractare; suas vero inconcussas reti-  
 „nere, & nullius inferioris iudicio retractandas,  
 „vel corrigendas concedere: Hæc ille.

Ad Metropolitanum nedum confirmatio ele-  
 ctionis pertinebat, verum & quandoque electio  
 ipsa; quid enim si electores scienter virum in  
 Episcopum elegissent indignum? hoc certò in  
 casu Metropolitanus erat ad electionem cum Cœ-  
 piscopis provinciæ suæ devenire; id notat Mar-  
 ca de Concordia s. & 1. lib. 6. cap. 3. utiturque  
 auctoritate Hincmari in formula 4. si electores  
 (ait) scienter, & industria virum elegissent, qui  
 secundum Canones aliquo impedimento teneretur, his  
 pœna imponebatur: ob contemptum Canonum & Me-  
 tropolis apud eo casu electionem celebras cum Episco-  
 pis



pis Comprovincialibus; iudicium autem illud circa  
vitium electi fiebat a Metropolitano, & Episcopis,  
ut patet ex Hinemaro in formula 4.

Quum confirmatio Episcoporum per plura  
sæcula cum consecratione manserit conjuncta,  
factum proinde fuit, ut quando confirmatio E-  
piscoporum ad Metropolitanum spectabat, ita  
& spectaret consecratio, ea ferme ratione qua,  
ubi nondum erat beneficiorum collatio a Sacra  
ordinatione distincta, non aliorum erat bene-  
ficia conferre, quam eorum, quorum erat ad  
Sacrorum Ordinum collationem devenire.

Cæterum in consecratione, quemadmodum  
& in confirmatione visa vel primis Ecclesiæ  
Sæculis necessaria fuit Episcoporum suffraga-  
neorum præsentia: num omnium? id admo-  
dum erat difficile: proinde *Canone Nicano IV.*  
cautum fuit, ut saltem tres Episcopi debeant  
esse præsentibus; hujusce disciplinæ rationem  
apud Gratianum elegantem dedit Innocentius I.  
in *Can. 4. distinct. 60.* sumto ex Epistola ad Vi-  
tricium: *ne unus (ait) Episcopus ordinare præ-  
sumat Episcopum, ne furtivum beneficium præsti-  
tum videatur*: quasi dixisset, ne Episcopus, qui  
ordinatur, tamquam fur clam in Ovile Christi  
ingrediatur, quando publice ingredi, idest Ec-  
clesia universa probante, & assentiente debet.

Verum si cogat necessitas, a duobus tantummodo fiat consecratio; quid ni & ab uno, quemadmodum legimus factum in consecratione Syderii Palæbissæ Episcopi? narrat enim Synesius in Epistola 67. hunc Episcopum a Philone Cyrenensi solo fuisse ordinatum ob id, quod in temporibus formidolosis summum jus prætermitti necessum est.

Hanc autem Doctrinam descriptam invenimus in Constitutionibus vulgo Apostolorum lib. 3. Cap. 20. *jubemus (legitur ibi) ut a tribus Episcopis Episcopus ordinetur, & ut minimum a duobus, ita ut ab uno constitui non possit; testimonium enim duorum, & trium firmitus est & certius.*

Verum notat Baluzius in notis ad Marcum, consecrationes Episcoporum nunc ad summos pertinere Pontifices; en verba: „ in eo tamen „ nunc obtinet Summi Pontificis jurisdictio, ut ad „ ipsum pertineat Episcoporum consecratio; & consecratio. “ Unde in Pontificali R: sub titulo de Consecratione electi in Episcopum hæc habentur: *nemo consecrari debet nisi prius constet consecratori de commissione consecrandi; siue per litteras Apostolicas si sit extra curiam; siue per commissionem viva voce oraculo a Summo Pontifice consecratori factam, si consecrator ipse sit Cardinalis.*

Quum

Quum ageretur de quibusdam Episcopis , qui , ubi confirmati fuerant , consecrationem negligebant , ob id , quod ut ut confirmati non consecrati poterant ea , quæ suæ sunt jurisdictionis exercere , hoc ubi novit Synodus Tridentina , præcepit , ut Episcopi intra tres menses a confirmatione numerandos consecrationem petere , sub pœna restitutionis fructuum perceptorum , teneantur ; eosque maneat pœna adhuc gravior , si hanc restitutionis fructuum pœnam non veriti tres alios menses præterlabi sinant ; cadant scilicet a jure Ecclesiæ .

Olim ante consecrationem , quando ea Metropolitanis competebat , Episcopi professionem obbedientiæ sine juramento tamen præstabant , hæcque ad meram Canonum observantiam redigebatur , idque usque ad tempora Greg. VII. notante Van-Espen *in tit. de consecratione Episcoporum* , duravit , sed quando consecratio devolvi ad Summum Pontificem cœpit , tunc factum , ut hæc professio obbedientiæ juramento roborata præstanda ante consecrationem ab Episcopis Romano Pontifici esset . Ut autem in eorum temporum disciplina , quibus Metropolitanis ab Episcopis exigebant Fidei professionem , insistam , celebre est quod scripsit Ivo

Carnotensis Archiepiscopi Senonensis suffraganeus in *Epist.* 62. nimirum quum Hugo Lugdunensis Archiepiscopus , Romanæque Ecclesiæ Legatus Ivonem Carnotensem , a quo celebraretur Nivernensis ordinatio , avocasset , quumque ei nunciasset Hugo , se peragere ordinationem , on isto Archiepiscopo Senonensi , ad cujus Metropolim pertinet Nivernensis Ecclesia , destinasse , respondit Ivo , se vereri . ne , si consecrationem , inconsulto Archiepiscopo Senonensi , celebraret , reus exinde fieret violatæ Fidei , quam Metropolitano fecerat eo tempore quo ordinatus fuerat . Celebre etiam est , quod alibi idem Ivo scripsit , idest in *Epistola* LXXIII. „ *quomodo enim* (inquit) *connexa sibi ad*  
 „ *invicem poterunt esse membra Corporis Christi* „  
 „ *nisi dispensatores canonicarum , vel Monastica-*  
 „ *rum congregationum eam obedientiam exhibeant*  
 „ *prælati suis , quam sibi exhiberi volunt a sub-*  
 „ *ditis suis ? . . . debitores autem esse , qui ad di-*  
 „ *gnitates promoventur Ecclesiasticas , promittenda*  
 „ *obedientia restatur Concilium Toletanum XL. ipse*  
 „ *enim Summus Pontifex , antea quam consecratio-*  
 „ *nis gratiam consequatur , consuetudines Romana*  
 „ *Ecclesiæ , & decreta prædecessorum se inviolabiliter*  
 „ *servaturum profitetur . Sic reliqui Pontifices : antea*  
 „ *consecrationem examinantur ; omnem veterum*

31 *morem, honestatem, & debitam obedientiam se*  
 32 *exhibebatros suis ordinariis pollicentur, qua-*  
 re recte Eadmerus in vita S. Anselmi de qui-  
 busdam conqueritur Episcopis hisce verbis :  
*quidam ex Episcopis Archiepiscopo suo omnem subje-*  
*ctionem, professamque obedientiam uno impetu ne-*  
*gant*. Nunc mihi esset exponendus consecra-  
 tionis ritus, verum quum de re agatur facili,  
 eam silentio prætereundam puto; si tamen id  
 scire cupis, adire Van-Espen *in rit. de conse-*  
*cratione Episcoporum Cap. 4.* potes.

Qui vero sit tum confirmationis, tum con-  
 secrationis effectus, captu facillimum est; olim  
 namque, quando nondum discreta erat conse-  
 cratio a confirmatione, effectus tum consecra-  
 tionis, tum confirmationis simul confundeba-  
 tur; at vero, ubi disjungi cœpit confirmatio  
 a consecratione, effectus, qui ex confirmatio-  
 ne nascitur, ab effectu, qui nascitur ex con-  
 secratione, fuit omnino sejunctus; effectus  
 enim confirmationis ejusmodi fuit, ut ea ob-  
 tenta posset confirmatus ea, quæ ad jurisdic-  
 tionem Episcopalem spectant, exercere; effe-  
 ctus autem consecrationis, ut, ea obtenta,  
 posset consecratus exercere quæ sunt ordinis,  
 ut merito inde omnes jurisdictionem, potesta-  
 temque Episcopalem in duplicem classem divi-

di, in potestatem scilicet ordinis, & potestatem jurisdictionis agnoscant : hacce de Jurisdictione quoniam incidit sermo, quo jure profuit, Divinone, an Ecclesiastico, queritur.

- Sunt nonnulli, qui tam a Jure Ecclesiastico, descendere opinantur; horum argumentum videamus : Fagnanum volo; provocat ille ad textum Actus Apostolorum 20. *attendite vobis & universo Gregi in quo Spiritus Sanctus vos posuit. Episcopos regere Ecclesiam Dei*; atque ita ratiocinatur: aut verbum illud *Ecclesiam* volumus intelligere de Ecclesia Universalis respectu singulorum Episcoporum, ita ut quilibet Episcopus sit positus a Spiritu Sancto regere Ecclesiam Universalem, & hoc est erroneum: hæc namque potestas data est soli Petro Apostolorum Principi, & Romanis Pontificibus illius successoribus; alioquin tot essent Summi Pontifices, quot sunt Episcopi, contra unitatem Ecclesiæ, & Catholicam veritatem; aut volumus intelligere prædictam auctoritatem de singulis Ecclesiis, ita ut quilibet Episcopus positus sit a Spiritu Sancto regere suam Ecclesiam particularem, & ita concurrant omnes collective ad regimen Universalis Ecclesiæ; & hoc similiter est falsum, quia Christus populos Apo-

sto-

Aolis non divisit, & multo minus Episcopis il-  
 lorum successoribus; sed dixit omnibus, &  
 singulis, *docete omnes gentes* & *Marc. ultimo*, *pra-*  
*dicare Evangelium omni creatura* *Matth. ultimo*;  
*quacumque ligaveritis super terram erunt ligata* &  
*in Cælo*, *Matth. 18.* & *quorum remiseritis peccata*  
*remittuntur eis*, *Joan. 20.* hanc ergo limitationem  
 divisionemque jurisdictionis fuisse factam imme-  
 diate a Christo, quum ex Evangelio haberi non  
 possit, fingere nostrum non est; superest ergo,  
 ut Apostolis, & aliis Episcopis Ecclesiæ, & sub-  
 ditis jurisdictio immediate primum a Petro,  
 & deinde a summis Pontificibus ejus. successo-  
 ribus fuerit præfinita, atque ita Episcopi con-  
 stituti sunt a Spiritu Sancto ad regimen Eccle-  
 siæ mediante jurisdictione, qua singulis a Pon-  
 tifice tribuitur, ac præfinitur. Hactenus Fa-  
 gnanus; hanc tamen ejus, aliorumque qui Fa-  
 gnanum sequuntur, argumentationem refellit  
 Vir doctus de statu Ecclesiæ in titulo *de juribus*  
*Episcoporum* §. 3. en ejus verba: *Nos adversus*  
*hac* (Fagnani scilicet, aliorumque) *probamus*  
*unum, eumque indivisum a Christo institutum*  
*esse Episcopatum, quem omnes Apostoli, & post*  
*eum Episcopi tenuerunt in solidum, divisus postea*  
*diæcesibus quod sub Apostolis fieri ceptum, man-*  
*et sit quidem solidaria illa primum Ecclesia pa-*

„ *forum sollicitudo* , & obligatio , - sed sine præ-  
 „ *judicio iurium cuique Episcopo in suo districtu* ;  
 „ *idest diœcesi privative attributorum singulis pa-*  
 „ *storibus* .

Nunc ponderanda sunt , ac producenda in medium ea argumenta , quibus utuntur ii , qui potestatem , seu jurisdictionem Episcoporum ex jure Divino profluere arbitrantur ; in primis itaque ita ii ratiocinantur . Jurisdictio quam Petrus habebat , a Christo habebat ; quam habet Summus Pontifex , ob id quod Petri successor est , a Christo quoque habere certum est ; quam cæteri Apostoli auctoritatem habebant a Christo habuerunt , quid ni ergo & Apostolorum Successores , Episcopos dico , eam a Christo habere dicemus , adeo ut ita immediati juris divini existimetur ? revera Apostolos potestatem suam immediate a Christo accepisse deducunt ex *Matthæo XVIII. V. 18.* & *Joanne XX. v. 25. quacumque ligaveritis super terram erunt ligata & in Cælo* ; docent quoque ex *Marc. XVI. v. 15. euntes in mundum universum prædicate Evangelium omni creatura* ; denique ex *Joannis XX. v. 21. sicut me misit pater, & ego mitto vos* ; quod etiam tradunt ex textu *Actuum Apostolorum Cap. XX. v. 28. vobis posuit Spiritus Sanctus Episcopos regere Ecclesiam Dei*



Dei. Deinde hoc alio utuntur argumenti genere , ac veluti antesignanus est Georgius Zifchowid Seniensis Præful: *si eorum* (ajebat) *auctoritas non veniat a Deo , neque illa concilio- rum inde poterit derivari , hac quippe aliud non sunt , quam conventus , & decreta Episcoporum :*

Confugiunt deinde ad auctoritatem S. Ambrosii in Psalmum 33. pag. 858. ibi: *hæc verba , tibi dato claves Regni Cælorum , ut solvas ; & liges , referenda sunt ne dum ad Petram , sed ad Apostolos omnes ;* quamquam tamen , si verum fateri debeo , an hoc voluerit Ambrosius nesciam ; quare ad solidius aliud eorum argumentum animum intendamus: in Ecclesia unus, idemque est Episcopatus ; id notat Cyprianus Epistola 7. de unitate Ecclesiæ . Unus Episcopatus est , cujus a singulis in solidum pars tenetur ; cui consentit S. Augustinus lib. 1. contra duas Epistolas Pelagianorum Cap. 1. ad Bonifatium Romanum Pontificem scribens: *Communis est nobis omnibus , qui fungimur Episcopatus Officio , specula pastoralis ;* & alibi S. Cyprianus Epistola 68. ad Stephanum scribens: *Copiosum ( inquit ) Corpus est Sacerdotum concordia mutua glutine atque unitatis vinculo copulatum ; ut , si quis ex Collegio nostro hæreses facere , & Regem Christi lacerare , & vastare tentaverit , subveniant ceteri . . . nam et si*

*et si pastores multi sumus unum tamen gregem pascimus , & aves universas , quas Christus sanguine suo , & passione quasivit , colligere , & fovere debemus ; eodemque sensu Nazianzenus Gregorius oratione XVIII. in Laud. Cypriani pag. 281. de Sancto Cypriano dicit , „ quod „ Episcopus universalis fuerit , quod non Carthaginiensi tantum Ecclesia , nec Africa , verum „ occiduis omnibus Regionibus ac prope etiam Orienti „ tali omni atque Australi & Septentrionali orae „ praefectus fuerit . Junge Petrum de Marca de Concordia S. & I. lib. 1. Cap. 2. num. 4. ac Thomassinum parte 1. lib. 1. cap. 4. num. 6. & 8.*

Unus ( repeto eorum argumentum ) est in Ecclesia Episcopatus , cujus caput est & primas Summus Pontifex , hunc Episcopatum institutum esse a Christo , quum nemo neget , neque Episcopatui annexam jurisdictionem a Christo repetendam negare ( ajunt ) debet ; quod si reponas , Apostolos solummodo , qui hunc olim constituebant Episcopatum utique a Christo , quam habebant , accepisse jurisdictionem , non autem eorum successores , sed potius a Pontifice , hoc perabsurdum esse hac argumenti vi respondent : Si enim ( ajunt ) , quam habent Successores Apostolorum jurisdictionem non debent accepto ferre a Christo ,  
ne

ne Summus quidem Pontifex Petri Successor ,  
 quippe in hac parte par ratio esse Summi Pon-  
 tificis , ac Episcoporum debet , utrique siqui-  
 dem eundem Episcopatum , quem unum di-  
 ximus , componunt ; est hoc absurdum , ergo  
 & illud . Ad rem autem suam adhibent hanc  
 S. Cyrilli phrasim : „ euntes ite predicate omni  
 „ creatura Evangelium , sicut me misit Pater , &  
 „ ego mitto vos , quicquid ligaveritis super terram  
 „ erit ligatum , & in Cælis , quicquid solveritis  
 „ super terram erit solutum , & in Cælis , ut  
 „ dicta sint a Christo Apostolis a se constitutis ,  
 „ nec minus tamen conveniunt successoribus , qui-  
 „ pe qui eandem Apostolorum repræsentant perso-  
 „ nam atque in eorum locum subrogati sunt ; nã  
 „ velis dicere , nec Summum Pontificem , qui suc-  
 „ cessor Petri est , habere potestatem a Christo , er-  
 „ go quemadmodum ligare Apostoli poterant , &  
 „ solvere vi potestatis a Christo data , eadem po-  
 „ testate ligare , & solvere poterunt successores eo-  
 „ rum , nullusque quoad hoc altero superior erit ,  
 „ aut major , nullus alterius in hac parte ius ,  
 „ & potestatem restringere potest , quippe qua omni-  
 „ bus eadem plenitudine data fuit , & indepẽ-  
 „ dentia , idemque est quoad facultatem enuntiandi  
 „ Evangelium , euntes erga docere omnes gentes ha-

» *præzantes* eos in nomine Patris, & Filii, &  
» *Spiritus Sancti*.

Hincque intelligunt, qui ita sentiunt, quid velit Gregorius Magnus in *Epistola* 43. dum scribit: *omnes Episcopi pro Christo legatione funguntur, omnes sunt a Spiritu Sancto positi regere Ecclesiam Dei; omnibus dictum est a Christo, accipite Spiritum Sanctum, quorum remiseritis peccata &c.* Hinc intelligunt, quid velit Synodus Toletana VIII. dum hac phrasi utitur: *Episcopalis Eminentia divina auctoritas*. Intelligunt, quid velit Innocentius III. in *Capitulo* 10. de *translatione Episcoporum*, dum scribit, *Matrimonium Spirituale inter Episcopum, & Ecclesiam intercedere, illudque esse vinculum a Deo institutum nulla humana potestate rumpendum*.

Haftenus argumenta quæ solent in utramque partem adferri: Quæ vincat opinio, unusquisque deliberet, ac meditetur. Quidquid tamen sit de hac re, unicuique Episcopo auctoritas sua, seu jurisdictio servanda est; unicuique servanda sunt Episcopalia jura, adeo ut audere nemo debeat ea evellere, ac eradicare. Verum hic quæstio, utrum hæc jura Episcopalia possint saltem præscribi; falso sentiunt.

tiunt tum ii, qui negant, tum qui affirmant; media enim ineunda via est, opus distinctione videtur; refert enim, de Episcopalibus ne juri-  
 bus minus essentialibus, an de essentialibus disputetur. Si primum, quin ea possint præscribi, non dubitamus; negamus, si circa essentialia incidat sermo. Si enim agnovero Summi Pontifices, Ecclesiarum privilegia auctoritate Patrum instituta nulla posse novitate convelli, aut mutari, quanto magis jura Episcoporum intemerata esse debebunt? *Canone*  
*2. 3. 5. 10. 11. Can. 15. quest. 2.* Quod igitur Christus Matthæi *Cap. 18. vers. 18.* dixit Apostolis, & in eorum persona Episcopis, *quacumque ligaveritis super terram erunt ligata & in Cælo, quacumque solveritis super terram, soluta erunt & in Cælo*, a nemine poterit destrui, neque titulo præscriptionis, aut alia quacumque via poterit abrogari; nam uti argumentatur Febronius de statu Ecclesiæ *Cap. 8.* potestas ligandi, atque solvendi quum Episcopis a Christo data sit, non ad eorum privatum commodum, sed ad animarum salutem, si hæc potestas posset præscribi, dicendum esset, posse & animarum salutem abdicari, & negligi;  
 „ scilicet potestas (ait) ligandi, atque solvendi  
 „ a Christo Episcopis data est, non propter priva-

„ tum eorum commodum , sed ad servitium , &  
 „ salutem fidelium eorum cura creditorum . Itaque  
 „ gregi fidelium , & saluti animarum nocetur ne-  
 „ glectu , atque abdicatione iurium Episcopali-  
 „ um propter causarum , & negotiorum Ecclesia-  
 „ sticorum retardatam expeditionem , tum propter  
 „ infinitos sumptus , ut aliâ hic prætermitam ; at  
 „ contra voluntatem , & mandatum Christi , con-  
 „ tra Evangelium , contra jus gentium , denique  
 „ contra commoda publica Christiani ordinis non  
 „ præferibitur . Quod diximus de hoc jure  
 Episcoporum a Christo iisdem concessio , qua-  
 tumque ligaveritis , ligata erunt , quicumque sol-  
 veritis , erunt soluta , dicas idem de hoc aliò  
 præcepto , prædicare Evangelium Dei ; est enim  
 & hoc essentielle Episcoporum jus , quod ab  
 iis avelli nulla ratione , ne per præscriptio-  
 nem quidem posse decernimus .

Quum omne Ministrærium suum habeat lo-  
 cum , & quasi circulum , intra quem conti-  
 neatur , ne vagæ sint expeditiones , Episcopi  
 propterea Ecclesiæque Ministri se intra divi-  
 sionis factæ limites contineant , ne audeant  
 extra suam Diœcesim Jurisdictionis actum exer-  
 cere , curent Diœcesim suam , alias vero suis  
 relinquunt pastoribus juxta præceptum Pauli :  
*attendite vobis , & universo gregi , in quo vos*  
Spi-

*Spiritus Sanctus posuit Episcopos , Actorum XX. versic. 28. juxta monitum Petri: attendite gregi, qui vobis est commissus , 1. Petr. 5. vers. 2. juxta Concilii Carthaginensis 3. decretum, ut a nullo Episcopo usurpentur alterius pastoris greges, nec aliquis Episcopus supergrediatur in Diœcesi Collegam suam. Ne autem quis credat, hanc divisionem ( scilicet Diœceseon ) cujus vi factum, ut unicuique Episcopo certa Diœcesis, in qua suam exercent jurisdictionem, assignata fuerit, esse contra præceptum Dei, qui Apostolis ubicumque eam exercendi fecit potestatem; hoc enim ad interpretationem voluntatis divinæ, non ad ejus mutationem fuisse factum definimus; aliud enim est voluntatis divinæ decretum immutare, aliud est divinam voluntatem interpretari; illud, quia est contra divinam ipsam voluntatem, negamus; hoc vero concedimus, ejus enim voluntati apprime convenit.*

Notint ergo Episcopi, se utique habere in Ecclesia potestatem, seu jurisdictionem, at norint etiam, pluræ eos onera, eademque gravissima manere, quæ paucis describam.

In primis se se offert gravitas morum, honestas vitæ & exemplaris. Si enim decet alios ornatos esse virtutibus, graves moribus esse, & inculpato quoad vitam, & exemplarem

( ut

( ut adhibeam Augustini phrasim ) conversatio-  
nem , tanto magis id decet Ministros Ecclesiæ  
Dei . Nam , ut ait Nazianzenus , qui bene-  
docet , male autem vivit , quod una manu  
construit , altera destruit ; hocque ipsum est ,  
quod vulgo dicitur , bonum pastorem non so-  
lum verbo , sed etiam exemplo præire debere ;  
verbo , prædicatione scilicet sancta , exemplo ,  
vita nempe honesta , & inculpata . Justissimum  
ergo est Pauli præceptum ad Timotheum Epi-  
stola I. ,, *Si quis Episcopatum desiderat , bonum*  
,, *opus desiderat , oportet ergo Episcopum irrepre-*  
,, *hensibilem esse , modestum , sua domui bene præ-*  
,, *positum ; & in Epistola ad Titum : oportet*  
,, *Episcopum sine crimine esse , benignum , sobrium ,*  
,, *justum , sanctum , continentem ;* hincque intel-  
ligimus , quid sibi velint verba , quæ in Sacris  
Literis a Christo prolata leguntur : ,, *vos estis*  
,, *sal terra ; quod si sal evanuerit , in quo salie-*  
,, *tur ?* ,, Nam , uti argumentatur Augustinus ,  
ea ejusmodi sensum habent , ut Episcopi tum  
exemplo , tum honestate vitæ efficiant , ut ab  
hominibus impietatis error auferatur ; sal enim  
ipse interpretatur Episcopos Ministros Eccle-  
siæ ; terram vero interpretatur homines ; Au-  
gustini verba prostant in *lib. de de Serm. Domini*  
*in monte c. 6, tom. 4.*

Alte-



Alterum Episcopus manet onus; reformatio scilicet morum, quod habet a Christo originem, *attendite vobis, & Universo Gregi*; quibus certe reformatandis nullus non lapis ab ipsis movendus; quod tamen quosdam non effecturos Jeremias Propheta prævidens ita *Cap. 12. conque- rebatur* : „ *Pastores multi demoliti sunt vineam*  
 „ *meam, conculcaverunt partem meam, dederunt*  
 „ *portionem meam desiderabilem in desertum soli-*  
 „ *tudinis, posuerunt eam in dissipationem, luxisque*  
 „ *super me desolatione desolata est omnis terra.*

Habete, quam vere pulchrum ad hanc rem, reformationem scilicet morum, habeat Augustinus exemplum: „ *Campum (ait) si fertilem ha-*  
 „ *beres, & amatum, si eum videres paulatim*  
 „ *sterilem fieri, non mihi certe negas, te non cu-*  
 „ *raturum quantum in te est, ut eum in statum*  
 „ *fertilem redigeres, ut eum consideris agricultu-*  
 „ *ra modis reformares; quare ergo Episcopi, si*  
 „ *campum Dei, seu vineam, cujus cultores su-*  
 „ *mus, videamus sterilem fieri, non curabimus,*  
 „ *ut per reformationem morum hominum reddatur*  
 „ *amatus, & sic adimpleamus opus, & ministe-*  
 „ *rium Dei cui sumus destinati?* Igitur, quemadmodum tamquam fabricæ demolitor est, qui, quum eam collabentem cernat, non reformat; tamquam occisor est, qui, quum al-  
 O terum

terum possit a morte liberare , non liberat ,  
tamquam Patriæ hostis , qui , quum eam libe-  
rare ab hostium invasione possit , id parum cu-  
rat ; ita tamquam destructores Ecclesiæ Dei ,  
& dissipatores , erunt illi Ecclesiarum Mini-  
stri , qui , quum possint eam a moribus purga-  
re corruptis , seu reformare , non purgant ,  
non reformant , sic irritum facientes manda-  
tum Dei . Quare recte Benedictus XIV. *de Sy-  
nodo Diocesana lib. 6. Cap. 1.* in hæc verba , *as-  
serimus , debere Episcopum ea constituere , quæ ad  
vitia coercenda , virtutem promovendam , deprava-  
tos populi mores reformandos , & Ecclesiasticam di-  
sciplinam , aut restituendam , aut fovendam neces-  
saria , aut utilis esse judicaverit .*

Perfici reformatio triplici modo potest , mo-  
nitis , & redargutione , prædicatione verbi  
Dei , ac Synodorum convocatione ; monitis  
ergo in primis præceptisque utendum est , ut  
sic , si fieri possit , mores refoventur . Cæte-  
rum , quomodo in hisce monitis procedendum  
sit , dispiciant Episcopi oportet ; etenim , an-  
tequam præcipiant , ac moneant , submoveant  
in primis vitia , quæ in animis mortalem pul-  
lulant , necessum est ; nihil enim proficient  
præcepta , quamdiu menti error obfuscat est ;  
quemadmodum enim si quid est , quod oculis

oppositum moretur aciem , illud removendum est , adeo ut , eo non abjecto , perdat operam ille , qui præcipit ; eadem certe ratione ubi aliquid obæcat animum , & ad officiorum dispiciendum ordinem impedit , nihil agit , qui præcipit ; & quemadmodum stultum est præcipere ægro , quid facere tamquam sanus debeat , quum restituenda in primis sanitas sit , sine qua irrita sunt præcepta , ita stultum erit præcepta virtutis , quæ conveniunt iis , qui nihil habent , quod animum ad eam suscipiendam impediat , homini vitiis coinquinato dare , quum in primis vitiorum malum eradicandum sit . At dices : inutilia sunt præcepta , nam aut quæ præcipiuntur manifesta sunt , aut dubia ; manifesta monitores non desiderant , præcipienti autem dubia non creditur , minime gentium ; nam si id mones , quod obscurum est , & dubium , illud probationibus est adiuvandum ; si vero præcipis quæ sunt aperta , & manifesta , adjiciendum est , quare illud præcipias : quamquam plurimum etiam prodest præcepta dare , quin adjiciatur causa : pleraque enim interdum scimus , non tamen ea attendimus . Scies ex. gr. amicitias sancte colendas , sed non facis ; scies improbum esse eum , qui ab uxore dum exigat pudicitiam , interea

ipse alienarum corruptor uxorum est ; scies ; nihil tibi esse debere cum pellice , & non facis ; itaque subinde ea tibi per monitum reducenda in memoriam sunt ; adjicias ; aperta quoque apertiori solere fieri :

Quemquam olim subaudiui dicentem , inutilia praecepta esse hac argumenti vi : nemo praeceptis curat insaniam ; ergo ne malitiam quidem , ergo inutilia sunt praecepta : pessime : dissimile enim est ; nam si insaniam sustuleris , reddita sanitas est ; at si falsas opiniones excluderimus , non statim sequitur dispectus agendarum rerum ; & ubi admonitio sequatur , corroborabitur recta de bonis , malisque sententia . Si qua ergo monita Episcopis dederint , iis obtemperent Episcopis subditi juxta monitum Pauli in *Cap. 13. ad Romanos vers. 1. & 2.* , *omnis anima potestatibus sublimioribus subdita ; non enim potestas nisi a Deo , quae autem sunt a Deo , ordinatae sunt ; itaque qui resistit potestati , Dei ordinationi resistit ; qui autem resistunt , ipsi sibi damnationem acquirunt ; & vers. 3. post pauca hisce verbis utitur : vis autem non timere potestatem ? bonum fac , & habebis laudem ex illa ; & vers. 6. ideo subditi estote , non solum propter iram , sed etiam propter conscientiam .* Vetus quandoque parum præ-

præcepta juvant, proindeque ad asperiores redargutiones devenire est ; est tamen in hisce faciendis caute procedendum, pro ut scilicet personæ sunt quæ redarguuntur, ut ut enim Ministri Ecclesiæ absque ullo personarum discrimine jubeantur peccantes redarguere. 1. *Timoth. 5. vers. 30.* quod & divino convenit mandato *Exod. 6. vers. 11.* ubi Deus ad Moysen dicit : *ingere. & loquere ad Pharaonem Regem Ægypti, ut dimittat filios;* ut ut, inquam, Ministri Ecclesiæ absque ullo personarum discrimine jubeantur peccantes redarguere, videant tamen ; quomodo procedant : quemadmodum enim in aliorum hominum reprehensione opus prudentia est, quippe, ut ait Ambrosius. lib. 8. in Lucam, „ *plus proficit amica correctio quam turbulenta accusatio*, illa pudorem incutit, hac indignationem movet ; tanto magis, hæc adhibenda est in Optimatum reprehensione, cujus rei exemplum est in Nathane 2. *Sam. 12. vers. 1.* ne cæteroquin Spiritus Sancti officium, quod Ministri in reprehensione facienda agunt, ad seditionem excitandam degeneret.

Ergo ne vident Episcopi populum suum virtutem spernere, vitiis ac voluptatibus invivere? clament, ne cessent, quasi tuta exarent vocem suam, & annuncient ei scelera ejus.

juxta phraſim *Jehova Eſai. 58. verſ. 1.* Miniſtri enim Eccleſiæ eſt oviculas ita paſcere, ut quod infirmum eſt, corroboret, ut ægrotum ſanet, ut contraſtum conſolidet, ut quodd præpuſum eſt, reducat, ut quod petiit, requirat, *Ezech. xxxiv. v. 4.* Monſtrent ei, quam altum quiddam ſit virtus, quam excelfum, regale, invitum, inſatigabile; monſtrent ei, voluptatem eſſe quidpiam caducum, humile, ſervile, imbecille, cujus ſtatio ac domicilium, ut ait Seneca, forniceſ, & pœpinæ ſunt; monſtrent ei, eam, tunc quum maxime delectat, extingui, tædio eſſe, & poſt primum impetum marceſcere, adeo ut ea eo perveniat, ubi deſinit, & dum incipit, habeat finem.

Sciunt ne Epiſcopi, certas ſibi oves commiſſas libidini vacare? hæc aut per ſe, aut per alium carpant, monſtrent eis hujus libidinis labem, quæ maxima certe eſt; licet enim avaros mihi, licet vel iracundos enumeres, vel odia exercentes injuſta, vel bella, omnes iſti virilius peccant; in Venerem, ac libidinem projectorum inhoneſtiſſima labes eſt.

Sciunt ne, Clerum & ambitioni ſervire, cultumque divinum flocci facere? ſoveant caſam Dei; ſic erit pax perpetua in Eccleſiâ; ſic erit nobiſcum Chriſtus uſque ad conſum-

ma-

mationem sæculi : vident ne quempiam de grege sub Injustitiæ servire? hunc corripiant , hunc moneant , huic ante oculos ponant , quam horrenda , ac informis sit injustitiæ facies ; monstrant quam sacra res justitia sit - neque expectent , ut ille per se , nemine exequante , ad justitiæ virtutem perveniat ; etenim humanis ingeniis præcipue imbecillioribus necessarium est aliquem præire : siquidem , si expectetur tempus , quo per se quid optimum factum sit , sciant , interim errabunt , & errando impediuntur , quominus ad illud perveniant ; exemplo a pueris ducto , qui dum discunt scribere , digiti illorum tenentur , & aliena manu per literarum simulacra ducuntur .

Cernunt ne Sacramentorum abusum? Simonias , avaritiam , quam nosco in pluralitate beneficiorum a Sacris Canonibus detestatam , caveant , ne hæc dissimulent .

Potest reformatio morum etiam obtineri prædicatione verbi Dei , cui ut occurrant Episcopi , vacent necessum est Sacrarum literarum studio ; quomodo enim prædicabunt , quod nunquam didicerunt ? Ut hinc vere scripserit Hieronymus in *Can. si quis distin.* 36. si quis velit Pontifex esse , eum non tam vocabulo ,

quam merito imitari Moſen, imitari Aaron oportere; quid enim dicitur de eis? dicitur, non quam eos de tabernaculo Domini diſceſſiſſe; quid autem id eis opus erat? ut a Deo aliquid diſcerent, quod populum docerent. Video qualis ſit Hieronymi argumentatio; quemadmodum Moſes, & Aaron manebant in Tabernaculo Domini, ut quidpiam a Domino diſcerent, quod populum inde docerent, ita & Miniſtri Eccleſiæ Dei incumbant ſedulo literarum Sacrarum ſtudio neceſſum eſt, ut & ii ediſcant a Deo (nam legendo Scripturas divinas, & ſæpius meditando a Deo diſcunt) quid docere populum ſuum, quomodo paſcere gregem debeant.

Si correctio, & redargutio proficit ad reformandos mores, ſi proficit prædicatio verbi Dei; proficit quoque certe Synodorum Convocatio: quot enim ex expulerunt hæreſes? quot ſchiſmata, quot diſſenſiones? ſed de hac alibi, opportuniorique loco.

Inter onera Episcoporum reſidentia in propria Diœceſi reſertur; quum enim Episcopi teneantur gregem, ovesve paſcere, quum teneantur eas docere, ac Sacramenta iis miniſtrare, an hoc poſſint commodè, ſi ſint abſentes, peragere, nescio; quin ſe ipſi excuſent, poſſe



posse id utique peragere, dummodo sibi vicarium, qui suas vices gerat, eligant. Nam, quum Apostolica hæc officia personalia sint, quippe dum quis ad Episcopi dignitatem promovetur, ejus spectatur industria, non potest quoque non personalis esse residentia, quæ iis imminet, designatio. Ergo Vicarii ad hoc tantum proderit, ut possit Episcopos in Apostolica sollicitudine adjuvare, ac sublevare; sæpe enim contingit, ut Episcopi omnia, quæ sui muneris sunt, per se soli minime possint gerere.

Sardicense Concilium *Can. 14.* prohibuit, ne Episcopi ultra tres hebdomadas ab Ecclesiis suis abessent, si nulla esset tam gravis, quæ eos detineret, necessitas. Sanctus Athanasius in *Apolog. ad Constantinum* scripsit, certum esse, ex *lectione scripturarum*, grande scelus, esse Episcopum Ecclesiam suam deserere, & negligere gregem Dei. Innocentius III. in *Capitulo qualiter de Clericis non residentibus* Archiepiscopum Ragusinum a sua Ecclesia per integrum quadriennium absentem, nisi intra mensem redeat, Archiepiscopatu excidisse declarat, & Ragusiensibus permittit, ut novum Archiepiscopum eligant;

„ discretioni vestra mandamus ( inquit ), quatenus, nisi forsitan jam redierit, vos post men-

33 *sain à receptione praesentium personam vobis idon-*  
 33 *eam in Archiepiscopum eligatis.*

En quid Carolus Magnus in Capitulari Aquis-  
 33 *granensi edito anno 789. Cap. 41. non liceat*  
 33 *Episcopo principalem Cathedralam suae Parochiae*  
 33 *negligere; & aliquam Ecclesiam in sua Diocesi*  
 33 *magis frequentare.* En quid habeat Augu-  
 33 *stinus Epistola 138., Illud noveris dilectio vestra,*  
 33 *numquam me absentem fuisse licentiosa liberta-*  
 33 *te, sed necessaria servitute, quae saepe sanctos*  
 33 *fratres, & collegas meos etiam labores marimos,*  
 33 *& transmarinos compulsi sustinere, a quibus*  
 33 *me semper non indevotio mentis, sed minus idon-*  
 33 *ea valetudo corporis excusavit.*

Synesius ad Theophilum scribens circa Epi-  
 33 *scopos & Clericos non residentes Epist. 67. hæc*  
 33 *habet: „ vagantur apud nos vacantes: hi certe*  
 33 *nullam sedem habere volunt; qui, quam habe-*  
 33 *bant, alteram reliquerunt non calamitate re-*  
 33 *pulsi, sed sponte locum mutant: honoribus por-*  
 33 *ro fruuntur eo vagantes, ubi majus compen-*  
 33 *dium est; mihi vero ita videtur oportere iis, qui*  
 33 *suas Ecclesias deseruerint, omni Ecclesia interdi-*  
 33 *ci, & priusquam illuc redeuntes se receperint,*  
 33 *neminem eos ad altare admittere, neque ad pri-*  
 33 *mas sedes invitare, sed vulgares illos in plebeis*  
 33 *subsellis relinquare, quum in Ecclesiam irru-*

33 *per*

„ *perire* „ . Non aliud Gregorius XI. anno 1375. voluit; quum enim residentiam apprimè negligi videret, quumquē residendi necessitatem Episcopis incumbere sibi satis esset persuasum, Patriarchas, Archiepiscopos, Episcopos, Abbates, Regulares Archimandritas, & Præsidentes quoslibet quorumcumque Ordinum non mendicantium ad residentiam personalem in suis Diœcesibus, Ecclesiis, & Monasteriis Apostolicis literis compulit. Consulite Canonem Synodi Francofordiensis 55. Consulite Concilium Parisiense anno 1212. *CAN.* 8. Concilium Londinense anno 1237. *CAN.* 22. & Londinense alterum anno sequenti *CAN.* 22. quam efficacibus enim verbis residentiam in Cathedralibus Ecclesiis imperet Episcopis, intelligetis.

Verum, utrum residentia sit ex jure Divino, an Ecclesiastico quæritur; acris hinc inde pugna; est tamen probabilior eorum, qui pro jure Divino pugnant, sententia. Re enim vera quo jure quis obligatur ad finem, ad ea pariter, quæ ad assequendum finem necessaria sunt, obligatur; quum autem Episcopi, cæterique animarum Rectores jure Divino ad pascendum sibi commissum gregem obligentur, & ad

& ad eum pascendum, uti decet, & oportet, necessaria sit residentia, fluit argumentum, jure Divino eos quoque ad residentiam teneri; hoc autem est, quod scripsit Bened. XIV. de Synodo Diocesana lib. 7. cap. 1. §. 6. „ hac nos ( ait ) amico Prasali scripsimus eo, dumtaxat con-  
 „ filio, ut sibi persuasum haberet, non esse a  
 „ Tridentino definitam questionem, de qua loqui-  
 „ mur, sicut ipse opinabatur, non autem ut illum  
 „ distraberemus a sententia, quæ residentia obli-  
 „ gationem jure Naturali, & Divino, animarum  
 „ pastoribus inunctam defendit; ultro enim fati-  
 „ mur, hanc sententiam communiorē esse, eique  
 „ fere omnes calculum adjecisse.

Parum autem prodesse Episcopis inveterata potest consuetudo, qua se defendant a residentia in Diœcesi, si tamen consuetudo potius, quam corruptela dici potest; quemadmodum enim nil inveterata proficit consuetudo, quominus ii non teneantur pascere gregem, ovesque suas, regereque Ecclesiam Dei, ita nil proficit, quominus possint non residere, quum quod de regimine Ecclesiæ Dei dicitur, idem de residentia, quippe quæ apprime pro optimo necessaria est regimine, dicendum sit.

Cæterum si iusta, quæ eos excuset a residen-

dentia, causa videatur subesse, Episcopis abesse licbit; ob aliam causam non licebit.

Justam novi absentiaë causam in necessitate; legem enim residentiaë aut Divinam; aut Ecclesiasticam contemplamur; si Ecclesiasticam, seu humanam, res certa est; leges enim humanas semper necessitatem excludere, quis ignorat? in ore enim omnium versatur; vim necessitatis carere lege, atque ad multa agenda jus dare, quæ citra eam inter vetita haberentur. Hinc Seneca *L. 4. controvers. 27.* necessitas magnum humanæ infelicitatis patrociniū est: hinc Callimachus *hymnō in Delum*; ἀναγκαιὴ μεγάλη θεῶν; scilicet, *necessitas ingens est Deus*; sed & res certa, si residentiaë lex Divina concipiatur; leges namque divinæ semper tacitam habent conditionem, si aliud summa necessitas non exposcat; apertum habemus exemplum in antiqua sabbati lege; quis enim nesciat de hac lege Hasamoneorum temporibus fuisse a sapientibus definitum, fieri necessitati summæ locum; adeo ut lex eā, ubi necessitas occurreret, siceret; hinc natum fuit celebre dictum, *periculum animæ impellit sabbatum*: hinc Judæus apud *Synesium* causam neglectæ legis de sabbato hanc reddit: σαφὲς ἐπὶ ψυχῆς δέσµον, idest *in certissimum vita periculum*.

*viculum adducti sumus* ; quam exceptionem & probat ipse Christus *Matthæi* 12. 4. in altera lege de non edendis propositionis panibus , quam etiam confirmant Hebræorum Magistri ; legibus enim de cibis vetitis aliisque nonnullis ex traditione hanc semper addidere exceptionem , si contrarium non suadeat summa necessitas.

Observare tamen est , necessitatem summam esse , deinde publicam , non privatam , denique huic non posse per alium fieri satis , nisi per Episcopum ipsum ; demas enim alterutrum , parvi fiet , quæ obijcietur , necessitas : res clara , res aperta .

Christiana Charitas est iusta absentiae causa ; iusta causa debita obedientia ; iusta causa evidens Ecclesiae utilitas ; dummodo hic applices quod in necessitate necessarium duxi , scilicet si non possit per alium , nisi per Episcopum huic utilitati consuli .

Alia , non ignoro , onera Episcopos manent , sed hæc , qualia sint , quum satis constet , ac possint ex iis , quæ diximus , aperte dignosci , silentio prætereunda duco .

*De Chorepiscopis*

## CAPUT QUARTUM:

**G**Ravissimis negotiis detentus Episcopus non ea omnia , quæ sui muneris sunt , præcipue si Diœcesis sit admodum vasta , perque diversas plagas dispersa , peragere commode potest ; itaque ad se quosdam vocet in partem sollicitudinis suæ necessum est ; sibi olim constituebant Chorepiscopos , qui eos tantillum in pastoralis sollicitudine sublevarent ; quamquam , si verum fateri est , horum designatio non orta sit ex ea una tantum causa , sed ex alijs etiam , quas , qui historiam calant Ecclesiasticam , non ignorant : sed hoc mittamus .

Quæstio est , utrum Chorepiscopi inter Episcopos recensendi essent , nec ne ? Quæstio certe , quæ ancipites dudum Gallicanas Synodos genuit . Chorepiscopi se inter Episcopos adnumerari , accenserique volebant , ob id , quod in *Can. X. Synodi Antiochena* legitur , *eos manuum impositionem Episcoporum accepisse , & non Episcopos fuisse consecratos ;* verum horum verborum

borum sententia alia est. Nempe Conciliū  
 Antiochenum orationem retulit suam ad eos  
 Chorepiscopos, qui, antequam Chorepiscopā-  
 tus dignitatem, officiumque obtinerent, jam  
 ad Episcopatus apicem pervenerant; rationem  
 præ manibus habeo validissimam. Quum enim  
 in eodem Concilio *Can. XVIII.* mentio fiat  
 quorundam Episcoporum, qui ordinati ad Pa-  
 rœciam, Diœcesimve suam ob populi contum-  
 aciam; aliamque justam causam accedere  
 minime poterant; quum mentio fiat Chore-  
 piscopatus muneris officii, quod iis datum  
 Episcopis est, ut qualiquali modo injuriam;  
 damnumque, quod patiebantur, compensare-  
 tur, non est admodum inverisimile, dum scri-  
 psit *Chorepiscopos manuum impositionem percepisse,*  
*et ut Episcopos fuisse consecratos;* de iis loquun-  
 tum Chorepiscopis fuisse, qui jam Episcopa-  
 lem consecrationem aliunde acceperant. Sed  
 gravis petitur difficultas ex Ancyrano Con-  
 cilio *Can. 13,* cujus verba habentur in colle-  
 ctione Canonum Zonaræ, & Balsamonis :  
*χρεπίσκοποις μὴ εἶναι πρεσβυτέροις ἢ διακόνοις χει-  
 ροτονεῖν ἀλλὰ πρὸς πρεσβυτέροις πάλαιος χρόνος τῇ  
 ὑπεραπῆται τῷ ἐπισκοπῇ μετὰ γραμμάτων ἐντορὰ  
 παροικία,* quæ italatine reddi possunt : „ *Chore-*  
*episcopis non licere Presbyteros aut Diaconos or-*  
,, di-



„ *dinare* , *sed neque presbyteris Civitatis* , nisi  
 „ *eis permittatur ab Episcopo per literas in alie-*  
 „ *na parœcia* ; vel ita , *sed neque presbyteros Ci-*  
 „ *vitatis &c.* quamcumque tamen sequamur  
 versionem , en difficultas , quæ gravissimi vi-  
 detur esse momenti . Ordinare presbyteros ad  
 unum pertinet Episcopum ; ordinandi presby-  
 teros fit Chorepiscopis ab hoc Concilio pote-  
 stas cum consensu tamen Episcopi ; Chorepi-  
 scopi igitur erant Episcopatus charactere in-  
 signiti . Dicam verum ? Canon iste corruptus  
 est , ineptiisque scatet , quod ubi demonstrove-  
 rimus , emendabimus eum : igitur aut primam  
 versionem *sed neque presbyteris* , aut alteram *sed*  
*neque presbyteros* sequimur ; si primam , quum  
 presbyteris urbicis , ne presbyteros ordinent ,  
 aut diaconos sine licentia Episcopi in aliena  
 parœcia facta , facultatem adimat , quid ine-  
 ptius ? quid magis alienum a regula , quæ or-  
 dinationes presbyterorum solis concedit Epi-  
 scopis , idque in sua cujusque parœcia , ita ut  
 nec Episcopus ipse possit dispensare ? Si secun-  
 dum , quid levius ? quum enim cui vetita est  
 presbyteri vicani ordinatio , potiori jure ur-  
 bici sit vetita , erat ne necesse Chorepiscopo ,  
 ne ad ordinationem presbyteri urbici deveni-  
 ret , prohibere , quando jam vicani ordinatio-

P-

nem.

nem prohibuerat ? quid quod ? quid sibi vult illud *in aliena parœcia* ? ac si Chorepiscopis libera esset ordinatio presbyteri in sua parœcia sine literis, vel ab iis tentari ordinatio presbyterorum cum sui Episcopi consensu, literisque in aliena diœcesi posset.

Hanc Canonis corruptionem falsitatemque apprime novit Dionysius Exiguus in sua collectione ; proinde veterem satis confusam castigavit, scripsitque, *Chorepiscopis non licere presbyteros aut Diaconos ordinare, sed nec presbyteris Civitatis sine præcepto Episcopi, vel literis in unaquaque parœcia*. Castigatio, uti vides, consistit in verbis *in unaquaque parœcia*, sed hæc una non sufficit ; ea enim adhibita, cessat quidem absurdum, quod alias obtinebat, videri scilicet Chorepiscopis liberum esse ordinare presbyteros in sui Episcopi parœcia sine literis, abque iis presbyterorum in aliena Diœcesi cum literis tamen, consensuque Episcopi sui ordinationem posse tentari ; at aliæ, quas memoravimus, ineptiæ minime cessant. Quapropter mutila hæc castigatio supplenda, uti eruditissimus Marca notat, ita ut addenda sint hæc verba *aliquid agere* inferenda post illa *presbyteris Civitatis* ; ut id verum demonstret ad Collectionem Canonum Hadriani I. concinna-

cinatam e versione Dionysii Exigui compe-  
lit , ubi ita : *Us Chorepiscopi presbyterum , vel*  
*Diaconum non ordinent , nec presbyter aliquid agat*  
*in Parochia sine praecepto Episcopi ;* compellit ad  
Capitulare Aquisgranense *Cap. 9. ibi ; „ Vica-*  
*„ riis Episcoporum , quos Græci Chorepiscopos di-*  
*„ cunt , non licere presbyteros , vel diaconos ordi-*  
*„ nare , sed nec presbyteris Civitatis sine Episcopi*  
*„ praecepto amplius aliquid jubere , vel sine au-*  
*„ thoritate literarum ejus in unaquaque parochia*  
*„ aliquid agere .*

Itaque græcus contextus emendandus est ;  
& pro his verbis *in aliena parochia* legendum  
*in unaquaque Parochia* ; tum vero addenda sunt  
hæc verba *unde ; πρὸς τινὲν aliquid agere .*

Quamquam ex hæcenus dictis verum , cer-  
tissimumque sit , Chorepiscopos Episcopali or-  
dine minime fuisse insignitos ; quidam tamen  
Chorepiscoporum cæteris petulantiores ordi-  
nare Sacerdotes , quod unius est Episcopi ,  
conabantur ; aliaque sibi jura , quæ Episcopa-  
lia sunt , usurpabant , & accusati , se hoc re-  
cte facere , ob id quod manuum Episcopi im-  
positionem acceperant , respondebant . Siccine ?  
Vide , quomodo hac occasione contra eos Con-  
cilium Antiochenum *Can. X. „ is , qui sunt in*  
*„ pagis vel. dicuntur Chorepiscopi , etiamsi Episcopi*

„ ordinationem , manuumve impositionem acceperint , visum est , ut suum modum sciant , & sibi subiectas Ecclesias administrant , earumque cura , & sollicitudine gerenda contenti sint , constituent autem lectores , hypodiaconos , & exorcistas , & eorum promotionem sufficere existiment , nec Presbyterum , nec Diaconum ordinare audeant absque urbis Episcopo , cui ipsa subjicitur , & Regio . Si quis autem ea , quae definita sunt ; transgredi audeat , ipse quoque deponatur ab eo honore , quem habet .

Habeto nunc paucis quæ munera , ac officia essent eorum propria ; quidque ii solerent in vicis , pagisque agere : plebes ii in pietatis officio continebant , promovendos , cooptandosque in Clerum discutebant ; Subdiaconos , Lectores , Exorcistas , cæterosque inferioris gradus Clericos auctoritate sua ex Episcopi sui consensu constituebant , de Presbyteris , ac Diaconis ad Episcopum referebant , præcipuam , singularemque pauperum curam geriebant juxta Neocæsarensis sententiæ mentem in Cap. Χ. οἱ δὲ Χορηπίσκοποι εἰσὶν εἰσὺν τῶν ἐβδόμηκοντ' ὡς δὲ συνδυργοὶ διὰ τὴν πικρὴν εἰς τὴν πτωχῶν προσφέρειν τιμὰς ; altaria tandem , ac virgines benedicebant .

Putas ne tamen quorumcumque hæc munia

Cho.

Chorepiscoporum fuisse? pendebat id ex Episcoporum , quorum nutibus eligebantur , voluntate ; itaque quandoque hæc omnia iis mittebat , concedebatque Episcopus , quandoque nonnulla tantum , angustioribusque limitibus conferebatur Chorepiscopatus , teste de Marca de Concord. Sacerd. & Imper. lib. 2. Cap. 14. §. iv. ,, aliquando ( ait ) tamen Chorepiscopatus conferebatur angustioribus limitibus extendendus , ut contigit in causa Armentarii , cuius ius ordinatio ad Episcopatum Ebrodonensem a duobus tantum Episcopis perfecta rescissa est a Synodo Regensi anno LIX. concessum tamen est Armentario , ut Chorepiscopi nomine Ecclesiam unam obtinere posset , si quis Episcopus eam illi conferre voluerit , sed iis legibus , quæ Chorepiscopatum illum in angustias redigunt ; vetatur enim , ne duarum Ecclesiarum gubernationem obtinere possit , ne quis ei locus decernatur , quem Curia , & Civitatis species , aut ordonobilitas , ne vel ultimum Clericum ordinet in sua Ecclesia , ne umquam in Civitatibus offerre præsumat , etiam sub Episcoporum absentia ; attamen hoc unum Chorepiscopatus vestigium illi relinquunt , ut in sua Ecclesia Neophitos confirmare , & ante Presbyteros offerre possit ; sed recisa illa facultates satis evincunt , ordinario jure Chorepiscopis

„ illas competivisse , et si aliis probationibus destituerentur .

Quamquam inter munia Chorepiscoporum illud recenseretur , ut possent Subdiaconos ordinare , quamquam in hac re apertum , clarumque extaret in Concilio Antiocheno monumentum *Can. scilicet x. ordinans etiam Lectores , & Subdiaconos atque exorcistas , quibus promotiones ista sufficiant ;* tamen de hac in Galliis orta est quæstio ; miror tamen , quum verba Clara sint , ita ut de genuino sensu nullum oriri posse dubium videatur ; itaque , ut quæstio isthæc tolleretur , Pipinus Major ad Zachariam summum Pontificem sapientissime id retulit ; qui in *Epistola 50. ad Pipinum* Canonem x. Concilii Antiocheni servandum decrevit : quamquam & hoc Zachariæ decretum progressu temporis fuerit revocatum in dubium , quod tamen quomodo potuerit emergere , vix intelligo : aut enim Zachariæ verba clara sunt , aut obscura ; si clara , quid de genuino sensu dubitare ; si obscura , quum Zacharias sese referat ad *Can. X. Concilii Antiocheni* , cuius verba clara , ac manifestissima sunt , hæc obscuritas , hoc dubium debuerat penitus evanescere . Quapropter , ut novum dubium tolleretur , nova fuit definitione , ac declaratione opus , quam Leo III.

pro-

protulit, misitque Carolo Magno, rescindens tamen Zachariæ constitutionem, decrevit scilicet, irritas esse Presbyterorum, Diaconorum, & Subdiaconorum Ordinationes, consanguinationes infantium, Ecclesiarum, Virginumque benedictiones. Sed cuream rescidit? Marca putat huic rescissioni causam dedisse breviarium *Canonis X. Antiocheni* relatum in Collectione Canonum ab Adriano I. confecta, quod ita est conceptum: *Quod Chorepiscopi Ordines inferiores usque ad Subdiaconatum dare possint* adeo, ut Leo III. hæc verba *usque ad Subdiaconatum* intellexerit, ut scholæ loquuntur, exclusive; sed hoc non placet; nota enim esse debebant integra Canonis X. Concilii Antiocheni verba; quare existimarem, huic rescissioni dedisse causam malum Chorepiscoporum officium; unicuique enim Historiam callenti Ecclesiasticam, officio suo male tunc Chorepiscopos vacasse, notissimum est.

Sed ut consistam in hac Leonis III. Constitutione, velim observes quomodo irritas presbyterorum fecerit Ordinationes, quando e contrario Nicolaus I. a Rodulpho Archiepiscopo Bituricensi consultus de Presbyterorum ordinatione a Chorepiscopis collata in Galliis in *Epistola ad Rodulphum rom. 3. Concil. Gall. pag. 235.*

validam quidem esse ordinationem illam respondit, at posterum a simili ordinatione abstinendum : vide quid Marca de Nicolao sentiat, defendendum scilicet ait eum, & excusandum esse, quod de hoc diversis, iisdemque gravissimis negotiis præoccupatus fuerit respondere coactus; at nil ei scripsit injuriosius; quasi rem tam definitu etiam in occupatione negotiorum perfacile definire nescisset. Quare velim consideres; dari duo Chorepiscoporum genera, unum eorum est, qui ante Chorepiscopatum meri erant presbyteri, alterum eorum est, qui jam antea attigerant Episcopatus apicem, ita ut perfacile possimus, Nicolaum primū, loquutum de iis Chorepiscopis fuisse, qui jam antea Episcopatum obtinuerant, suspicari.

Quamdiu Chorepiscopi laudabilem; minimeque reprehensibilem vitam egerunt, quamdiu sese intra præstitutos officii limites continuerunt; optimeque versabantur in eo; nil contra eos; at vero, ubi transgredi cœperunt limites, culpabilemque agere vitam, suoque officio, ac munere abuti, eorum cœperunt jura coerceri, ac primo quidem prohibita fuisse a Leone I. aliquot annis post Synodum Regensem Altarium, Virginumque benedictio;

pro



prohibita deinde fuit Subdiaconorum ordinatio , prohibita Baptizatorum consignatio , ita ut paulatim fere omnia fuerint sublata, sublataque deinceps etiam ipsorum Chorepiscoporum dignitas, & gradus.

Hoc tamen Leonis decretum felicem non habuisse exitum certum est ; etenim in Galliis , ut observat Marca , altiores Chorepiscopi egere radices ; intelligo tamen causam : etenim Leonis Papæ lex mutila , & manca fuit , ut enim certa lex perfecta sit, numerisque omnibus absoluta , duplicem desiderat partem , in constitutione unam constitutam , in pœna contra transgressores alteram ; quid enim prodest lex , si ea minimè muniatur pœna , qua violatores coerceantur , punianturve ? In hoc certe Leonis III. lex peccavit ; erat constitutio , ac desiderabatur pœna. Quid quod ? Constitutio hæc ab arbitrio pendebat Episcopi ; quid propterea aliud erat sperandum , quam ut iterum Chorepiscopi reviviscerent , quum sua eos habere interesset ?

Nil dixi de Chorepiscoporum origine ; quid enim rem in iis , tempusque perdere , quæ confusa sunt , & obscura ? quamquam probabilis omnibus videatur , serius in occidente , citius in oriente erupisse ; ita ut in oriente

non

non nisi quarto Sæculo, in occidente verò vix ante quintum floruerint, quin moveat illa Damasi Papæ Epistola, quæ ad Episcopos Africæ de Chorepiscopis missa traditur; ea enim, ut Thomassinus notat, apocrypha omnino est, penitusque falsa.

Quid nunc plura de Chorepiscopis addere, quum eorum usus, subrogatis in eorum locum Vicariis generalibus, abolitus omnino sit? itaque nunc de Vicariis generalibus pauca.

### *De Vicariis Episcoporum.*

## CAPUT QUINTUM.

Quum non possint Episcopi ea omnia, quæ sui Muneris sunt, peragere, apposite creati, instituique Vicarii cæperunt; horum nonnulli, quibus generalis administratio tum respectu temporalium, tum respectu spiritualium in universa Diœcesi demandatur, generales appellantur ad differentiam tum eorum, quibus temporalis solum potestas committitur, qui communiter non Vicarii, sed

Œco-

Œconomi appellari consueſcunt, tum eorum, qui in aliqua tantum diœceſis parte ſeliguntur, qui non Generales, ſed Foranei appellantur.

Generalis ergo Vicarii poteſtas ad omnes extenditur cauſſas Episcopali Jurisdictioni ſubjeſtas, exceptis iis, quæ ſpeciale mandatum requirunt, aut quæ vel ex jure ſcripto, vel ex recepta conſuetudine ab uno cognoscendæ Episcopo ſunt. Huc criminales cauſſas refero, refero poteſtatem a Beneficiis, Officiis, vel adminiſtrationibus deponendi; refero facultatem viſitandi Diœceſim, facultatem congregandi Synodum, refero poteſtatem literas dimiſſorias Clericis, præſente Episcopo, concedendi, diſpenſandi in caſibus, in quibus unus Episcopus poteſt, conferendi beneficia, eorumque reſignationem admittendi, aliaque generis ejusdem referenda intelligo. Si itaque ſpeciale mandatum Vicario Episcopus harumce rerum concedat, hæc peragendi utique ei poteſtas concedetur; tunc autem ei ſpeciale dediffe mandatum intelligetur Episcopus, ſi non jam generali utatur clauſulâ, qua Vicario concedat ea peragendi poteſtatem, quæ ſpeciale mandatum requirunt, ſed ea, quæ vult,

vult, ut ille possit peragere, specialiter commemo-  
ret *Arg. Cap. 4. de procur. in 6.*

In constituendo Vicario illud præcipue at-  
tendat Episcopus oportet, ut idoneum, op-  
portunisque qualitatibus præditum eligat; de-  
bet ille esse ætatis annorum 25. *Cap. 7. vers. inferiora de electione*, peritusque sit necessum  
est causarum forensiumque rerum, proinde-  
que doctor, aut saltem in jure Canonico li-  
centiatus *C. ind. Sess. 24. de reform.*

Qui ab Episcopo Vicarius creatur, potest  
pro lubitu removeri, ac revocari. Cæterum  
revocatio denunciatur Vicario oportet, sic  
ut, si eam ille ignoret, ejus gesta valida sint  
*Arg. l. 17. de offic. proconsulis*. Sed & ipso jure  
Vicarius revocatur; quid enim si aut natura-  
lem aut civilem mortem patiatur Episcopus?  
quid si ad aliam Ecclesiam transferatur? hoc-  
que adeo verum, ut nec eas causas, quas  
ante translationem cæperat, perficere, termi-  
nare eum posse opiner ad differentiam ju-  
dicis delegati; potestatem enim delegati per  
delegantis mortem non expirare, nisi sit res  
integra, bellissime constat ex *Cap. 19. & 20. Delegati*. Discriminisque ratio aperta est:  
constat enim potestatem ac Tribunal tum Epi-

scopi , tum Vicarii generalis esse unum , & idem , sic ut ab uno ad alterum appellatio non detur , ac proinde cessante potestate Episcopi potestatem generalis Vicarii perseverare posse , est omnino impossibile ; at vero potestas , & Tribunal delegantis a delegati Tribunali est adeo secretum , ac distinctum , ut ab uno ad alterum appellatio recte interponatur .

Quoniam vero , vacante Episcopali Sede , jurisdictio ad Capitulum Cathedralis Ecclesiæ devolvitur *Cap. 3. & ult. de suppl. neglig. pralat.* inde fit , ut post Episcopi mortem ad idem Capitulum Vicarium aut constituere , aut constitutum confirmare pertineat *Sess. 24. de ref. c. 16.* Vicariusque ita constitutus Capitularis inde vocatur ; ejus potestas , officiumque durat , quamdiu alter Episcopus creetur , qui a Vicario Capitulari recte administrationis rationem exiget , eumque poterit , si in officio deliquerit , punire , ut ut , rationibus redditis , liberationem a Capitulo obtinuerit. *Con. Trid. Cap. 16. de ref. sess. 4.*

*De Archiepiscopis*

## CAPUT SEXTUM.

**P**AR olim fuit (id jam cæpi superius innuere) Episcoporum omnium jurisdictio præter unum summum Pontificem; qui caput est Collegii Apostolici. Verum ad majus Ecclesiæ decus & ornamentum Summus Pontifex quamdam quibusdam Episcopis jurisditionis suæ concessit portionem, ut sic alii alios antecellerent, præstarentque. Memoro Metropolitanos, seu Archiepiscopos, memoro Patriarchas, memoro Primates, Exarchos memoro, qui certe majori, ac cæteri Episcopi jurisditione, ac dignitate splendescunt. De Metropolitanis nostra nunc disputatio; de Patriarchis, Primatibus, & Exarchis postea.

Quotquot scripserunt ante Marcam de Origine, & institutione Metropoleon; alii juri Divino, alii juri Ecclesiastico, seu Perso, Ecclesiæve Romanæ, alii Ecclesiæ consuetudini eam acceptam ferendam existimarunt; putavit tamen eruditissimus Marca, se dissidium hocce facile compositurum, ubi eam institutionem Metropoleon Apostolos habuisse inani-

animo, ad executionem vero demandatam ex Ecclesiæ consuetudine definivisset; rem tamen fecit ineptam. Nam ubi quæso fuge sententiæ collocat fundamentum? præ cæteris in *Epistola ad Titum Cap. 1.* ubi Paulus: *reliqui te Creta, ut constituis per Civitates presbyteros, sicut & ego disposui tibi*: ubi notandum, presbyterorum nomen accipiendum pro nomine Episcoporum, quemadmodum ipsemet Paulus interpretatur in *versiculo 7.* postquam enim in *versiculo 3.* dixit, *reliqui te Creta &c.* in hoc *versiculo 7.* qui relationem cum *versiculo 3.* habet, subjungit: *oportet enim Episcopum sine crimine esse, sicut Dei dispensatorem*; en Marcæ verba: „ *probamus Apostolos in animo habuisse,*  
 „ *ut corpus Episcoporum statueretur sub præside-*  
 „ *ntia Episcopi Metropoleos*; evidens hujus rei ar-  
 „ *gumentum extat in Epistola Pauli ad Titum,*  
 „ *ubi scribit, se illum reliquisse Creta, ut consti-*  
 „ *tueret presbyteros per civitates: ecce Metropolita-*  
 „ *ni institutionem*: „ hætenus ipse in *lib. 6. de Concordia S. & I. Cap. 1. §. 5.* Verum nescio, an hoc argumentum in animo tantum id habuisse Apostolos, demonstret; quare ita sentio, utique prima hujus rei originis initia ab ipsis Apostolis repetenda; progressum, & incrementum in consuetudine Ecclesiæ colloco.

Qua-

Qualiscumque tandem de hac re formetur conceptus, certum est in facienda divisione Diœceseon, in instituenda Archiepiscopali dignitate Ecclesiam Romani Civilis Imperii dispositionem fuisse sequutam. Consideres enim, quæso, quomodo unum Civile Romanum Imperium est, en ex altera parte Ecclesia una; consideres, quomodo Romanum Imperium divisum in diversas Provincias fuit, en ex parte Ecclesiæ tot divisæ provinciæ; consideres, quomodo plures Imperii Romani provinciæ uni subsint Civitati primariæ, en & in Ecclesia certas provincias regit Metropolis; consideres, quomodo prioribus sæculis institutio Metropoleon Civilium secum traxerit institutionem Metropoleon Ecclesiasticarum; vix enim instituebatur quædam Civilis Metropolis, ut statim eam eodem in loco, Principis petito consensu, comitaretur institutio Metropolis Ecclesiasticæ, id suadente politia Ecclesiastica, qua Principum benevolentia captaretur; hincque in Concilio Taurinensi statutum fuit, illi totius provinciæ Primatum deberi, qui suam Civitatem demonstrasset Metropolim; hoc autem simile ei fecerim, quod de Primatu Constantinopolitano penes Ecclesiasticam historiam legimus: quum enim pauci mediæ ætatis

tis



eis contra majorum sententiam contenderent , honorem Ecclesiis debitum a sola urbium dignitate pendere , collegerunt , eodem tempore ; quo Constantinus in urbem Byzantinam suam transtulit sedem , primatum quoque eo translatus , adeo ut Ecclesia Constantinopolitana primatus nomen mereretur . Verum notare est , post pauca sæcula Metropoles Ecclesiasticas paulatim a Metropoli civili disjunctas fuisse , neque erectionem urbium ad Metropolim civilem secum traxisse Metropolim Ecclesiasticam , sed pro utilitate , ac necessitate Ecclesiæ quasdam Ecclesias in Metropoles fuisse erectas , durasse tamen pristinam disciplinam in eo , ut Principis consensus videretur necessarius ; quamquam & labentibus deinde sæculis hunc Principes ipsi minime requirere consueverint , liberaque propterea esset Romano Pontifici erectio , crederent circa sæculum decimum , quod & notat Van-Espen in titulo *de Metropolitanis* .

Hodie hæc Ecclesiæ servatur disciplina , ut Metropoleon institutio , & erectio , & auctoritate Summi Pontificis , & interveniente Principis consensu fieri consue scat , imo fere non nisi ad ejus postulationem , sicque intempera-  
rata , firma , & incôcussa antiquissima , quæ

Q

obti-

obtinebat circa hanc institutionem permanet disciplina . Delibata Metropoleon origine , summis labiis , cuius sit Metropolitaram electio , & confirmatio , considerandum est ; multum porro refert , antiquissimam ne disciplinam , an recentiore contemplemur . Si antiquissimam , quoad electionem Episcoporum erat Archiepiscopos eligere *Can. 19. distinct. 63.* ubi Leo Papa : „ *Metropolitano defuncto , quum in*  
 „ *locum ejus alius fuerit subrogandus , provincia-*  
 „ *les Episcopi ad Civitatem Metropolitancam con-*  
 „ *venire debebunt , ut omnium civium voluntate*  
 „ *discussa ex presbyteris ejusdem Ecclesia vel ex*  
 „ *Diaconibus optimus eligatur.*

Quid autem mirum , si hæc fuerit antiqua disciplina ? quum enim Episcopi pendere a Metropolitano deberent , ipsorum valde intererat , cujusmodi homo ad eam dignitatem vocaretur ; erat tamen exspectandus Cleri , populi que consensus ; eodem saepe modo quo , ubi ageretur de Episcoporum electionibus , is ipse videbatur olim necessarius ; ita electus fuit Stephanus Episcopus Ephesinus ; is enim ipse se electum fuisse ab Episcopis Asiæ ; & Clero , Civibusque Ephesinis agebat ; ita electus Flavianus Antiochenus ; etenim Patres secundæ Synodi Constantinopolitanæ adnotant in Epistola

stola

Nota Synodica, hunc Episcopum electum fuisse suffragiis Episcoporum Comprovincialium, & totius Diœceseos Orientalis, & concordibus etiam suffragiis Ecclesiæ Antiochenæ, idest eum consensu Cleri, & Populi specialis Diœcesis Antiochenæ; ita electus Episcopus Nestorius, uti in eadem Epistola Synodica habetur. Quod si recentiorē consulere disciplinam velimus, electio Summorum est Pontificum, quare ita Rainaldus anno 1255. scribit:

„ *primatum Cathedras, & apicem cujuslibet Ecclesiastica dignitatis privilegio tibi divinitus traditum Ecclesia Romana constituit, quam solus ipse fundavit, ac supra petram fidei mox nascentis erexit, qui Beato Petro aeterna vita clavigero terreni simul commisit, & cœlestis Imperii moderamen; hinc est quod Sancta Sedes Apostolica primates eligit Patriarchas, Exarchos, Archiepiscopos; hinc est, quod ab ea dispensentur insignia, de cujus plenitudine omnes accipiunt, ejusque speciali munere, quod ratio, persona, temporis, loci, vel causa interdum possulat, assequuntur.*

Hodierna, qua nos detinemur, disciplina hæc est, ut electio Archiepiscoporum summis Principibus deferatur; confirmatio vero Summorum Pontificum sit.

Iis delibatis , quæ tum de electione , tum de confirmatione Archiepiscoporum dici possunt , nunc esset de eorum jurisdictione tractandum ; sed quum de re facili agatur , quid immorari in hacce discutienda juvat ? hoc ergo unum hic adnotasse sufficiat , eorum jurisdictionem ad ea omnia , quæ ad informandos populi mores , quæ ad eum per virtutis viam , traducendum , quæ ad vitia extirpanda conducunt , referri ; sed id clarius ex ultima dissertatione , quæ *de Ecclesiastica jurisdictione in genere* inscribetur , facillime nosces : pergamus ad alia .

Quum Archiepiscopalis dignitas sit quædam Pontificiæ dignitatis portio , Romani propterea Pontifices Pontificiis Archiepiscopos ornamentis exornare consueverunt ; de Pallii ornamento loquor : ita illud definit vir doctus , ut sit *fascia lanea candida in modum circuli contexta , quæ super humeros imponitur , ex quo circulo pendet pectori fascia similis , & alia ex adverso inter humeros demittitur , utraque habens crucem rubeam præter eas , quæ in ipso circulo exant super humeros* ; hoc indumenti genus , quod apud Latinos appellatur pallium , apud Græcos dicitur *επιεφόριον* ; hoc est superhumeralis *επιεφόριον* ; homophorii tamen vox ambigua est ; interdum enim

enim significat vestem quamdam laneam, quam Episcopi ut plurimum humeris extra Sacrificii tempora imponebant; homophorii ita accepti mentionem facit Isidorus Pelusiota; ideo enim illud laneum esse, ut ostendatur, Episcopos sibi commissi gregis curam gerere diligentissimam oportere. Homophóron alias accipitur pro Summorum Pontificum indumento, quod Latini Pallium appellant. Hæc tamen pallii definitio hodiernis convenit temporibus; primæva namque ætate aliam fuisse pallii formam certissimum est; erat enim ex bysso candente contextum, humerosque operiebat, & ad talos usque demittebatur: idque satis ostendit Johannes Diaconus *in lib. 5. Gregorii lib. 4. Cap. 80.* ibi enim Beatum Gregorium in veteribus picturis videri indutum pallio ex candente bysso contexto nullisque acubus perforato, quod in morem vestis humeros ejus operiret, adfirmat: *pallium ejus (inquit) bysso candente contextum nullis acubus perforatum sic ipsum circa scapulas devolutum fuisse, non autem consutum sicut, vetustissimis picturis ostenditur.*

Hoc certe pallium indumentum vere Imperatorium fuit, hujusque usum Imperatores ipsi permiscere Pontificibus, a quibus deinde Archiepiscopis factum commune fuit, rem ita

Q 3                      esse,

esse, ipsius Ecclesiæ Romanæ confessio. edocet. Edocet Constantinus Imperator, qui Sylvestro Pontifici omnium indumentorum Imperialium usum hisce verbis permisit: „ *deinde* „ *diadema*, „ *videlicet coronam capitis nostri*, „ *si-* „ *mulque phrygium, nec non superhumeralē*, „ *videlicet lorum, quod Imperiale circumdare assolet* „ *collum, & chlamydem purpuream, atque tun-* „ *nicam coccineam*. „ Quid enim quæso. hæc phrasîs *lorum quod Imperiale circumdare assolet collum* significat, nisi, ut ipse interpretor, pallium? nitor enim Romanæ Historiæ scriptorum auctoritate; etenim apud hosce *lorum fascias aureas, purpureasve, sive prætextus cui-dam tunicæ, aut pallio alligatas, & connexas* significat. Edocet Liberatus Diaconus in *Capite XXI. Breviarii*; ipse enim Antimum Patriarcham Constantinopolitanum a sede sua dejectum Imperatori Justiniano pallium reddidisse narrat: *Antimus* ( inquit ) *videns se se depulsum, pallium, quod habuit, Imperatoribus reddidit*; Justiniano scilicet, ejusque Conjugi Theodoræ; cui enim bono Justiniano pallium reddere, si ejus indumentum non fuisset? Edocet Auxanii Episcopi Arelatenfis factum; quum enim Episcopus Arelatenfis nova quadam dignitatis prærogativa a Zosimo Summo Pon-

Pontifice condecoratus fuisset anno 417. eam-  
que auxisset Symmachus anno 514. ita ut ei  
sedis Apostolicæ Vicariatum per Gallias, Hys-  
paniasque junxerit, quum ad hanc Arelatensem  
Cathedram evectus fuisset Auxanius, optaret-  
que etiam pallio insigniri, id obtinere a Pon-  
tifice numquam potuit, donec Justiniani Im-  
peratoris consensus accessit; hujus dilationis  
hanc Vigilius in *Epist. 1. ad Auxanimum* ratio-  
nem reddit; *ut & vobis gratior præstitorum causa  
sa reddatur; dum quæ postulatis ehm consensu  
Christianissimi Principis referuntur, & nos hono-  
rem fidei ejus servasse cum cõpetenti reverentiã  
judicemur.*

Primis porro temporibus Romani Pontifices  
pallium non omnibus indiscriminatim Archie-  
piscopis concesserunt, sed paucis tantummodò,  
illisque fortasse tantum, qui ab ipsis Vicarii  
Apostolici designarentur; eos enim ita exor-  
nare, quum Pontificis personam repræsenta-  
rent, apprime decebat. Hinc vetustissimis tem-  
poribus uni Archiepiscopo Arelatensi Vicariò  
Apostolico in universa Gallia pallium conces-  
sum legimus, uni Hispalensi in Hispaniis,  
uni Salonitano in Dalmatia, uni Ravennatensi  
in Italia, uni Syracusano in Sicilia, uni Ca-  
larytano in Sardinia; octavo ergo dumtaxat

saeculo , uti placet Thomassino *de beneficiis parte 1. lib. 2. cap. 54. num. 7.* fieri cæpit , ut omnibus Archiepiscopis pallium concederetur.

Verum illud notare est , iis etiam temporibus , quibus haud omnes indiscriminatim Archiepiscopi pallio condecorabantur a Romanis Pontificibus , simplices etiam quosdam quandoque Episcopos fuisse pallii ornamento condecoratos ; hujusceque rei exempla penes Cardinalem Bona *rerum Liturgicarum lib. 1. cap. 24.* penes Garnerium in *appendice ad librum Ditarum differt. 3. num. 26. in notis cap. 14.* per multa occurrunt exempla ; primus autem omnium id agere Marcus Papa cæpit ; ipse enim Ostiensem Episcopum ob eam , qua jam tum fruebatur , prærogativam , consecrandi nimirum Romanum Pontificem , qui non antea Episcopus inunctus fuerat , hoc pallii ornamento condecoravit . Non potuere tamen non magna oriri inter Episcopos suffraganeos , qui pallii ornamento fuerant condecorati , & Archiepiscopos , quibus illi subiecti erant , dissidia . Simples enim Episcopi se ob unam pallii concessionem non amplius jurisdictioni Metropolitani subesse , seque quoquomodo posse Archiepiscopos appellari contendebant ; e-

xem.



templum est in persona Galonis Metensis Episcopi; Galo enim, postquam pallii honore condecoratus fuit, quum Archiepiscopi nomen sibi usurpasset, in ipsum Bertolfus Treverensis Archiepiscopus mirum in modum exarsit, diffidumque non ante cessavit, nisi postquam pallium Galo abdicavit; hocque adeo verum est, ut Metropolitanis, quo illibatam suam jurisdictionem servarent, ausi aliquando fuerint contendere, ut a Pontifice Maximo non amplius cuiuspiam suffraganeo Episcopo pallium, nisi suus accessisset consensus, concederetur; quamquam (si mihi fas est aperire, quod venit in mentem) non potuit non injusta esse eorum Archiepiscoporum contentio.

Quum invaluerit opinio, in susceptione pallii Pontificalis officii plenitudinem contineri, quid aliud fuit sperandum, quam ut non antea posset Archiepiscopus Archiepiscopalia munera, quam pallium obtinuerit, exercere, ut ut olim, teste Thomassino *de disciplina Ecclesiastica part. 2. cap. 29. num. 10.* aliter se res habuerit? Huc ergo spectat Concilium Ravennatense anno 877. *Can. 1. & 2.* ubi Metropolitanum intra tres menses consecrationis hęcce teneri pallium ab Apostolica Sede suscipere constituitur, adeo ut, si hoc nulla

ne-

necessitate detentus minime ficiat, collata sibi  
 careat dignitate; huc Gregorius VII. *lib. 9.  
 epist. 1.* ubi Rothomagensi Metropolitano  
 vehementer redarguit, quod pallio ab Aposto-  
 lica Sede minime postulato, functiones sui Or-  
 dinis obire præsumserit; huc Innocentius III.  
*in Cap. 28. §. 1. v. præterea de electione*, ubi  
 ait, *multum præsumere illum Archiepiscopum, qui  
 antea quam pallium suscepisset, munus obire Ar-*  
*chiepiscopalia non dubitet*; huc ne quoque Canon  
 I. dist. 100. ? quid apocryphis utar monumen-  
 tis? Cæterum, an quædammodum ante pallii  
 receptionem vetitum est Archiepiscopis, Ar-  
 chiepiscopalia munera exercere, ita & veti-  
 tum sit Episcopis, quaeritur; negativa senten-  
 tia placet; an ne ob id, quod quilibet Epi-  
 scopus statim ac electus, & confirmatus est,  
 exercere suam jurisdictionem potest, adeo ut  
 æquum non videatur, ut hoc jure ille spolie-  
 tur; qui privilegio pallii potitur? minime  
 gentium; vera enim discriminis ratio suum in  
 eo habet fundamentum, quod Archiepiscopis  
 per pallium, ut vulgo traditur, plenitudo pa-  
 storalis officii confertur; Episcopis vero ad  
 meram privilegium, honoremque tribuitur.

Privilegio pallii, quod Archiepiscopis con-  
 ceditur, surgit pr. privilegium gestandæ crucis,  
 quod

quod a Summo Pontifice ad ejusdem Legatorum primum fluxisse asserit Thomassinus *de noua, & veteri Ecclesiæ disciplina part. 1. lib. 2. Cap. 59.* deinde ab Apostolicæ sedis Legatis mox ad Patriarcas, subinde ad Primates, & demum ad Archiepiscopos descendisse, num omnes? modo uni, modo alteri tantum ex speciali favore tributum fuit. Sic Eugenius III. *Epist. 10. part. 2. tom. 6. collectionis Arduini Coll. 12. 50.* peculiari quodam favore, ac privilegio Coloniensi Archiepiscopo gestandæ crucis privilegium concessit. Sic ab Alexandro III. referente Baronio anno 1177. *num. 76.* idem singulari favore privilegium Archiepiscopus Salernitanus obtinuit. Sic Gregorius IX. teste Raynaldo ad annum 1248. *num. 38.* Archiepiscopis Auxitano, Burdegalensi, & Messanenſi idem privilegium donavit, ita tamen ut pedetentim res omnibus Archiepiscopis sub Alexandro IV. uti conjicit Thomassinus, facta communis fuerit. Quemadmodum vero ex singulari Apostolicæ Sedis favore nedum Archiepiscopis, verum & quibusdam etiam Episcopis gerendi pallium facta potestas fuit, ita & gestandæ crucis privilegium singulari prerogativa fuit quibusdam Episcopis concessum. Sic Episcopus Lucensis hanc potestatem a Lucio

cio III. a Cælestino III. ab Innocentio III. obtinuit; sic jam ante Alexandrum tertium hoc privilegio Papensis Episcopus fruebatur; sic Benedictus XIV. Episcopo Eysletensi, ejusque successoribus tale privilegium indulgere minime dubitavit. Sed quid prodest in hisce rebus, quæ certissimæ sunt, immorari?

---

*De Patriarchis*

CAPUT SEPTIMUM.

**P**AUCIS Disciplinam, quæ de Patriarchis est, delibemus. Præerant isti pluribus Diœcesibus, eorumque jus in eo præcipue versabatur, ut Episcopos sibi subditos ad Concilium advocarent, ut ad Episcoporum ordinationem devenirent, utque de majoribus cognoscerent causis; verum, quoniam hæc duo postrema fuerunt postmodum Summo Pontifici reservata, hoc unum jus iis relictum cernimus, ut convocare Concilium possint, eamque habeant in eos Episcopos potestatem, qua Primates supra Metropolitanos fruuntur.

Si

Si ad antiquissima Ecclesiæ tempora animum intendamus , Ecclesiastica Historia tres tantum Patriarchatus fuisse institutos testatur, in Oriente nimirum Alexandrinum, & Antiochenum, in Occidente Romanum; ad Alexandrinum autem, & Antiochenum Episcopum hac dignitate donandum specialis impulit causa: nam si ad Antiochenum respiciamus, eum illa dignitate condecoratum ob id, quia ibi suam fundavit Petrus Ecclesiam, cernimus; si vero Alexandrinum contemplemur, hac dignitate eum donatum non tam ob urbis magnificentiam, quam ob primatum Petri, cujus auspiciis illam Ecclesiam fundaverat Marcus, intelligemus. Notare tamen est, post Romanam sedem secundum locum Alexandrinam obtinuisse, tertium Antiochenæ adsignatum fuisse; hic quid curiosi investigatu occurrit; cur enim potius Antiochiæ secundum locum, tertium autem Alexandriae adsignare, quum Alexandrinam Ecclesiam ipsemet Petrus fundaverit, plurimisque rexit annis? dixerim hoc factum, aut quia Petrus, postquam Judæis prædicavit Evangelium Dei in Palæstina, cepit illud etiam in Alexandrina Civitate disseminare, aut quia ex civili politia Alexandria, secundas post Romam partes nacta fuit; quasi polli-

politiam Ecclesiasticam cum politia civili convenire videretur apprime decorum.

Progressu temporis etiam Hierosolymitanus Episcopus Patriarchatus dignitate fuit condecoratus, quantum propterea locum post trium primarum sedium Episcopos obtinuit; verum notare est, nulla potitum auctoritate fuisse, ne in provinciis quidem Palestinæ quæ Cæsareæ Episcopo parebant, donec scilicet Principum rescriptis Phœnicias, Arabiam, & tres Palæstinas a Patriarchatu Antiocheno avulsas obtinuit, quamquam non potuit id magnas controversias in iis provinciis, quæ tandem transactione sopitæ fuerunt, non excitare.

Patriarchatus successit deinde alter; is est Constantinopolitanus; ejus originem repetendam à Constantino, teste Zonara, ducimus; in libris enim annalium de Constantino hæc feribit: „ *Et quum antea Byzantii Episcopatus* „ *esset Heraclææ Thracia, evexit eum Constanti-* „ *nus ad Patriarchatus honorem privilegia veteri* „ *Roma conservans propter antiquitatem, & quod* „ *ex ea urbe in istam imperium transfulisset;* „ quid ni id faceret Constantinus? quum enim Græci mediæ ætatis honorem Ecclesiis debitum a sola Civitatum dignitate pendere contenderent, facile colligi potuit, Constantinum

ob id, quod in urbem Byzantinam suam tran-  
 stulit sedem, potuisse primatum Ecclesiæ Con-  
 stantinopolitanæ concedere: hoc adeo verum,  
 ut inde illud Concilii Constantinopolitani de-  
 cretum in Canone 3. emanarit: *Constantinopo-*  
*litanus Episcopus habeat primatus honorem, rē*  
*πρωτεύειν τῷ τιμῷ post Romanum Episcopum, eo*  
*quod sit nova Roma*; quamquam tamen hocce  
 Concilium ut pote non Œcumenicum, quippe  
 ex solis Orientis Episcopis constabat, ab omni-  
 bus non fuerit approbatum, ab Ecclesia dico  
 Occidentali, teste Gregorio Pontifice in lib. 6.  
*epist. 31. „ Romana ( ait ) Ecclesia eosdem Cano-*  
*nes, vel gesta illius Synodi hactenus non habet,*  
*„ nec accepit, in hoc autem eandem Synodum ac-*  
*„ cepit, quod est per eam contra Macedonium de-*  
*„ finitum : „* Utinam tamen hujusce Canonis  
 verba „ *Constantinopolitanus Episcopus habeat pri-*  
 „ *matu honorem post Romanum Pontificem* „ Epi-  
 scopi Constantinopolitani ita interpretati es-  
 sent: ut Ecclesiarum utilitati, necessitatique  
 fervirent; at, quod dolendum est, hæc eo  
 porrexerunt, ut eorum ambitioni proficerent:  
 quid namque, quæso, vi eorum verborum sibi  
 non usurpavit Nestarius, qui in ipsa Synodo  
 Constantinopolitana adeptus est Patriarchatus  
 honorem? quid Atticus Episcopus Constanti-  
 nopo-

nopolitanus successor Chrysostomi , successor tamen indignus ? Refert enim Socrates , ab Attico Episcopatum Philipopolem in Thracia Sylvano donatum , & ab eodem post triennium translatum fuisse Troadem in Phrygia , quando Troadis Cives Constantinopolim Episcopum petituri advolarunt ; neutrum tamen ad eum pertinebat . Quid Flavianus ? quum enim Ibas Edeffenus in Syria Episcopus morum improbitate Clericorum suorum iram in se concitasset , quumque illi id cæpissent consilii , ut apud Antiochenum Episcopum , cujus ditioni , & iudicio suberant , illum accusarent , Flavianus tunc Constantinopolitanus Patriarcha eo arrogantiæ devenit , ut causam sibi arripere decidendam , eamque tribus Metropolitanis Tyri , Berytensi , & Himerensi delegavit , hisque tandem finita fuit in Berytensi Concilio , cujus acta in actione X. Concilii Calcedonensis recitata sunt . Num aliud Anatolius ? Prædecessorum suorum vestigia sequi non dubitavit .

Dixeram , in Occidente olim unum tantum Patriarcham fuisse , Summum nempe Pontificem ; imposterum tamen , si tantillum historiam Ecclesiasticam pervolvamus , alios creatos fuisse noscimus , Aquilejensem Episcopum me-

moro ;



moro; is enim tunc Patriarchatus donatus ho-  
 nore fuit, quum fuit diguta Simio, quando  
 propterea Aquileja Illyrici Occidentalis caput  
 evasisse visa est, adeo ut Aquilejensis Episco-  
 pus amplissimæ diocæsi præficeret, qua scilicet  
 Istria, qua utrumque Noricum, qua Rhætia  
 secunda continebatur; hujus Patriarchatus ori-  
 ginem ab Istriae schismate repetendam existi-  
 mo. Schismatici enim illius provinciae Episco-  
 pi, abrupta cum quatuor Patriarchis commu-  
 nione, in suum Metropolitanum Aquilejensem  
 Patriarchicum jus transulere; hincque ipse  
 perinde ac cæteri solebant Patriarchæ, a Sy-  
 nodo provinciae nullius consensu, licentia nul-  
 lius & eligebatur, & consecrabatur, nullius-  
 que jurisdictioni, ne Romani quidem Pontifi-  
 cis, se noverat subiectum; ubi tamen schisma  
 cessavit, Patriarchicum jus tamquam effectus  
 Schismatis cessavit, illudque in jus metropo-  
 liticum mutatum fuit. Constat tamen Leo-  
 nem VIII. anno 930. & Johannem XX. id  
 imposterum Aquilejensibus Episcopis concessis-  
 se, ut primum supra cæteros Italiae Metropo-  
 litanos locum haberent, nudumque adhuc Pa-  
 triarchæ nomen retinerent. En tamen quas  
 deinde adhuc vices Aquilejensis Episcopus pas-  
 sus sit. Orta de confessis honore inter Me-

metropolitanum Ravennatensem, Aquilejensem, & Mediolanensem contentione Clemeus II. in Synodo Romana anno 1047. primum Ravennatensi locum; exlato Aquilejensi Episcopo, dedit; verum ille ab Alexandro II. ( dico Gebaldus, tunc Aquilejensis Episcopus ) honore Patriarchico donatus impofterum fuit; ornatque Dominio & Istriæ; & Foro Julii, imo in Romani Imperii Principum censum relatus anno scilicet 1049; primumque ei una cum successoribus suis supra omnes Metropolitanos, postque majores quinque Patriarchias locus fuit assignatus; 1049. 1058. 1061. 1062. 1063.

Mentio in historia Ecclesiastica etiam fit Patriarchæ Gradenfis; fuit ille creatus tunc quum Imperatores Orientis maritimam provinciam Venetæ; & Istriæ oram Longobardis eraptam; fervente adhuc Aquilejensi schismate, receperunt; verum; extincto schismate, nudum Patriarchæ nomen, ea ferme ratione qua Aquilejensis, retinuit. 1063. 1064. 1065.

Occurrit etiam in eadem historia mentio Patriarchæ Ulyssipontensis; fuit ille hoc honore; Lusitano Rege petente, condecoratus; jamdudum enim sibi Apostolicæ Sedis ob sua benemerita benevolentiam conciliaverat. 1065. 1066. 1067.

Mentio etiam fit Patriarchæ Moschovitæ; 1067. 1068. 1069.

de quo quiddam occurrit notatu dignum; memorat enim quiddam Auctor hunc Moschovitam Patriarcham subditos sibi duos Metropolitānos, Rhodoviensē scilicet & Novogradensē præter alios Episcopos habuisse; at Olearius, qui hocce Auctore scripsit recentius, huic Patriarchæ Metropolitānos quatuor, septem Archiepiscopos, & Episcopum unum solum duntaxat unum subfuisse adnotat: tentavit olim Patriarcha iste, ut ad Ecclesiæ Romanæ communionem ~~veniret cum omni Moschovita Ecclesiā~~ veniret; causa hujusce communionis tentatæ legenti Ecclesiasticam historiam potest esse notissima; est enim Dominium, Potestasque Turcarum, in quam Constantinopolis cecidit, tunc enim Moschovita Ecclesiā laxare, & abrumpere vincula cepit, quæ ad obediendum Patriarchæ Constantinopolitano constringebatur, cepitque de communione cum Romana Ecclesiā tentanda cogitare, quem tamen finem res isthæc habuerit, sat docet historia. Verū ut uti tantillum ad Patriarcham Romanum redeam, observare est, a Romana Sede Patriarchæ nomen fuisse expunctum; id tacite innuere videtur Innocentius III. in Cap. 23. de privileg. ubi antiqua Patriarcharum jura, ac privilegia renovans quatuor tantum mentio-

nem facit, Constantinopolitani, cui primum, Alexandrini, cui secundum, Antiocheni, cui tertium, Hierosolymitani, cui quartum locum adsignat; quapropter traditum deinde fuit, ea, quæ a Romanis Pontificibus gesta impoſterum proponuntur, geſta videri non jam jure Patriarchatus, ſed jure Primatus Universalis; qui in Divina institutione firmiſſimum habet fundamentum.

---

*De Primatibus*

**CAPUT OCTAVUM.**

**P**rimates in univerſum dicuntur, qui aut Principem locum in aliquo Collegio tenent, aut proceres ſunt alicujus Gentis, proinde vox iſta in Eccleſia ad ſignificandam quorundam Episcoporum, qui in Concilio ſuæ provinciæ præſint, auctoritatem irreſiſt. Sed quidquid ſit de Primatus nomine in genere, videre eſt, quinam in ſpecie hocce in loco ſint, ſeu quales dicantur; paſſim Primates pro Metropolitanis, ſeu Archiepiscopis acci-

accipiuntur ; id apertissime ex *Can. 2. Concilii Taurinensis* celebrati anno 397 colligitur ; illud inter *Episcopos* ( sunt eadem Canonis verba ) *urbium Arelatensis , & Viennensis* , qui ad primatus apud nos honore certabant , a *Sancta Synodo* definitum est ; ut qui ex iis comprobaverit , suam *Civitatem* esse *Metropolim* , is totius provincie honorem *Primatus* obtineat ; & ipse juxta praeceptum Canonum ordinationum habeat potestatem ; huc ergo pertinet *Primas Primæ Justinianæ* ; *Justinianus* enim *Primam Justinianam* patriam suam , quæ antea vocabatur *Acrida* , *Archiepiscopali Sede* ex concessione *Vigilii Papæ* condecoravit , certasque subtraxit *Archiepiscopo Thessalonicensi* provincias , quo eas *Primatui Primæ Justinianæ* redderet obnoxias ; en quid habet in hanc rem *Novella 131. ipsum* ( ibi inquit *Justinianus* ) *ac proprio ordinari Consilio* , & in subiectis sibi provinciis locum obtinere *Sedis Apostolicae Romæ* secundum ea , quæ definita sunt a *Sanctissimo Papa Vigilio* ; huc pertinent *Primates Africani* , uti elegantissime observat eruditissimus *Marcus* in suo de *Primatibus* tractatu & hocque sensu accipiendum videtur *Cap. XIX. Collectionis Conciliorum Africanorum* , cujus hæc verba , *quisquis Episcoporum accusatur ad Primatem Provincia* , *ipsius causam deferat*

*accusator*; hoc sensu etiam accipiendum videtur quod, statutum legitur in Can. XXVIII. ejusdem collectionis, *Clericos scilicet*, ubi de appellando agitur, provocare eos debere ad Primatem suarum provinciarum.

Aliquando etiam (uti notat idem Marca) pro antiquioribus Episcopis Primates accipiuntur. Sic ab Ilario Papa Constantius Ucticæ Ecclesiæ Antistes dicitur esse Primas, quo honoris, atque ab eodem cura provincie Narbonensis ob suspensionem Hermetis Metropolitanæ transfertur ad eum, quem reperiret Archiepiscopalis ordo Primatem.

Quid quod? ulterius adnotat Auctor idem, per Primatem eum Episcopum significari, qui & jure & nomine Patriarchico fruitur, quem admodum Justinianus interpretatus est, *ὁν ἱεραρχον* *διὰ τὴν ἐξουσίαν αὐτοῦ*.

Veri tamen Primates hocce loco dicuntur illi, qui plures provincias, earumque Metropolitanos sibi subditos habent; sub hac significatione venit Primas Rhemenſis, qui Sancto Remigio collatus est, cuique centē subditæ fuerunt provinciæ Belgicæ duæ, Geromāica secunda, Lugdunenſis, secunda, quarta, & quinta, idest Metropolitanus Trevirensis, Coloniensis, Rothomagenſis, Senonenſis, & Ve-

Fontionenſis. Cœdunt nonnulli, illi ſubjectas fuiſſe quoque provincias, quæ Alarico Regi Wiſigothorum parebant, ſcilicet tres Aquitanias, & primam Narbonenſem, provincias quoque, quæ Burgundicum Regnum tangebant, ſcilicet Lugdunenſem primam, Narbonenſem ſecundam, atque omnes fere Viennenſes: verum conſulant ipſi, qua formâ, quo tenore, quibuſque terminis conceptum ſit privilegium Primatus Rhemenſis. Epifcopi in Galliis, quod videre eſt peneſ Flodoardum in hiſtoria Rhemenſi, *lib. 1. cap. 19.* & apud Hincmarum *epiſt. 6. cap. 18.* hoc certe abſurdiſſimum eſſe videbunt.

Sub hac ſignificatione venit Primas Toletanus in Hiſpaniis, quum enim Toletana Synodus 12. habita anno 681. juſ illi tribuat deveniendi ad Epifcoporum omnium Hiſpaniarum, quos elegiſſent Gothorum Reges, Ordinationem, non autem appellationem a Metropolitano, ad ipſum, quomodo Primas iſte a Metropolitano diſtinguatur, quomodo propter ea ille in eorum cenſum, qui ſibi ſubditos Metropolitanos habent, referendus videatur, belliffime vides.

Sub hac ſignificatione venit Primas Bicurienſis; id conſtat ex Epiftoſa Nicolai primi,

cujus verba a Gratiano referuntur in *causa* 9.  
*quæst.* 3. *Can. conquestus*, & ante Gratianum  
ab Ivone Carnotensi; quum enim conquestus  
esset apud Pontificem Sigebodus Narbonensis.  
Archiepiscopus, Rodolphum Bituricensem.  
Archiepiscopum Clericos Diocesis Narbonen-  
sis eo invito ad iudicium suum venire com-  
pulisse, deque bonis Narbonensis Ecclesiæ quasi  
jure Patriarchico suo disponere, id Nicolaus  
Epistola sua prohibuit, decernens, nihil Bi-  
turicensi Primati licere in Clericos, Ecclesiæ  
que Narbonensis bona, nisi in causis, in qui-  
bus ad ipsum, velut ad Patriarcham suum,  
fieret appellatio: en verba Nicolai: „ *conque-*  
*stus est Apostolatus nostro frater noster Sigebodus.*  
*Archiepiscopus Narbonensis, quod Clericos suos*  
*eo invito ad iudicium tuum venire compellas.*  
*Et de rebus ad Ecclesiam suam pertinentibus,*  
*eo inconsulto, quasi jure Patriarchatus tui dis-*  
*ponas; quum hoc neque antiquitas, cui Sancti*  
*Patres sanxerunt reverentiam, habeat, Et aucto-*  
*ritas Sanctorum Patrum penitus interdicat, nisi*  
*forte pro causis, qua apud se terminari non*  
*possint, ad te quibus ad Patriarcham suum pro-*  
*vocaverint per appellationem, vel, si Episcopus*  
*suus decesserit, in nos Ecclesia sua iudicio tuo*  
*dispensata voluerint. Primates enim, vel Pa-*  
*triar-*



„ patriarcha nihil privilegii haberet praeter ceteris Episcopis , nisi quantum Sacri Canones concedunt ,  
 „ & prisca consuetudo illis antiquitus contulit ,  
 „ definimus . „ Haecenus Nicolaus primus : ex hisce , inquam , verbis , quibus concepta est Nicolai Epistola , Primatem Bituricensem inter eos Primates , qui veri Primates sunt , quique sunt Archiepiscopis superiores , recenseri colligitur ; quum enim per haec verba eum Patriarchis sic dixerim comparet , quis hoc verum esse non intelligat ? quid quod ? nonne huic Primati subjectus erat Burdigalensis Archiepiscopus etiam tempore Alexandri III. anno 1164. qui tamen subductus postea fuit , postquam Angliae Reges fuerunt Aquitaniae Ducatu potiti ? hoc autem quid aliud , quam eum verum Primatem , qui certe sibi subditos habebat Archiepiscopos , fuisse significat ?

Primatum haec est potestas , ut , quam habent Metropolitani supra Episcopos , habeant ipsi supra Metropolitanos , eorum scilicet excessus corrigant , suppleantque defectus ; plura non addo , fat enim Primatum cernitur disciplina .

*De Presbyteris*

## CAPUT NONUM.

**E**Xcellentissimam esse Presbyterorum, seu Sacerdotum dignitatem, vel nomen ipsum commonstrat; isti enim, non quæ temporalia, humanæque inventionis sunt, sed quæ spiritualia, quæque inventionis sunt divinæ, pertractant; frequentissime isti seniores appellantur, quum in hisce certa mentis canities requiratur; indeque est, ut vel Græcis presbyteri essent, quibus honor, & reverentia, quæ præstabatur senibus, exhiberetur, idque etiam Romæ & in Rebuspublicis bene constitutis potissimum esset; auctore namque Callistrato *in l. 5. de jure immunit. lib. 50. P. tit. 6.* idem pene honor senibus, ac Magistratibus tribuebatur. Neque apud antiquissimos Romanorum aut major, aut præstantior generi, pecuniæque honor, quam minores majores ad Dei prope, parentumque vicem colerent, deferrebatur, & ut scribit Ovidius *lib. 5. Fastor.*

*Magna fuit quondam capitis reverentia cani,  
Inque suo pretio ruga senilis erat.*

*Mar-*

*Martis opus iuvenes, animosaque bella gerebant,*

*Et pro Dis aderant in statione suis.*

*& rursus in lib. 2. de arte amandi.*

*Adde, quod est senibus rerum prudentia major.*

*Solus & artifices qui facit usus adest.*

*Atque Xenophon lib. 8. Cyri pad. moritu-*

*rum iam iam, disponentemque de Regno suo*

*in filii senioris favorem Cyrum dixisse scri-*

*bit, eam fuisse Legem Persarum, senioribus*

*non solum fratribus, sed etiam civibus, &*

*incedendo, & dicendo cedendum; proinde*

*Hesychius inquit, non solum senes presbees vo-*

*cantur, sed etiam Reges, Principes, magis hono-*

*rati. Sed propius ad rem nostram veniamus.*

*Qui honore præcipuo in Ecclesia fruuntur,*

*quique Christianis pascendis pabulo vitæ, &*

*disciplinæ præficiuntur, hui Mysteriorum cu-*

*ram suscipiunt, Presbyteri, Sacerdotesque vo-*

*cantur; ita enim D. Paulus ad Titum Cap. 1.*

*scribit, Reliqui (inquit) huius gratia te Creta,*

*ut ea, quæ desint, corrigas, & constituas per Ci-*

*vitates presbyteros sicut ego disposui tibi, si quis*

*sine crimine est, unius uxoris vir, filias fideles ha-*

*bens non in accusatione luxuriæ, aut non subdi-*

*tos; & ad Timotheum Cap. 5. qui bene præ-*

*sunt presbyteri, duplici honore digni habeantur,*

*maxime qui laborant in verbo, & in Doctrina.*

Presbyterorum officium paucis explicat D. Hieronymus in *Epist. de septem gradibus Ecclesie*: Sextus ( inquit ) Seniorum ordo est, qui sacerdotibus datur qui presbyteri dicuntur, qui præsunt Ecclesie Dei, & Christi Sacramenta conficiunt; iā autem in benedictione cum Episcopis consortes Ministeriorum sunt, nec ulla in conficiendo Corpore Christi, ac Sanguine inter eos, & Episcopos credenda distantia est: paucis explicat Epiphanius scribens ad Joannem Episcopum Hierosolymitanum, ejus Epistola reperitur inter Epistolas D. Hieronymi tom. 2. oper. & in *Can. ecce ego dist. 95.* paucis & explicant Pontificia jura in *Can. parletis dist. XXV. Can. dictum est causa 1. dist. 1. Can. Sacerdotes causa 6. quest. 16. Can. quia Episcopus causa 5. quest. 3.* paucis denique illud complectitur D. Paulus ad Hebræos Cap. 5. hisce verbis: *omnis Pontifex, qui ex hominibus assumitur, pro hominibus constituitur in his, quæ apud Deum aguntur, ut offerat donaria, & victimam pro peccatis.*

Presbyterorum plures observandæ qualitates occurrunt; aliæ enim animum, aliæ corpus, aliæ bonâ respiciunt; sed quæ sunt animi potissimæ sunt; necessum enim est, ut Sacerdotes a mundanis, terrenisque rebus abhorreant, ut abhorreant a spectaculis, a pompis; a pu-

bli-

blis, privatisque conviviis; ut abhorreant  
 ab usuris, a fraudandi studio, ab amore pecu-  
 niæ, a sæcularibus negotiis, ab ambitione ho-  
 norum, ab æmulatione, ab odio, a dolo, a  
 fraude, aliisque generis ejusdem. Necessum  
 est, ut scæminarum frequentiam vitent, ut  
 caste vivant, ut senioribus, superioribusve  
 obediant; necessum, ut psalmis, hymnis,  
 canticis incumbant, & in pascendo grege Chri-  
 sti pabulo vitæ, & disciplinæ insudent. Quum  
 ergo Sacerdotum ordinatio ad unos Episcopos,  
 unumque pertineat Pontificem; investigent  
 ipsi, num hisce præditi, qui ordinentur Sa-  
 cerdotes, qualitatibus sint, nec ne; ubi enim  
 istæ desiderentur, si eos dimittant, rem agent  
 egregiam; & hac in re distant Sacerdotes in lege  
 naturæ a Sacerdotibus in lege gratiæ; in lege  
 namque naturæ, uti & in Mosaicæ Sacerdotes  
 fuerunt ex genere, non ex electione constitu-  
 ti; Rabini enim in *Cap. 25. & 27. Genes.* ante  
 Sacerdotium Aaronis Primogenitos Hebræorum  
 jure primogenituræ, & Sacerdotalem vestem,  
 & dignitatem, & jus offerendi Deo una, cum  
 duplici paternorum honorum parte habuisse  
 adnotant; at vero in lege gratiæ una ordina-  
 tio ab Episcopis facienda facit presbyteros.

*De Diaconis, & Subdiaconis*

## CAPUT DECIMUM.

**D**iaconatus nomen non aliud, quam Mibi-  
sterium significat; Diaconus enim succurrit  
ad Sacerdotibus subservendum ministerio; id-  
circo non aliud Diaconi officium est; quam  
operam Sacerdoti in rebus pro consecratione  
subministrandis præstare; quare debent ei vel  
sacrificanti; vel baptizanti adstare; oblationes  
quoque inferre; aliaque disponere, & compo-  
nere mensam Domini; ac vestire; crucem fer-  
re; Christi quæ Evangelium prædicare; Unde  
eorum officio; qui Diaconatum in locum Le-  
vitarum successisse adnotat; verissima est;  
nam enim ex Deo ipso iussu Sacerdoti Legis  
antiquæ ministrabant; *Numeri. cap. 1. v. 9.*  
Debet autem Diaconus esse annorum XXIII.  
ita Concilium Trid. *de reform. sess. 23. Cap. 5.*  
Debet de eius doctrina; moribus; ac genere  
constare. Sed hæc facillima sunt.  
Grædus ad Diaconatum Subdiaconatus est;  
nec nisi tulerit ordine Diaconatus ante Sub-  
diaconatum confertur; ad Subdiaconi officium

per-

pertinet Calicem, & Patenam ante altare Christi deferre, Levitisque tradere, ac ministrare, pertinet iis tradere urceolum, & aquam ad Sacrificium destinatum, uti & eam pro lavandis ante altare manibus porrigere; Subdiaconis certa quoque Doctrina requiritur; requiritur quoque certa ætas a Trident. Concil. Sess. 23. de ref. Cap. 5. definitum.

### *De Minoribus Ordinibus*

## CAPUT ULTIMUM.

**A**B Ordinationibus majoribus ad minores descendimus in quatuor ii sunt, primus est Ostiariorum, alter est Lectorum, tertius Exorcistarum, quartus denique Acolythorum, sive Sæctatorum: de hisce omnibus per pauca dicamus, videamusque in primis quædici de Ostiariis possunt. Ostiariorum disciplinam antiquissimam esse, nemo nescit; vel enim vetustissimo Hebræorum tempore Ostiarii isti aderant מְשִׁמְרֵי scilicet in portis, vestibulisque tabernaculi adsta-

adstarent, hosque ex Sacro Ordine fuisse Davidis sententia docet, in libris namque Prætermissorum legitur: *Juxta præcepta quoque Davidis novissima supputabitur numerus filiorum Levi a viginti annis, & supra, & erunt sub manu filiorum Aaron in cultum Domus Domini, in vestibulis, in Exedris, & in loco purificationis, & in Sanctuario, sicut & in Arca.* Et apud Ethnicos illud ipsum Janitorum ministerium, cum profanis non liceret sacris quibusdam interesse, cernimus observatum; ideo & apud Græcos ad sacrificium accessurus Sacerdos ante quaerebat, *quis hic? ris risit*; respondebant autem qui Sacris intererant, *multi, & boni*; & dum ratiocinari vates volebant, afflatumque Divinum advenire sentiebant, clamabat minister, uti scribit Callimachus Hymno 2. qui est in Apollinem, *exeat, exeat qui est impius*; quod & adoptavit Virgilius: *Procul o, procul esse profani*; *Conclamant Vates*. Et ut Plutarchus de Superstitione scribit, sit Ara detestabilis per servum, nec sunt communicanda ea, quæ Sacrorum sunt, latronibus; quapropter in Chæroneæ Sacerdos Iorum præfatus tibus ædium sacrarum Matutæ, idest Leucotheæ tenens clamabat, *servum non ingredi, non*

atho-



*atholam* ; apud Magos Lentiginosi ; qui elati  
revixerant, quibusque viventibus exequiæ factæ  
fuissent, velut profani submōvebantur ab aris ;  
apud Germanos, qui scutum in acie amis-  
sent, sacris interesse non poterant ; apud Egy-  
ptius subulcis omnibus templa interdicta ; apud  
Scythas iis, qui hostem nullum interfecissent in  
acie, libare non licebat ; sed hæc, quæ anti-  
quissima sunt, mistamus. Ostiariorum in Ec-  
clesiis nostris officium est claves Ecclesiæ cū-  
stodire, januas claudere, & aperire, fideles ad-  
mittere, infideles autem & excommunicatos  
ingredi prohibere ; sunt & publicam pœnitem-  
tiam agentes ex disciplina Ecclesiastica per  
totam quadragesimam per hōsce ab Ecclesia  
pellendi . Quapropter Laodiceum Concilium  
*in Cap. 43.* non oportere Ostiarios vel brevi  
temporis intervallo ab Ostiis abesse commonet .  
Succedit Lectoratus, quī minor Ordo secundus  
est ; ejus officium est lectiones pronunciare, &  
ea, quæ Prophetæ prædixerunt, populo pa-  
lam dicere, *Cap. perleſtis dist. 25.* Ordinis hu-  
jusce officiiq̃ue vestigium in Hebræorum Sy-  
nagoga ex lege Mosaica cernimus ; mos enim  
erat receptus singulis per annum Sabbathis  
quædam ex lege Mosaica legere, aliamque ex  
Prophetis lectionem ; Lectionem quidem ex  
S                      lege

legē vocantes *Barfa*, ex Prōphētis autem *ba-  
phtarah*.

Sequitur Ordo Exorcistarum, Exorcistæ di-  
cuntur ii., qui potestatem adjurandi Dæmo-  
nia, sive Energumēnos ab Ecclesia accipiunt;  
& hoc officium exorcistarum apud Judæos in-  
valuit, idque ex Apostolorum historia *Actuum*  
19. colligitur; vestigiumque eorum & apud  
Ethnicos cernimus, erant enim quidam, qui  
Dæmonia pellerent, morbosque incantationi-  
bus factos curarent, verum hoc vel simulatē  
vel cultu Idololatriæ contingebat. Postremus  
restat Acolythorum Ordo; sunt illi, qui, dum  
Sacra Mysteria in Ecclesia peragenda sunt,  
vel legendum est Evangelium, faculas, lumen-  
que deferunt, non quidem ad effugandas tene-  
bras, vel ad lucentem solem illustrandum,  
sed ut hocce corporalis luminis symbolo lu-  
men illud æternum significant, eum, inquam,  
qui venit, ut testimonium perhiberet de lu-  
mine, quique lux ipsa est, & qui omnem ho-  
minem illuminat venientem in hunc mundum,  
cujus veritatem Ecclesia Catholica didicit; sed  
& aliud Acolythi adjunctum munus habent;  
hoc eo tendit, ut Diagono ministranti in  
Sacra Liturgia Sacerdoti porrigat urceolos,  
ex quibus vinum, & aqua in Calicem Sacer-  
dotis

dotis infunditur , majorque hicce gradus Lectoris ordine habetur , Lectori namque in Sacramentis Sacra attingere minime licet , Acoly-  
tho licet .

---

*De Bonis , quæ Ecclesiæ Ministris con-  
cedenda sunt , seu de Beneficiis  
Ecclesiasticis*

## DISSERTATIO III.

**Q**Uale sit Christi penes Matthæum x. 7. & seq. circa terrena , fragiliaque bona præceptum Apostolis factum , scio ; *euntes autem* ( ait ) *predicate dicentes , quia appropinquavit Regnum Cælorum ; infirmos curate ; mortuos suscite , leprosos mundate , demones ejicite ; gratis accepistis gratis date , nolite possidere aurum ; neque argentum , neque pecuniam in Zonis vestris ; non peram in via , neque duas tunicas , neque calceamenta , neque virgam .* Scio ; quid scriptum occurrat apud eundem Matth. xix. 21. legimus enim ita a Christo dictum : *si vis perfectus esse , veni*

dei, videri qua habes, & de pauperibus, & habebis thesaurum in Cælo, & veni, sequere me; qualisque sit D. Marci Apostoli phrasis, scio; etenim panes ipsum VI. 8. 9. ita: & præcepit eis (Christus scilicet) ne quid tollerent in via, nisi virgam tantum, ~~non peram, non panem~~, neque in zona as., sed calceatos sandalis, & ne induerentur duabus tunicis. Nimirum hæc omnia animos Apostolorum ejusmodi esse oportere commonstrant, ut quod fragile, quod caducum, quodque terrenum est, non curent, sintque unico in disseminando Christi Evangelio intenti, intenti in extirpandis vitiis, virtutibusque firmandis, intenti in promovenda Religione Christiana, intenti, uno verbo, in mortalibus ad tutissimum æternæ felicitatis portum traducendis.

Hoc tamen non impedit, quominus Ecclesie pastores exigere a fidelibus possint, quæ ad vitæ subsidium necessaria esse videntur; id enim æquitas exposcit, id postulant leges; id præcipit Apostolus I. ad Cor. IX. 4. sequentibus verbis: numquid non habemus potestatem manducandi, & bibendi? quis militat suis stipendiis umquam? quis plantat vineam, & de fructu ejus non edit? quis pascit gregem, & de lacte gregis non manducat? numquid secundum hominem hæc dico? an & lex hæc non dicit? scriptum est enim  
in

*In lege Mōysi : non alligabis os bovi trituranti : numquid de vobis cura est Deo ? an propter nos uniusque hoc dicit ? num propter nos hac scripta sunt ? quoniam debet in spe , qui arat , arare , & qui triturat , in spe fructus percipiendi . Si nos vobis spiritualia seminavimus , magnum est si nos carnalia vestra metamus ?*

Norunt autem omnes , huic muneri primis Ecclesiæ temporibus fideles , si simplices oblationes ministris obtulissent ; satiecisse ; bonorum ergo immobilium , beneficiorumque , ex quibus pastores Ecclesiæ fructus ad vitæ subsidium perciperent , ne mentio quidem fiebat ; tantumque impoſterum memorari in Ecclesia immobilia bona , memorari Beneficia , de quibus nunc sumus disputaturi , cœperunt . Scio , materiem hanc admodum vastam , & perdifficilem esse ; scio a perpaucis apte , & uti par est , fuisse pertractatam ; ut facilis fiat , statutis certis generalibus regulis , præceptisque curabo ; & quidem in primis de origine ; deque iis , quæ ad eorum naturam , & qualitatem spectant , disputabimus ; paucisque deinde præcipua , quæ ad hanc materiem pertinent , distinctis capitibus describemus , ultimoque loco , ut res numeris omnibus absoluta dicatur , quæ dici de Patronatu possunt , delineabimus .

*De Origine, Natura, & Divisione  
Beneficiorum.*

CAPUT PRIMUM.

**N**ON decet, uti dixi, Ecclesiæ, Christi-  
que ministros mendicos esse, omnique  
subsidio, quod ad vitæ pertinet cultum, sub-  
sidiumque, egere; nam a Divino cultu pro-  
movendo, a promovenda spiritali fidelium  
utilitate removerentur; vel Christus enim,  
ipse, ut ait S. Augustinus. in *Sermone de com-  
muni Clexig. vita*, suos habebat loculos a fide-  
libus oblatos conservans; eosque & suorum ne-  
cessitatibus, & aliis indigentibus distribuens,  
a quo primum Ecclesiasticæ pecuniæ formam  
accepisse idem S. Augustinus, asserit, in *Cap.  
habebat cap. 12, quæst. 1.* Expediit ergo Eccle-  
siæ ministros certa fortunæ bona, quibus suæ  
succurrant necessitati, tenere; inde est, ut  
antiquissimis Ecclesiæ temporibus permulti  
Fideles sua venderent prædia, pretiumque  
Apostolis, quo suæ succurrerent necessitati,  
elargirentur, pretium; inquam, prædia namque  
immo-

immobiliaque quæcumque bona tunc temporis Ecclesia ( uti superius notavi ) velut Collegium illicitum nequaquam poterat possidere . Constantinus Magnus , qui Ecclesie pacem , libertatemque donavit , primus fuit , qui eidem amplissimam immobilia bona possidendi fecit facultatem , quique eam copiosis , uberrimisque largitionibus locupletavit : primus fuit , qui ceteros hæc in re suo prævit exemplo . Hæc tamen rerum , bonorumque Ecclesie relictorum possessio Clericorum animos divina observatione devictos olim non distringebat ; communem enim agebant vitam , omniaque bona illis erant communia ; & ne se negotiis sæcularibus , terrenisque rebus immiscerent , hæc Ecclesie bona per oeconomicos administrabant , eorumque dispensatio ab Episcopo fiebat , resque universa in quadruplicem partem dividebatur , prima Episcopo , altera Clericis , tertia Ecclesiis aut ædificandis , aut reparandis , quarta pauperibus erat destinata ; verum , tepescente impollentem Clericorum fervore , fere hæc omnia cessarunt ; soluta enim vitæ communio fuit , divisaque singulis Ecclesiastica bona , Beneficiae fuerunt : sed hæc , quæ notissima sunt , mittamus , describamusque beneficiorum naturam . Hæc eo in primis

tendit, ut perpetua sint; id suadet Apostolorum doctrina; suadet antiquissima Ecclesiæ disciplina, suadent S. Ecclesiæ Patres, genuinique qui sine fūco veritatem amant, Scriptores, suadent Pontifices, suadet denique Fundatorum voluntas; eo tendit secundo, ut unum beneficium inter plures non dividatur, hoc enim universæ Ecclesiasticæ leges indiscriminatim, absoluteque prohibent, prohibetque etiam ipsa fundatorum, erectorumque voluntas; eo denique spectat, ut plura beneficia uni Clerico non concedantur. Quemadmodum enim Aristoteles *lib. 2. politic.* in Republica bene constituta fieri sine ejus læsione non posse putat, ut unus, idemque homo plures gerat magistratus, & secundum Civilis disciplinæ regulas Romanis legibus cautum est, ne quis eodem tempore duos honores gerat *l. 17. §. 4. ff. ad municip. & de incolis*, vel duplici militia fungatur *lib. 5. cod. qui milit. pass.* aut in duobus Collegiis censeatur *l. 1. §. ult. ff. de Colleg. & Corp.* ita etiam priscis Ecclesiæ Canonibus, nemini licere duobus, plurave beneficiis consequi sine ulla beneficiorum distinctione statutum est; in Canone nempe *15. VII. Synodi*, quæ secunda Nicæna dicitur; *Clericus* (ibi legitur) *in presenti tempore non consuevitur in duobus*



*Uti Ecclesiæ, item in Can. 10. Concilii Calcedonenſis, & aliis Catholicæ Eccleſiæ Conſtitutionibus Can. Sanctorum diſt. 10. Can. unio. cauſ. 16. quæſt. 3. Can. per Laicos cap. 16. q. 7. can. cum ſingula diſt. 89.* Hujus autem prohibitionis inducendæ graviffima ſuppetunt argumenta: primum eſt divini cultus imminutio; quum enim, ſi plura uni Clerico beneficia concedantur, exinde neceſſario fiat, ut nonnulli miniſtri Dei divitiis affluant, nonnulli vero egeſtate premantur, ac jaceant, & ut Divi Pauli phraſim 1. ad Corinth. adoptem, uni ebrii ſint, alii vero eſuriant, neceſſario conſequitur, ut primi unis divitiis ſervientes Dei cultum promovere negligent, ſecundi vero, quum ſiſ ad victum neceſſaria deſint, promovere non poſſint; alterum ad ambitionem, ac avaritiâ refertur; ſummam enim ambitionem, turpiſque lucri cupiditatem eſſe plura beneficia affectare colligitur ex can. 1. cauſ. 21. quæſt. 1. ex Cap. 5. & 18. de prebendis, & dignitatibus. Singula officia ſingulis beneficiis annexa eſſe, uni plura conferri beneficia non poſſe, evidentiffimum quoque argumentum eſt; quid ſi dicamus, omne beneficium perſonalem reſidentiam, perſonaleque officium expoſcere? an non id ſimpliciſſimum eſt prohibitæ plurali-

litatis beneficiorum argumentum? quum enim beneficiarius personalem residentiam, personalemque officium eodem tempore in diversis, dissitisque Ecclesiis præstare minime possit, an non exinde aperte prohibitum esse beneficiorum pluralitatem colligitur? Sed & beneficiorum fundatio, ac institutio hanc pluralitatem prohibitam esse commonstrat, quum enim eo hæc institutio tendat, ut plures Ecclesie Ministri constituentur, certe, dum unus, plura occupat beneficia, Ecclesie Ministrorum numerus contra Beneficiorum institutionem, intentionemque Fundatorum minuitur.

Posse tamen quempiam, ut plura obtineat beneficia, dispensari, certissimum est, sed certæ concurrant qualitates, & circumstantiæ, quæ omnia absurda ex beneficiorum pluralitate fluentia abluant, necessum; quemadmodum exempli gratia contingeret, si de uno beneficio, quod adeo tenue sit, quod ad vitam sustentandam minime sufficiat, tractetur, hoc enim in casu Concilium Tridentinum illud possidenti alterum conferri posse decrevit; ea namque absurda, quæ gravissima esse diximus, hocce in casu cessant.

Delibata origine beneficiorum, earumque natura, sic defini: beneficium potest, ut sit

per-

*perpetuum jus fructuum, quorumcumque percipientium ex bonis Ecclesiasticis propter spirituale officium, Ecclesiastica auctoritate constitutum.* Definitio paucis quidem comprehensa, quæ tamen plura continet; in primis enim Ecclesiasticum officium esse beneficii fundamentum, commonstrat, sic ut nullum beneficium sine officio esse dicatur; secundo beneficium perpetuum esse designat; nullum denique beneficium dici, nisi Ecclesiæ accedat auctoritas, egregie ostendit. Beneficiorum divisio multiplex est; alia majora, minora alia dicuntur: majora a minoribus ex collatione distinguuntur; rursus alia sunt curam animarum habentia, alia non; curam animarum habentia sunt ea, quibus onus Sacramentorum ministrandorum, eaque omnia, quæ ad spirituales fidei utilitatem conducunt, peragendi adhaeret; curam vero animarum non habentia ea esse dicuntur, quorum præfecti horis Canonicis tantum dicendis addicti sunt; tertia beneficiorum divisio est, ut alia regularia, sæcularia alia dicantur, hæcque plerumque talia ex foundationis præscriptis censentur. Regularia regularibus, sæcularibus sæcularia debentur; interdum tamen sæcularia a regularibus, & e converso regularia a sæcularibus legiti-

ne possidentur ; quid enim si quadragenaria præscriptio producatur , si producatur titulus , idest institutio , & bona fides ? alia sunt , quæ dantur in titulum , alia quæ dantur in commendam , quæ ad quoddam tempus alicui , donec electio possidentis in titulum fiat , conferantur .

Commendarum usum rebus Ecclesiæ , ejusque utilitati conducibilem in pessimum degenerasse abusum , nemo mentis compos , quique apprime Historiam Ecclesiasticam calleat , negare potest ; sed deterius interim ratiocinari non licet ; si namque bonæ omnia , quibus Deus O. M. homines cumulavit , rejiciendæ sunt propter perversum hominum usum , nullum in orbe supererit , quod de malorum genere horribile , ac pertimescendum non fiat . Serpentem æneum , quem erexerat in deserto Moyses , ut ejus conspectu vulnera Israelitico populo serpentium moribus inflicta sanarentur , amovere , deturbareque necesse fuit , ne idolatriæ captaretur occasio . Ejusmodi ratio fuit Commendarum ; nam quæ prima fronte sanctæ , tuendisque Ecclesiæ bonis conducibiles , necessariæque visæ fuerunt , iisdem dissipandis , inque pravos usus convertendis idoneæ lapsu temporis factæ sunt ; adeo ut co-

ada-

ad alii Pontifices fuerint, ut prohiberent, ne beneficia impofterum certis personis in Commendam concederentur.

Sunt hæc, quæ mihi pauca de Origine, natura, & divisione beneficiorum videbantur esse dicenda, Num quid restat, quam ut alia, quæ ad beneficiorum materiem pertinent, ex ordine dicam?

### *De Collatione Beneficiorum*

## CAPUT SECUNDUM.

**S**unt certa in Jure Civili officia; quæ & committi non nisi certis possunt personis, & concedi non nisi a quibusdam queunt; & in quibus concedendis certi adhibeantur modi; necessum est: hoc plane & in Jure Pontificio contingit; sunt enim & certa officia, in quibus concedendis hæc omnia servantur, attendanturque; necessum est: neque est, cur hujusce rei probandæ causa remotissima conquiramus exempla; beneficia namque, de quibus disputamus, ad hujusmodi officia bellissime referun-

ferantur; hæc enim concedi non nisi personis quibusdam possunt; non nisi certæ personæ ea possunt conferre; certi denique modi in iis conferendis requiruntur. Eorum conferendorum modos optimos esse agnoscimus, si canonicè, id est secundam legem Ecclesiasticarum præscripta conferantur, eas personas beneficiorum accipiendorum capaces esse dicimus, si ea omnia habeant requisita, quæ ex legum præscriptis sunt necessaria; hæc omnia in ordine, in legitimis moribus, in scientia, in ætate, in qualitate consistunt; in primis, inquam, in ordine; non tamen omnia beneficia eundem ordinem exposcunt, aliquando enim vel simplex sufficit Tonsura; ergo si tertium necessarium ordinem quis non habeat, obtinere beneficium non potest; uti non potest, qui præditus honestis moribus non sit, vitamque non ducat honestam; quam Clericis necessariam in *Capite de vita, & honestate Clericorum*, monstravi. Ad scientiam quod spectat, paulo major in Beneficiariis quam in ordinandis requiritur, potissimum in Parochialibus Ecclesiis; agitur enim de Parochis, qui gregem Christi pascere vitæ pabulo, & disciplinæ tenentur. *Atque* quæ in beneficiariis pernecessaria est, pro varietate, & Ordinum, &

Bene-

Beneficiorum varia est, hancque Tridentinum Concilium definivit. Qualitas denique, quam etiam in Beneficiariis dicimus necessariam ex iis, quæ de Ordine diximus, colligi bellissime potest; quoniam enim qui insigniri Ordinibus non potest, nec obtinere possit beneficia, necessario inde fit, ut eæ qualitates, quæ quempiam impediunt, quominus ordinari possit, impediant quoque, quominus obtinere possit beneficium.

Nunc si personas, quæ beneficia possunt conferre, contemplemur, seu quidam ea concedere possint, investigemus, ordinatum eorum collatorem, præcipue si ad antiquissima tempora, quibus sacra Ordinatio à beneficiorum collatione non distinguebatur, animum intendamus, Episcopum esse respondemus. Sed quoniam juxta antiquas Ecclesiasticæ disciplinæ regulas Episcopus in rebus Ecclesiæ gerendis sui Cleri consilium adscire, ne quid cæteròquin minus consulto fieret, adstringebatur, inde est, ut & jam pridem Episcopus in beneficiorum collatione sui Cleri consensum requireret, quapropter egregie Alexander III. in *Cap. q. de his, quæ fiunt à Prelato sine consensu capis.* sequentibus utitur verbis: *Apostolica auctoritate prohibemus, ne Abbates, Abbatissas, vel alias*

*alias personas Ecclesiasticas sine consensu, vel consilio Canonorum suorum instituere, vel destituere aliqua de cetero ratione præsumpsit.* Circa XII. Ecclesię sæculum prætereundum cæpere Capitula, ab ipsis unis in rebus Ecclesię gerendis, proinde & in collatione beneficiorum Episcopum petere consilium teneri; summaque difficultas, qua Clerici in unum conveniendi ob maximum eorum numerum detinebatur, multum hisce Cathedralium Ecclesiarum Capitulum præventionibus detulit. Labentibus autem sæculis quibus vitæ communio toties tentata abrupta penitus fuit; quibusque proventus Episcopi a Capituli bonis separari cæperunt; etiam collatio bonorum Episcopum inter, & Capitulum, velut inter Ecclesię bona connumeranda divisa fuit; divisioque hæc pro varietate locorum varia facta fuit.

Eæ tamen beneficiorum collationes, quæ ad Episcopum spectant (ut ab iis, quæ ad Capitulum pertinent, abstinere) non unius generis sunt; sunt enim aliæ liberæ, aliæ vero necessariae dicuntur, Liberæ sunt, ad quas, nemine impellente, sponteque Episcopus devenit. Necessariæ vero sunt eæ, per quas collator certis personis, velit, nolit, beneficium conferre tenetur; quid enim si quis ex gr. ius

Patro-



Patronatus habeat , Clericumque dignum in beneficio instituendum præsentet ?

Quum maxime Ecclesiæ interfit , ne Christi fideles detrimentum in via salutis æternæ patiantur ; quum ejus interfit , ne lupus rapax dominicum gregem invadat , ac devoret , apposite intra certum temporis spatium beneficia esse conferenda a Lateranensi Concilio statutum fuit , nempe intra sex menses beneficia minora , intra trimestre vero beneficia majora , dignitatesque majores esse conferendas . Hæcce beneficiorum distinctio ex *Cap. 2. de Concessione præbende* , & ex *Cap. 41. de electione* colligitur ; hocce autem trimestre , vel semestris hoc non a die vacationis , sed a die notitiæ Innocentius III. in *Cap. 3. de supplenda negligentia prælatis* & *Cap. 5. de concess. præb.* optime , justissimeque decrevit . Trimestre autem , aut sex mensibus pro ratione beneficiorum elapsis , ni justum impedimentum probetur , collatores excident jure suo , adeo quidem ut , si nihilominus beneficia conferant , collatio isthæc irrita declaretur *Cap. 3. & 5. de supplenda negligentia prælatis* . & ad eorum Superiores devolvatur .

Non una tamen Prælatorum negligentia beneficiorum impedit collationem ; reservatio-

T

nem

nem enim jungimus ; & mandatum ; reservatio beneficiorum dicitur , quando quis sibi beneficium conferendum reservat ; fitque a Summo Pontifice , aut ejus Legato . Celebris est reservationum divisio inter eas , quæ sunt in Corpore juris clausæ ; & inter eas , quæ extra Corpus dicuntur ; extra Corpus juris reservationes generales continentur , quando scilicet Summus Pontifex suæ collationi dignitates majores in Cathedralibus , Metropolitanisque Ecclesiis reservat . In Corpore juris unica tantum generalis reservatio invenitur ; nempe beneficiorum , quæ in Curia Romana vacare dicuntur , personarum videlicet commorantium decedentiumque in Summi Pontificis comitatu ; hæc enim a summo possunt Pontifice intra mensem , & postea ab Ordinariis conferri . Sed hoc jus ad beneficia personarum curialium porrectum impofterum fuit ; eorum scilicet , qui extra Curiam mortui proponantur , peregrinationis , infirmitatis , vel recreationis causa intra duas legales diætas absentes , item ad Nuncios Apostolicos a Curia abeuntes , vel ad Curiam Romanam redeuntes ; iterumque porrectum ad alia fuit , quæ apud Gravinam in foris juris Pontifici institutis recensentur .

Mandatum autem Apostolicum est *omne rescriptum* , per quod Summus Pontifex aliquem *de certo beneficio provideri jubet* , & mandat . Hocce mandatum magnæ ab initio vis , efficacixque non fuit ; Pontifices namque a principio monitorias primum litteras Ordinariis collatoribus dabant , iisque , quasi precibus Ordinarios , ut beneficia mandatariis conferrent , commonebant ; deinde vero , quum litteras monitorias ab Ordinariis contemni , negligique viderent , præceptorias adinvenerunt , iisque illud ipsum absolute præcipiebant . Sed quando nihilominus litteræ istæ contemnebantur , inventæ executoriæ fuerunt ; iisque id executoribus , ut Ordinarios ad conferendum compellerent , mandabatur . Per hoc itaque mandatum alicui a Romano Pontifice jus ad vacatura beneficia datur ; hæc autem mandati prærogativa passim Romano Pontifici in recognitionem juris sui ac potestatis ab Interpretibus tribuitur ; alioquin enim , si rem per se absolute , & in abstracto contempleremur , mandata de providendo de beneficiis , anteaquam vacent , odiosa sunt , tum propter ambitionem eorum , qui postulant , tum quia funestum , & ominosum est viventis beneficium impetrare

*Cap. quævis de prebendis in 6.* Istæ tamen re-

servationes; mandata isthæc de providendo a Concilio Tridentino *sess. 24. de res. c. 19.* fuerunt prorsus, penitusque sublata.

— Possem de beneficiorum reservationibus, deque Apostolicis ad vacatura beneficia mandatis adhuc permulta tradere, sed quoniam hoc præstitutos limites transcederet, pauca delineasse contentus supersedendum existimo; interea si plura scire curiosus velis, adire Rigaltium de Regulis Cancellariæ potes.

*De Resignatione, sive Renunciatione  
Beneficiorum.*

**CAPUT TERTIUM.**

**R**esignare, si proprie accipiatur, nihil aliud est, quam id, quod signatum est aperire; *l. 6. quemadmodum Testamenta aperiuntur, l. 2. ad legem Corneliæ de falsis §. sed & si quis instit. de militari testamento*; si vero metaphorice usurpetur, resignationem cum renunciatione confundere placet, ita enim in corpore juris Pontificii usurpatur, dico in *Cap. 26. de Simoniæ Cap. 4. de his, quæ vi, metusve causa* sunt.

*sunt* ; *Cap. cum pridem de pactis* ; *Cap. 13. de renuncias. ex.*

Hæc potro antiquis Ecclesiasticæ disciplinæ regulis prohibita penitus erat ; nonque iis tantum ; qui Sacerdotio digni videbantur ; verum etiam indignis ; idque ex Epistola Canonica Cyrilli Alexandrini belle colligitur ; id autem ; ni fallor ; ex beneficiorum perpetuitate profluxit ; perpetuitas namque isthæc suadebat ; ut nolentes & inviti ; & quasi mancipati Ecclesiæ ; cui semel fuerunt addicti ; in ea manere perpetuo adstringerentur ; quapropter ; si ad resignationem cessionemque beneficii devenissent ; tamquam fugitivi ad propriam redire Ecclesiam compellebantur ; *Can. 15. Concilii Nicani* ; & *Can. 1. Concil. Sardienfis.*

Ab hac tamen disciplina paulatim ; annuente ; conniventeque Ecclesia ; idest ; uti loquitur Pontifex in *Cap. quoniam de filiis presbyt. in collect. secunda* tolerante ; recessum fuit ; caute tamen ; & raro ; & non nisi rationabilibus ; gravibusque de causis ; ut inquit Petrus Damiani *Epist. 9. lib. 1.* & quasi extorquente aut necessitate aut utilitate Ecclesiæ ; cujus ubique ratio habenda est ; id concedendum decernitur ex *Cap. 1. ex.* & ex *integra decretali de renuncias.* & *Can. mutat. Caus. 7. quest. 1. qua-*

pter, si renunciationem cognitionem causæ, quæ multiplex esse potest, desiderare definiam, non errabo. Vide *Can. 9. & 10. de renun. ex. & Can. 14. Apostolorum*.

Renunciatio sic definiri commode potest, ut sit libera, & spontanea juris sui; accedente Superioris consensu, & auctoritate dimissio, siue cessio rite facta; dicitur libera, & spontanea juris sui, renunciantis namque liberum requiritur voluntatis arbitrium. Si namque doli suspicio subit, vel vim, metumque beneficii cessionis causam dedisse constet, admittenda non erit, aut admissa facile rescindetur; vis enim, & metus arbitrium, voluntatemque tollit; indeque est, ut, quando alicui committitur, ut alicujus beneficii resignationem accipiat, hæc clausula, attenteque providens, ne in resignatione prædicta doli, vel metus, aut aliqua simoniacæ labe intervenierit, apponatur. Additur accedente Superioris consensu, & auctoritate dimissio; egregie; renunciatio enim est actus legitimus, a jure scilicet excogitatus ritu certo, solemnique constans; fac ergo renunciationem fuisse sine Superioris auctoritate factam, nihil certe actum fuisse ducemus, veluti si fructuarius cesserit in jure, id est usumfructum non proprietario, sed extraneo cesserit; tunc enim

ex

ex §. *finitur institut. de usus*, nihil agitur ; nihil in persona extranei ; nam, ut Paulus loquitur in *lib. 3. Sentent. tit. 6. in jure cessione* amittitur usufructus quoties domino proprietatis eum fructuarius in jure cesserit ., Nihil quoque in persona proprietarii , fructuarius namque cedere usumfructum præsentis tantum proprietario potest , adhibitisque solemnibus, quæ ex Cajo Juris Consulto Boetius in topicis Ciceronis exposuit . Nimirum, quemadmodum hac cessione contra ordinem juris facta non amittitur usufructus , ita nec renunciatione minus solenni amittitur beneficium ., Sed nec omnis renunciatio, licet adhibitis solemnibus, legitimeque facta proponatur, valebit ; oportet enim, ut etiam libello, vel supplicatione in scriptis fiat, idque docet D. Gregorius *Epist. 51. lib. 7.* hicque libellus ab Episcopo, qui Episcopatu renunciare volebat, olim offerri Provinciali Synodo consueverat ; idque ex Epistola Canonica Cyrilli Alexandrini ad Antiocheum Patriarcham colligitur, At verso sensim, sensimque obtrahit, ut peracta in Synodo renunciatio, ni Summi Pontificis accederet confirmatio, irrita penitus haberetur *Cap. 2. de renunciat. in prima collect.* progressu autem temporis, inconsultis provincialibus

Synodis renunciationes omnes, quasi inter majores causas connumerandæ, majoribusque sub auspiciis expediendæ forent, pertinere ad unum Pontificem Summum cœperunt.

Quum nulla sit regula tam generalis, quæ omnes omnino casus complectatur, sed certa fere semper detur exceptio, & hoc quoque in præsentî beneficiûm renunciatione obtinet. Esto enim generalis regula sit; beneficiûm, nisi Superioris accedat auctoritas, & consensus, renunciari minimè posse; esto regula sit, si nihilominus renunciatur, invalidam, nulliusque momenti renunciationem fore, ab omnibus tamen Pontificiis Juris Interpretibus certa agnoscenda exceptio videtur: quid enim si beneficiûm litigiosum proponatur? quid si Clericus renunciandi potestatem, facultatemque Monasterium arctioris, sanctiorisque vitæ ducendæ causâ ingrediendi ab Episcopo petierit, hæcque illi denegata facultas fuerit? quis utraque in specie, invito, reluctantèque Episcopo beneficiûm valide renunciari posse non videat? Vide *Cap. 3. de his; quæ fiunt a majori parte Capit. & Cap. 18. de reg. ex. juncto Can. duæ sunt c. 19. q. 2.*

Sed jam quibus ex causis concedi a Superiore beneficii renunciatio possit, videamus: pri-



prima est Conscientia criminis, quod scilicet etiam post poenitentiam Ordinis impedit executionem, quale est Simonia; homicidiique crimen *Cap. 21. de accusat. ex. Can. miror dist. 30. Cap. 7. de Simonia ex.* Hæresis quoque inter ea crimina computatur *Cap. 9. de hæret. ex.* item si quis interdictus in Ecclesiasticæ disciplinæ contemptum ad Ordinationem accesserit, eamque obtinuerit, *Cap. 32. §. si autem hos de sentent. excommunic. ex.* Item litterarum Apostolicarum falsarius *Cap. 7. de Crimine falsi ex.* Apostata *Cap. ult. de Apostatis ex.* rursus qui Majestatis crimen admisit.

Alterà causa est corporis; mentisque infirmitas; non utique senectus, nisi extrema sit; impotentemque Clericum ad munus suum obviandum adducat. Sic enim Petrus Damiani a Nicolao Pontifice enixis precibus petit; ut suæ extremæ senectuti cessione juris Episcopatus parceret. Sic Narcissus Episcopus Hierosolymitanus quum decrepitam propter ætatem obire amplius munus suum non posset, & coadjutorem assumsit, teste Niceph. *lib. 5. Cap. 10.*

Tertia causa est scientiæ, litterarumque defectus; hanc enim causam justissimam esse vel ex eo apparet, quod illiteratis, imperitisque  
bene-

beneficiorum collatio vetatur, ita ut, si quis  
literarum imperitus ordinatus, & ad Eccle-  
siasticam dignitatem præventus proponatur, sit  
tamquam indignus *ex Cap. ult. de arate, &  
qualit. præf. ex.* deponendus; ibi enim Ho-  
norius III. Episcopum Calinensem ob rudem,  
crassamque ignorantiam a Pontificali officio,  
suaque Ecclesiæ regimine amovendum esse de-  
crevit.

Quarta est plebis tumultuantis malicia, per-  
tinacia, scilicet, contumacia, irreverentiaque  
erga suum Prælatum, quæ causa renunciandi  
suae Sedi suoque officio fuit Meletio Magno  
primo Sebastoe in Armenia Episcopo sub Con-  
stantio, uti scribit Theodoretus *lib. II. hist.  
Eccles.*

Quinta est grave Scandalum *Cap. 10. §. pro  
gravi de renuntiat. ex.* Scandali enim, offen-  
diculique vitandæ causa renunciatio permit-  
tenda videtur; nam & hac ratione etiam ele-  
ctio infringi, rescindi que potest *Cap. 15. ex. de  
prob. & dignit.*

Sexta est personæ irregularitas *disto Cap. 10.  
§. persona vero de renunc.* est autem irregulari-  
tas, impedimentum canonicum, ex facto vel dese-  
ctu proveniens, quo quis vel in susceptis ordini-  
bus ministrare, vel ad superiores ascendere pro-  
hibe-

hibetur; hanc unusquisque irregularitatem incurret, qui eas omnes animi, corporisque dotes, quæ ab Apostolo in *Cap. 3. prima ad Timotheum*, & in *Can. unum Oratorum* dist. 33. juncto *Can. quoniam* dist. 48. desiderantur. Septima causa est, si absque præsentis mortis periculo in Episcopatu commorari non liceat, neque ad eum liber, securusque pateat accessus, *Cap. 9. de renuntiis*, ex qua tamen in re distinguendum: neque enim pro quolibet persecutionis incursum Ecclesiam deserere, iustum est, *Can. temporis qualitas can. suggestum*, *Can. sciscitaris*, *Can. aduersitas*, & *Can. ult. caus. 7. quæst. 1.* idque egregie D. Ambrosius commonstrat: hic enim cum ex Justinæ Imperatricis mandato de Ecclesia iuberetur exire, *Hoc ego* (ajebat ad Benevolum Quæstorem) *sponte non faciam, ne lupis sepia vinum tradere, & prodere videar; hic si placeat, occide, hoc totum mortem pro me suscipiam voluntate*. *Nicephor. lib. XII. Can. XIX.*

Sunt porro isti certi, determinatique casus, quibus Episcopatum, Ecclesiasticarum dignitatum, beneficiorumque cessio admittenda esse videtur. Si ergo aliis de causis cessio affectetur, puta humilitatis, meliorisque vitæ ducendæ causa, aut laboris angustia, aut denique vitæ contemplativæ desiderio, siue etiam

— *liber*

in-

inspiratione privata , posulantibus favendum  
 non esse Innocentius III. in *Cap. 10. vetfic. nec  
 pars de renunc. ex. rescripsit* . Et quidem egré-  
 gie ; neque enim privata utilitas , quæ in memo-  
 ratis causis cernitur , publicæ Ecclesiæ utilitati  
 antepōni quoquomodo potest . Cæterum , ubi a  
 Summo Pontifice ; aut alio Superiore renun-  
 ciandi perita licentia ; obtentaque propona-  
 tur , variate amplius non dicet , & renun-  
 cians ad cessionem omnino compellitur *Cap. XII  
 de renunc. ex cap. 1. eodem tit. in quarta collect.*  
*Epist. 140. lib. 5. Registri Innocentii III.* tum ne  
 Superiori illudatur , tum quia inconstancia ,  
 & levitas , quæ toleratur in Laico , in Ec-  
 clesiastico viro reprehenditur , *Cap. unico eodem  
 tit. de renunc. in Clementinis* ; quare , si Episco-  
 pus , vel Clericus qui causa cognita renuncia-  
 vit ; velit ad Episcopatus curam , Ecclesiæque  
 regimen redire , ei renunciationis obstabit ex-  
 ceptio , præcipue si renunciatio fuerit juris-  
 jurandi religione munita , *Cap. 3. 5. 6. de renunc.*  
*ex. & Cap. 4. de his , qua vi ; metu vñ causa  
 fiunt ex.* Scio prima fronte contrarium videri  
*Cap. 2. de renunc. ex.* ibi enim , qui Canonica-  
 tum ejuravit , idest præstito jurejurando resi-  
 gnavit ; nihilominus in Canonicum recipi pos-  
 se colligitur . Facillimum tamen hujusce dif-  
 ficul-

ficultatis tollendæ suppetit argumentum ; videlicet *ex Cap. 1. de renunc. ex.* renunciationis enim factæ tunc demum obstat exceptio ; quum de privati alicujus utilitate agitur , & commode ; non utique si Ecclesiæ utilitas , aut necessitas illum , qui renunciavit , postulet ; quid quæso clarius ad sincerum , genuinumque hujusce Capituli sensum probe noscendum ? fingenda enim species , opinor , est de eo casu , quo Ecclesiæ aut utilitas , aut necessitas Canonicum , qui religionis jurisjurandi beneficio renunciavit , postulaverit.

An renunciatio fieri per Procuratorem possit , jamdudum Pontificii Juris Interpretes quæsierunt ; utique jure civili actus legitimos fieri per procuratorem non posse certissimum est ; id liquido de adoptione constat *ex l. 25. in fine ff. de adoptionib.* constat etiam de additione hæreditatis *ex l. 90. per Procuratorem ff. de acquir. vel amittenda heredit.* at vero in jure Pontificio actus solennes expediri per Procuratorem commode possunt ; plerumque enim quod jure civili non licet , licet Pontificio jure ; multas enim subtilitates , quas Jus civile agnoscit , Jus Pontificium nescit . Hoc tamen actus Canonici cum jure Civili legitimis habent commune , quod momento temporis perficiantur

neque dilationem ex die; conditionemque capi-  
pant; *Can. quam pio c. 2. q. 2. cap. ult. de pa-*  
*stis ex. cap. ult. de reg. jur. in 6. Cap. 4. de elect. ex.*  
— Omnis renunciatio fit vel pure, vel sub  
conditione *Cap. 7. de rerum permutat.* Pura, vel  
simplex tunc fit, cum quis in manibus Ordina-  
rii beneficium dimittit, sic dicta puræ ci-  
vilis obligationis exemplo; quæ præsentem ha-  
bet effectum, non ad diem, vel conditionem  
suspensum; §. *omnis instit. de verb. oblig.* talis  
enim quoque est renunciatio pura; quum enim  
hæcce renunciatio actus legitimus sit, nec  
diei propterea nec conditionis recipit adjectio-  
nem, neque capere ex die, vel conditione  
diffactionem potest, sed statim perficitur, *Can.*  
*quam pio c. 2. q. 2. cap. ult. de pastis.* Condi-  
tionalis autem renunciationis ea vis est, ut  
non modo ejus effectus, sed actus ipse suspen-  
datur, atque in hoc demum actus purus a  
conditionali distinguitur. Nam ille statim suum  
fortitur effectum; hic vero non nisi existente,  
& impleta conditione, quæ si deficiat, pro  
nullo censetur.

Supra

quo

quo pignus tacitum præsumptum, siue Lege datum vocatur *l. 1. & ult. in quibus causis pignus tacite contrahatur*, quod nempe revera quidem contractum non est, sed Juris intellectu. Quia tacita conventionem initum esse creditur *l. ult. & l. 3. cod. de vit. l. 4. & 7. ff. eodem tit.* & quemadmodum tacitum pignus proprie pignus non est, sed vice tantum pignoris existimatur *l. 1. & 2. Cod. eodem tit.* ita tacita renuntiatio proprie renunciatio non est, viam tamen, effectumque renuntiationis propriæ & expressæ, quæ a renunciante sit verbis ad id conceptis, habet.

Quemadmodum vero qui expresse beneficio renunciavit, variare amplius non potest, ita nec is, qui tacite cessit, redire ad beneficium potest, quin opponas *Cap. 4. de regularibus in 6.* ubi, qui Monasterium ingressus est, posse intra probationis actum ad beneficium reverti, decernitur; qui enim nondum professionis actum emisit, non absolute beneficio renunciasset, sed tunc demum, ubi eum actum emiseric, existimandus est.

*De Pensionibus Beneficiorum*

## CAPUT QUARTUM.

**A**ntiquissimis porro temporibus pensionum Ecclesiasticarum usum incognitum penitus fuisse certissimum est ; huic rei initium dedit *Cap. nisi essent. 21. ex. de prob. & dignitatibus*, cujus sententia elegantissima est : cum duo Canonici de electione Prioris facta in quadam Ecclesia inter se se contenderent, velletque unus præ altero Prior agnosci, ad hanc controversiam dirimendam, finiendamque dati iudices a Summo Pontifice fuerunt ; sed quum res iudiciis hisce admodum dubia videretur, jamque propterea causa plusquam par esset protraheretur, ad eam tandem finiendam iudices delegatos Canonici velut arbitros recipiendos duxerunt ; hoc enim Pontificio iure fieri posse constat ex *Cap. 7. & 12. ex. de arbitris*, & *Cap. 14. ex. de presumpt.* hacque in re dissimile Civile jus videtur, in Iudices enim ipsos compromittere ex lege Julia iudiciorum non licet *l. 9. §. si quis ff. de arbitris, qui arbitrium receperunt* ; ad eam, inquam, de Prioratu quæstionem tollendam delegati iudices ex

CON-



consensu fuerunt arbitri facti ; arbitriumque istud , re maturata , acceperunt ; quid ergo impoſterum ii ? ex bono , & æquo uni Prioratum , alteri certam ſummam ex Prioratus Capituliſque redditibus præſtandam eſſe duxerunt . Hanc definitionem ubi Summus Pontifex compertam habuit , ſibi eam valde ſuſpectam fore propter exempli perniciem pronuntiavit ; ſe tamen ad eam confirmandam ob cognitas circumſtantias moveri dixit , quibus certe deficientibus , non fuiſſet eam utique confirmaturus : hætenus Capituli huiusce ſententia . Ex hoc , uti dixi , penſionum diſciplina ſuum ſumpſit initium , & quaſi fons juris , quo hodie utimur , exiſtimatur . Utinam tamen hocce reſcriptum , ut ut non generalem continens definitionem , ſed ſingularem in gratiam nempe perſonarum memoratas ob circumſtantias prolatum , fere ſimilibus tantummodo caſibus fuiſſet impoſterum accommodatum ; multi enim ( quod deplorandum eſt ) occaſionem peccandi ſumpſerunt , ſummiſque Pontificis decretum temere ad conſequentias ceſſantibus neceſſariis circumſtantiis , extra opportunos limites porrexerunt . Sed hæc mitamus .

Tres potiſſimum cauſas , ex quibus poſſit

supra beneficium pensio imponi, forensis usus agnoscit; prima est; cum inter duos de aliquo beneficio questio movetur; resque revera dubia videtur, tunc enim, ut pax, & concordia inter collitigantes concilietur; solet uni beneficium, solet alteri annua pensio ex beneficii redditibus assignari; quo tamen casu diligenter perpendendum; dispiciendumque est, vera ne, an ficta causa sit; si cuius pensio imponitur; alioquin enim hæc nullius ponderis; momentique credetur; maleque more in fraudem alterius facta existimabitur, *Cap. 31. ex. de rescriptis*; altera causa est, quum quis in gratiam alterius beneficium hocce consilio resignat; ut pars aliqua fructuum, qua se tueatur; habeatque tolerabile vitæ solatium; sibi fervetur. Tertia causa est quum duo beneficia invicem permutare desiderant; cuius unum longe optimius; longeque pinguius sit; tunc enim, ipsis consentientibus, minus, magisque tenue beneficium certæ annuæ præstationi; fructibus ad æqualitatem per nummariam pensionem redactis, redditur obnoxium.

Præter hæc causas sunt & aliæ, quæ iure probantur; veluti cum pensiones debilibus, infirmis, inopibus, vel de Ecclesia beneme-

non meritis conceduntur , *Can. possess. caus. 16. quæst. 1. can. quicumque 66. caus. 12. quæst. 2. Cap. 25. de jure* ; idque iustissimum habet in antiquissima reddituum, proventuumque bonorum Ecclesiæ disciplina fundamentum ; eorum namque pars quartâ pauperibus , & peregrinis juxta disciplinam Canonum ; Ecclesiæque mentem eroganda fuit ; quid si de Ecclesiæ debitis solvendis agatur ? quid si redemptio captivorum videatur facienda ; idque , quod ad id faciendum necessarium est , desideretur ? optimum etiam beneficia pensionibus , quibus id fiat , onerandi suppetit argumentum .

Quum tamen pensionis constitutio , si res mature libretur , sit quædam rescissionis beneficii species ; hanc autem rescissionem Sacerdotum Canonum disciplina prohibeat ; inde est , ut , si de pensionibus constituendis agatur , ex Concilii Turonensis , & Lateranensis sub Alexandro III. cujus hæc in re fragmentum extat in *Cap. 7. de Censibus* sententia receptum sit , imponi eas non posse , nisi eorum auctoritas , qui a jure possunt dispensare , accedat . Quidquid verò sit de ea quæstione , unius ne Pontificis Summi , an etiam Episcoporum intervenire auctoritas possit , passim tradunt In-

interpretes , pensionem auctoritate Pontificis constitutam realem esse , constitutam vero auctoritate Episcopi esse personalem ; hæc opinio , num sit Conciliorum , Sanctorumque Patrum decretis apprimè conformis , num firmissimis hæreat fundamentis , plerique non parùm dubitant , est nihilominus in praxi recepta ; quapropter si de pensione a Summo Pontifice constituta tractetur , ad successores transibit , si vero de constituta ab Episcopis , pensionarii morte finietur.

Olim pensionum quantitas definita , ac collimitata non fuit , sed labentibus sæculis , quum Ecclesiæ Ministri , quo vel sibi , vel suis , Consanguineis faverent , tam excessivis pensionibus beneficiarios gravarent , ut vix iis , unde sustentarent , remaneret , certos stabilire limites , quos quantitas pensionis non excedat , æquissimum visum fuit ; quapropter ad tertiam partem proventuum Ecclesiasticorum restringi pensionis quantitas cæpit ; quid si excedat ? regula , principiumque certum , pensionem non jam nullam , sed reducibilem esse ; si tamen , detracta usque ad tertiam partem pensione , congrua beneficiario portio non remaneat , admittendam pensionem non esse puto ; id æquitas clamat , id spiritus

tus,

tus disciplinæ exposcit. Quamvis omnes, qui disciplinæ Ecclesiasticæ studio frapprime sunt, aperte, ingenueque tradant; pensionum reservationem constitutionemque quid esse, quod delicatum sit, quodque injicere scrupulum possit, (norunt enim ipsi, quæ sit beneficiorum, Ecclesiasticorumve bonorum indoles, atque natura; norunt, quid Sancti Ecclesiæ Patres, quid Summi Pontifices, quid Concilia, quid Scriptores, qui veritatem amant, de usu beneficiorum faciêdo tradiderint;) inde est, ut qui aut pensionem habet, aut optat, quo tuta conscientia vivat, attendere diligentissime debeat, num justa ad obtinendam pensionem subsit dispensationis ut Pontificiæ causa; sæpius enim vel Summus Pontifex gravissimis negotiis distentus fraude petentis circumseptus concedere absque justa causa dispensationem potest; justam autem causam in Ecclesiæ necessitate, justam causam in ejusdem utilitate collocandam puto; hæc est Conciliorum, hæc est SS. Patrum, hæc est Fundatorum eorundem intentio. Quibus modis pensiones extinguantur, jam satis à Pontificii juris Interpretibus definitum est. Primo enim extinguitur pensionarii morte, dummodo, uti supra notavi, de pensionibus

Episcoporum auctoritate constitutis agatur ; secundo per matrimonium pensionarii ; tertio per professionem Religionis ; quarto per voluntariam pensionarii cessionem ; res clara , & aperta ; quid pluribus opus ?

---

*De Jure Patronatus*

CAPUT QUINTUM.

**Q**UOD celeberrimi solent Scriptores , res scilicet , de quibus agunt , a primis initiis ducere , earumque progressum investigare , hoc mihi quoque familiare est , in iis præsertim , quæ difficiliores sunt , nostramque ob suam dignitatem , & excellentiam operam mereri videntur : loquor hic de jure Patronatus , cujus studium suavissimum est , utilitateque uberimum .

Hoc itaque Jus Patronatus antiquis Patrum regulis , institutisque incognitum , consuetudine , ac sæculari lege prius inductum fuit , tandem ab Ecclesia & permissum , & concessum , id eliciente , & quasi extorquente publica Ecclesiæ utilitate , quæ , ut inquit Horatius , *Iusti prope mater est , & aequi* , cujus

con-

contemplatione datum est Patrono homini privato, & Laico, ut Clericus, quem ipse elegerit, & voluerit, ad Ecclesiam vacantem instituatur, & ordinetur ab Episcopo etiam invito, & reluctante, modo is idoneus, iisque præditus qualitatibus, quas Canonum dispositio requirit, reperiatur; *Cap. 14. ex. de-jur. patr.* Quamquam, quo tempore Fundatores hæ præsentandi uti cæperint facultate, magna sit inter Canonum cultores controversia, sæpeque omnes in re definienda labantur, il præsertim, qui abutentes *Can. 16. q. 7.* Jus patronatus a temporibus Gelasii I. qui sedit anno 492. vixitque sub Zenone, & Anastasio repetendum existimant ob id, quod ibi fundatorem jus processionis habere scribitur. Confundunt enim illi jus processionis, quod est juris Patronatus pars, cum eo processionis jure, quod nihil est aliud, quam publicus populi conventus, publica processio, & frequentatio ad Ecclesiam; ille nimirum Canon ad hoc postremum jus, non ad prius referendum existimo. Argumentum præ manibus habeo, simplicissimum. nam & post Gelasium in Concilio Toletano IV. nullam fundatores in conditis Ecclesiis potestatem habuisse legimus in *Can. novarint. c. 10. q. 1.* Itaque Ecclesiam hoc jus agnovisse id

Concilio Toletano IX. *Can. decernimus c. 16. §. 7.* certum est; quin quispiam mihi, ibi jus Patronatus ædificatori Ecclesiæ denegari, opponat; quamquam enim ibi nil juris ædificatoribus Ecclesiæ tribuendum scribatur, illud tamen optimam habet interpretationem; ita scilicet, ut præter jus Patronatus ædificatores potestatem de rebus Ecclesiæ disponendi sibi non adrogent, explicanda res est; certum interim est, usurpatum fuisse ante Pelagii I. Gregorii I. & Justiniani tempora; — sed quando cæperit, non constat: Progressu porro temporis, & ad fundatorum hæredes cœpit jus patronatus descendere; sic ut ipsas Ecclesias (quod erat probrosum) inter sese dividerent, res veluti hæreditarias familiæ erciscundæ judicio, quod inter cohæredes obtinet *l. 1. 2. 34. fam. ercisc.* hucque pertinet *cap. 2. de Jurepat.* in prima collect. decernens, ut omnes hæredes concordia consensu unum eligant presbyterum, qui, uti par est, sit Ecclesiæ inserviendæ idoneus. Sed quid? tantus tandem abusus ablatus, eliminatusque fuit, prohibitæque hujusmodi inter cohæredes divisiones fuerunt *Cap. 1. 2. de Jure Patr.* justissime; indecorum enim erat Ecclesiæ statum ad humanarum rerum vicissitudinem immutari.

Ju



Juris Patronatus definitio facilis est ; nihil enim est aliud , quam *jus rei spiritualis* , quod *cuidam in Ecclesia ejusdem Ecclesie ratione competit adnexum onus habens* ; hoc hisce potissimum acquiri modis potest , donatione , fundatione , idest datione , concessioneque fundi , & soli , in quo Ecclesia construatur , & constructione ipsa , sive ædificatione . Glossographus in *Cap. 3. ex. de jure patronatus* , duos tantum modos , quibus jus hocce acquiratur , recensere videtur , confunditque fundationem cum ædificatione ; quæ tamen subtilius sunt distinguenda .

An ergo fundatio sola , fundi scilicet ; aræque donatio sit modus , titulusque ad jus hocce acquirendum sufficiens , quæritur ; id fore negandum opinor . Neque enim Ecclesiæ libertas , quæ jure patronatus minuitur , tam parvi facienda est , ut , si quis unam Ecclesiæ ædificandæ aræam concedat , idcirco Patronus fiat ; idque eleganter constitutum invenio in *Cap. 3. de Ecclesiis ædificandis , & restaurandis* . Dicam idem , si quis , an sola Ecclesiæ constructione jus patronatus constituatur , quærat ; illud scilicet neminem , ni & donationem adjungat , eadem ratione acquirere . Nec mihi *Cap. 25. ex. de jure pat.* objiciat . Fateor ,  
ibi

ibi per solam Ecclesiæ ædificationem jus patronatus adquiri constituitur, sed ejus verbi *solam* vis debilissima est argumento *l. patronat. Cod. de Operis libert.* ubi liberos solam Patronis reverentiam, obsequiumque debere scribitur, non exclusis ideo operis eis præstandis *l. 29. de operibus libertorum*, crederemque illam voculam *solam* irreptitiam, & apocrypham esse, quamquam & possim rem hac alia ratione expedire, scilicet Jus patronatus tacito jure ex ipsa ædificatione deberi, accedente scilicet dotatione, egregie: quum enim sine ea ædificari Ecclesia nulla possit, adeo ut si ædificetur Ecclesia, tacite dos sufficiens constituta credatur argumento *l. 31. §. quia, assidue de adilis. edict.* ubi Ulpianus ea, quæ moris sunt, & consuetudinis pro cautis, & conventis, ut ut non exprimantur, haberi scripsit, quid ni id verum? Hæcque est Concilii Tridenti in *Sess. 14. Cap. 12.* doctrina.

Si forte destructa, & demolita Ecclesia fuerit, rursumque ex eadem reædificata materia fuerit, quid? an ne jus patronatus perisse dicemus? Quæstio hæc parum eleganter, parumque concinne definierunt Interpretes, hanc tamen paucis finire possum: utique enim prima fronte illud interire, penitusque rueret.

sta-

stabilendum videtur, quippe Ecclesia, quæ non ex eadem materia reedificata, sit nova, non eadem, quæ fuit antea, fore videtur, argumento l. 5. §. 10. §. penult. quibus modis ususfructus amittatur, ubi domo collapsa, vel diruta, quamvis postea restaurata, iisdemque signis restituta, extinguatur ususfructus traditur, tentari tamen potest, æquitatem, utilitatemque, ut Ecclesia non nova, sed eadem intelligatur, exposcere; exposcere propterea, ut jus patronatus remaneat; distinguimus nimirum a stricto jure æquitatem, utilitatemque, rigor utique novam censeri Ecclesiam, jusque patronatus cessare; at æquitas Ecclesiam videri veterem, jusque patronatus subsistere suaderetur, æquitatemque juris subtilitati, rigorque præferimus.

Quid somniaverint Interpretes nonnulli referre stomachum movet, de iis præsertim locis, qui rem universam irregulari distinctione componere, ita ut, si jus patronatus ex dotatione sola competat, jus patronatus, ob id, quod dotalio remanet, non extinguatur, si vero competat ex constructione, cesset. Equidem magis a Jurispatronatus regulis alienum observantibus, jus patronatus, aut ex una dotatione, aut ex una Ecclesia consti-

stru-

structione non adquiri, potest videri? nesciunt ne ex una aut dotatione, aut Ecclesiæ ædificatione jus Patronatus non adquiri? nesciunt ne dotationem cum Ecclesiæ ædificatione iungendam, ac alterum separari ab altero non posse? An quemadmodum ex dotatione, ædificationeque Ecclesiæ jus patronatus adquiritur, adquiratur & præscriptione, usus scilicet, possessionisque diuturnitate, magna fuit olim inter Interpretes juris contentio; sopita tandem a Concilio Tridentino, *sess. 25. de reform. cap. 9.* multiplicatis præsentationibus per antiquissimum temporis cursum, qui hominum memoriam excedat, hoc jus acquiri, & contra Ecclesiam ipsam, & contra Episcopum Ecclesiam volentem liberam decernente.

Hæc definita a Concilio Tridentino quæstio aliam & elegantissimam excipit, & subtilissimam. Finge; laicus iusto titulo, bonaque fide a non vero patrono jus patronatus accepit, quo tempore se adversus verum patronum tueri possit, quæritur; quæstio hæc pendere ex longi temporis materie videtur. Quæ in simili longi temporis materie sit juris Civilis doctrina, scio; novi doctrinam Pauli *lib. 5. sentent. tit. 2.* scio quæ sit doctrina Papiniani in *l. 45. de usurp. & usucap.* scio quid decretum,

tum, scriptumque extet in toto fere titulo *Cod. de usurp. & usucap.* id tamen jus Pontificium respuit, in eoque cautum reperio, longissimum tempus, præscriptionem scilicet 30. aut 40. annos recipere, *Can. inter memoratos, cap. 16. q. 3.* Quapropter, explosa quorundam veterum Scriptorum sententia, hanc questionem ex Juris civilis regulis Sac. Canonum prudentiæ incognitis Juspatronatus a Laico contra verum patronum breviori tempore, quo Ecclesia ipsa præscribitur adquiri, veram esse non posse opinor. Itaque longissimum tempus, quo laicus poterit esse tutus, erit annorum 40. argumentum evidentissimum est, quum enim ea, quæ alicui rei velut adjectitia cohererent, vim plerumque suam ex ea re fortiantur, argumento *l. 2. Cod. de servit. & aqua*, id dubitas? Rite æquisito jure patronatus plura, qui patronus est, jura nanciscitur; hæc ea sunt: 1. potest in Ecclesia instituendum præsentare: pertinet 2. ad eum dignior in Ecclesia inter Laicos locus; 3. ei, si ad inopiam vergat, alimenta debentur, *Cap. nobis de jurep.* id æquitate exposcente, tacitoque ex utraque parte consensu; quum enim Patronus, si Ecclesia corruat, & quasi inops evadat, eam factam rectam restituere, reedificareque re-

nea-

neatur, seque huic overi sentiat obnoxium ; si ad inopiam vergat Patronus, ex tacito quasi consensu, ut ei ab Ecclesia, alimenta præstentur ; quid ni suadebit æquitas ? 4. ædificatæ Ecclesiæ bona possidere ; ne cæteroquin dissipentur, potest ; dic alia ejusdem generis, quæ recensere, memorareque non vacat.

Multiplex iuspatronatus est ; est Ecclesiasticum, & laicale ; Ecclesiasticum est, quod Ecclesiæ, vel Clerico non ratione patrimonii, sed dignitatis competit, *Cap. unico de jurepatr. in 6.* Laicale vero, quod ex bonis laicorum fundatum est, quoque Clericus non ratione dignitatis, sed patrimonii fruitur. Datur & iuspatronatus mixtum, partim scilicet Ecclesiasticum, partim laicale ; datur insuper hæreditarium, quod ad hæredes simul cum hæreditate transit ; datur familiare quod ad eos, qui sunt de familia, pertinet ; datur & ex utroque mixtum. Hæcque quum facilia sint, quid fusius inde immorari ?

Hoc iuspatronatus adquirere omnes Catholici possunt, cujus sint sexus, vel ætatis nil refert ; ergo, qui sunt extra Catholicam, orthodoxamque religionem, adquirere illud non possunt ; clara res est, & simplex, clara est legum Ecclesiasticarum definitio.

Patronorum autem duo sunt genera, alii Laici, alii Ecclesiastici; Laicis Jus patronatus gratiose concessum est, quo Laici ad Ecclesiarum ædificationem invitarentur; Ecclesiastici sunt quibus hoc jus ratione Ecclesię quam habent competit. In pluribus hæc duo patronorum genera conveniunt, dissident in pluribus. Conveniunt ex. gr. in eo, primo, ut si plures sint Patroni, eorumque vota in Reclis nominatione fiat dissimilia; ille, qui a maiore parte legitur ex *Cap. 3. de jurepatr.* præferatur, deinde ut institutus invitatus mutari novi successionē patroni non possit; quum nemini jus quæsitum auferri sine summa iniquitate, & injuriā non possit. Conveniunt & in aliis; quæ neminem in jure Pontificio apprime versatum latent; longe tamen plurā sunt ea in quibus dissidere videntur.

Dissident primo in eo, quod Laicus variare in præsentatione potest, non Ecclesiasticus; levitas namque facilius in Laico, difficilius in Ecclesiastico toleranda videtur. Est quoque discriminē in præsentationis tempore; nam Laico semestris ad præsentandum; quadrimestre Ecclesiastico tantum conceditur. *Cap. un. de jurepatr.* quamquam, ut verum fater, hocce discriminē ex Interpretum potius sententiā, quam

quam ex juris Ecclesiastici auctoritate descenderit ; hacque porro distinctione Scriptores quidam utuntur , ut in concordiam adducant *Cap. 3. & 27. cum capit. 22. ex. de Jurepat.* sic ut duo priora capita de patronis Laicis accipiant , de patronis Ecclesiasticis vero alterum . In eo quoque dissimilis est conditio , quod vacantis Ecclesiæ custodiam habeat Ecclesiasticus , quando scilicet institutionem ex justa causa Episcopus prorogat *Cap. 4. ex. de off. jud. ord.* Laicus non item , nisi ex privilegio *Cap. 13. de elect. in 6.*

Alias adhuc bene multas inter utrumque Patronum differentias narrarem ; sed quum eas ab Interpretibus ullo sine juris testimonio , ulloque sine fundamento deprempæ , proditæque sint , ut suum affectarent ingenium , consulto prætermittendas opinor , eas solum recipiendas ratus quæ aut Juri , rationique consonæ sunt , aut longo usu , prudentumque disputatione firmatæ .

Modi , quibus transferri Juspatronatus potest , quadruplices sunt : per successionem primo simul cum hæreditate ; per donationem secundo ; tertio per permutationem , dummodo pro jure patronatus res alia spiritualis tradatur ; denique per venditionem non quidem

per



per se , ne simonia sit , sed simul cum universitate bonorum .

Quid si patronus Clericum violenter aggrediat , aut lædat ? quid si incidat in hæresim , juraque Ecclesiæ sibi usurpet ? quid si jus patronatus separatim vendat ? erunt isti Jus patronatus amittendi modi , quemadmodum modus est illud amittendi , si ei cesserit , si illud remiserit , si ædificata Ecclesia corruerit .

---

*De Legibus Ecclesiasticis , quibus  
Ecclesiastica Disciplina firmetur ,*

## DISSERTATIO IV.

Quidquid ipsi in hoc terrarum orbe , quod universam hominum turbat societatem , videmus , perspicuus est Protoparentis inobedientiæ primitivæ legi , quæ amorem Dei præcipiebat , effectus . Quemadmodum enim Sanctissima Dei amoris lex est legis alterius , quæ proximum nostrum velut fratrem dili-

gendum præcipit, fundamentum, ita ea violari certe non potuit, quin mortalis homo ad hujusce violationem, sicque ad humanam Societatem turbendam adduceretur. Perbreve argumentum rem claram, perspicuam, certamque efficiet; nimirum sicut primæ, præcipuæque legis amoris Dei obedientia id operari necessario debuit, ut omnes homines ad sempiternorum perduceret possessionem bonorum, quæ unumquemque vere felicem, beatumque faciunt, & ab unoquoque possunt in integrum possideri, ita ejus inobedientia id effecit, ut eorum bonorum possessionem mortales homines amiserint, ut amiserint felicitatem perpetuam, quæ nisi in uno Deo inveniri minime potest, ut propterea tertena, sensibiliaque bona, quæ caduca, quæ fragilia, quæque nec homines vere felices, beatosque faciunt, nec possideri ab omnibus possunt, quæsierint. Tantus autem fragilium, caducorumque bonorum amor, quid aliud in societate humana, nisi perturbationem, charitatisque fraternæ violationem potuit generare? quid aliud potuit generare nisi mala, quibus humanum genus infestaretur, secum pertrahere?

Cæterum præterquamquod Deus (eius tanta

ta Sapientia est, ut vel ex malo bonum deducat ) vel ex hoc pessimo amore proprio , vel ex hoc pessimo amore fragilium , terrenarumque rerum infinita , quæ humanæ societati prodesse , bona derivavit : notatu enim dignissimi sunt ii modi , quibus ad eandem societatem servandam utitur . Quadruplices ii sunt ; primum ad occultam rationem , qua Deus ope potentiae , sapientiaeque suæ universam hominum dirigit societatem , reducos alterum ad lumen rationis , quod scilicet adhuc in homine post Protoparentis nostri peccatum superfuit , refero ; hoc enim lumen rationis illud est , quod æquitatis regulas docet , hoc illud est , quod quid iustum sit , & quid iniustum designat , hoc illud est , quod id , quod iustum , & æquum est sequendum , quod autem iniquum , iniustumque sit , fugiendum esse commonstrat ; quod commonstrat , alteri non id esse faciendum , quod fiat nobis nolumus , faciendumque id , quod ut fiat nobis peroptamus ; quod commonstrat , quod honestum est sequendum ; quod ab honestate abhorret , fugiendum penitus esse . Tertius modus ea potestas est , quam Deus O. M. ad humanam societatem regendam Regibus , Principibus , aliisque personis , aut electione ,

aut nativitate conspicuis concessit . Religio denique , cui jungo auctoritatem , potestatemque , quæ ad eam optimo in statu servandam belle conducit , ultimus modus est , quo humana Societas a perturbatione immunis potest servari ; est tamen inter hunc postremum modum , & alios antecedentes diferimen ; ii enim ubique cogniti , ubique communes sunt ; at iste non nisi certis in nationibus , certisque in regnis receptus , cognitusque est .

Uti vides , Deus O. M. duplicem ad Societatem humani generis firmandam potestatem induxit ; nimirum quum rectissimus humanæ Societatis ordo exposcat , ut & quoad internum , & quoad externum Societas ipsa dirigatur , duas inde necessarias fore potestates . necessarium est , sic nempe , ut una quoad externum Societatem dirigat , dirigat vero altera quoad internum ; quæ eam quoad externum dirigit , temporalis potestas est , quæ vero dirigit quoad internum , spiritualis dicitur . Spiritualis , inquam , quum enim Religio ad homines per veritatis viam traducendos , eosque abducendos a rerum fragilium , terrenarumque amore , quo sic facilius ad Deum parentem indulgentissimum accedant , ad eos inflammandos , cohortandosque ad duarum pri-

mi-

initivarum legum , amoris scilicet Dei , proximi que nostri , obedientiam , ad evellendos ab iis praves animi motus , eosque ad virtutem , justitiamque informandos ; stabiliendamque Ecclesiasticam disciplinam , quæ certe omnia spiritualia sunt , referatur , ea certe potestas , quæ ad id efficiendum , Religionemque promovendam necessaria est , sit quoque spiritualis oportet . Temporalis ergo potestas ad externa vitia , Spiritualis ad interna , ex quibus omnibus humanæ societatis nascitur perturbatio , evellenda , eradicandaque spectat .

Sed hoc ut possit perfacile obtineri , leges ad id necessariæ Civiles scilicet a potestate Civili , Ecclesiasticæ ab Ecclesiastica ferantur , proponanturque necessum est . Sunt istæ ( loquor de Ecclesiasticis , de quibus disputare nostrum nunc tantum propositum est ) non unius naturæ ; sunt enim aliæ ex.gr.immutabiles , sunt aliæ arbitrariæ ; ab harumce observatione universæ Christianæ societatis pendet felicitas : observatio tamen hæcce perdifficilis erit , si pœnis , quibus terribiti Christiani a maleficiis abstineant , non muniantur ; ergo eas pœnis munire Ecclesiasticæ interest societatis , interest hisce legum violatores , transgressoresque punire ; quandoque tamen rerum , personarum , locorumque

adjuncta exposcunt , ut istæ aut omnino remittantur , aut saltem minuantur , ac debilitentur , eo plane modo , quo & aliquando eadem adjuncta expostulant , ut a legibus omnino dispensetur ; hæc omnia videamus , summisque labiis delibemus .

---

*De natura , & spiritu Legum Ecclesiasticarum , deque precipuis , quæ dici de hisce possunt ,*

## CAPUT UNICUM.

**L**Ex in jure Civili definitur *commune præceptum virorum prudentium consultum delictorum quæ sponte , vel ignoranter contrahuntur , coercitio , communis Reipublicæ sponse* . Simili fere modo definiri in jure Ecclesiastico potest , sic ut nil aliud sit quam *commune præceptum virorum Ecclesiasticorum consultum , delictorumque quæ sponte , vel ignoranter contrahuntur , coercitio* . Commune dicitur *præceptum* , ut leges non pro una tantum persona constitui , sed pro pluribus ejusdem conditionis intelligas ; adjunxi viro-

THIB

*rum Ecclesiasticum consultum* : non aliam quā causam , quam quod Ecclesiasticæ leges ab Ecclesiasticis personis , quæ Ecclesiastica pollent potestate , feruntur ; consultum enim non est consilium , aut suasio , sed decretum ; consulerenamque apud veteres non modo suadere , sed etiam judicare , decernereque significat . *Delictorum quæ sponte , vel ignoranter contrahuntur* , *coercitia* , sunt ultima definitionis verba , quibus non tantum ea puniri delicta , quæ sponte , verum etiam quæ ignoranter ( dummodo ignorantia vincibilis proponatur ) contrahuntur , seu involuntarie , ut tamen argui culpa possit , evincitur .

Quemadmodum autem in plures species Civiles leges dividuntur , ita & Ecclesiasticæ dividi multipliciter possunt ; quæcumque tamen de harum divisione formari possit idea , sive nimirum eæ Divinæ , vel humanæ , sive naturales , vel positivæ , sive religionis esse proponantur , eas ad duplicem tantummodo speciem reducere facillime possum ; alias nempe immutabiles , arbitrarias alias dico . Immutabiles illas appello , quæ adeo justæ , naturalesque ubique sunt , ut nemo vel maxime polens auctoritate tanti existimetur , ut eas aut tollere , aut immutare quoquomodo possit .

Tales sunt duæ primitivæ leges, quarum una amorem Dei, quarum altera amorem proximi præcipit; tales sunt eæ, quæ immediate ad eas primitivas leges referuntur; ergo lex unicuique quod suum est tribuendum esse, lex alteri faciendum; quod fiat nobis volumus, non faciendum, quod nolumus fiat nobis; quum ad legem proximi referatur, est immutabilis penitus existimanda. Igitur legum immutabilitatem origo unde deducenda sit, dignosci facillime potest; aut enim primarias duas leges immutabiles amoris Dei scilicet & proximi contemplantur, aut eas, quæ ab hisce duabus legibus veluti ex uberrimo fonte descendunt, quæque sunt non nisi certa earumdem legum extensio. Si primas, suam immediate a Deo ipso originem trahunt; si verò alteras, quum a primitivis legibus proficiantur, immediate ab hisce sua ducunt initia, mediate autem, seu, ut loqui nonnulli amant, secundum quid a Deo: Dixi, leges immutabiles seu naturales adeo iustas esse, ut immutari minime possint; non ita tamen rem velim accipias, ut nulla ex naturalibus, immutabilibusque legibus ita immutabilis existimetur ut nullam inde exceptionem admittat; plures enim immutabiles utique sunt, sed dispen-



spensationem , exceptionemque admittunt ; alia autem ita naturales , immutabilesque existimantur , ut nec dispensationem , nec exceptionem pati quoquomodo possint :

Hocce immutabilium legum discrimen optimum habet tum in Ecclesiasticæ Societatis ordine , tum in duabus primitivis legibus fundamentum ; nimirum si Ecclesiasticæ Societatis ordo , spiritusque primitivarum legum exposcat , ut aliqua ex immutabilibus legibus aut restringatur , aut dispensationi , exceptionique subiaceat , quin ad ejus restrictionem , dispensationem , aut exceptionem deveniatur , quid prohibet ? at si ea immutari , restringique minime potest , quin aut societatis ordo , aut primitivarum legum spiritus violetur , nec dispensationem , nec exceptionem , nec restrictionem patietur ; ea tamen ipsæ , quæ restrictioni , quæ exceptioni , dispensationique subjacent , non certe immutabiles esse desinent , legumve immutabilium nequaquam perdent characterem ; ut ut enim dispensationem , exceptionemque certis in casibus , certisque datis adjunctis admittant , eas tamen sua natura certas , justas , irrevocabiles esse constat ; rem tamen uno aut altero exemplo illustremus : præcipit lex bonam fidem , præcipio

cipit fidelitatem , præcipit sinceritatem , prohibet autem fraudem , prohibet dolum , prohibet injurias , hæc certe nec exceptionem , nec dispensationem recipit ; lex e contra prohibet jurare : ea tamen dispensationem , exceptionemque recipit ; quid enim si de re dubia agatur , inveniri que aliter veritas non possit ? lex certe , ut juramentum deferatur , quo ea tandem lique scat , permittit .

Sed jam quænam leges arbitrariæ dicantur , videamus : hæc eas dico , quæ neque a duabus , quas descripsimus , primitivis legibus , neque ab iis , quæ ex illis veluti ex uberrimo fonte descendunt , pendent : harumce origo duplicem causam habet ; prima est necessitas quarundam definiendarum difficultatum , quæ in naturalibus quibusdam legibus applicandis versatur , tunc scilicet quando difficultates tales sunt , ut aliter iis non possit , nisi arbitrariis legibus latis , occurriri : altera ex pluribus inventis , quæ Ecclesiasticæ , Christianæque societati utilia futura visa sunt , petenda videntur ; inventa namque isthæc , quæ & vocari arbitraria possunt , arbitrariis pariter Ecclesiasticis legibus diriguntur .

Quoniam vero auctoritas , justitiaque legum est , quæ vim iisdem legibus , tam naturalibus ,

bus , quam arbitrariis tribuit , multum nosse refert , quæ nam sit justitia , & auctoritas legum naturalium , quæ nam justitia , & auctoritas legum , quæ arbitrariæ dicuntur . Hoc porro inter utriusque legum speciei justitiam interest discrimen , quod sicut naturales leges , quippe quæ maxime sunt essentielles , pendentque a duabus primitivis legibus , amoris scilicet Dei , dilectionisque proximi nostri , essentialiter justæ sunt , earum justitia eadem semper est , & constans , mutarique minime potest , sed leges arbitrariæ , quum absolutum ordinis societatis fundamentum non constituent , ita ut nulla reperiatur , quæ abolitioni , mutationique non subjaceat , mutari earum justitia pro locorum , temporum , personarumque ratione potest . Universalis autem legum omnium auctoritas in ordine divino , qui homines servandis legibus subjicit , consistit . Sed quemadmodum multum inter naturalium legum justitiam , & justitiam legum quæ arbitrariæ dicuntur , interest discriminis , illud quoque interest inter earundem auctoritatem . Nimirum naturales leges quum eadem justitia sint , naturalem super nos obtinent auctoritatem ; non enim aliam ob causam nobis leges istæ donantur , quam  
ut

ut justiciam , veritatemque noscamus ; eamque sequamur ; at legum , quæ arbitrarie dicuntur potestas in ordine Dei præcipientis , ut sublimioribus potestatibus pareamus , consistit ,

Hocce autem inter auctoritatem ; justiciamque legum naturalium , earumque quæ arbitrarie sunt ; discrimen hunc habet effectum , quod Leges naturales , quippequæ essentialiter justæ sunt , naturaleque rationis objectum constituent , nemo eas ignorare quoquomodo potest , seque hocce colore , quod satis rationis luminis ad eas probe noscendas non habeat , excusare ; quando e contra si de legibus arbitrariis tractetur , ejusmodi eæ sunt , ut ignorare hominibus esse possint ; inde est ut Leges naturales nullam inde publicationem admittant ; quum enim publicatio ignorantiam , inscitiamque involvat , legum autem naturalium , quarum justiciam nobis satis rationis lumen ostendit , nulla esse inscitia , aut ignorantia possit , quid hæc publicatio prodest ? Leges e contra arbitrarie non antea suum effectum , nisi in primis publicentur , sortiuntur ; dubiam tamen quæstione , utrum sufficiat in urbe principe promulgatio , an ubique , singulisque in provinciis facienda sit ; quamquam probabilior ,

llor , certiorque eorum videatur sententia ; qui ubique eam esse faciendam putant ; argumenta namque , quæ ad hanc sententiam confirmandam proferuntur , firmissima sunt ; primum ab absurdis , alterum ex pœnu juris Civilis , tertium denique ex ipsorum Pontificum mento , ac voluntate desumitur .

Ex absurdis ; inquam , in primis solam legem , quæ in urbe principe latæ sunt , scientiam ad inducendam obligationem non sufficere , possumus argumentari ; aut enim hæc scientia publica est ; eamque habent omnes , aut privata , eamque habent nonnulli tantum . Si primum , ea est nihilominus obscura , & confusa , legemque alii alio modo intelligerent . Si secundum , vel multi ex iis , qui hanc scientiam habent ; Legem ipsam fraudarent , pœnamque agentes , se nullam habuisse Legis notitiam , evaderent . Quidquod ? Si sola legis notitia sufficeret , vel in ipsa urbe Matre promulgatio necessaria quandoque non esset ; tunc scilicet , quum promulgandæ legis notitia haberetur : sed hoc absurdum ; non enim , anteaquam lex promulgetur , ad ei parendum quispiam obligatur .

Ex pœnu juris civilis ; quum enim imperatoria Justiniani Lege ita cautum sit , ut  
nemo

nemo teneri novæ debeat constitutione , donec in provinciis auctoritate publica fuerit promulgata , ut ut novæ Legis promulgatio in urbe Matre facta proponatur , ut ut etiam ejus novæ Legis cognitio ob frequentem provincialium in urbem principem com meatum spargi , atque diffundi per provincias possit , quare alio jure , quum de lege Ecclesiastica in urbe principe promulgata tractatur , utemur , præcipue quum apud omnes obtineat , Leges Imperatorum similibus in casibus , ni aliter ab Ecclesia decretum proponatur , esse servandas ? Sed quid ad juris Civilis pœnum provocamus , quum hoc Pontifices ipsi decernant ? profero in primis *Cap. X. de simonia* . Quum enim Sæculo 13. sub initio Moniales quædam adeo simoniaca labe inquinarentur , ut nullam in Sororem sine pretio paupertatis tamen prætextu reciperent , quum hoc Alexander III. novisset , ne imposterum hoc amplius fieret , absolute prohibuit ; quid si fieret ? tam recipientem quam receptam de Monasterio expellendam , inque aliud Monasterium arctius detrudendam perpetuæ pœnitentiæ agendæ causa decrevit ; voluitque , ut hæc Constitutio a Diœcesanis Episcopis in suis provinciis publicaretur , publicatioque  
fin.

singulis annis renovaretur. Profaro *Cap. 1. de  
 Conces. præb. in 6.* Quum enim in versic. *simili-*  
*ter* Innocentius III. constituat, si Sedes Apo-  
 stolica alicui potestatem præbendam aliquam  
 cui velit conferendi concedat, amplius Epi-  
 scopo facultatem de ea disponendi non esse,  
 quin obstat hanc concessam potestatem non-  
 dum ad Episcopi aures pervenisse, quin quida-  
 quam obstat, Legem neminem unquam adstrin-  
 gere, nisi postquam per publicationem ad ejus  
 aures pervenit, ob id quia in privilegiis suf-  
 ficit ut privilegiaria constitutio ( si tamen  
 qua privilegiaria est vetere Constitutio dici po-  
 test ) ad illorum, quibus conceditur, aures  
 perveniat, quis inde, eam esse Innocentii men-  
 tem, ut Constitutio in singulis provinciis pro-  
 mulganda sit, non intelligit? cui enim bene  
 Constitutiones privilegiarias ab aliis Constitu-  
 tionibus distinguere? cui bene discernere, in  
 privilegiariis Constitutionibus sufficere, ut eæ  
 ad notitiam perveniant? an non enim exinde,  
 eum tacite innuere, aliud, si de aliis Consti-  
 tutionibus agatur, esse dicendum apparet?  
*Vide Capitulum 6. de Judais; &* hoc enim in  
 urbe Matre promulgationem non sufficere a-  
 bunde commonstrat.

Sed ut in hisce arbitrariis Ecclesiasticis le-  
 gibus

gibus consistam , quemadmodum Civilium legum virtus est imperare , vetare , permittere , & punire , ita id etiam legum est Ecclesiasticarum ; earum enim est imperare utilia , vetareque contraria , illa præsertim , quæ ut plurimum accidunt , non quæ perraro fiunt ; earum est quidpiam permittere ; quamquam enim vereri quis possit , ne permissio proprio non sit legis opus , tamen ad Legem pertinet , quatenus demit pœnam , dum aliquid , majoris mali vitandi gratia , concedit ; earum est punire , puto ne lex non munita terrore adversus iniquos , petulantesque homines communem , publicamque utilitatem postponentes privatæ , pateat contemptui ; indeque est , ut eas leges , quæ non puniunt , actumque contra leges factum non rescindunt , imperfectas merito appellare possimus .

Legibus hisce Ecclesiasticis unumquemque teneri , certissimum omnibus est ; ab harumce namque observatione publicæ Ecclesiasticæ utilitatis felicitas , unio animorum , pax , ac tranquillitas pendet ; ab hisce tamen posse quandoque fideles dispensari certa quoque res est ; quando ? cum justa suberit dispensationis causa ; hinc possumus ita dispensationem definire , ut sit *relaxatio communis juris facta cum*  
*cogni.*



*cognitione causa ab eo, qui ius dispensandi habet* ; quapropter ea dispensatio quæ sine causa fit, non dispensatio, sed dissipatio, ut S. Bernardi phrasim adoptem, dicetur : *quæritur* ( ait ipse lib. 3. de consideratione ) *inter dispensatores, ut fidelis quis inveniatur, ubi necessitas urgeat, excusabilis dispensatio, ubi utilitas proveat, dispensatio laudabilis est. . . . quum nihil horum est, non plane fidelis dispensatio sed dissipatio dicetur.*

Omnis dispensatio, utpotequæ juri communi contraria est, strictissime est accipienda ; est tamen cavendum, ne eam tam strictè accipiamus, ut penitus inutilis, & illusoria dicatur *Cap. 17. de sentent. Excommunic. in 6.* Sic ex. gr. quando Summus Pontifex dispensat ut ad ordines illegitimus possit admitti, ad minores hoc restringendum, ubi vero in minoribus est constitutus, idque sciverit Pontifex, etiam ad majores protrahendum ; si namque aliter fieret, dispensatio suo penitus effectu careret *Cap. 10. de privileg. in 6.*

A legibus dispensatur vel ad certum tempus, vel in certo casu, iusta urgente causa : ad certum casum quidem, ut ut enim fidelis dispensator omnia quidem ad præscriptam normam agere absolute teneatur, in certo ta-

fræn casu ab eâ potest recedere ; quapropter rectissime Ecclesiæ Patres , Episcopos ita in præscriptis legibus versari oportere censuerunt , ut pro re nata quidpiam remittere in certo casu deberent ; dummodo id iustæ rationes exposcerent ob id , quod non sint arbitrarii legum domini , sed eos fideles esse rei Ecclesiasticæ dispensatores oporteat ; sic olim ex. gr. nonnunquam illegitimæ ordinationes contra Ecclesiæ disciplinam , Canonum quæ decreta factæ boni publici causâ toleratæ fuerunt ; sic delinquentibus pax antè tempus data fuit , ve aliter rigor juris relaxatus ; exemplumque evidentissimum in Flaviani Antiocheni ordinatione , quæ contra Canones facta videbatur , occurrit ; hæce enim Flaviani culpa , ut silentio , ac dissimulatione obliteraretur , quo tandem populus ad concordiam concitaretur , atque rediret , necesse fuit . Vide Thomassinum de veteri & nova Ecclesiæ disciplina P. II. lib. 2. Cap. 24. §. 19.

Sed & ad certum ; uti dixi , tempus dispensationes conceduntur , tunc scilicet , quum legis observatio rei communi potius noceret , quam prodesset ; quapropter rectè Cyrillus Alexandrinus in Epistola ad Gennadium hæce scribit : *Sæpe desllectendum a tenore regularum di-*

*dispensationis causa, & ut evenire solet periclitantius in mari, qui iacturam faciunt aliquarum mercium, ut reliqua servantur, quadam dissimulanda, ubi summum jus locum habere non potest, ne omnino rerum dispendium sequatur. Sive autem ad certum tempus, sive in certo casu dispensetur, dispensari duplici modo potest: primus est, ut quid fieri contra Legem possit; alter est, ut quod contra legem actum est, subsistat; dispensationem tamen, ut quid fieri contra legem Ecclesiasticam possit, utique & primis sæculis contra quorundam sententiam concessam fuisse, non tamen adeo frequenter uti sequiori ætate putō; quod ut intelligamus, duo placet supponere: primum est, primitivas Ecclesias ita pacis, & communionis vinculo fuisse conjunctas, ut, siquid ab aliquo alicujus Ecclesiæ Episcopo agendum foret, de eo ipse alios Episcopos redderet certiores, illudve aliis Ecclesiis communicaret, hi, si aliud fieret, ad motus, ad dissensiones, ad schismata deveniretur; alterum est, hanc unionem Ecclesiæ, hanc rei Ecclesiasticæ peragendæ communionem fuisse solutam, cui rei occasionem dedere schismata quæ universam Ecclesiam ( quod deplorandum est ) dilacerarunt; hæc, inquam, duo placet diligen-*

ter perpendere, inde enim ratio, ob quam facilius frequentiusque factum imposterum fuit, ut dispensatio, quo quidpiam posset contra legem fieri, concederetur, liquet; nam, quum illud arctissimum Ecclesiarum communionis vinculum etiam exposceret, ut si de hac dispensatione concedenda ageretur, exposcendum esset omnium Episcoporum, Ecclesiarumque votum, quam difficile tunc consensus iste obtineretur, conjicere quisque potest; potest etiam intelligere, sequioribus sæculis, quibus hocce vinculum solutum est, perfacile fieri potuisse, ut dispensatio isthæ frequentius sibi locum haberet.

Cæterum ita semper ii qui jus dispensandi habent, agant necessum, ut quoad fieri potest in hisce dispensationibus concedendis a primitiva Ecclesiæ disciplina, quæ purissima erat, non recedant; diligenterque considerent, utrum justa sublit dispensationis causa, utrum id Ecclesiæ utilitas, necessitasque exposcat, ne cæteroquin non dispensatores, sed dissipatores Ecclesiæ, ut S. Bernardus agebat, videantur.

*De modis Ecclesiasticam Disciplinam ,  
si forte collabatur , restituendi .*

## DISSERTATIO V.

**M**Ultum posse legum , quæ suis munian-  
tur pœnis , constitutiones , scio ; istæ  
enim tum ad Christi fideles per beatæ æter-  
nitatis viam traducendos , tum ad servandam  
in Ecclesia unionem , tranquillitatem , & pa-  
cem spectant ; at scio etiam persæpè contin-  
gere , ut istæ nihilominus leges minus obser-  
ventur : contingere , ut parvi , floccique  
fiant ; contingere , ut sensim sensimque aut  
malis moribus , aut contraria consuetudine ,  
quæ sæpissime corruptelæ nomen meretur ,  
enerventur ; hoc ne fiat , efficere officium Ec-  
clesiasticorum virorum est , eorum est effice-  
re , ut leges ubique observentur , eorum est  
curare , ne eæ malis moribus , corruptelisque  
enerventur , eorum est statutis pœnis earum-  
dem legum violatores punire , eorum uno ver-  
bo est nullum non lapidem movere , ut tan-  
dem corrupti Christianorum mores reformen-  
tur : ad hanc reformationem belle Concilio-

Y 3

rum ,

rum, tum Diœcesanorum, tum Nationalium, tum Generalium convocatio conducit, in primis tamen ante eorundem convocationem ad Diœceseon visitationem, quo tandem quales sint in Ecclesia reformandi mores lique scat, deveniendum est; de hisce omnibus, tum de visitatione Diœceseon, tum de Conciliorum particularium convocatione, (nam de Generalibus jam antea dixi) quæ dici possunt, videamus

---

*De visitatione Diœceseon*

CAPUT PRIMUM.

UT a Visitationis definitione exordiar, ea est *visitum, abusumque, qui forte in Ecclesia irreperint, exploratio, quo ii tandem tollantur.* Ad hanc visitationem devenire unusquisque Episcopus necessario tenetur; quum enim ipsis animarum fidelium cura, ac regimen Ecclesiæ concreditum sit, quum ad optimum Ecclesiæ regimen, animarumque curam Diœceseon visitatio conducatur, id verissimum esse sua sponte fluit; neque est, cur contraria consuetudine, si modo consuetudo potiusquam

cor.

corruptela potest appellari, ab hac obligatione quispiam se liberare posse prætendat: nam & dicendum illico posse videretur, quempiam se posse contraria consuetudine ( quod quid absurdius? ) a regimine Ecclesiæ liberare. Hoc autem visitationis onus adeo personale Episcopis est, ut ipsis unis illud incumbat; quum enim Ecclesiæ regimen personale sit, esse quoque personale visitationis onus consequitur, dummodo tamen iusto legitimo impedimento non detineantur; nam si detinentur, tunc visitationem fieri per vicarios posse res ipsa abunde demonstrat. Hanc saltem biennio fieri oportere in *CAN. 14. CAN. 12. qu. 1.* decernitur, egregie; nam si longius præterlabi tempus sineretur, verendum esset, ne mali mores, hominumque vitia ita firmarentur, ut possent non nisi summa difficultate imposterum tolli.

Priscis Ecclesiæ temporibus Episcopi Dioceses visitationis causa obeuntes vix quodpiam a Diocesanis Ecclesiis exigebant; erant enim memores Apostoli Pauli exempli, qui, ne Ecclesiis gravis esset, labore proprio, propriisque sumptibus sibi ipse consulebat; erant memores præcepti Dei, a quo missus ad Samaritanos Propheta prohibitus omnino fuit,

ne ab iis quidpiam acciperet ; quod satis eleganter insinuat Augustinus lib. contra Donatistas post collat. Cap. 20. *Quod ergo (ait) iussus est quidem Propheta nec panem manducare , nec aquam bibere in Samaria , quo missus fueras , ut corripere eos , qui Vacas constituerunt adorandas more Idolorum Ægyptiorum , hoc omnino facere debuit , quod praeceperat Dominus , uti tunc eo modo illos corripere placuit , ut nihil ibi alimentorum sangeret Propheta , quem miserat ; numquid enim in Ecclesia non sit quotidie , quando eos , quos acrius corripimus , etiamsi in eorum possessione sumus , nihil ibi apud eos contingimus , ut sentiant , quantum eorum peccata deleamus ?* Labentibus vero sæculis , quibus tepescente zelo Ecclesiastica disciplina debilitari cœpit , Clerici , Abbatesque ex Concilio Emeritenſi Can. II. & Sueſſionenſi habito sub Pipino anno DCCXIV. Episcopis visitantibus sumptum , & annonam suppeditare iussi sunt ; sed quando hac constitutione , quippequæ sumptuum , annonarumque limites non præfinivit , Episcopi abutebantur , adeo ut Ecclesias , quas visitabant , infinitis , excessivisque sumptibus gravarent , ex Concilio Cabillonensi II. Can. 14. statutum est , ut Episcopi visitantes re & iusta ; & honesta contenti sint . Sed quando ni-

hilo



hilominus hæc constitutio parvi, floccique fiebat, aliis Constitutionibus necesse fuit; proximeque Concilium Tridentinum decrevit, ut nihil procurationis causa pro visitatione, nihil etiam qualicumque modo oblatum, nisi simplex, ac tenue debitum, & victuale acciperent *sess. 24. de reform.* quin immo si eveniat, ut quæ visitantur Diœceseon Ecclesiæ, pæuperes sint, gratis Episcopus eas visitet necessum est; id exposcit justitia, id clamant Concilia, id volunt Pontifices; an ne enim ob id unum, quod Ecclesiæ pæuperes sint, earum spiritalis utilitas, ad quam Diœceseon visitatio conducit, spernenda?

Quæ Ecclesiarum loca, qualesque res visitationi subjiciantur, vide Arnoldum Corvinum in tractatu de personis Ecclesiasticis *lib. 3. tit. 20.* Ibi enim visitationem ad hæc tria extendi, ad personas primum Ecclesiasticas, & quidem omnes tam sæculares scilicet, quam regulares; secundo ad loca; denique ad res, quæ ad Ecclesiam pertinet, intelliges.

*De Conciliis Particularibus*

## CAPUT SECUNDUM.

**S**I Visitationis Diœceseon finis est considerare, quomodo Ecclesia regatur, considerare, utrum Sacri Canones observentur, utrum abusus, & vitia serpent; si finis est perpendere, utrum fideles in veritatis, justitiæque via ambulent, utrum discordiæ, contentionesque pullulent, & utrum pax, unio animorum, tranquillitas, Ecclesiæque unitas servetur; Conciliorum certe finis est abusus, & vitia tollere, eorum est fideles ad Sacrorum Canonum observantiam inducere, eorum est tranquillitati, unitatique Ecclesiæ studere. Sed hæc imposterum multo clarius, evidentiusque intelligemus; quædam enim in primis, quæ ad Conciliorum pertinent convocationem, juxta præmittere;

Ut a Diœcesanis exordiar, hæcce primis Ecclesiæ temporibus frequentissima fuisse historiæ Ecclesiasticæ fides aperte demonstrat. Quum enim tunc temporis Ecclesiæ pastores, de spirituali fidelium utilitate quam maxi-

me essent solliciti, quum nihil, quod posset ad divinum cultum promovendum conducere, prætermitterent, quum in vitiis, malisque moribus extirpandis studiosissimi essent, quum in tractandis negotiis Ecclesiasticis, tollendisque eorum difficultatibus omnem operam, omneque studium conferrent, ubi quid horum agendum occurreret, arduumque definiendum negotium emergeret, illico ad Diœcesanorum Conciliorum convocationem, veluti efficacissimum id peragendi remedium, deveniebant; labentibus autem sæculis, quibus primitivus in Ecclesiæ rebus agendis fervor cæpit imminui, minus frequentes factæ Diœcesanorum convocationes fuerunt, adeo ut opus inde constitutione fuerit, qua, ut cæ bis in anno fierent, decerneretur. Sed quid operari hæc constitutio potuit? Parvus enim, qui de die in diem imminuebatur, fervor rem adhuc nimiam esse demonstrabat; quapropter adducta eo res est, ut ab Ecclesia horumcæ convocationes semel saltem in anno præciperentur; aperta enim est Constitutio Lateranensis Concilii, cujus fragmentum extat in *Cap. 25. de accusat.* apertum est decretum Synodi Basileensis *sess. 15.* aperta sunt verba Synodi Colonienſis celebratæ

anno

annò 1549. Clara denique prostat Tridentini Concilii constitutio in *sess. 14. Cap. 2. de re-  
form.*

Describere, qui nam hisce Diœcesanis Con-  
ciliis debeant interesse, superfluum penitus est;  
sat enim rem hanc Synodus Tridentina descri-  
bit; est quoque superfluum commemorare,  
quæ nam Ecclesiastica negotia in hisce sint  
peragenda, sat enim ex superius dictis lique-  
scit; commemorare, in hisce Synodis Exami-  
natores, Judices, testesque Synodales consti-  
tui, describereque, qui nam isti dicantur,  
qualeque officium eorum sit, quum res plana  
sit, omnibusque comperta, est quoque prorsus  
inutile.

Hisce olim Synodis; nulla adscita inter re-  
gulares, sæcularesque Clericos distinctione,  
omnes parere tenebantur; quum enim tam  
Sæculares, quam Regulares Clerici sint Gre-  
gis Episcoporum portio, prætereundum autem  
ii ab universo Grege obedientiam possint,  
quare id verum esse negabimus, præcipue  
quum id universæ Ecclesiasticæ primitivæ  
historiæ commonstrent? Posterioribus tamen  
sæculis, quum Regulares ab Episcoporum  
jurisdictione exemptionem a Romanis Ponti-  
ficibus cœperint prætereundum, ac obtinuerint,  
illi-

illico quaestiones regulares inter, & Episcopos circa obedientiam, quam Synodis provincialibus praestarent, emanarunt, temporisque progressu, quum & Canonorum Capitula hanc exemptionem obtinuerint, & haecce inter Canonicos, & Episcopos nata fuisse dissidia historiae Ecclesiasticae fides testatur. Quidquid tamen sit, si de Canonorum, Monachorum, aliorumque Clericorum exemptione non constet, eos Synodis Diocesanis parere teneri certum est; agitur enim de tuenda Episcoporum jurisdictione, quam quidam gravissimis argumentis ex jure divino fluere arbitrantur; agitur de eorum jure proprio & ordinario defendendo, cui quidpiam, nisi certis, iustisque de causis detrahere iniquum est. Sed est quoque certum, eos Synodorum Episcopaliū legibus in iis, quae rem non exemptam concernunt, obedire teneri; res enim, uti perdura, ita & iniqua foret, si Episcopis obedientiam non solum in re exempta, verum etiam in non exempta negarent. Adde (quod simplicissimum est) iis earundem Synodorum legibus, quae vitiorum, abusuum, morumque reformationem concernunt, eos obedire oportere, idque est secundum Synodi Tridentinae decretum; ferendum ne enim esset,

esset, ut uni Monachi in his moribus, qui visi digni reformatione fuerunt, persistant? ferendum ne esset, ut eos teneant abusus quo, Synodus sustulit Diocesana?

Nunc ut ad ea, quæ de Provincialibus Synodis dici possunt, descendam, earum convocatio ad Archiepiscopum spectat; quemadmodum enim ad Summum Pontificem, cui totius Ecclesiæ cura demandata est, Conciliorum generalium, in quibus ea tractantur negotia, quæ universam Ecclesiam respiciunt, pertinet convocatio, quemadmodum ad Episcopum, cui Diocesis cura commissa est, spectat convocatio Diocesanorum Conciliorum, in quibus suæ specialis Diocesis negotia Ecclesiastica peraguntur; quemadmodum ad Patriarcham, cui commissa est spiritualis totius Nationis cura, Nationalia pertinet convocare Concilia, ita ad Archiepiscopum, cui commissa est cura totius provinciae, pertinet convocatio Synodorum provincialium, in quibus Ecclesiastica negotia, quæ totam provinciam respiciunt, definiuntur. Archiepiscopo tamen impedito ex Synodi Tridentinæ decreto *sess. 24. cap. 2. de reform. provincialem Synodum senior Episcopus convocare tenetur*; egregie: neque enim ob unum, quo

Ar-

Archiepiscopus detineatur, impedimentum, ea, quæ ad morum reformationem, quæ ad tollendos abusus, quæ ad vitia extirpanda, quæque ad communem pertinent Ecclesiæ utilitatem, prætermittenda videntur.

Harumcæ ergo Synodorum finis est reformatio morum: huc pertinet provinciale Concilium Andegavense; quid enim circa vitam, & honestatem Clericorum non egit? Quid circa Clericos non residentes? quid circa ludos illicitos? huc Concilium Chartaginense III. non ne enim illud ab Episcopis removet superbiæ typum? non ne removet avaritiæ, ambitionisque labem, prohibens Episcoporum translationem, quæ ex alterutra radice oriebatur? nonne decernit, ne Clerici nec foris exerceant *Can. 38.* nec cum extraneis commorentur *fœminis Can. 7.* non ne tabernas Clericis, nisi necessitate itineris compulsi, prohibet? Finis est eliminatio Schismatum; huc spectat Concilium Detrusanum, quod celebratum fuit anno 1429. 14. Petro Cardinali Fuxensi Legato Apostolicæ Sedis, convocatis Tarraconensis provinciæ Episcopis, favente Alphonso Arragonorum Rege; non ne enim extinctæ fuerunt infausti schismatis reliquiæ per abdicationem Antipapæ Ægidii successoris Petri

tri De Luna? huc Concilium Carthaginense primum celebratum annuente, ac Præfide Grato illius Ecclesiæ Episcopo, & Affricæ Primatē an non fuit illud celebratum, ut Ecclesiastica disciplina, quæ diro Donatistarum schismate labefactata fuit, restauraretur, & firmaretur? finis est concertationes depellere; huc Concilium pertinet Taurinense ad componendas Gallicanorum quorundam Episcoporum variis de negotiis controversiis anno 397. convocatum; nonne enim composita fuit inter Arelatensem, & Viennensem Episcopum circa Primatum enata contentio eo pacto, ut aut qui suam Civitatem probasset Metropolim, is Primas esset, revocatis scilicet disciplinæ illius ævi principiis, juxta quæ civilis Metropolis ad se Metropolim Ecclesiasticam pertrahebat, aut ut bono pacis provinciam, si vellent, inter se se dividerent, & proximas sibi uterque Civitates Metropolitico jure vindicaret?

Finis est extirpatio hæreseon; huc spectat Bituricense Concilium, huc Concilium Provinciale Narbonense, huc tot alia Concilia, quæ sunt propemodum infinita; finis uno verbo est Ecclesiæ unio, Ecclesiæ utilitas, Sanctificatio fidelium, pro qua nullus non lapis a Ministris Ecclesiæ movendus.

Hæc



Hæc omnia quum satis primitivi Archiepiscopi nossent , iis scilicet primis Ecclesiæ temporibus , quibus in redivina fervor maximus erat , inde est , ut in provincialibus Conciliis convocandis diligentes assidueque forent ; nimis enim eorum intererat , ne Ecclesiasticæ disciplinæ nervus laberetur ; nimis intererat , ne vitia , ne abusus , ne mali mores emergerent ; nimis intererat , ne fidelis , Christianæque populus ad sensibilia , ad inania , ad caduca proclivis , virtutis semitas derelinqueret .

Sed quando repescere cæpit ( quod sanandum ) fervor , parvique fieri Ecclesiasticæ disciplinæ spiritus , raræ cæperunt esse Synodorum Provincialium convocationes , adeo ut necessum inde fuerit , ut eas saltem in anno fierent , stabilire ; quia immo imposterum fuit opus cavere , ut saltem ad triennium convocarentur . Considerarunt nimirum Conciliorum Patres , necessum utique ex una parte fuisse , ut eas convocationes frequentius fierent , ne abusus , ne vitia , ne mali mores altissimas agerent radices ; at ex altera parte , quum cernerent , quam difficile præ jam diu inveterata negligentia eas ad brevius tempus redigere foret , rem totam intra triennii limites circoscindam duxerunt .

Synodis hinc provincialibus interesse totius Provinciæ debent Episcopi, omnesque vocandi; quid si quis commonitus non interueniat? ex Concilio Tarraconensi; cuius fragmentum extat in *Can. 14. distin. 18.* usque ad futurum Concilium Episcoporum charitatis communione privatur. Quid si de quibusdam agatur Episcopis, qui nulli Episcopo subiciantur? Synodus Tridentina in *Seff. 24. cap. 1. de reform.* eos aliquem vicinum Metropolitanum, in cuius provinciali Synodo interfint, obseruentque ea, quæ ibi decernuntur, eligere oportere, definit. Qui vero alii præter Episcopos debeant intervenire, satis Synodus Tridentina decernit: sufficitque propterea notare, multum & hic variam pro varietate locorum consuetudinem posse.

Quæ nam sint in Concilio provinciali tractanda, Concilium Nicænum definit in *Can. 5.* definit Concilium Antiochenum in *Can. 20.* tractandæ nimirum sunt Clericorum causæ, laicorumque, qui ab Episcopis suis sunt excommunicati adversus eosdem Episcopos accusationes; tractandæ sunt controversiæ, ac dubitationes, quæ ad Cæremonias Sacrorum, resque Ecclesiasticas spectant; tractandæ sunt difficultates, quæ mores, quæ Ecclesiasticam disciplinam concernunt.

Pri-

Primis Ecclesiæ sæculis nullam inde a Pontifice provincialium Conciliorum visam fuisse necessariam confirmationem Ecclesiastica testatur historia ; at posterioribus temporibus disciplina cæpit alia vigere ; hujusce rei fundamentum collocant nonnulli in *Can. 5. 6. 7. 8. 9. Can. 3. quest. 6.* O res vere egregiæ , verique præclara apocryphis , quæ ex Isidori quisquiliis habent originem , monumentis uti verum hujusce confirmationis fundamentum Regularium exemptionibus repetendum existimo ; quum enim ii suarum exemptionum prætextu provincialium Synodorum decretis obtemperare etiam in re non exempta tenerent , quæ alia quæso via poterat tentari , quam provincialia Concilia confirmationis petendæ causa ad Sedem Apostolicam mittere ? perfacile enim Regularès , ubi eas a Summo Pontifice confirmatas viderent , iis obtemperabant.

Possẽm nunc de Nationalibus Conciliis disputare , sed quum permulta cum Conciliis Provincialibus habeant communia , ne rem eandem iterum repetere videar , eo vel maxime quod res est facillima ; ea silentio prætereunda ducò.

*De Jurisdictione Ecclesiastica  
in genere*

DISSERTATIO ULTIMA.

**C**OMMUNIS est Philosophorum omnium , eorumque , qui recte judicant , opinio , nullum stare posse Societatem , ni sit , qui eam dirigat , ni sit , qui rei totius habeat habenas , ni sit , qui leges , quas ii , qui Societatem componunt , servant , promulget , ni sit , qui legum violatores , transgressoresque stabilitis pœnis afficiat . Ecclesia porro societas est , ergo sit , qui hanc dirigat , necessum est ; necessum est , ut sit , qui Leges , Canonesque stabiliat , quibus unusquisque fidelis pareat ; necessum est , ut transgressores , violatoresque legum puniantur ; necessum , ut abusus tollantur , moresque corrupti reformentur ; necessum denique est , ut ii omnes modi , qui ad optimum Ecclesiæ regimen conducunt , tententur . Sed qui fieri quæso potest , ut hæc omnia fiant , ni in Ecclesia jurisdictionem adesse concedamus ? leges enim ferre , ac promulgare species est jurisdictionis ;

nis ; species est jurisdictionis earum violatores , transgressoresque punire ; species & jurisdictionis abusus tollere , vitia extirpare , malosque mores expungere ; species est jurisdictionis eos omnes tentare modos qui ad optimum Ecclesiæ regimen conducunt : quapropter ii , qui in Ecclesiâ jurisdictionem adesse perfricta fronte negant , merito damnandos esse opinor . Jam quid nam sit isthæc jurisdictio ; quotuplex sit , & circa quæ versetur , diligenter consideremus .

---

*Quid sit Jurisdictio Ecclesiastica ,  
quotuplex , & circa quæ versetur .*

## CAPUT UNICUM.

SI post mortem nostram nullius alterius beatioris vitæ sperandæ nobis campus , aditusque pateret , si mors existentiae nostræ finis esset , si cum corpore periret animus noster , quæcumque alia Societas præter Societatem civilem inutilis penitus foret ; sed altera nos patria manet , quam nosse , mereri-

que debemus. Patria hæc tota spiritualis est; patria hæc ea est, quæ summum hominis bonum constituit; patria hæc ea est, quæ nos vere felices, beatosque faciet; hancque nisi fide nosse, minime possumus; unaque persuasio, Divinaque gratia unicum est vehiculum, quod nos potest versus viam quæ ad eam trahit, ferre; agnoscenda ergo præter Societatem civilem Societas alia videtur, Ecclesiasticam dico à Christo Servatore nostro stabilitam, in qua mortales homines constituti iustitiam amantes, sequentes veritatem, tenentesque fidem, quæ omnia Ministri edoceant necessum est, se ad æternam vitam, Patriamque beatam assequendam parent; finis ergo Societatis Ecclesiasticæ, modi quos adhibeat necessum est, ut de eum finem perveniat, potestas, præcepta; aliaque hujusce generis longe dissimilia ab iis certissime sunt, quæ Societatem Civilem respiciunt: finis enim Societatis Ecclesiasticæ est Christianorum fidelium ad æternam beatitudinem transductio; finis Societatis civilis ad temporale commune populi bonum, quod unice ex status tranquillitate pendet, refertur. Modi autem ad Societatis Ecclesiasticæ finem perveniendi sunt  
opera,

opera, quæ meritoria appellamus, sunt præces, sunt virtutum, pietatisque exercitium, quorum agendorum ratio amorem Dei sibi habet propositum. Quid utriusque Societatis jurisdictionis? Civilis porro Societatis jurisdictionis super corpora extenditur, proindeque temporalis est; Jurisdictio autem Societatis Ecclesiasticæ extenditur super animas; proindeque eam spiritualem dicemus. Ad hoc possumus commonstrandum unum posset sufficere argumentum; hoc ejusmodi est: unaquæque jurisdictionis finis, propter quem data est, respondeat necessum; ita ut, si finis corporeus sit, & temporalis, corporea quoque, & temporalis sit jurisdictionis; si vero finis sit spiritualis, & jurisdictionis sit quoque spiritualis; atqui, uti diximus, Societatis Ecclesiasticæ a Christo constituta finis est spiritualis, ergo & spiritualis erit hujus Societatis potestas; hoc, inquam, unum argumentum posset sufficere, sed ut res appareat, claviorque fiat, longius exspatiemur; videmusque quomodo revera quam super Ecclesiæ dedit Christus auctoritatem, spiritualis sit, quomodo non nisi spirituali auctoritate & Christus ipse sit usus. Finge nimirum potestatem prædicandi Evangelium, baptizandique Nationes, quæ apud

Matthæum Cap. 18. v. 18. cernitur : *data est tibi omnis potestas in Cælo , & in terra ; vntes ergo docete omnes gentes , baptizantes eas in nomine Patris , & Filii , & Spiritus sancti ; hanc potestatem non nisi spirituale hominum bonum , spiritualeque utilitatem concernere evidentissimum est ; finge potestatem , quam Christus Apostolis dedit ligandi , absolvendi que a peccatis , uti ex Joanne XX. colligitur : accipite Spiritum Sanctum , quorum remiseritis peccata , remittantur eis , quorum retinueritis retenta sunt ; hanc plane potestatem spiritualesse negare stultissimum est : Finge potestatem administrandi Sacramenta , potestatem consuevendi Eucharistiam , qua fronte hæc omnia spiritualia fore negabis ? Finge potestatem peccatores puniendi pœna , quæ describitur apud Joannem X. si Ecclesiam non audierit , sit tibi Ethiope , & Publicanus ; negare hanc potestatem spiritualesse , est penitus impossibile . Quid potestas condendi leges pro optimo Ecclesiæ regimine , pro unionē , pro conservatione , pro pace Ecclesiæ ? hæc certe potestas spiritualis penitus est ; agitur enim de legibus , quarum propositum , quarumque finis est Societatis Ecclesiasticæ bonum , quod spirituale esse nemo nescit ; quid alia*



aliæ jurisdictionis partes ? eæ porro , quæ omnes ad memoratas belle referantur , spirituales esse dicentur .

Sed jam quid sit Jurisdictio videamus . Ita hæc definitur , ut sit *potestas* , quæ a Christo supernaturaliter , & specialiter collata est suis Apostolis , & Discipulis , ac eorum successoribus legitimis usque in finem sæculi ad adificationem Ecclesiæ militantis secundum leges Evangelicas pro consequutione felicitatis æternæ . Dicitur *potestas* : en genus ; jungitur , a Christo supernaturaliter collata ; en causâ efficiens ; quæ sequuntur verba , *suis Apostolis & Discipulis* , ac eorum successoribus legitimis usque in finem sæculi ad adificationem Ecclesiæ militantis ; subjektivam denotant causam : quid quæ sequuntur verba , *secundum Evangelicas leges* ? dant ista potestati Ecclesiasticæ formam ; & en finalis potestatis Ecclesiasticæ causa ; additur denique , *pro consequutione felicitatis æternæ* ; hic habes finem , ad quem Jurisdictio Ecclesiastica est comparata .

Potestatis Ecclesiasticæ prima & præcipua omnium distinctio hæc est , ut alia sit ordinis , alia sit jurisdictionis : quæ ordinis est , modo respicit consecrationem corporis Christi ; modo ejusdem corporis ministrationem tantum , ministrationem etiam Sacramento-

rum

rum Ordinis, & Confirmationis, consecrationem insuper Virginum, Abbatum; & Ecclesiarum. Quoties respicit consecrationem, ea æqualis omnibus & Episcopis, & Sacerdotibus est; quoties alia, quæ memoravi, respicit, aliud est. Potestas Jurisdictionis duplex habetur; una fori interni, externi altera est; ut in hac, quæ fori externi est, consistam, eam ad certa capita, quæ regulam sapiunt simplicissimam, redigo: potestatem nimirum civilem cum potestate Ecclesiastica comparo, & ubi ad quæ capita potestas, seu jurisdictio civilis redigenda sit, commonstravero; ad quæ capita Ecclesiastica externi fori sit reducenda, liquido fluat.

Consideranti ergo mihi ad quæ nam potissimum capita civilis potestas referatur, en quid nonnulli sentiunt. Thucydides eam tribus rebus describit, legibus, judiciis, Magistratibus *αὐτοπομπῇ αὐτοδίκων, αὐτοκρατῆς*. Dionysius Halicarnensis tria maxime notat, jus Magistratum creandorum; jus legum condendarum, & tollendarum, & jus decernendi de bello, & pace; Id habet *in lib. 4. & lib. 2.* addidit quartum, nimirum judicia & in *lib. 6. & 2.* rursus curationem Sacrorum, convocationemque Comitiorum adjecit.

Aristoteles Civilis hujus jurisdictionis tres facit partes; prima architectalis ab eo appellatur ἀρχιτεκτονική, altera Civilis πολιτική, & consultatrix Εὐουλευτική, tertia tandem judicialis δικαστική; optima sane partitio, quum nihil, quod redundet, sapiat, nihil sapiat quod desit. Re enim vera, qui civilem jurisdictionem exercet, Civitatemque regit, aut per se regit, aut per alium; si per se, aut universalia respicit, aut particularia, seu singularia; respicit universalia, si leges condatur, easque iusta de causa tollat, si rebus incumbat profanis, quatenus earum cura ad Civitatem pertineat, si convocet comitia, & ecce illud Aristotelis ἀρχιτεκτονική. Singularia autem aut directe publica sunt, aut privata quidem, sed publica, quatenus ordinantur ad publicum; statim atque in ea quæ directe publica sunt, intendit, uti sunt actiones pacis, belli, fœderum faciendorum, vestigalia, & si quæ sunt similia, ecce illud Aristotelis πολιτική, & Εὐουλευτική; ubi vero agitur, quæ privata sunt, uti sunt controversiæ, dissidia, ac lites, quas publica auctoritate dirimi quietis publicæ interest, ecce illud Aristotelis δικαστική. Quid si per alium regat Civitatem, potestatemque exerceat, quo pertinet

tinet constitutio Magistratuum ? Heic quodque habes illud Aristotelis *δικαστήν* ; ii quippe etiam hunc ob finem , ut certas controversias inter singulos enatas dirimant , eliguntur .

Ad eadem porro capita reducere Ecclesiasticam externi fori possum jurisdictionem . In primis itaque huc eam refero , ut Dei Minister leges Ecclesiæ utiles condant , easque , si commodum Ecclesiæ impendant , & præsens usus , necessitasque aliud requirat , abroget ; ut habeat Concilia , quæ Sacra appellem Comititia , in quibus Ecclesiasticæ leges constituuntur , ut Christianorum corrigat excessus , suppleatque defectus . Si suo defuerit officio , potestatem hanc architectalem appello ; en illud Aristotelis *ἀρχιτέκτονιν* . Huc deinde eam refero , ut Minister Ecclesiasticus animos ad dissentiendum paratos , ad schismata , hæresesque proclives componat , reuniatque fideles ; hocque dum agit intendit in id , quod vere publicum est , ea ferme ratione , qua qui civilem jurisdictionem exercet , si se totum ad ea , quæ ad bella pertinent , referat , si se referat ad pacis fœdera facienda , aliaque generis ejusdem , agit ea , quæ vere publica sunt ; & quemadmodum dum hocce iste agit , civilem , & consultatricem jurisdictionem  
exer-

exercere dicendus est, ita & ille consultatri-  
eem exercet, & loco civilis Ecclesiasticam :  
& en illud Aristotelis Βουλευτική, & πολιτική,  
cujus tamen loco scribo ἐκκλησιαστική. Huc  
tertio eam revoco, ut certas, quæ quotidie  
emergunt controversias, ac lites possit diri-  
mere, uti potest, qui civilem jurisdictionem  
exercet : en jurisdictio, potestasve judicialis  
ab Aristotele δικάστική; & quando quis civi-  
lem potestatem, exercet jusquandoque habet  
eligendi Magistratus, qui suas gerant vices,  
adpo ut, dum hoc agit, potestatem etiam  
exerceat, quæ judicialis est δικάστική; ita &  
ille, qui potestate pollet Ecclesiastica, quan-  
doque jus eligendi Ministros, qui certis in ne-  
gotiis suas gerant vices, quid ni habebit ?  
idque dum aget, jurisdictionem, quæ judicia-  
lis est δικάστική, exercēbit. Sed hæc de Eccle-  
siastica potestate satis.

Sciant nunc homines Christiani, huic Ec-  
clesiasticæ jurisdictioni resistere nefas esse,  
huicque parere se absolute teneri, quemad-  
modum parere tenentur laicæ; sunt enim uti-  
que membra Reipublicæ civilis, sed sunt et-  
iam membra Reipublicæ Ecclesiasticæ; ideo-  
que tanquam membra Reipublicæ civilis ci-  
vili parent potestati necessum est, tanquam  
mem-

membra Reipublicæ Ecclesiasticæ, Ecclesiasticæ  
 cæ pareant auctoritati oportet : Ecclesiastici  
 autem viri , sicuti rem optimam agent , si  
 hanc potestatem uti par est exerceant , rem  
 agerent iniquissimam , si ea abuterentur :  
 Quemadmodum enim apud Deum gravissimi  
 conscii criminis essent homines Christiani , si  
 jurisdictioni Ecclesiasticæ , quæ recte exercea-  
 tur ; resisterent , dignique ea essent senten-  
 tia : *si Ecclesiam non audieris sis tibi tamquam*  
*Ethnicus, & Publicanus*, ita & gravissimi et-  
 iam forent delicti conscii viri Ecclesiastici ;  
 si ea abuterentur , minimeque eam ; uti opor-  
 tet , exercerent .

F I N I S

VAI 1532126











180. B. 56



